

საქართველოს სსრ მეცნიერებათა აკადემია
ივ. ჯავახიშვილის სახ. ისტორიის, არქეოლოგიისა და
ეთნოგრაფიის ინსტიტუტი

ვადერიან იტონიშვიდი

ცენტრალური კავკასიის მთიელების საოჯახო ყოფა

I

ნახეზისა და ოსების საოჯახო ყოფა



ეს ნაშრომი წარმოადგენს ცენტრალური კავკასიის მთიელების საოჯახო ყოფის შესწავლისადმი მიძღვნილი მონოგრაფიის პირველ ნაკვეთს, რომელიც შედგება შესავალისა და სამი ნაწილისაგან. პირველ ნაწილში განხილულია ნახების (ინგუშებისა და ჩაჩნების) საოჯახო ყოფა, მეორე ნაწილში იგივე საკითხი გაშუქებულია ნახური მოდგმის ქისტების (პანკისის ხეობა) მაგალითზე, ხოლო მესამე ნაწილი დაეთმო ოსების საოჯახო ყოფის შესწავლას.

ნაშრომი გვაცნობს როგორც გადმონაშთური ფორმით შემორჩენილ საოჯახო თემს ანუ დიდ ოჯახს, ისე მისი რღვევის პროცესსა და შედეგებს. ნაშრომის მიზანია გამოავლინოს კავკასიელი მთიელების საოჯახო ყოფის ძირითადი ნიშნები ქართველ მთიელებთან ურთიერთობის კრილში.

მონოგრაფიის მეორე ნაკვეთი მიეძღვნება ქართველი მთიელების საოჯახო ყოფის შესწავლას.

შენსავალი

ოჯახის წარმოშობისა და მისი განვითარების ისტორიის მეცნიერულ კვლევას, ისევე როგორც სხვა სოციალური ინსტიტუტების სერიოზულ შესწავლას, საფუძველი ჩაეყარა XIX საუკუნის მეორე ნახევარში, როდესაც, კაპიტალისტური ურთიერთობის განვითარებისა და კოლონიალიზმის გაფართოების პირობებში, გაიზარდა ბურჟუაზიული ქვეყნების მორჩილებაში მყოფი ხალხების ყოფა-ცხოვრებაზე დაკვირვების შესაძლებლობა. განვითარების დაბალ საფეხურზე მყოფი ხალხების ინტენსიური შესწავლის შედეგად დაგროვილი დიდი და მრავალრიცხოვანი მასალის სისტემატური დამუშავებით მყარი ნიადაგი შემზადდა ეთნოგრაფიის სამეცნიერო დისციპლინად ფორმირებისათვის. ეთნოგრაფიის ესოდენ დიდი აღმავლობა უშუალოდ იყო დაკავშირებული უმთავრესად ისეთა სოციალური ინსტიტუტების კვლევასთან, როგორიცაა ქორწინება, ნათესაობის სისტემა, გვარის სტრუქტურა, ჩვეულებითი სამართალი და სხვა. აღნიშნული პრობლემათიკის სფეროში უმნიშვნელოვანესი ადგილი უჭირავს საოჯახო ყოფას. რომლის საფუძველიან შესწავლაზე ბევრად იყო დამოკიდებული საზოგადოებრივი ურთიერთობის განვითარების კანონზომიერების დადგენა.

ოჯახის ფორმების გენეზისის სათანადო მეცნიერული სისტემატური გაშუქებას განსაკუთრებით დიდი მნიშვნელობა ენიჭებოდა ე. წ. „პატრიარქალური თეორიის“ აღმოსაფხვრელად, „თეორიისა“, რომელიც, ფ. ენგელსის სამართლიანი განმარტებით, XIX საუკუნის სამოციანი წლების დასაწყისამდე უდავო კენჭმარტების უფლებით ბატონობდა¹ და რომელიც დღეს ბურჟუაზიული იდეოლოგიის ინტერესებს ემსახურება. ამ ყალბი შეხედულების უსაფუძველობის დამტკიცება, რომლის თანახმად, კაცობრიობა თავისი არსებობის მანძილზე თითქოს მხოლოდ მონოგამიურ ოჯახსა და პატრიარქალურ წყობი-

¹ ფ. ენგელსი, ოჯახის, გვარის საკუთრებისა და სახელმწიფოს წარმოშობა, თბილისი, 1953, გვ. 8.

ლებას იცნობდა, შესაძლებელი გახდა ჯერ კიდევ XIX საუკუნის მეორე ნახევარში მოპოვებული ეთნოგრაფიული მასალების მეცნიერული ანალიზის მეოხებით.

საუკრადლებოა აღინიშნოს, რომ საზოგადოებრივი ურთიერთობის განვითარების შესახებ არსებული რეაქციული ბურჟუაზიული თვალსაზრისის მხილებლაში სათანადო როლი შეასრულა კავკასიის ეთნოგრაფიულმა მასალამ. მხედველობაში გვაქვს კავკასიელ ხალხებში XIX საუკუნემდე გადმონაშთური ფორმით შემონახული საოჯახო თემის მ. კოვალევისეული აღწერილობა, რაც ფ. ენგელსმა შემოქმედებითად გამოიყენა იმის დასამტკიცებლად, რომ ინდივიდუალურ ოჯახზე ადრე არსებობდა „პატრიარქალური სახლისეული თემი“, რომელიც თავისი ძირითადი ნიშნებით (მრავალი თაობისა და საქორწინო წყვილის ერთად ცხოვრება, კოლექტიური მეურნეობა და მოხმარება, მმართველობის შესაბამისი სისტემა), მაგრამ „შეცვლილი ფორმით“ XIX საუკუნის მეორე ნახევარში, როდესაც ფ. ენგელსი თავის ნაშრომს ქმნიდა, კიდევ ინარჩუნებდა არსებობას².

სათანადო ლიტერატურის ანალიზის საფუძველზე ფ. ენგელსის მიერ იმის აღიარებამ, რომ XIX საუკუნის მეორე ნახევარში, ე. ი. საზოგადოებრივი ურთიერთობის განვითარების კაპიტალისტურ სტადიაზე, „სამხრეთ-სლავური ზადრუგა“, როგორც „ოჯახური თემის საუკეთესო ნიმუში... ჯერ კიდევ არსებობს“³, რომ „ასეთი დიდი ოჯახური თემები რუსეთშიც განაგრძობენ არსებობას“⁴, რომ „საფრანგეთში ასეთმა თემებმა ნივერნში საფრანგეთის რევოლუციამდე გაძლეს parconneries სახელწოდებით, ხოლო ფრანშ-კონტეში ისინი დღესაც ჯერ კიდევ არ გამქრალან მთლად“⁵, მეთოდოლოგიური საფუძველი მოუშადა საბჭოთა ეთნოგრაფიაში შემუშავებულსა და მტკიცედ დამკვიდრებულ თვალსაზრისს იმის შესახებ, რომ XIX საუკუნემდე შემონახული დიდი ოჯახი წარმოადგენდა საოჯახო თემის ადრინდელი ფორმის გადმონაშთს.

ოჯახის ფორმათა კვლევის თანამედროვე ეტაპზე ასევე ცხოველმყოფელი მნიშვნელობის მქონეა ფ. ენგელსის შეხედულება დიდი ოჯახის გავრცელებას არეალის შესახებ. XIX საუკუნის გამოკვლევებიდან მის მიერ მრავალი ფაქტის დამოწმებით იმის დადასტურება, რომ ამ ტიპის ოჯახი არსებობდა არა მარტო განვითარების დაბალ .საფეხურ-

² ფ. ენგელსი, დასახ. ნაშრომი, გვ. 77—80.

³ იქვე, გვ. 77.

⁴ იქვე, გვ. 78.

⁵ იქვე, გვ. 79.

ზე მყოფი ხალხების ყოფაში, არამედ ის ევროპის კაპიტალისტურ ქვეყნებშიც კი XIX საუკუნემდე იყო შემონახული, იმის სასარგებლოდ ლაპარაკობს, რომ საოჯახო თემი წარმოადგენდა ყველა იმ ხალხისათვის დამახასიათებელ უნივერსალურ ისტორიულ მოვლენას, რომელთაც განვლეს საზოგადოებრივი ურთიერთობის შესაბამისი სტადია.

მაგრამ მიუხედავად იმისა, რომ XIX საუკუნეში საოჯახო ურთიერთობის შესწავლის მიზნით არც თუ ისე ცოტა იწერებოდა, საკითხის კვლევის დონე საგრძნობლად ჩამორჩებოდა პრობლემის მნიშვნელობას. მ. კოსვენის მართებული განმარტებით, დასავლეთ ევროპის ბურჟუაზიული ისტორიოგრაფიის განსაკუთრებით დიდი ნაკლი იყო საოჯახო თემის სოციალური ბუნების არასწორი გაგება და მცდარი შეხედულება მისი წარმოშობის შესახებ. XIX საუკუნის ზოგიერთი მკვლევარი დიდი ოჯახის გადმონაშთურ ფორმაში თუ საოჯახო თემის თავდაპირველ სასტესე ზედა და მას სტატისკურ ერთეულად სახედა, მკვლევართა მეორე ჯგუფი საოჯახო თემს მიიჩნევდა არა პატრიარქალურ-გვაროვნული წყობის გადმონაშთად. არამედ ახალი საზოგადოებრივი ურთიერთობის პირმოდ. მაგალითად, ი. პეისკერი სამხრეთ სლავების „ზადრუგა“-ს თვლიდა არა ადრინდელ საზოგადოებრივ წარმონაქმნად. არამედ გვიანდელ მოვლენად, რომლის წარმოშობას ის უკავშირებდა ბიზანტიური სავადასახადო სისტემის შემოღებას*. არანაკლები დაბნეულობა სუფევდა რუსულ ეთნოგრაფიაშიც, როდესაც მკვლევართა ერთი ნაწილი ამტკიცებდა. თითქოს დიდი ოჯახი ისტორიულად არსებული და ნათესაურ კავშირზე დამყარებული საზოგადოებრივი ერთეული კი არ იყო, არამედ არტელის მსგავსი სამეურნეო ასოციაცია⁷.

ფ. ენგელსის ნაშრომის გამოქვეყნებიდან დღემდე მეცნიერების მიერ ამ საკითხზე დაგროვილმა ცოდნამ. განსაკუთრებით კი საბჭოთა ეთნოგრაფიული მეცნიერების მიღწევებმა საოჯახო თემის თავდაპირველობის, საყოველთაოდ გავრცელებისა და არსებობის გვიანდელ საფეხურზე მისი გადმონაშთური ბუნების შესახებ, საკვებით დაადანტურა ფ. ენგელსის ნაშრომში მოცემული მარქსისტული ფორმულირების სიმართლე, რომელიც შეეხება სოციალური ინსტიტუტების განვითარების ადრინდელი პროცესის ერთიანობას, საერთოდ ისტორიული პროცესის ერთიანობას მის ადრინდელ საფეხურზე. რამდენადაც ყველა ხალხმა, რომელმაც კი კლასობრივი საზოგადოება შექმნა. ამ საზოგადოების შექმნამდე განვლო გვაროვნული წყობილების საფეხური.

* М. Косвен, Семейная община и патримониал, Москва, 1963, стр. 10.

7 ი ქ ე ვ, გვ. 32—34.

საზოგადოებრივი ურთიერთობის განვითარების მარქსისტულ კონცეფციას, რომლის შემუშავებაში სხვა სოციალური ინსტიტუტების ბუნება შეცნობასთან ერთად ოჯახის წარმოშობისა და ევოლუციის სათანადო შესწავლასაც გარკვეული მნიშვნელობა ენიჭებოდა, ყოველთვის უპირისპირდებოდა და დღესაც უპირისპირდება ბურჟუაზიული მეცნიერების თვალსაზრისი, რომლის მთავარ ამოცანას შეადგენს დამატკიცოს ისტორიული პროცესის ერთიანობის უსაფუძვლობა როგორც გვაროვნული წყობილების, ისე საზოგადოებრივი ურთიერთობის განვითარების შემდგომ საფეხურებზე. საზოგადოებრივი ურთიერთობის განვითარების კანონზომიერების წინააღმდეგ ბრძოლის იარაღად გამოყენებული ეს თვალსაზრისი მკვეთრადაა გამოხატული მათ მიერვე შემუშავებულ თეორიებში („კულტურული წრეების თეორია“, „კულტურის მოდელის თეორია“, „მრავალხაზოვანი ევოლუციის თეორია“ და ა. შ.), რომლებიც ემსახურებიან რა კაპიტალიზმის ინტერესებს, შეიცავენ იმის მტკიცებას, თითქოს ამ სისტემისათვის დამახასიათებელი ისეთი ნიშნების არსებობა, როგორცაა მონოგამიური ოჯახი, კერძო საკუთრება, ურთიერთმორჩილება (ე. ი. კლასობრივი ჩაგვრა) და სხვა, ადამიანთა საზოგადოებაში იმთავითვე მოქმედ კომპონენტებს წარმოადგენდნენ.

ამგვარმა მიმართულებამ განსაკუთრებით მკვეთრად იჩინა თავი კულტურულ-ისტორიული სკოლის წარმომადგენელთა გამოკვლევებში. თუ, მაგალითად, ფ. გრებნერი და ვ. შმიდტი ჩრდილოეთის ხალხებს აკუთვნებდნენ ე. წ. „მატრიარქალურ წრეს“ და ცდილობდნენ იმის დამტკიცებას, რომ ამ ხალხებისათვის არასოდეს არ ყოფილა ცნობილი მატრიარქალური გვარი, იგივე ვ. შმიდტი პ. შებესტასთან ერთად „ასაბუთებდა“, თითქოს აფრიკისა და აზიის რიგი საზოგადოებები ოდითგანვე მსდევდნენ ერთდმერთიანობას, კერძო საკუთრებას და პატარა ოჯახებად ცხოვრების წესს⁸.

ვ. შმიდტმა შემდეგ ვ.კოპერსთან ერთად კვლავ განავითარა აზრი იმის შესახებ, თითქოს ოჯახის თავდაპირველ ფორმას წარმოადგენდა კერძო საკუთრებაზე დამყარებული ინდივიდუალური ოჯახი. რაც შეეხება საოჯახო თემს, რომელსაც ზემოხსენებულმა ავტორებმა უწოდეს მხოლოდ ეკონომიური უჭრედი და მისი ერთიანობა-სიმტკიცის საფუძვლად ნათესაური კავშირის ნაცვლად რელიგიური საწყისი მიიჩნის,

⁸ F. Graebner, Das Weltbild der Primilven. München, 1924; W. Schmidt und P. Koppers, Völker und Kulturen, Regensburg, 1924, s. 78; P. Schebesta, Die Negrito Asiens, Wien, 1954, v. I.

კ. ხეთაგუროვმა და სხვებმა, ხოლო XX საუკუნის მკვლევართაგან აღსანიშნავია ვ. ხრისტინოვიჩის, გ. ჩურსინის, მ. კოსვენის, ნ. ტაკო-ევას, ბ. ტოტროვის, ა. მაგომეტოვის, ბ. კალოევისა და სხვათა ღვაწლი. აქ დასახელებულ ავტორთა უმრავლესობა საოჯახო ყოფა ეხებოდნენ სხვა საკითხების კვლევის პარალელურად. თვით ბ. ტოტროვმაც კი, რომელმაც თავისი საკანდიდატო დისერტაცია სამხრეთელი ოსების 'აოჯახო ყოფის შესწავლას მიუძღვნა, საოჯახო ყოფა ფაქტიურად ერთ-ერთ საკითხად განიხილა ოსთა მეურნეობის ფორმებზე და მატერიალური კულტურის ძირითადი საკითხების გვერდით.

ამ მხრივ სხვა ვითარება გვაქვს საქართველოში, სადაც საოჯახო თემის შესწავლას ზემოხსენებული ფუძემდებლური შრომები მიუ-ძღვნა რუსუდან ხარაძემ. ამ მონოგრაფიებში ავტორი განიხილავს რა საქართველოს თითქმის ყველა კუთხის შესაბამის ეთნოგრაფიულ მასა-ლასა და წერილობით წყაროებს, ფართოდ გვაცნობს აღმოსავლეთ სა-ქართველოს მთიელთა ყოფაში გადმონაშთური ფორმით XIX საუკუნემდე შემორჩენილი საოჯახო თემის ძირითად ნიშნებსაც. მაგრამ არც რ. ხარაძის გამოკვლევების და არც სხვა ავტორთა შრომე-ბის წინასწარი მიმოხილვა არ განგვიზრახავს, ვინაიდან თვითო-ეული მათგანი გამოყენებული და შეფასებული გვაქვს ამ ნაწ-რომის ცალკეულ საკითხებზე მსჯელობისას. აქ შეიძლება დავეჩე-დეთ მხოლოდ იმის აღნიშვნას, რომ ცენტრალური კავკასიის მთიე-ლების — ქართველების, ნახებისა და ოსების საოჯახო ყოფის შესწავ-ლის დონით გამოირჩევა საქართველოს მთიანეთი. რაც შეეხება დანარ-ჩენებს, ამ მხრივ ჩაჩნეთ-ინგუშეთი ოსეთთან შედარებით ბევრად უფ-რო არასახარბიელო მდგომარეობაშია, ხოლო პანკისელი ქისტების სა-ოჯახო ყოფას შესახებ ლიტერატურა საერთოდ არ არსებობს.

აქვე უნდა აღინიშნოს, რომ საქართველოში და კავკასიის სხვა კუ-თხეებში საოჯახო თემისა და რიგი სოციალური ინსტიტუტების (ნათე-საობის სისტემა, პატრონიზმი, სოფლის თემი, ადათობრივი სამართალ) კვლევის შედეგები აისახა თანამედროვე ეთნოგრაფიული მეცნიერე-ბის განმარტებულ ნაშრომში — ეთნოგრაფიის საუნივერსიტეტო სა-ხელმძღვანელოში. ამ ნაშრომში აღიარებულია ცნობილი ეთნოგრაფებ-ის (მ. კოსვენისა და რ. ხარაძის) მეცნიერეულად დასაბუთებული დე-ბულება საოჯახო თემისა და სხვა სოციალური უჯრედების გადმონა-შთური ბუნების შესახებ. სახელმძღვანელოში აღნიშნულია, რომ XIX საუკუნეში კავკასიის მრავალ კუთხეში გადმონაშთის სახით არსებობდა დიდი პატრიარქალური ოჯახი, რომელიც რამდენიმე ათეულ კაცს ით-ვლიდა. ასევე პატრიარქალური ყოფის ნიშნებს ინარჩუნებდა XIX სა-უკუნეში და XX საუკუნის დასაწყისში პატარა ოჯახი, რომელიც ამ

დროისათვის წარმოადგენდა ოჯახის ძირითად ტიპს¹¹. მაგრამ მიუხედავად იმისა, რომ ქართველ მთიელთა საოჯახო ყოფას მაღალკვალიფიციური გამოკვლევები მიედღვნა, ჩრდილო-კავკასიელი მთიელები შესახებაც არა ერთი ნაშრომი დაიწერა და კვლევის შედეგები სახელმძღვანელო დებულების სახით უმაღლეს სასწავლებელთა კურსში შევიდა, აღნიშნული საკითხისადმი ინტერესი არ შენელებულა და რიგ სხვა პრინციპული მნიშვნელობის მქონე სოციალური პრობლემებს გაღრმავებული კვლევის პარალელურად დღეს კიდევ უფრო იგრძნობა მისი შემდგომი შესწავლა საჭიროება. ეს იმიტომ, რომ კავკასიის ეთნოგრაფიული მასალა ავლენს საოჯახო ურთიერთობის გაღმონათურე მოვლენების ნაირსახეობას, რასაც აპირობებდა კავკასიის ხალხთა ყოფის ლოკალური თავისებურებანი და საზოგადოებრივ-ეკონომიური განვითარების სხვადასხვა დონე. ასეთი ვითარების ამსახველი მასალის ანალიზის საფუძველზე შესაძლებელია დავინახოთ საერთო კანონზომიერების ზოგიერთი მომენტი და ცალკეული ეტაპები ოჯახის ფორმათა განვითარების პროცესში. საოჯახო ყოფის კვლევის საჭიროება განსაკუთრებით ნათელი გახდა იმის შემდეგ, რაც დაიბაზა ქართველი და კავკასიელი მთიელების სოციალური ურთიერთობის შესწავლის პერსპექტივა.



მონოგრაფიის ამ ნაწილში, რომელიც მიედღვნა ნახებისა და ოსების საოჯახო ყოფის შესწავლას, გათვალისწინებულია სათანადო წერილობითი წყაროები და ლიტერატურული მონაცემები, ხოლო ძირითად საყრდენად ვიყენებთ ჩვენ მიერ შეკრებილ ეთნოგრაფიულ მასალებს.

ერთმანეთთან მკვიდროდ დაკავშირებული ისეთი საკითხების შესახებ, როგორცაა ქორწინების ინსტიტუტი, ნათესაობის სისტემა, საოჯახო ყოფა და საცხოვრებელი ნაგებობანი, მასალების შეგროვებას შევუდექით 1950 წლიდან. თბილისის სახელმწიფო უნივერსიტეტის ისტორიის ფაკულტეტზე სწავლის პერიოდში ხევსა და ხევსურეთში მასალებს ვიწვრდით საქორწინო წეს-ჩვეულებებზე შესახებ. ამავე საკითხის შესწავლის მიზნით ხევში განვაგრძობდით მასალის შეკრებას ასპირანტად ყოფნის დროს (1953—1956 წწ.), რაც საფუძველად დაედო ჩვენს აკადემიკოს დისერტაციას¹², ხოლო საქართველოს სახელმწიფო მუზეუმში მუშაობისას (1957—1963 წწ.) ესწავლობ-

¹¹ Основы этнографии, под редакцией С. Токарева, Москва, 1968, стр. 306—307.

¹² ვ. ი თ ნ ი შ ვ ი ლ ი, ქართველ მთიელთა საოჯახო ურთიერთობის ისტორიიდან, თბილისი, 1960.

დით ჯერ ხევისა და თრუსოს ხეობის საცხოვრებელ ნაგებობებს¹³. ზოლო შემდეგ მოხვევების, გუდამაყრელებისა და მთიულების საოჯახო ყოფას.

1961 წლიდან საქართველოს სსრ მეცნიერებათა აკადემიის ივ. ჯავახიშვილის სახელობის ისტორიის, არქეოლოგიისა და ეთნოგრაფიის ინსტიტუტში დაარსდა კავკასიის ეთნოგრაფიის განყოფილება, რაც ქართული ეთნოგრაფიული მეცნიერების განვითარებისა და მის პრობლემათა გაფართოების ლოგიკური შედეგი იყო. ამ „განყოფილების ძირითადი ამოცანაა — კავკასიის ხალხთა ეთნოგრაფიის შესწავლა პირველ ყოვლისა ქართულ-კავკასიური ეთნიკური და კულტურულ-ისტორიული ურთიერთობის თვალსაზრისით“¹⁴. ასეთი ამოცანის დასახვისას იმთავითვე იყო გათვალისწინებული კავკასიის ეთნოგრაფიული მასალის მნიშვნელობა არა მარტო საკუთრივ კავკასიელთა ყოფისა და კულტურის შესწავლისათვის, არამედ ზოგადი ეთნოგრაფიისათვისაც. „ამდენად, განყოფილების ერთ-ერთ უმთავრეს ამოცანას შეადგენს კავკასიის ხალხთა კულტურისა და ყოფის წამყვანი ელემენტების — პირველ ყოვლისა საზოგადოებრივ ურთიერთობათა ფორმების გენეზისისა და განვითარების გზების გაშუქება ზოგად-ეთნოგრაფიული თვალსაზრისით“¹⁵.

კავკასიის ეთნოგრაფიის განყოფილების ამ ძირითადი პრობლემის შეზადგენელი ნაწილია კვლევის საგნად აღებული ეს საკითხიც. ამიტომ ცენტრალური კავკასიის მთიელთა საოჯახო ყოფის შემოსხენებული თვალსაზრისით შესწავლის მიზნით სისტემატურად ვღებულობდით მონაწილეობას ინგუშეთის, ჩაჩნეთის, პანკისის ხეობის, ხევსურეთის, ხევის, დიდი და პატარა ლიახვის ხეობების, ქსნის ხეობისა და ჩრდილო ოსეთის ეთნოგრაფიულ ექსპედიციებში 1963—1968 წლებში¹⁶.

¹³ ვ. თო ნ ი შ ვ ი ლ ი, ხევი ძველად და ახლა (საცხოვრებელი ნაგებობანი ძველსა და ახალ ხევში), თბილისი, 1967; მ ი ს ი ვ ე, სახლის მშენებლობის ხალხური წესები ხევში, ყურნ. „მაენე“, 1965, № 6; მ ი ს ი ვ ე, საცხოვრებელი ნაგებობანი თრუსოს ხეობაში; კეკ, I, თბილისი, 1964.

¹⁴ რ. ხ ა რ ა ძ ე, რედაქტორისაგან, კეკ, I, თბილისი, 1964, გვ. 3.

¹⁵ ი ქ ვ ე, გვ. 5.

¹⁶ ბ. გ ა მ ყ რ ე ლ ი ძ ე, გ. გ ე გ ე ქ ე ო რ ი, ექსპედიცია ინგუშეთში, გაზ. ახალგაზრდა კომუნისტა, 1963, № 128; ბ. გ ა მ ყ რ ე ლ ი ძ ე, 1962—1963 წწ. მთიანი ინგუშეთის ეთნოგრაფიულ ექსპედიციაში მუშაობის მოკლე ანგარიში, კეკ, I; გ. გ ე გ ე ქ ე ო რ ი, 1962—1963 წწ. მთიანი ინგუშეთის ეთნოგრაფიულ ექსპედიციაში მუშაობის მოკლე ანგარიში, კეკ, I; ბ. გ ა მ ყ რ ე ლ ი ძ ე, ექსპედიცია ჩრდილო ოსეთში, გაზ. კომუნისტა, 1967, 178; А. Р о б а к и д з е, Окло в древности (из дневника экспедиции, газ. „Социалистическая Осетия“ 19 августа, 1967.

უნდა აღინიშნოს რომ ექსპედიციას საკმაოდ რთულ პირობებში უხდებოდა მუშაობა და მასალის მოპოვება მხოლოდ დიდი დაბრკოლებების დაძლევის შედეგად ხერხდებოდა. თუ ქართველ მთიელებთან მასალის ჩაწერისას რაიმე განსაკუთრებულ სიძნელეს არ შევხვდრით, მდგომარეობას რამდენადმე ართულებდა არა ქართულენოვან მოსახლეობასთან ურთიერთობა. ზოგან ამას ემატებოდა მთხრობლების ნაკლებობა. ეს შეეხება საკუთრივ ჩაჩნეთ-ინგუშეთის მთიანეთს, რომლის ზოგ ხეობაში მოსახლეობის მცირე ნაწილიდა დარჩენილი, ხოლო ხეობათა უმრავლესობა სავსებით მიტოვებულია. ასეთ ვითარებაში ექსპედიცია იძულებული იყო დიდი მარშუტები დაეძლია და დაკავწინებოდა ბარად ჩასახლებულ მთხრობლებს, ხოლო რიგ შემთხვევაში კი ერთადერთ გამოსავალს წარმოადგენდა მთხრობლის შორ მძაილზე წაყვანა სამუშაო ობიექტზე მისი გამოყენების მიზნით.

სხვადასხვა ეთნიკურ გარემოში მოპოვებული მასალების დამუშავებას საფუძველზე შესაძლებლობა მოგვეცა ეს საკითხი მონოგრაფიულად შეგვესწავლა ცენტრალურ კავკასიაში მცხოვრები ცალკეული ხალხების მიხედვით, სოლო ყოველივე ამის შედეგად დაგვენახა როგორც თითოეული ხალხის საოჯახო ყოფის სპეციფიკა, ისე ყველა მათგანისათვის დამახასიათებელი ზოგადკავკასიური თავისებურებანი. ამის შესაბამისად სპეციალური გამოკვლევები მიუძღვნით ქართველი მთიელების, ოსების, ჩაჩან-ინგუშებისა და მათივე წარმომავლობის პანკისელი ქისტების საოჯახო ყოფას. ამათგან ინგუშების, ჩაჩნების, პანკისელი ქისტებისა და ოსების საოჯახო ყოფას ვეხებით მონოგრაფიის ამ ნაკვეთში, ხოლო მეორე წიგნი მიეძღვნება ცენტრალური კავკასიის ზოლში მცხოვრები ქართველი მთიელების საოჯახო ყოფას.

კვლევის შედეგებმა გვიჩვენა, რომ არსებული წყაროებით ხელმისაწვდომ პერიოდში (XVIII—XIX—XX საუკუნეებში) ცენტრალური კავკასიის მთიანეთში ძირითადად გაბატონებული იყო ინდივიდუალურ ოჯახებად ცხოვრების წესი, მაგრამ ამასთან ერთად გადმონაშთური ფორმით იყო შემორჩენილი საოჯახო თემი. ამ უკანასკნელის შესახებ არსებული მასალის სისრულის მხრივ უპირატესობა აქვს საქართველოს მთიანეთსა და ოსეთს, მაგრამ ჩაჩნეთ-ინგუშეთშიც, მიუხედავად იმისა, რომ სხვადასხვა დროს ჩაჩნებისა და ინგუშების გადასახლება-გადმოსახლებამ ეთნოგრაფიულ მასალას დიდი ზიანი მიაყენა და ბევრ შემთხვევაში ტრადიციის განვითარების ჩაქვი უძროოდ გაწყვიტა, დადგინდა რომ ოჯახის თავდაპირველი ფორმა ნახებისთვისაც (ე. ი. ჩაჩნებისა და ინგუშებისათვის) იყო საოჯახო თემი.

ოჯახის ფორმებზე მუშაობისას ჩვენ მხედველობაში გვქონდა სამეცნიერო ლიტერატურაში მიღებული განსაზღვრება, რომლის მიხედ-

ღვით პატარა ანუ ინდივიდუალური ოჯახი ეწოდება ერთი საქორწინო წყვილისა და მათი მემკვიდრეების მომცველ ერთეულს, ხოლო დიდი ოჯახი ანუ საოჯახო თემი წარმოადგენდა პატრიარქალურ-გვაროვნული წყობის დაშლის საფეხურზე წარმოშობილსა და შეცვლილი სახით გასულ საუკუნემდე შემორჩენილ სოციალურ უჯრედს, რომელშიც გაერთიანებული იყო ძმებისა და ბიძაშვილების რამდენიმე თაობა. ერთ ქერქვეშ მცხოვრები ახლო ნათესაეების ამ გაერთიანების სხვა ძირითადი ნიშნები იყო ქონებაზე საერთო საკუთრება, კოლექტიური შრომა და დოვლათის კოლექტიური მოხმარება. ისიც დადგენილია, რომ არსებობდა ორი სახის საოჯახო თემი — დემოკრატიული და დესპოტური. პირველი მათგანისათვის ნიშანდობლივი იყო სოლიდარული მმართველობის სისტემა, რაც განსაკუთრებით ნათლად ვლინდება ოჯახის გაყრისა და მოწილე მამაკაცებზე ქონების თანასწორად განაწილების პრინციპში. სამაგეროდ ამ თვისებას მოკლებული იყო დესპოტური ბუნების ოჯახი, რამდენადაც ქონებაზე მონოპოლიისა და ოჯახის მმართველობაში განუსაზღვრელი უფლებებით სარგებლობდა ოჯახის უფროსი მამაკაცი.

აქვე საჭიროდ მიგვაჩნია აღინიშნოს, რომ, სამეცნიერო ლიტერატურაში მოღებული ნომენკლატურის შესაბამისად¹⁷, ჩვენს ნაშრომში ხმარებული ცნება „დიდი ოჯახი“ შესატყვისია ცნებისა „საოჯახო თემი“, ისევე, როგორც თანამედროვე ტიპის ოჯახის აღსანიშნავად ხმარებული ცნებებიც „ინდივიდუალური ოჯახი“ და „პატარა ოჯახი“ ერთმეორის იდენტურია.

ყოველივე ამის გამოვლინების და ფაქტობრივი მონაცემების საფუძველზე იმის ჩვენების მიზნით, რომ ცენტრალური კავკასიის მთიელთა ყოფაში XIX საუკუნის ბოლომდე ადგილი ჰქონდა ორი ტიპის ოჯახის — ინდივიდუალური ანუ პატარა ოჯახის და საოჯახო თემის ანუ დიდი ოჯახის თანაარსებობას; რომელთაგან დიდი ოჯახი საოჯახო თემის გადმონაშთურ სახეს ინარჩუნებდა და რომ ის ინდივიდუალური ოჯახისაგან განსხვავებულ სოციალურ უჯრედს წარმოადგენდა, ნაშრომში ვიხილავთ ოჯახის ისეთ ძირითად დამახასიათებელ ნიშნებს, როგორცაა ოჯახის შემადგენლობა, ოჯახის ეკონომიური საფუძვლები, შრომის ორგანიზაცია და მმართველობის ხასიათი, ოჯახის გაყრის წესი და ქონების განაწილების პრინციპი.

¹⁷ М. К о с в е н, Семейная община и патронимия, стр. 4; რ. ხ ა რ ა ძ ე, აღ. რ ო ბ ა ქ ი ძ ე, მთიულეთის სოფელი ძველად, გვ. 33.

ნ ა წ ი ლ ი ვ ი რ ვ ე ლ ი

ს ა ო ჯ ა ხ ო ყ ო შ ა ჩ ა ჩ ნ ე თ - ი ნ გ უ შ ე თ შ ი

ვ ი რ ვ ე ლ ი თ ა ვ ი

ო ჯ ა ხ ი ს შ ე მ ა ღ ბ ე ნ ლ ო ბ ა

ბარად ჩასახლებამდე ინგუშებისა და ჩაჩნებოს სოციალური წყობის ერთ-ერთ ნიშანდობლივ მხარეს წარმოადგენდა რამდენიმე თაობის ერთ ოჯახად ცხოვრების წესი. საყურადღებოა, რომ ინდივიდუალური ოჯახის გვერდით გადმონაშთის სახით შემონახული საოჯახო თემი მთიდან ბარში მოსახლეობის მასობრივი გადაადგილების დროსაც კი ინარჩუნებდა არსებობას. ეს კარგად ჩანს როგორც ძუნწი ლიტერატურული მონაცემებიდან, ისე ჩვენ მიერ 1963—1964 წწ. შეკრებილი ეთნოგრაფიული მასალებიდან.

ჩაჩნეთ-ინგუშეთში საოჯახო თემის არსებობის შესახებ პირველ ყოვლისა საყურადღებოა ი. რეინეგის ცნობა, რომელიც შეეხება XVIII საუკუნის მიწურულს. როგორც იგი უენიშნავს, ხსენებული ეპოქის ოჯახი წარმოადგენდა ერთ სახლში მცხოვრებსა და რამდენიმე თაობის მომცველ ერთეულს, რომელსაც მეთაურობდა ხნით უფროსი კაცი. სულ პატარა ოჯახში იმყოფებოდა ხუთიდან — ათამდე სრულწლოვანი მამაკაცი, ხოლო არაიშვიათად მამრობითი სქესის წარმომადგენელთა რაოდენობა 40—50 სულს აღწევდა. როდესაც ოჯახი მეტისმეტად გაიზრდებოდა, ხდებოდა მისი დანაწილება¹.

გაუყრელად ცხოვრების ცალკეული შემთხვევები ჩაჩნეთ-ინგუშეთში აღწერილია აგრეთვე XIX საუკუნის მეორე ნახევრის ეთნოგრაფიულ ლიტერატურაში. ამ მხრივ საინტერესო ცნობებია ასახუ-

¹ J. Reinèggs, Allgemeine historisch-topographische Beschreibung des Kaukasus, Bd. I, Gotha und St.-Petersburg, 1796, S. 39.

ლი ნ. ხარუზინის ნაშრომში. როგორც იგი წერს, ჩაინეთ-ინგუშეთის მთიანეთში ოჯახი წარმოადგენდა საერთო საკუთრების მქონე უახლოესი ნათესავების გაერთიანებას. რიცხობრივი შემადგენლობით ოჯახები ერთმანეთისაგან განსხვავდებოდნენ. ნ. ხარუზინის ცნობით, ცოლიანი ვაჟები მამასთან გაუყრელად იმყოფებოდნენ, გაუყოფელი მამულით სარგებლობდნენ, ხოლო სახლებს თავ-თავისთვის იშენებდნენ. ათი სრულწლოვანი მამაკაცის ერთ ოჯახში ცხოვრებას მკვლევარი არაიშვიათ მოვლენად თვლის, ხოლო ინგუშეთის სოფ. კაირახში (მეცხალის საზოგადოებაში). 27-სულიანი ოჯახის არსებობას უკვე გამონაკლისად მიიჩნევს². ყოველივე ეს თავისთავად იმ გარემოებაზე მიგვიბრუნებს, რომ XIX საუკუნის 80-იან წლებში ჯერ კიდევ იყო საოჯახო თემის გადმონაშთების ყოფაში დამოწმების შესაძლებლობა. მაგრამ ნ. ხარუზინი იმასაც კარგად შენიშნავს, რომ მიაი იქ ყოფნის დროს დიდი ოჯახების დაყოფის პროცესი თანდათანობით ღრმავდებოდა³.

ი. რეინეგისა და ნ. ხარუზინის აღწერილობათა მიხედვით აშკარად განსხვავებული ვითარება წარმოგვიდგება. თუ XVIII საუკუნის ბოლოს ჩაინეთ-ინგუშეთში გაუყრელად ცხოვრების წესი საყოველთაოდ გავრცელებულსა და გადმონაშთის სახით ჯერ კიდევ კარგად შემონახულ ყოფით ელემენტს წარმოადგენდა, XIX საუკუნის 80-იან წლებში მდგომარეობა საგრძნობლად შეცვლილა. ი. რეინეგის ცნობით, ყველაზე პატარა ოჯახში ხუთიდან — ათამდე მამაკაცი ცხოვრობს, მაშინ, როდესაც ათამდე მამაკაცის ყოფნას ნ. ხარუზინი დიდი ოჯახის არსებობის საბუთად იმოწმებს. ი. რეინეგის დროს 40—50 მამაკაცის გამაერთიანებელი ოჯახები იშვიათი არ ყოფილა, ხოლო ნ. ხარუზინმა 27-სულიანი ოჯახი არსებობა აღნიშნა როგორც გამონაკლისი. დროის აღნიშნულ მონაკვეთში ასეთი მკვეთრი ცვლილებები სავსებით კანონზომიერი მოვლენაა, რამდენადაც საოჯახო თემი უძველესი დროის ინსტიტუტია, რომელიც დროთა ვითარებაში კარგავდა სახეს, ხოლო კაპიტალისტური ურთიერთობის პირობებში ის უკვე თავისი არსებობის უკანასკნელ დღეებს ითვლიდა.

ოჯახის შემადგენლობის შესახებ საინტერესო ფაქტობრივი მასალა აქვს დამოწმებული ინგუშთა ეთნოგრაფიის ცნობილ მკვლევარს ბ. დალგატს. როდესაც ის წერს, რომ ერთ ჰერკქევუ ცხოვრობდნენ (და ცხოვრობენო) მშობლები, შვილები, შვილიშვილები და შვილ-

² Н. Х а р у з и н, Заметки о юридическом быте чеченцев и ингушей, СМЭ, Москва, 1888, III, стр. 122—123.

³ ი ქ ვ ე, გვ. 124.

თაშვილის შვილები, ამით იგი გვაცნობს ოთხ თაობამდე გაუყრელად ყოფნის ფაქტს. ბ. დალგატი არ კმაყოფილდება ამ ზოგადი ხასიათის ცნობით და აღნიშნულის დასამტკიცებლად ასახელებს მეცხალის საზოგადოების სოფ. კაირახში მცხოვრები ტენკიელების 20-სულიან ოჯახს. ბ. დალგატის აღწერილობის თანახმად, ტენკიეების წინაპარი იყო ტენკი, რომელიც შეეკვალა მისმა შვილმა პარჩმა. პარჩის ოთხი ვაჟიდან სულ უფროსი თემირყო ამ ოჯახის უფროსი ყოფილა, ხოლო დიასახლისობდა მისი მეუღლე გუბი.

ბ. დალგატს შეუშინეველი არ დარჩენია არც ის გარემოება, რომ მთელი ამ ოჯახისათვის საერთო სამზარეულოში საქმელს ამზადებდნენ ხნით უფროსი დედაკაცები, ხოლო კაცები და ქალები სახლის სხვადასხვა განყოფილებებში ცალ-ცალკე იმყოფებოდნენ⁴.

როგორც ვხედავთ, ინგუშების ერთსა და იმავე სოფელში ნ. ხარუზინს შემთხვევა ჰქონდა ერთ ჰერკვეშ ეხილა 27 სული, ხოლო ბ. დალგატმა აღწერა ოჯახი, რომელიც ოცი სულისაგან შედგებოდა. საყურადღებოა აღინიშნოს, რომ გაუყრელად ცხოვრების ფაქტი ბ. დალგატს არა მარტო მთაიანუშეთში, არამედ ბარელ ინგუშთა ყოფაშიც კი დაუშოვნებია. იგი ასახელებს მესტოეების 40-სულიან ოჯახს, რომელსაც ხელმძღვანელობდა ხუთი ცოლშვილიანი ვაჟის მამა — მუსან⁵.

მართალია, ჩვენი ეპოქის არც ერთ მკვლევარს სპეციალური ნაშრომი არ დაუწერია ჩაჩნებისა და ინგუშების საოჯახო ურთიერთობის შესახებ, მაგრამ სხვა საკითხების ძიების პროცესში ზოგიერთ ავტორი საოჯახო ყოფასაც ეხება და საოჯახო თემს მათი ცხოვრებისათვის ნიშანდობლივ კომპონენტად მიიჩნევს. მაგალითად, ვ. ხრისტიანოვიჩი განიხილავს რა მიწათმფლობელობის ფორმებს ინგუშეთში, სახნავე ნაკვეთის მესაკუთრე ეკონომიურ ერთეულად თვლის დიდ ოჯახს, ანუ „дворовая ошшина“-ს, რომელსაც განასხვავებს თანამედროვე ინდივიდუალური ოჯახისაგან⁶.

ვ. ხრისტიანოვიჩი აკრიტიკებს იმ ავტორებს, რომლებიც ინგუშურ საოჯახო გაერთიანებას აიგივებდნენ რუსულ ერთოჯახიან კომლთან. ვ. ხრისტიანოვიჩის დაკვირვებით, ინგუშური კომლი წარმოადგენდა სერბიული ზადრუგას მსგავს ერთეულს, რომელშიც გაერ-

⁴ Б. Далгат, Материалы по обычному праву ингушей, ИИНИК, II-III, Владикавказ, 1930, стр. 350.

⁵ იქვე, გვ. 351.

⁶ В. Христианович, Горная Ингушья, Ростов на Дону, 1928, стр. 34.

თიანებული იყო რამდენიმე ოჯახი (ე. ი. რამდენიმე საქორწინო წყვილი). ვ. ხრისტიანოვიჩი იქვე მიუთითებს, რომ ასეთ გაერთიანებას, რომელიც ცნობილი იყო შუა საუკუნეების ევროპაში, ბიზანტიასა და აღმოსავლეთში, სოციოლოგები უწოდებდნენ სახლისეულ ანუ საოჯახო თემს⁷.

იმის დასამტკიცებლად, რომ ინგუშეთისათვის დამახასიათებელი იყო საოჯახო თემებად ცხოვრების წესი, ვ. ხრისტიანოვიჩი ზემოთქმულთან ერთად გვაცნობს საკუთარი დაკვირვებით ყოფაში დადგენილ გვიანდელ ფაქტებს, რომლებიც გვიჩვენებენ საოჯახო თემის გადმონაშთების საბოლოო რღვევის პროცესს. იგი ასახელებს სოფ. ხაიში ნახულ ისეთ სამეურნეო ორგანიზაციას, რომელიც აერთიანებდა სამ ურთიერთმონათესავე ოჯახს. მათ უცხოვრიათ ერთ სახლში. საერთო საკუთრებაში ჰქონიათ კარ-მიდამო, კერა, მუშა საქონელი და სამეურნეო ნაკვეთები. ცალკეული ოჯახების კერძო კუთვნილება წარმოადგენდა მხოლოდ დგამ-ჭურჭელი და ძროხები. 1920—1922 წწ სოფ. ხაიდან გადასახლებული 4 ასეთი სახლისეული თემის დაყოფის შედეგად ბარად ჩამოყალიბებულა 16 ინდივიდუალური ოჯახი⁸.

როგორც ვხედავთ, ვ. ხრისტიანოვიჩი გვაცნობს ისეთ სოციალურ გაერთიანებას, რომელიც შედგებოდა რამდენიმე ინდივიდუალური ოჯახისაგან. ეს გაერთიანება წარმოადგენდა გადმონაშთის სახით შემონახულსა და სრული გადაგვარების სტადიაში მყოფ საოჯახო თემს, რომლის სეგმენტაციის შედეგად იქმნებოდა ინდივიდუალური ოჯახებით დასახლებული პატრონიმიული ერთეული.

მთაინგუშეთში საოჯახო ყოფის შესწავლის მნიშვნელოვან წყაროდ გვესახება გ. მარტიროსიანის ნაშრომში მოთავსებული ერთ-ერთი ცხრილი. როგორც ამ ცხრილიდან ჩანს, რვა წლის განმავლობაში — 1899 წლიდან 1907 წლამდე სოფ. მეცხალში 16 ოჯახიდან წარმოიქმნა 36 ოჯახი, სოფ. ცორში ოჯახების რიცხვი 25-დან 60-მდე გაიზარდა, სოფ. ხამხოიში რვა ოჯახიდან მივიღეთ 40 ოჯახი, სოფ. შუა ოძიქში ერთი ოჯახის ბაზაზე ჩამოყალიბდა 24 ოჯახი და ა. შ⁹.

ეს ხდებოდა მაშინ, როდესაც მთიელი ინგუშები საცხოვრებლად ბარისაკენ მიილტვოდნენ. პირუტყუ რომ მომხდარიყო, შეიძლებოდა გვეფიქრა, რომ ოჯახების ასეთი მატება გამოიწვია ხალხის მოსვლადამკვიდრებამ. რაკი ეს აღნიშნული ეპოქისათვის გამორიცხული იყო,

⁷ В. Христнамович, Горная Ингушия. Ростов на Дону, 1928, стр. 73.

⁸ იქვე, გვ. 73.

⁹ Г. Мартиросян, Нагорная Ингушия, ИИНИК, I, Владикавказ, 1928, стр. 112.

ცხადია, ოჯახების მომატება ხდებოდა მკვიდრი მოსახლეობის ბაზაზე, ე. ი. მიმდინარეობდა დიდი ოჯახების სეგმენტაციის პროცესი. სხვა-ვფარად წარმოუდგენელი იქნებოდა რვა წლის განმავლობაში ოჯახთა რაოდენობის ასეთი კოლოსალური ზრდა. მაშასადამე, გ. მარტიროსიანის ნაშრომში მოთავსებული ამ ცხრილის მიხედვითაც XIX — XX საუკუნეების მიჯნაზე მთაინგუშეთში აშკარად დასტურდება გადმონაშთის სახით შემონახული დიდი ოჯახის არსებობა..

ინგუშეთში სოციალური ურთიერთობის განვითარების პროცესს და საოჯახო ყოფის სპეციფიკას შეეხო აგრეთვე ე. კრუპნოვი, რომელმაც თავისი კონცეფციის წყაროდ გამოიყენა ფოლკლორულ-ეთნოგრაფიული მონაცემები. მისი შეხედულების თანახმად, ისტორიულ წარსულში ინგუშები ცხოვრობდნენ გვაროვნულ თემებად. დროთა განმავლობაში გვაროვნული თემი იშლება და იქმნება პატრიარქალური საოჯახო თემი ანუ დიდი ოჯახი, რომელიც შედგებოდა ერთ ჰერმეუმ ნეკხოვრები რამდენიმე თაობისაგან და საერთო საკუთრებაში ფლობდა წარმოების საშუალებებს. ინგუშეთში ამგვარი ოჯახების ვეიანობამდე არსებობის დამამტკიცებელ საბუთად მკვლევარი იმონშებს ნ. ხარუზინის ზემონახეხულ ცნობას და იქვე დასძენს: მთის სოფლებში ბოლო დრომდე კიდევ შეიძლება შევხვდეთ ისეთ „დიდ ოჯახებს“, რომელთაც აქვთ საერთო მეურნეობა და რომელთა შემადგენლობაში გაერთიანებულია სამი თაობა — მამების, დაქორწინებული შვილებისა და შვილიშვილების სახით¹⁰.

ლიტერატურაში იმთავითვე დამკვიდრებული შეხედულება, ჩანეთ-ინგუშეთში საოჯახო თემის არსებობის შესახებ, გაზიარებულია უახლოესი დროის გამოკვლევებშიც. ამ მხრივ, პირველ რიგში, აღსანიშნავია მ. კოსვენის ერთ-ერთი ნაშრომი, რომელშიც საოჯახო თემის დახასიათება მოცემულია ი. რეინეგისს, ნ. ხარუზინის, ბ. დაღვატისა და პ. გოლოვინსკის ცნობებზე დაყრდნობით¹¹. როგორც ჩანს, ამავე ცნობებს ემყარება ს. ტოკარევი, როდესაც აღნიშნავს, რომ ჩანეთ-ინგუშეთის მთიანეთისათვის XIX საუკუნეში დამახასიათებელი იყო 40—50-სულიანი ოჯახების შემონახულობა, მაშინ როდესაც იმდროინდელ ბარში არსებობდა პატარა (ინდივიდუალურ) ოჯახებად ცხოვრების წესი¹². ბოლოს საყურადღებოა ჩრდილო კავკასიის ხალხთა ეთნოგრაფიისადმი მიძღვნილი განმაზოგადებელი ნაშრომი (Народы Кав-

¹⁰ Е. К р у п н о в, К истории Ингушии, ВДИ, Москва, 1939, № 2/7, стр. 88.

¹¹ М. К о с в е н, Этнография и история Кавказа, Москва, 1961, стр. 95.

¹² С. Т о к а р е в, Этнография народов СССР, Москва, 1958, стр.: 244.

კავა, I), რომელშიც ინგუშთა ძველი საზოგადოებრივი ყოფის ერთ-ერთ კომპონენტად ბ. კალოევის მიერ დასახელებულია გადმონაშთური ფორმით დიდხანს შემონახული საოჯახო თემი. ლიტერატურულ მონაცემებზე დაყრდნობით ამ ნაშრომში აღნიშნულია, რომ საოჯახო თემის გადმონაშთები არსებობდა XIX—XX საუკუნეების მიჯნაზე¹³. იმავე ეპოქის ჩაჩნეთში ოჯახის გაბატონებულ ფორმად მიჩნეულია ინდივიდუალური ოჯახი პატრიარქალური ყოფის მკვეთრი ნიშნებით¹⁴.

ჩაჩნეთ-ინგუშეთში რომ დიდხანს იყო შემონახული გაუყრელად ცხოვრების წესი, ეს აღნიშნული აქვს ა. ფადეევს 1960 წელს გამოქვეყნებულ ნაშრომში. იგი იმოწმებს რა XIX საუკუნის ავტორთა ეთნოგრაფიულ ცნობებს გადმონაშთური ფორმით არსებული საოჯახო თემის დაშლის შესახებ, ამის ძირითად მიზეზად მიიჩნევს კაპიტალისტური ურთიერთობის განვითარებას, მთიელების გასვლას საშოვარზე და ოჯახის შიგნით კერძომესაკუთრულ ტენდენციას¹⁵. მკვლევარი ეხება აგრეთვე ახალი ოჯახების ჩამოყალიბების საკითხს. სტატისტიკურ მონაცემების საფუძველზე 16 წლის განმავლობაში (1873—1889 წწ.) ჩაჩნეთის ერთ-ერთ ოკრუგში 5993 ახალი ოჯახის გაჩენის მიზეზად ის თვლის ოჯახების გაყრას¹⁶. მაშასადამე, ისტორიული ჩაჩნეთ-ინგუშეთისათვის ერთ-ერთ დამახასიათებელ კომპონენტად ა. ფადეევს თვლის გაუყრელად ცხოვრების წესს.

ჩაჩნეთ-ინგუშეთის მთიანეთში საოჯახო თემის არსებობის შესახებ ეთნოგრაფების შეხედულებას სავსებით ეთანხმება ისტორიკოსი ე. კუშევა. თავის საინტერესო ნაშრომში მას აღნიშნული აქვს, რომ ინგუშეთში არსებობდა საოჯახო თემი და პატრონიზმა. მკვლევარი ამის ერთ-ერთ მნიშვნელოვან საბუთად თვლის მატერიალური კულტურის ძეგლებს — ინგუშურ კოშკსა და ციხე-სახლს, როგორც ხსენებული სოციალური ერთეულების საცხოვრებლად და თავდასაცავად განკუთვნილ ნაგებობებს¹⁷.

XIX საუკუნის 60-იან წლებში ინგუშეთის არა მარტო მთიან ზოლში, არამედ ბარშიც რომ შემონახული იყო გაუყრელად ცხოვრების

¹³ Народы Кавказа, I, Москва, 1960, стр. 383—384.

¹⁴ იქვე, გვ. 366.

¹⁵ А. Фадеев, О некоторых социально-экономических последствиях присоединения Чечено-Ингушетии к России, ИЧИНИИ, II, вып. I, Грозный, 1960, стр. 6.

¹⁶ იქვე, გვ. 7.

¹⁷ Е. Кушева, Народы Северного Кавказа и их связи с Россией в XVI—XVII вв. Москва, 1963, стр. 78.

წესი, საარქივო დოკუმენტებზე დაყრდნობით ეს ნაჩვენებია ნ. გრიცენკოს ნაშრომში. როგორც ავტორი წერს, „Дым в то время являлся только податной единицей, часто состоявшей из нескольких семейств, живущих одним домом... Там, где дым в 60-х годах состоял из одной семьи в 5-8 человек, земли приходилось боль-ше, и, наоборот, там, где дым состоял из нескольких семей-земли на него приходилось в 2-3 раза меньше“¹⁸.

აქ მოტანილი ამონაწერიდან აშკარაა, რომ მკვლევარი ერთ შემთხვევაში, საგადასახადო ერთეულად თელის ხუთ-რვასულიან ინდივიდუალურ ოჯახს, ხოლო მეორე შემთხვევაში, რამდენიმე ასეთი ოჯახის ერთ ჰერაქვეშ გამაერთიანებელ კომლს (дым-ს). საყურადღებო აქ ჩვენთვის ისაა, რომ ნ. გრიცენკო ამ ორ დიდ-პატარა ერთეულს ერთმანეთისაგან განასხვავებს არა მარტო სიდიდითა და სტრუქტურით, არამედ სახელწოდებითაც. პატარა ერთეულს ის უწოდებს ოჯახს, ხოლო ოჯახების გამაერთიანებელ უჯრედს — კომლს. აქედან ნათელია, რომ ოჯახად ნ. გრიცენკოს მიაჩნია მხოლოდ ერთი საქორწინო წყვილი, ანუ თანამედროვე ტიპის ინდივიდუალური ოჯახი. ასეთ შემთხვევაში გაუგებარი რჩება. რა სახის სოციალურ ერთეულად აქვს წარმოდგენილი ნ. გრიცენკოს ეს გაერთიანება, რომელსაც მან კომლი (дым) უწოდა. მკვლევარს რომ ეთნოგრაფიული მონაცემებზე გაეთვალისწინებინა, არ გაუძნელდებოდა იმის თქმა, რომ ეს კომლი წარმოადგენდა გადმონაშთის სახით შემონახულ საოჯახო იემს, რამდენადაც საოჯახო თემი აერთიანებდა რამდენიმე საქორწინო წყვილს. ხოლო ნ. გრიცენკოს მიერ კომლად სახელდებული გაერთიანება ზუსტად ასეთი სტრუქტურის მქონე ერთეულად წარმოგვიდგება.

* * *

როგორც ზემოთ განხილული ლიტერატურიდან ჩანს, საკვლევი საკითხის შესახებ დღემდე მცირედი, მაგრამ სარწმუნო ცნობები დაგროვდა. მკვლევარნი არ იფარგლებიან ზოგადთეორიული არგუმენტებით და უმეტეს შემთხვევაში თავიანთი დასკვნების წყაროდ იყენებენ ეთნოგრაფიულ სინამდვილეში დადგენილ ფაქტობრივ მასალას.

გადაჭრით შეიძლება ითქვას, რომ ლიტერატურაში აღბეჭდილი ცნობების მიხედვით ჩაჩნეთ-ინგუშეთში საოჯახო თემის არსებობა ექვს არ ბადებს, მაგრამ მარტო ამ მონაცემებზე დაყრდნობით შეუძ-

¹⁸ Н. Г р и ц е н к о, К вопросу о социально-экономических отношениях в Чечено-Ингушетии в пореформенный период, ИЧИННИ, IV, вып. I, Грозный, 1964, стр. 19—20.

ლებელი იქნებოდა ოჯახის ფორმების შესწავლა. აღნიშნული ხარვეზის შევსებას რსახავდა მიზნად ეთნოგრაფიული ექსპედიციის მოწყობა და მასალების შეგროვება ჩაჩნეთ-ინგუშეთში.

ლიტერატურაში გაბნეული ცნობებისა და ადგილზე ჩაწერილი ფაქტობრივი მონაცემების მიხედვით ჩვენთვის ახლა საკვებით ნათელია, რომ ჩაჩნეთ-ინგუშეთში ინდივიდუალური ოჯახის გვერდით არსებობას განაგრძობდა სამ-ოთხ თაობამდე გაუყრელად მყოფი ოჯახი, რომლის მმართველობა სქესისა და ასაკის მიხედვით ხდებოდა, ხოლო შრომის ორგანიზაცია კოლექტიურ პრინციპებს ემყარებოდა.

ასეთი ოჯახების არსებობაზე პირველ რიგში მიგვითითებენ ხალხური გადმოცემები და ცალკეული ოჯახების გენეალოგები. ჩვენ მიერ დამოწმებული ფაქტები ამ მხრივ მეტ-ნაკლები სისრულისაა. ერთ შემთხვევაში მთხრობელი მხოლოდ ოჯახის წევრთა მიახლოებით რაცხვსა და მისი მეთაურის სახელს გვაცნობს. გვაქვს შედარებით ხელსაყრელი მდგომარეობაც, როდესაც მთხრობლის ნაამბობზე დაყრდნობით ხერხდება ოჯახის შემადგენლობის მეტ-ნაკლები სიზუსტის აღდგენა.

უნდა აღინიშნოს, რომ ჩვენ ხელთ არსებული მასალები ძირითადად გვაცნობს XIX საუკუნის მეორე ნახევრის ვითარებას. ჩვენი წერეთ ზოგიერთი ისეთი გადმოცემაც, რომელიც კონკრეტულობის თვალსაზრისით ნაკლებია, მაგრამ საყურადღებოა თავისი სიძველით, რამდენადაც დიდ ოჯახებად ცხოვრების ტრადიციის მაუწყებელია. და ბოლოს, ზოგიერთი ფაქტი იმის მაჩვენებელიცაა, რომ საოჯახო თემის გადმონაშთებმა XX საუკუნის დასაწყისამდეც კი მოაღწიეს.

ისევე როგორც ლიტერატურული მონაცემების, ჩვენ მიერ შეკრებილი ეთნოგრაფიული მასალების მიხედვითაც საოჯახო თემის გადმონაშთები ინგუშეთში უფრო ხანგრძლივად და კარგად იყო შემონახული, ვიდრე ჩაჩნეთში. ამიტომ, პირველ რიგში, გავეცნობით ფაქტობრივ მონაცემებს ინგუშური ოჯახის შემადგენლობის შესახებ, როგორც ძირითად წყაროს, ხოლო შემდეგ განვიხილავთ ჩაჩნეთში შეკრებილ მასალებს.



ინგუშური ოჯახის შემადგენლობის დასადგენად საყურადღებოა გადმოცემა ჩანიელების შესახებ. ამ გადმოცემის თანახმად, წარმოშობით ისინი ჩაჩნები არიან, რომელთა წინაპარი ჩანი თავისი სამი ვაჟით დიდძალი ცხვარ-ძროხის პატრონი იყო. პირუტყვის მომვლელად მათ დაქირავებული ჰყავდათ რამდენიმე მწყემსი, რომელ-

თა სარქლობა (ხელმძღვანელობა) მინდობილი ჰქონდა ჩანის ერთ-ერთ ვაჟს — ხუჩბარს. როგორც გადმოცემა გვაუწყებს, მეზობელი მეჯოგის მწყემსებთან ერთ-ერთი შეტაკების დროს ხუჩბარს ცხრა კაცი შემოაკვდა. მოსისხლეთაგან მოსალოდნელი შურისძიების შიშით ხუჩბარი ინგუშეთის სოფ. პელინგუზო გაიხიზნა და კვალის დაფარვის მიზნით მამის სახელი გვარად მიიღო.

მომხდარა ინციდენტიდან დღემდე მთხრობელი თეზბოთ თუპცი: ძე ჩანიევი (დაბად. 1885 წ.) 14 თაობას ვარაუდობს. აქედან მან გაიხსენა მხოლოდ 11 ეპონიმის სახელი შემდგომი თანმიმდევრობით: ჩან — ხუჩბარ — იტირ — ჩან — იტის — ფილქ — ლარშაკ — ლოთექ — ქუსარ — თუპც თეზბოთ.

როგორც მთხრობელმა აღნიშნა, ამ გენეალოგიაში ეპონიმთა სახელები გამოტოვებულია ჩანიდან ვიდრე ლოთექამდე. ლოთექის შემდეგ კი თაობათა წინაპრების სახელები ზუსტი თანმიმდევრობითაა დალაგებული. ჩვენთვისაც სწორედ გენეალოგიის ამ ბოლო ნაწილს აქვს არსებობა მნ-შენელობა, რამდენადაც ლოთექი — ხუჩბარიდან მკათე თაობის წარმომადგენელი, იმ გაუყრელი ოჯახის უფროსი იყო. რომელშიც, ვარდა ქალებისა და ბავშვებისა, 30 შრომისუნარიანი მამაკაცი ირიცხებოდა.

როდესაც უკვე მეოთხე თაობა შედიოდა სიმწიფის ასაკში, მოხდა მისი გაყრა სამ ნაწილად. მათ სათავეში მოექცნენ ლოთექის შვილები — ქუსარ, ქმახ და არტახ.

ახალი ოჯახების უფროსებთან ერთად მთხრობელმა ჩამოთვალა მომდევნო თაობების მამაკაცთა სახელებიც, მაგრამ 30-ის ნაცვლად მან გაიხსენა მხოლოდ 17 შრომისუნარიანი მამაკაცის სახელი და საბოლოოდ მივიღეთ ოჯახის გენეალოგიის არასრული სქემა (სქემა I).

გაუყრელად ცხოვრების წესზე ზოგიერთი ცნობაა შემონახული გავიყვების გვარის შესახებ არსებულ ხალხურ გადმოცემაშიც, რომლიდანაც ჩანს, რომ ამ გვარის სახელწოდება წარმოსდგება მისი ეპონიმის — გაგი-ს სახელიდან. კილარ გამიშის ძე საფრალიევის (დაბ. 1882 წ.) ხელით დაწერილი გენეალოგია. რომელსაც ჩვენ მთხრობელის ოჯახში გავეცანით. გაგის ცხოვრებიდან დღემდე 14 თაობას მოიცავს. თვითონ კილარი მე-12 თაობის წარმომადგენელია (სქემა II).

როგორც მთხრობლებმა აღნიშნეს, ამ გვარში ოდითგანვე დიდ ოჯახებად ცხოვრების წესი იყო დამკვიდრებული. გვარის ისტორიის ამა თუ იმ საფეხურზე ასეთი ოჯახების აღწერისათვის კონკრეტული მასალის დადგენა დღეს შეუძლებელია, მაგრამ შთამომავლობისთვის ის კი ცნობილია, რომ მათი წინაპარი გაგი თავისი სამი შვალისა და შვილიშვილებით ცხოვრობდა სოფ. თარგიმის ბოლოში, მდ. ან-

ის მარჯვენა ნაპირზე. გადმოცემა იმასაც გვაუწყებს, რომ გაგის მეთაურობით მცხოვრები ოჯახი 25 სულს მოიცავდა, რომელთა ბინას წარმოადგენდა დღემდე გაგის და ლალის სახელწოდებით შემონახული ნანგრევი.

გადმოცემის მიხედვით, ერთ-ერთი გაუყრელი ოჯახის მეთაური იყო აგრეთვე არქყოი, რომლის სახელთანაა დაკავშირებული ნასოფლარ გაგის და ლალაშის მოგვიანო სახელი არქყოი და ლალაშ. გაგის მიერ აშენებულ საცხოვრებელს ადრე თუ გაგის სახელით მოიხსენიებდნენ, მომდევნო თაობამ სამოსახლო ადგილის სახელწოდება თავიანთი უშუალო ეპონიმის — არქყოს სახელს დაუკავშირა.

დღი ოჯახის არსებობა ამ გვარში დაკავშირებულია ვენეალოკაში უი ხსენებული მეორე გაგის სახელთანაც, რომელიც სქემაზე აღნიშნულია, როგორც მეხუთე თაობის წარმომადგენელი. გადმოცემამ შემოგვინახა მასთან ერთად მცხოვრები ოთხი შვილის სახელიც. სხვათა შორის, საინტერესოა, რომ მისი უფროსი ვაჟის — ბალხას შვილი იყო საფრალი, გაგიეების გვარიდან გამოყოფილი საფრალიეების ეპონიმი, რომელიც თავის დროზე მეთაურობდა ოთხ თაობამდე გაუყრელად მცხოვრებ ოჯახს. სამწუხაროდ, მთხრობელმა ვერ გაგვიცნო ვერც ამ ოჯახის სრული შემადგენლობა და ვერც მისი ეკონომიური ყოფა. ამიტომ ჩვენ ვჭერდებით არსებული შესაძლებლობის მიხედვით შედგენილ სქემას (სქემა III).

ასევე ნაკლები სქემა შედგა ჯარიახის ხეობის სოფ. ხარკში გაუყრელად მცხოვრები განიზ, ოაზონგ და არაფხან მატეეების შესახებ არსებული გადმოცემის მიხედვითაც. მაგომედ საღულას ძე მატეევის (დაბ. 1910 წ.) ინფორმაციის საფუძველზე ჩვენ აღვადგინეთ მხოლოდ განიზის შთამომავლობის სახელები (სქემა IV), მაგრამ ამის მიუხედავად მაინც ნათლად ჩანს, რომ ოჯახი სამ თაობამდე გაუყრელად ცხოვრობდა და საკმაოდ მრავალრიცხოვანიც იყო.

სამ თაობამდე გაუყრელად უცხოვრია აგრეთვე ციციეების ერთ-ერთ ოჯახს ჯარიახის ხეობის სოფელ ებნში. ეს ოჯახი ასევე გაუყრელი იყო, როდესაც „დღისინა და ღინაში“ ჩამოსახლდა (სქემა V).

საყურადღებოა ის გარემოება, რომ ციციეების თავდაპირველ სამშობლოდ მიჩნეულია ასის ხეობის სოფ. თარგიმი. გვარის მოთავედ გვევლინება ნერთ, რომლის შთამომავლობა 15 თაობას ითვლის. ნერთიდან მერვე თაობაზეა ციციეების ეპონიმი ციცი, რომელსაც ჰყოლია 4 ძმა — მარხახ, წიეჰაშ, ჰხუქ, ხარსი. ხუთივე ძმას გაუყრელად უცხოვრიათ შვილებითა და შვილიშვილებით.

ასის ხეობის სოფ. თარგიმიდან ჯარიახის ხეობის სოფ. ებნში ჩამოსახლებული ციციელების ერთი ნაწილი თუ ბოლო დროს ებნიდან „დღინაია დაღინაში“ ინაცვლებს, მეორე შტო საცხოვრებლად გადადის სოფ. ბალთაში (სქემა VI).

მთხრობელმა მაგამედ მურთუზას ძე ციციევემა (დაბ. 1900 წ.) გადმოცემით იცის, რომ სოფ. ებნში გაუყრელ ოჯახად ცხოვრობდა ჯერ ჰაშის და შემდეგ ილიეზის შთამომავლობა. ჰაშის შვილებიდან მან გაიხსენა მხოლოდ ილიეზი. სხვების სახელები მას არ ახსოვს, მაგრამ წინაპართაგან ის კი გაგონილი აქვს, რომ ჰაშის ოჯახი 27—29 სულისაგან შედგებოდა და სამი თაობა ერთ ჰერქვეშ ბინადრობდა.

ჰაშის სიკვდილის შემდეგ ოჯახი გაიყარა. ერთ-ერთი ახლად გამოყოფილი ოჯახის მეთაურობა წილად ხვდა ილიეზ ჰაშის ძეს როგორც სქემიდან ჩანს, ილიეზს ჰყავდა ოთხი ვაჟი და სამი ქალი. დები უკვე გათხოვილი იყვნენ, ხოლო ძმები ცოლშვილიანები, როდესაც ილიეზის მეორე ვაჟი — ანზორი გამოეყო საერთო ოჯახს და სოფ. ბალთაში გადმოსახლდა. ანზორის ძმები კვლავ ერთ ჰერქვეშ განაგრძობდნენ ყოფნას სოფ. ებნში 1910 წლამდე. გაყრის მომენტში ეს ოჯახი 37 სულს ითვლიდა. სამწუხაროდ, მთხრობელმა შესძლო მხოლოდ ბ-ბოთის შთამომავლების გახსენება (სქემა VI).

1910 წელს ოჯახი სამ ნაწილად გაიყო. ებნიდან ბალთაში გადმოსახლების გამო სულ მალე მოხდა თითოეული ამ ახალი ოჯახის დანაწილება. ბიბოთის უფროსობით გამოყოფილი ოჯახი თავის მხრივ ოთხად გაიყო; აქედან ჰოუდი უძეოდ მოკვდა, ხოლო სამი ძმა სამ დამოუკიდებელ ოჯახად დამკვიდრდა.

დიდ ოჯახებად ცხოვრების ტრადიცია დამახასიათებელია ინგუშთა სხვა გვარების წარსულისთვისაც. მთიელთა ყოფაში დიდხანს შემონახული ამ წესის შესახებ მოგვითხრობს ნაზრანელი იბრაგიმ ძამოის ძე ბარახოვი (დაბ. 1867 წ.). მისი ცნობით, სოფ. მეცხალში, ერთ ჰერქვეშ ცხოვრობდნენ ძმები ვატალა (უშვილო), არპი (თავისი სამი შვილით — ჯანდარ, თიბი, ჯამბოთ) და მეთუქ (სამი შვილით — ჰადის, ბექბოთ, ჯინალ) ქათიევები. ოჯახის გაყრამდე შვილებიანი ყოფილან ჯანდარი, მისი ძმები და ბიძაშვილები. გაუყრელად ცხოვრება გრძელდებოდა ამ ოჯახის შთამომავალთა შემდგომ თაობებშიც. მთხრობელი ისე წამოვიდა მთიდან, რომ 15-სულიანი ოჯახი ჰაუდის უფროსობით კვლავ ერთ ჰერქვეშ ცხოვრობდა.

იმავე მთხრობლის ცნობით, 16 სულისაგან შედგებოდა 1917 წელს სოფ. ფალხანიდან ნაზრანში ჩამოსახლებული ბარახოვების ოჯახი. ერთად ცხოვრობდნენ მთხრობლის მამა ძამოი და ძამოის ბიძაშვილი თემურყო. მთხრობელმა ვერ გაიხსენა თემურყოს შვილებს

სახელები. რაც შეეხება ძამოს, მას ჰყავდა ექვსი ვაჟი (ყახარმ, მესლორ. სადალ, ბადალ, იბრაგიმ, მურწალ) და ორი ქალი (ძებლიქ, ფეტიმათ).

ერთად ცხოვრების წესად არსებობის შესახებ საყურადღებო ცნობაა შემონახული ცუროვების თავგადასავალიდან. არცხო ისას ძე ცუროვის ცნობით, თარგიმიდან ჯარიანში საცხოვრებლად გადმოვიდნენ ცუროვების წინაპრები — მამა ხუთი შვილით. ამ ხუთი ძმიდან ოთხი გაერთიანებული იყო „ღერ“-ში (რანში, რომელიც მეკობრეობას ეწეოდა). სულ უმცროსი — მეხუთე ძმა ასეთ რანში მონაწილეობაზე უარს ამბობს. ნადავლის მოპოვების მიზნით ხევსურებზე ერთ-ერთი თავდასხმის დროს ოთხივე ძმა დაიღუპა. გადარჩენილ მეხუთე ძმაზე მოდიან ცუროვები. ხუთი ძმის ერთად ყოფნის შესახებ დაცული ეს ხალხურა გადმოცემაც გაუყრელად ცხოვრების ტრადიციას მაჩვენებელია.

ხუთი ძმისა და მათი შთამომავლების ერთად ცხოვრების პაუწყებელი, მაგრამ ზემოხსენებულთან შედარებით გაცილებით გვიანდელი ვითარების ამსახველი ცნობა დამოწმდა შოუხალოვების გვარშიც. მხედველობაში გვაქვს მაირის, მისი ხუთი შვილის (მარწალ, ამა, ბარსოლდ, ვოქსაკ, საი) და შვილიშვილების ერთად ცხოვრების შესახებ სოფ. ბეინში დადგენილი ფაქტი.

თავისი განვითარების როგორც ადრინდელ ეტაპზე, ისე მოგვიანო პერიოდისათვის დიდ ოჯახებად ცხოვრება ნიშანდობლივ მოვლენას წარმოადგენდა ოზლოვეების გვარში. სელმურზა მუსას ძე ოზლოვემა დაგვისახელა ამ გვარის რამდენიმე თაობის ეპონიმი (აქემა VII).

მთხრობლის მიერ დასახელებული პირები (კორი, მეჭელ, კირგი, სოლომ, გირი) გვევლინებიან საოჯახო თემების მეთაურებად, მაგრამ მთხრობელი გენეალოგიის ზედა საფეხურებს თუ მხოლოდ ოჯახის მეთაურთა სახელების აღნიშვნით გვაცნობს, შედარებით, უკეთ იცის მან ოზლოვეების წარსულის შემდგომი ვითარება, როდესაც გირის ნაცვლად ოჯახის უფროსის ადგილს იკავებს მისი შვილი ჰოყოყო (მთხრობლის პაპა). ჰოყოყოს ჰყავდა სამი ცოლშვილიანი ვაჟი, რომლებიც მამის გარდაცვალების შემდეგ კვლავ ერთ ოჯახად განაგრძობდნენ ცხოვრებას უფროსი ძმის მუსას მეთაურობით. ჰოყოყოს გარდაცვალებიდან რამდენიმე წლის შემდეგ ისინი სამ ოჯახად გაყრილან მაშინ, როდესაც 100 წლის მთხრობელი 7—8 წლისა ყოფილა. სელმურზამ აქვე გავაპნო თავისი ოჯახის შემადგენლობა, რომელსაც ძმებთან გაყრის შემდეგ კვლავ მუსა ხელმძღვანელობდა. როგორც სქემაზეა აღნიშნული, მუსას ჰყავდა ხუთი ვაჟი, ხუთივე ცოლშვილიანი. ეს ოჯახი დიდხანს იყო გაუყოფელი. გაიყარნენ მხოლოდ 1924

წელს, როდესაც მთიდან ბარში ჩამოსახლდნენ. ამ დროს ოჯახს მეთურობდა სელმურზა (მთხრობელი), ვინაიდან მუსა უკვე გარდაცვლილი იყო.

ძველად მთაინგუშეთში დიდ ოჯახებად ცხოვრების წესი რომ არსებობდა, ეს კარგად ჩანს სოფ. ხულში მცხოვრებ გვართა შესახებ არსებული გადმოცემის მიხედვითაც. როგორც მთხრობელი ჯიბრაილ ყახარმას ძე ილიევი (დაბ. 1890 წ.) გვაუწყებს, აქ ოდითგანვე დამკვიდრებული იყო ოთხი გვარი — ჩახკიევ თეიფა, ბორძე თეიფა, ხაძიევ თეიფა და ილიევ თეიფა. სხვა მხრიდან მათი მოსულობის შესახებ აქ არაერთი ცნობა არ არის შემონახული. წინაპრების ნაამბობიდან მთხრობელმა მხოლოდ ის იცის, რომ თავისი სოციალური მდგომარეობით ოთხივე გვარი მიეკუთვნებოდა საშუალო წოდებას — ი უ ყ ი ე რ 5 ა ბ-ს. ამასთან ერთად ისიც კარგად იცინ ხულელებმა, რომ თითოეული ზემოხსენებული გვარის სახელწოდება უშუალოდ მთ ეპონინთა სახელებიდანაა გამომდინარე. ამის შესაბამისად წინაპართა ასეთი სახელები დგინდება: ჩახკ, ბორძ, ხაძ და ილი.

ამჟამად ჩახკიევ თეიფა მოიცავს რვა კომლს, ბორძე თეიფა — სამ კომლს, ხაძიევ თეიფა — ორ კომლს. ზოლო ილიევ თეიფა ყველაზე დიდია და 42 კომლისაგან შედგება. ამ მხრივ სხვა ვითარება დგინდება ახალი საუკუნის მიწურულისათვის. მთხრობლის ახალგაზრდობაში პირველი მათგანი შედგებოდა 20 კომლისაგან, მეორე ითვლიდა 10 კომლს. მესამე — 15-ს, ზოლო მეოთხე თეიფა 30 კომლს მოიცავდა. ასეთი მკვეთრი ცვლილების მიზეზი იყო მთიდან ბარში მასობრივი ჩასახლება.

როგორც თანამედროვე მონაცემების მიხედვით, ისე მთხრობლის ახალგაზრდობის დროინდელი მასალების შესაბამისად, სოფ. ხულში პატარა ოჯახებად ცხოვრების წესია გაბატონებული. მხოლოდ თითო-ორიოლა შემთხვევა თუ შეიძლება გაიხსენოს იქაურმა მკვიდრმა, რომელიც გადმონაშთური ფორმით დიდი ოჯახის შემონახულობაზე მოგვითხრობს. სავაგიეროდ წინაპართა გადმოცემით ყველამ კარგად იცის, რომ სოფ. ხულის შორეულ წარსულში სულ ოთხი ციხე-სახლი იდგა და თითოეულ მათგანში თითო ზემოხსენებული თეიფა ცხოვრობდა გაუყრელი ოჯახის სახით. სამწუხაროდ, აღრიცხვით ოთხ-საოჯახო თემიდან ვერც ერთის აღწერა ვერ ხერხდება. ფაქტობრივი მასალის ცოდნა თაობათა მეხსიერებიდან თანდათანობით გაქრა. ჩვენამდე მხოლოდ გვიანდელი ვითარების ამსახველი მასალა შემონახა. ამ მხრივ საინტერესო ცნობა მოგვაწოდა მთხრობელმა იმ საოჯახო თემის შესახებ, რომელიც გადმონაშთური ფორმით იყო შემონახული

ჩვენი საუკუნის 30-იან წლებამდე და რომლის ერთ-ერთი წევრი თოთონაც იყო. ჩვენ მიერ შედგენილი სქემის მიხედვით ეს ოჯახი 53 სულს ითვლიდა და სამ თაობას მოიცავდა (სქემა VIII), მაგრამ გაყრის მომენტში 53 სულის ნაცვლად, მთხრობლის ვარაუდით, ირაცხებოდა 40-მდე სული, ვინაიდან ქალების ნაწილი უკვე გათხოვილი იყო, ხოლო ოჯახის ზოგიერთი წევრი გარდაცვლილი. სქემა სავსებით ზუსტ სურათს არ იძლევა იმის გამოც, რომ მთხრობელმა ვერ გაიხსენა ამ ოჯახის რძლების სახელები. მაგრამ ზემოხსენებული მონაცემების მიხედვითაც აშკარაა, რომ ოჯახი სამ თაობას აერთიანებდა და საკმაოდ მრავალრიცხოვანიც იყო.

სოფ. ხულში დამოწმებული ვითარება დიდ ოჯახებად ცხოვრების ტრადიციის გვიანობამდე შემონახულობის დამადასტურებელია. აღნიშნული მოვლენის ადეკვატურია სოფ. ბეინში ჩვენ მიერ ფიქსირებული ფაქტიც. კასირად ჰადისის ასულ მურზაბეკოვას (დაბ. 1903 წ.) ცნობით, ბეინში გაუყრელად ცხოვრობდა ოჯახი, რომლის დიასახლისიც თითონ მთხრობელი იყო, ხოლო ოჯახის უფროსი მისი მეუღლე ყედი. ადვილი წარმოსადგენია თუ რამდენად გვიანდელ მოვლენასთან უნდა გვექონდეს საქმე და როგორ უნდა ყოფილიყო შემონახული საოჯახო თემის გადმონაშთები იქ, სადაც 1903 წელს დაბადებულ ქალს გაუყრელი ოჯახის დიასახლისობა ჰქონდა მინდობილი.

გაყრის წინ ოჯახი შედგებოდა 20 სულისაგან. ყედისა და კასირატს ჰყავდათ რვა შვილი: კამბულატ, ბანათი, ლეკმა, სახარ, მაგამეტბაშირ, ახმეტ. დაუდ, ბაშირ. ყედისთან ერთად ცხოვრობდა მისი სამი ძმა: ომარ, ასხაბ და ოსმან, რომელთაგან ცოლშვილიანი იყო მხოლოდ ომარი. ომარსა და მის მეუღლე ფატიმათს ჰყავდათ ექვსი შვილი: ლიდა, იუსუპ, იუნუს, ლუბა, მაგამეტ, ახმეტ.

ჩაჩნეთში გადმონაშთური ფორმით არსებული საოჯახო თემის შემადგენლობის შესწავლა კონკრეტული ეთნოგრაფიული მონაცემების საფუძველზე ღღეს უკვე შეუძლებელია. გაუყრელად ცხოვრების ტრადიციას შეიძლება გავეცნოთ მხოლოდ გვარების შესახებ არსებული ხალხური გადმოცემების მეშვეობით.

ჩვენ მიერ ჩაწერილი ერთ-ერთი ასეთი გამოცემის¹⁰ მიხედვით, არღუნის ხეობაში მდებარე სოფ. ითუმ-კალის პირველი მკვიდრი და

¹⁰ ლიტერატურაში ვხვდებით ამ გადმოცემის სხვადასხვა დროს ჩაწერილ ვარიანტებს (А. Р о с с и к в а. Путешествие по центральной части Горной Чечни. ЗКОИРГО, XVIII, Тифлис. 1896, стр. 212—213; Н. И в а н е н к о в.

თულზე თურმე იძინებდნენ ბაყა და მისი ცოლი. სხვა დანარჩენი სართულებიც ასევე ზემოდან ქვემოთ უფროს-უმცროსობით ყოფილა გამოყენებული ისე, რომ უმცროს ძმას ყოფნა უწყევლა პირველ სართულზე.

ჟინეალოგიის მესამე ვარიანტი (სქემა XI) შედარებით უფრო სრულ წარმოდგენას გვაძლევს ბერისა და ლუნგის შთამომავლობაზე. ლუნგის სამი შვილიდან ორი ძმის შტო მიახლოებით აღვადგინეთ, რომელთაგან ერთის უშუალო წინაპარი იყო ითონი, ხოლო მეორისა ღალა. პირველ შტოს დღეს ეწოდება გუჩიქ თეიფა — ითონის შთამომავლის გუჩიქის სახელის მიხედვით, ხოლო ღალას მოდგმის სახელია ფაადალური თეიფა. როგორც მთხრობელმა ჯიბრაილ აცაევიმა (დაბად. 1898 წ.) წინაპართა გადმოცემაზე დაყრდნობით აღნიშნა. ამ თეიფადან ლენჩი, მისი სამი ვაჟი (ჩაბორძ, ჰონურგ, მუტუშ) და მათი შვილები, რომელთაგან აქ მხოლოდ მუტუშ-ის შვილებია დასახელებული, ერთ ოჯახად ცხოვრობდნენ.

გაუყრელად ცხოვრების ტრადიციის მაჩვენებელია აგრეთვე სოფ. შატოში ვაგაფ შამილიოვის (დაბად. 1894 წ.) ინფორმაციაზე დაყრდნობით შედგენილი გენეალოგია (სქემა XII), რომლიდანაც საყურადღებოა მერვე თაობის წარმომადგენლად დასახელებული ალხასტის შთამომავლობა. ჯერ ერთ ოჯახად უცხოვრიათ ალხასტის. მის ძმასა და ალხასტის ხუთ ვაჟს, ხოლო შემდეგ ყოველი დიდი ოჯახის სათავეში ვხვდებით ალხასტის შვილებს. ბოლოს. როდესაც ეს ოჯახები დანაწევრდა და ამის საფუძველზე წარმოიშვა ახალი ნათესაური გაერთიანებანი, თითოეულმა მათგანმა მიიღო თავისი უახლოესი ეპონიმის — ადრე არსებული საოჯახო თემის მეთაურის სახელი. ამიტომ გენეალოგიაში გვხვდება ეს ბ ი ვ ა რ ა ნ უ ე ს ბ ი ნ ტ ყ ი ე, ის ი ე ვ, როგორც ბ უ ლ ა ჩ ვ ა რ ა ნ უ ბ უ ლ ა ჩ ნ ტ ყ ი ე. ამ შემთხვევაში ვ ა რ და ნ ტ ყ ი ე — ეს ორი სხვადასხვა სიდიდისა და შინაარსის მქონე სოციალური ერთეულების აღმნიშვნელი ცნებები მთხრობლის მიერ შინაარსობლივად გაიგივებულია, ვინაიდან თანამედროვე ჩანჩეთში ამ ტერმინების თავდაპირველ მნიშვნელობაში ყოველთვის ევლარ ერკევიან²¹. სინამდვილეში ნ ტ ყ ი ე-ზე უფრო დიდი ერთეულია

²¹ მ. შამაკაევის ინტერპრეტაციით, ნათესაობის ყველაზე დიდ გაერთიანებას ჩანჩეთში შეადგენდა თ უ ქ უ შ ი (ТУХУМ), რომელშიც შედიოდა რამდენიმე თ ე ი ფ ა (ТЭИП || ТЭИФ), ანუ ვ ა რ (ВЭР). ამ ორ ტერმინს შორის აუტორი განსხვავებას მხოლოდ იმ მხრივ ხედავს, რომ თეიფა არაბულიდანაა შემოსული, ხოლო ვარ ჩანჩეთი სიტყვაა. თეიფაში ანუ ვარში გაერთიანებული ყოფილა რამდენიმე მასზე პატარა სოციალური ერთეული — ვ. ვ ა რ (ВАР). თავის მხრივ ვარ იყოფოდა რამ-

ვარ, ისევე, როგორც ხევსურული გვარი უფრო დიდია, ვიდრე მამან²². ეს პატრონიმიული ერთეულები შედიოდნენ თეიფის შემადგენლობაში. ამიტომაც, რომ წარმოდგენილ სქემაზე დატანილი ამ ერთეულების საერთო სახელწოდებაა ალხასტთეიფა, რამდენადაც ალხასტი იყო მათი საერთო წინაპარი.

ჩაჩნეთის ისტორიულ წარსულში რამდენიმე თაობის გაუყრელად ცხოვრების ტრადიცია კარგად ჩანს აგრეთვე საცხოვრებელი ნაგებობების მიხედვითაც. მთიელი ჩაჩნები ცხოვრობდნენ მრავალსართულიან ციხე-სახლებში, რომლის, პირველი სართული გამოიყენებოდა საქონლის სადგომად, ხოლო ზედა სართულები ოჯახის საყოფად და თავდასაცავად. ჩვეულებისამებრ საცხოვრებელი სახლი იდგა საბრძოლო კოშკის გვერდით. „თავდაცვის დროს კოშკებში იხიზნებოდა ქალები და ბავშვები. ზედა სართულიდან იცვენ მათ შეიარაღებული მამაკებნი“²³. საცხოვრებლად გამოყენებული კოშკური ტიპის სამსართულიანი სასახლები უმთავრესად გავრცელებული იყო ჩაჩნეთის მთიანეთის დასავლეთ რაიონებში. მთიანი ჩაჩნეთისათვის ძირითადად დახასიათებული ყოფილა ქვის ორსართულიანი ნაგებობა²⁴. მაგრამ ორსართულიანი საცხოვრებელი, რომლის ქვედა სართული ბოსელს წარმოადგენდა, ხოლო ორი ოთახისაგან შედგენილი ზედა სართული საცხოვრებლად გამოიყენებოდა, ძირითადად მაინც ინდივიდუალური ოჯახის არსებობას შეესაბამებოდა და მის მოთხოვნილებას პასუხობ-

დენიუ ნ ე ე - დ (некий), ნყიუ-ში შედიოდა რამდენიუ წ ა (ა | ა), რამელსაუ მ. მამაკაევი უწოდებს თამილას, ხოლო წა-ში გაერთიანებული ყოფილა რამდენიუ ოჯახი—დ ი ე ხ ა ლ (доухал) (М. М а м а к а е в, Чеченский тайп (род) и происс его разлужения, Грозный, 1962, стр. 10);

ბ. კალოვი გარსა და ნყიუ-ს აგვიებს, როდესაც წერს: «Тайпы делились на более мелкие близкородственные группы, так называемые н е к ъ е или г а р, объединившие от 10 до 50 родственных дворов» (Народы Кавказа, I, стр. 366).

გარსა და ნყიუ-ს შორის იგივეობას ნიშნის დასმა აშკარა შეეცდომა. მით უფრო დაკარგული ჩანს სოციალური ტერმინების შინაარსი ხალხში, როდესაც ისინი ერთნაირი მნიშვნელობით ხმარობენ ერთნაირსაგან მკვეთრად განსხვავებული სოციალური გაერთიანებების აღმნიშვნელ ისეთ ცნებებს, როგორცაა ვარ და ნყიუ. მ. მამაკაევის მიერ წარმოდგენილი სქემაც არ უნდა იყოს ზუსტი, მაგრამ ის მაინც უფრო დამაჯერებელი ჩანს, ვიდრე მთხრობლის ცნობა ან ბ. კალოვის განმარტება.

ბოლო დროს ამ საკითხს ახალ ინტერპრეტაციას მიეცა (Р. Х а р а д з е, Некоторые стороны сельско-общинного быта горных ингушей, КЭС, II, стр. 173—179).

²² შდრ. რ. ხ ა რ ა ძ ე, ხევსურული ძირი და გვარი, შიმომხილველი, I, თბილისი, 1949.

²³ ვიულდენშტედტის მოგზაურობა საქართველოში, II, თბილისი, 1964, გვ. 71 (გერმანული ტექსტი ქართული თარგმანიტურად გამოსცა და გამოკლევა დაურთო გ. გ ე ლ ა შ ვ ი ლ შ ა).

²⁴ Народы Кавказа, I, стр. 359.

და- გადმონაშთური ფორმით შემონახული საოჯახო თემის საცხოვრებლად განკუთვნილი იყო მრავალსართულიანი ნაგებობა, რომლის შიგნით შემდეგაც განაგრძობდნენ ცხოვრებას საოჯახო თემის სეგმენტაციის საფუძველზე წარმოქმნილი ინდივიდუალური ოჯახები. ამის შესაბამისად ხდებოდა საცხოვრებელი ფართობის დანაწილება, რაც მრავალსართულიან ნაგებობაში, უმთავრეს შემთხვევაში, სართულების მიხედვით ხორციელდებოდა.

ფართობის დანაწილების ამ პრინციპს ქვემოთ შევხებით, ხოლო აქ იმის აღნიშვნით დაეკმაყოფილდებით, რომ საოჯახო თემის სეგმენტაციის საფუძველზე იქმნებოდა პატრონიმიული ხასიათის დასახლება. პატრონიმიის ჩამოყალიბების პროცესი ჯერ მიმდინარეობდა ერთი საოჯახო თემისათვის განკუთვნილი ნაგებობის შიგნით, ხოლო ოჯახების შემდგომი გამრავლების შედეგად იქმნებოდა მკიდროდ დასახლებული პატრონიმიული უბანიც. ერთ სახლში რამდენიმე ოჯახის იზოლირებულად ცხოვრების, ე. ი. პატრონიმიის საწყისი მდგომარეობის შესახებ ცნობები გვხვდება ლიტერატურაშიც²⁵.

უსათუოდ ყურადღების ღირსია ის გარემოებაც, რომ ჩაჩნეთში დიდი ოჯახის ცხოვრება ყოველთვის არ არის დაკავშირებული დიდი საცხოვრებელი ნაგებობის არსებობასთან. არის შემთხვევა, როდესაც საოჯახო თემი ცხოვრობს მცირე ზომის სახლში. ამ მხრივ საგულისხმოა კ. განის დაკვირვება. როგორც ის წერს, ბევრ ადგილას მთიელი ჩაჩნები სიღარიბეს განიცდიდნენ და ვიწრო ბინებში ცხოვრობდნენ. სამაგალითოდ კ. განი ასახელებს შარო-არღუნის ხეობის სოფ. შიყარონის ერთ-ერთ სამსართულიან კოშკს, რომლის ქვედა სართულის ფართობი მოიცავდა 40—50 კვადრატულ ფუტს, და გამოიყენებოდა 12 ოჯახის საცხოვრებლად²⁶.

ეს ფაქტი ჩვენთვის ორმხრივია საინტერესო: ერთი იმიტომ, რომ იგი გვიჩვენებს საოჯახო თემის სეგმენტაციის პროცესს. სხვაგვარად შეუძლებელი იქნებოდა ერთ სამსართულიან სახლში (რომლის ფართობი სულ 120—150 კვადრატულ ფუტს აღწევდა) 12 ოჯახის თავმოყრა, თუ არა დიდი ოჯახის გაყრის ნიადაგზე. საყურადღებოა ეს ფაქტი იმიტომაც, რომ დიდი ოჯახის საცხოვრებლად დიდი სახლის გამოყენება ყოველთვის არ წარმოადგენდა გარდაუვალ მოვლენას.

²⁵ К. Г а и, Экскурсия в Нагорную Чечню и Западный Дагестан летом 1901 года, ИКОИРГО, XV, Тифлис, 1902, стр. 218; Г. В е р т е п о в, В горах Кавказа, ТС, вып. VI, Владикавказ, 1903, стр. 105.

²⁶ К. Г а и, დასახ. ნაშრომი, გვ. 218.

დიდი ოჯახის, როგორც იშვიათი ეთნოგრაფიული გადმონაშთის არსებობა დამოწმებულია ჩაჩნეთის ბარშიც XIX საუკუნის ბოლო მეოთხედში. ამის შესახებ საინტერესო ცნობებია ასახული გადასახადების გაწერის მიზნით 1886 წელს შედგენილ საკომლო დავთრებში. ჩაჩნეთ-ინგუშეთის ასსრ სახელმწიფო არქივში დაცულ 100-ზე მეტი დავთრიდან 24 დავთარს სპეციალური მიმოხილვა მიუძღვნა ნ. გრიცენკომ²⁷, რომლის სამართლიანი შეხედულებით, ეს მასალა წარმოადგენს მნიშვნელოვან ისტორიულ წყაროს ჩაჩნეთის სოციალურ-ეკონომიური მდგომარეობის შესწავლისათვის.

დავთრების სათანადო პუნქტებში ნაჩვენებია ოჯახის სულადობა, ოჯახის წევრ მამაკაცთა სახელები, გვარები, ასაკი, სარწმუნოება, განათლება და საქმიანობა, ხოლო ქალებისა მხოლოდ რაოდენობა. ამასთან ერთად აღწერილია ოჯახის ეკონომიური მდგომარეობა.

ნ. გრიცენკოს მიერ განხილულ ყველა დავთარში აღწერილია ჩაჩნეთის ბარის 24 სოფელი, სადაც კაპიტალისტური ურთიერთობის ნორმები იოლად იკაფადნენ გზას. ამ მხრივ სრულიად განსხვავებული ვითარება სუფევდა იმავე დროის მთის სოფლებში, სადაც ახალი საზოგადოებრივი ურთიერთობის განვითარებისათვის სათანადო პირობები არ არსებობდა. ამიტომ ნ. გრიცენკო აშკარა წინააღმდეგობაში ვარდება, როდესაც ზემოაღნიშნულ დავთრებზე დაყრდნობით თავს უფლებას აძლევს იმსჯელოს მთიელი გლეხის საოჯახო ყოფაზე, მათს შეურნეობასა და საქმიანობაზე. შესაძლებელია ნ. გრიცენკო ამ შეზღუდვაში გულისხმობდეს მთიდან ჩამოსულსა და ბარად დამკვიდრებულ მოსახლეობას, მაგრამ ასეთი მიდგომა მაინც გაუმართლებელი იქნებოდა, რამდენადაც მოსახლეობის აღწერის მომენტში ყველა ოჯახი უკვე ბარელად ითვლებოდა და მათი ცხოვრება ბარულ ყოფაზე იყო მოწყობილი. საოჯახო ყოფის შესწავლისას ამ გარემოებას პრინციპული მნიშვნელობა აქვს, ვინაიდან ჩაჩნეთის მთა და ბარი, ისევე როგორც საქართველოს მთა და ბარი²⁸, სოციალური ურთიერთობის განვითარების მხრივ სხვადასხვა დონეზე იმყოფებოდნენ.

სხენებულ ეპოქაში ოჯახის გაბატონებულ ფორმას წარმოადგენდა ინდივიდუალური ოჯახი. ისეთი ოჯახების რიცხვი, რომელთაგან თითოეული ხუთ სულს არ აღემატებოდა, შეადგენდა აღწერილი 24 სოფლის მოსახლეობის 58,2%, ექვს-ათსულიანი ოჯახებისა — 39,6%,

²⁷ Н. Г р и ц е н к о, Посемейные списки селений—важнейший источник истории Чечено-Ингушетии последней четверти XIX века, ИЧИННИ, III, вып. I, Грозный, 1963.

²⁸ რ. ხ ა რ ა ძ ე, აღ. რ ბ ა ქ ი ძ ე, სვანეთის სოფელი ძველად, თბილისი, 1964; მ ა თ ი ვ ე, მთიულეთის სოფელი ძველად, 1965 და სხვა.

ოჯახებისა, რომელთაგან თითოეული 11—15 სულს ითვლიდა — 3%, ხოლო ისეთი ოჯახების რიცხვი, რომელთაგან თითოეულში 16 სულზე მეტი ირიცხებოდა, მოსახლეობის მხოლოდ 0,5% შეადგენდა²⁹.

24 საკომლო დავთარში სულ 30 ოჯახია დასახელებული, რომელთა სულადობა 16-დან 27-მდე მერყეობდა. ოჯახის ეკონომიური საფუძვლების გაცნობისას ქვემოთ დავინახავთ, რომ ზოგიერთ მათგანს რამდენიმე სახლი ჰქონდა. ის გარემოება, რომ ნ. გრიცენკოს მიერ დიდ ოჯახად სახელდებული ერთეული ორ, სამ, ოთხ და მითუმეტეს ექვს სახლში ცხოვრობდა, მანიშნებელია დიდი ოჯახის სეგმენტაციის საფუძველზე პატრონიმიული ერთეულის წარმოქმნისა, მაგრამ ვინაიდან ყველა ასეთი ერთეული ჯერ კიდევ გაუყოფელ ქონებაზე იქნა და კოლექტიურად შრომობდა, საფიქრებელია, საქმე გვექონდეს არა ჩამოყალიბებულ პატრონიმიასთან, არამედ მისი შექმნის მოსამზადებელ საფეხურთან. აღწერილი ვითარება ნიშანდობლივ მიგვიითითებს გარდამავალ საფეხურზე, როდესაც საერთო საკუთრების მფლობელი ოჯახი რამდენიმე სახლს აშენებს და მოსალოდნელი ინდივიდუალ-რეზიდენციისათვის რეალურ ბაზას ქმნის.

როგორც ამ მონაცემებიდან ჩანს, XIX საუკუნის მიწურულში გაუყრელად ცხოვრების ტრადიცია ბარადაც ცოცხლობდა. საკომლო დავთრებში აისახა გადმონაშთის სახით უმნიშვნელო რაოდენობით შემონახული დიდი ოჯახების ინდივიდუალურ ოჯახებად დანაწილებისა და პატრონიმიული უბნების შექმნის პროცესი.



ოჯახის შემადგენლობის შესახებ ლიტერატურიდან მოტანილი ცნობები და ჩვენ მიერ ადგილზე შეკრებილი მასალა იმ გარემოებაზე მიგვიითითებს, რომ XVIII საუკუნის ბოლოსა და XIX საუკუნის მთელ სივრცეზე ჩაჩნეთ-ინგუშეთში ჯერ კიდევ იყო შემონახული რამდენიმე თაობისა და მრავალი სულის ერთ ოჯახად ცხოვრების წესი. ამ ისტორიულად არსებულ ჩვეულებას ხალხი მისი მოსპობის საფეხურზედაც კი თაყვანს სცემდა. გაუყრელად ცხოვრების ტრადიციისადმი ასეთ დამოკიდებულებაზე უნდა მიგვიითითებდეს ის გარემოება, რომ მრავალრიცხოვანი ოჯახის წარმომადგენელი თავისი ოჯახის სიდიდითა და მამაკაცთა სიმრავლით ამყობდა და საზოგადოებაში ის დიდი ავტორიტეტით სარგებლობდა³⁰.

²⁹ Н. Г р и ц е н к о, დასახ. ნაშრომი, გვ. 119—120.

³⁰ А. Р о с с и н к о в а, Путешествие по центральной части Горной Чечни, ЗКОИРГО, XVIII, Тифлис, 1896, стр. 171.

ყოველივე ეს ჩაჩხეთ-ინგუშეთში გაუყრელად ცხოვრების წესს მსკეწებელია, ხოლო ეს წესი საოჯახო თემის ერთ-ერთ დამახასიათებელ კომპონენტს წარმოადგენდა. მკვლევართა უმრავლესობაც ამ თვალსაზრისზე დვას. მაგრამ ზოგიერთ ნაშრომში უკულუბელყოფილ ან ხელაღებით უარყოფილია აქ ოჯახის ამგვარი ფორმის არსებობა. მაგალითად, ნ. გრაბოვსკიმ 1874 წელს ინგუშური სახლის აღწერისას სხვათა შორის აღნიშნა, რომ აქ ზოგჯერ რვასულიანი ოჯახიც ბინადრობს³¹. ნ. გრაბოვსკის შრომის ამ ადგილიდან ისეთი შიშვეტილიება რჩება, თითქოს ამაზე უფრო მრავალრიცხოვანი ოჯახი უცაო იყო ინგუშთა ძველ ყოფაათვის.

ოჯახის სულადი შემადგენლობის ჩვენების სრულიად გაუმართლებელ ხერხს მიმართავს გ. ვერტეპოვი³². როდესაც ის 1865, 1882 და 1889 წლების სტატისტიკურ მონაცემებზე დაყრდნობით გვაცნობს ოჯახის საშუალო სიდიდეს. მისი გამოანგარიშებით ბარელი ინგუშის ოჯახი საშუალოდ შედიოდა 4.7 სულს, ხოლო შთაელის 6.9 სულს.

მართალია, აქ წარმოდგენილ ციფრობრივი მაჩვენებლების მსგავსებით მთიელი ინგუშის ოჯახი ბარელისაზე უფრო მრავალსულიანი იქნა. მაგრამ მართო ამ მონაცემებზე დაყრდნობით შეუძლებელია ოჯახის შემადგენლობაზე მსჯელობა. ისევე, როგორც მეცხოველეობის განვითარების საშუალო რიცხობრივი მაჩვენებლები სრულ წარმოდგენას არ გვაძლევენ ცალკეული ოჯახების ეკონომიური მდგომარეობის შესახებ.

გ. ვერტეპოვის ნაშრომში სრულებით არ არის გათვალისწინებული კონკრეტული ფაქტების გადმოცემის საჭიროება. კიდევ უფრო დიდ ხარვეზად შეიძლება მიჩნეულ იქნეს მკვლევარის მიერ ფაქტობრივი მასალის შეუფასებლობა. მაგალითად, იგი ეხება რა ინგუშის სახლსა და მის შიდაპოწყობილობას, აღნიშნავს: „Живут горные ингуши обыкновенно по несколько семей в одном жилище. Каждая семья имеет особое помещение отделенное от помещений остальных семей толстыми каменными стенами и выходящее в один общий коридор“³³.

როგორც ვხედავთ, გ. ვერტეპოვი აქ მოკლედ აღწერს ისეთ საცხოვრებელ ნაგებობას და ოჯახების განსახლების ისეთ წესს, რაც და-

³¹ Н. Г ра б о в с к и й. Ингуши. ССКГ. IX. Тифлис. 1876. стр. 37.

³² Г. В е р т е п о в. Ингуши. ТС. II. Владикавказ. 1892. стр. 100—101; შტრ. Е. М а к с и м о в и Г. В е р т е н о в. Туземцы Северного Кавказа. вып. I. Владикавказ, 1892. стр. 100—101.

³³ Г. В е р т е н о в. დასახ. ნაშრომი. გვ. 95—96; Е. М а к с и м о в и Г. В е р т е н о в. დასახ. ნაშრომი. გვ. 95—96.

მახასიათებელი იყო საოჯახო თემის დაშლისა და პატრონიმიული უბნის შექმნის პროცესისათვის.

ვ. ვერტეპოემა ამ აღწერილობის ესოდენ დიდი მნიშვნელობა ვერ გაითვალისწინა და ძირითად წყაროდ სტატისტიკა გამოიყენა. მკვლევარი რომ მიმხვდარიყო, თუ საზოგადოებრივი ურთიერთობის განვითარების რომელი საფეხურია ასახული მის მიერვე აღწერილი დასახლების ფორმაში, არ გაუჭირდებოდა იმის აღნიშვნა, რომ XIX საუკუნის მთაიანგუშეთში ინდივიდუალური ოჯახის გვერდით შემონახული იყო საოჯახო თემის გადმონაშთები. აღნიშნული ვითარების საფუძველზე მისთვის ასევე ნათელი იქნებოდა, რომ მთაში დიდი ოჯახების შემონახულობამ განაპირობა ის სხვაობა მთისა და ბარის ოჯახებს შორის, რაც საშუალო ციფრობრივი მონაცემების მიხედვით დადგინდა.

ვინაიდან გ. ვერტეპოემა ვერ მოგვცა ფაქტობრივი მასალის ანალიზი და ვერ გამოავლინა ინდივიდუალური ოჯახის გვერდით გადმონაშთის სახით შემონახული საოჯახო თემის თავისებურება, მის შრომის მიხედვით ძალაუვნებურად იქმნება შთაბეჭდილება, თითქმის XIX საუკუნის მთაიანგუშეთისათვის უცხო ყოფილიყოს დიდი და პატარა ოჯახების თანაარსებობა.

ზოგაერთმა მკვლევარმა კიდევ უფრო გააღრმავა ეს მიუტყევებელი შეცდომა და ძველი საზოგადოებრივი ყოფის გადმონაშთების გაუთვალისწინებლად საკითხის უკიდურესად ცალმხრივი ახსნა მოგვცა. მხედველობაში გვყავს ნ. იაკოვლევი, რომლის მტკიცებით, ინგუშებში არ მისდევდნენ გაუყრელად ცხოვრების წესს. როგორც წესი, აღნიშნავს ნ. იაკოვლევი, ახალშეუღლებულნი ნათესავების დანმარებლობის შენებენ სახლს, ლებულობენ მიწის ნაკვეთს და ქმნიან დამოუკიდებელ მეურნეობას. ავტორის ცნობით, ინგუშის ოჯახი საშუალოდ ზუთი-ექვსი სულისაგან შედგებოდა³⁴.

ნ. იაკოვლევი ამ შემთხვევაში ეყრდნობა ბარელი ინგუშების ყოფის ამსახველ მასალებს. 1925 წელს გამოქვეყნებული წიგნის ავტორის ეს ცნობები სავსებით შეესაბამება იმ ეპოქის სინამდვილეს, რომელზედაც მას უხდებოდა დაკვირვება. საბჭოთა ხელისუფლების პირობებში არა მარტო ბარში, არამედ მთაშიც ზემოხსენებული ტიპის ოჯახთან გვაქვს საქმე. ძველი საოჯახო ტრადიციები და მრავალსულნი ოჯახები მხოლოდ მცირედი გამონაკლისის სახით გვხვდება წარსულის სხვა რიგის გადმონაშთებთან ერთად, მაგრამ იყო თუ არა ასეთი ვითარება ერთნაირად დამახასიათებელი გასული საუკუნის ინ-

³⁴ Н. Яковлев. Ингуши. Москва-Ленинград, 1925, стр. 57-58

გუშეთის მთისა და ბარისათვის? ამ კითხვაზე მხოლოდ უარყოფითად შეიძლება ვუპასუხოთ. მეკლევარი ანგარიშს არ უწევს იმ ფაქტს. რომ ინგუშების ბარად ჩასახლებას თან სდევდა დიდი ოჯახების დაყოფა ინდივიდუალურ ოჯახებად. სრულიად სამართლიანად შენიშნავს ამას შესახებ ე. ზრისტიანოვიჩი, რომ მთიდან ბარში მოსახლეობის მასობრივი გადასვლის შედეგად საოჯახო თემები თითქმის მთლიანად მოიშალა და მთიელის ოჯახის სულადი შემადგენლობა ბარელის ოჯახს გაუთანაბრდა³⁵.

6. იაკოვლევმა არ გაითვალისწინა არც მთისა და ბარის სოციალურ-ეკონომიური თავისებურებანი, არც მოსახლეობის მოძრაობის შედეგად მომხდარი ცვლილებები საოჯახო ყოფაში და, რაც მთავარია ახალი ეპოქისათვის დამახასიათებელი მასალის საფუძველზე ხელაღებით უარყოფილი საოჯახო თემის არსებობა ინგუშეთში დროის ფაქტორის მხედველობაში მიუღებლად. ამიტომ, ჩვენ მიერ ზემოთ წარმოდგენილი მონაცემების ფონზე მისი ეს არგუმენტი ასევე ხელაღებით უარყოფას იმსახურებს.

ასევე მოკლებულია ყოველგვარ დასაბუთებას ი. საიდოვის მსჯელობა იმის შესახებ, თითქოს ნახთა ყოფაში XIX საუკუნეში ბევრად ადრე საქონლის, სახნავი მიწის, სათიბისა და ზოგან საძოვრის შესაკუთრე ერთეულს წარმოადგენდა მხოლოდ პატარა ოჯახი. მისივე განცხადებით, XVI—XVIII საუკუნეების ნაგებობანი, კაპიტალური ტიხარებით, განკუთვნილი ყოფილა პატარა ოჯახების საცხოვრებლად³⁶.

როგორც ჩანს, ი.საიდოვი არ ფლობს საველე მასალებს ნახების საოჯახო ყოფის შესახებ და ლიტერატურაში არსებულ ცნობებსაც სავსებით უგულებელყოფს. ის რომ ანგარიშს ლიტერატურას მაინც უწევდეს, თავს უფლებას არ მისცემდა XVI-XVIII საუკუნეების ნაგებობანი მარტოდენ პატარა ოჯახების საცხოვრებლად ეცნო. მარტო ის ფაქტიც კი, რომ XVIII საუკუნის მიწურულში ი. რეინგესმა ნახებში საოჯახო თემის არსებობა დაადასტურა, საკმარისი საბუთია იმისა, თუ რაოდენ უპასუხისმგებლო და ზერელეა ი. საიდოვის მსჯელობა ნახური ოჯახის შემადგენლობის, საკუთრების ხასიათისა და XVI-XVIII საუკუნეების ნაგებობათა სოციალური ბუნების შესახებ.

ამგვარად, თუ მხედველობაში არ მივიღებთ იმ ავტორებს, რომელთაც დაამახინჯეს არსებული სინამდვილე ან განზრახ უგულებ-

³⁵ В. Х р и с т и а н о в и ч, დასახ. ნაშრომი, გვ. 62.

³⁶ ი. საიდოვის ეს თვალაზრისი ასახულია ჩაჩნეთ-ინგუშეთის ისტორიის ნარკვევებში, რომლის ერთ-ერთი პარაგრაფი მის შერაა დაწერილი (იხ. Очерки истории Чечено-Ингушской АССР, I, Грозный, 1967, стр. 281).

ბელყკს ფაქტობრივი მასალა. ფაქტებზე დამყარებული ძირითადი ლიტერატურისა და ჩვენ მიერ შეკრებილი ეთნოგრაფიული მასალის მიხედვით აშკარად ჩანს, რომ ჩაჩნეთ-ინგუშეთში გვიანობამდე ინახავდა ლავს არაერთი მრავალპულიანი ოჯახი, რომელიც რამდენიმე თაობისა და რამდენიმე საქორწინო წყვილისაგან შედგებოდა.

ზემოთქმულის დამადასტურებელ მეტყველ საბუთად მიგვაჩნია ოჯახის აღმნიშვნელი სახელწოდებები. ოჯახს, რომელშიც რამდენიმე თაობა ერთად ცხოვრობდა, ინგუშურად ეწოდება: ბოჭჭ დიეძალ (დიდი ოჯახი). ცჰჰან დაახარ (ერთად ცხოვრება) ან ცჰჰენ ბე-ეხა ვეჟერი (განუყრელი ძმები). ამის შესატყვისაა ჩაჩნური ბოჭჭ დიეზალ (დიდი ოჯახი). ცჰჰენ დაახარ (ერთად ცხოვრება) და ცჰჰენ ბეეხა ვეჟერი, ანდა ბუი ბაალანძვეჟერი (განუყრელი ძმები). დიდი ოჯახის აღმნიშვნელი ამ აღწერილობითი ხასიათის სააღწოდებისაგან განსხვავებით ინდივიდუალურ ოჯახს ინგუშურად ეწოდება დიეძალ. ხოლო ჩაჩნურად დიეზალ. ჩაჩნურსა და ინგუშურში გვაქვს აგრეთვე ინდივიდუალური ოჯახის აღსანიშნავად აღწერილობითი ხასიათის ისეთი ტერმინები, როგორცაა ინგუშური ძამიგ დიეძალ (პატარა ოჯახი) და ბუი ბენნ ვეჟერი (გაყრილი ძმები). ხოლო ჩაჩნური ეიმ დიეზალ (პატარა ოჯახი) და ყესთინ აეშბოლუ ვეჟერი (გაყრილი ძმები).

თავისთავად ცხადია, რომ ერთმანეთისაგან განსხვავებული ტერმინების ხმარება დაკავშირებულია სხვადასხვა ტიპის ოჯახების არსებობასთან. ხოლო რამდენადაც ერთი წინაპრის სახელის მატარებელი და სიასლით ნათესაობის მიხედვით გაერთიანებული რამდენიმე თაობის ერთ ქერქვეშ ცხოვრება საოჯახო თემის ნიშანდობლივ მხარეს წარმოადგენდა. შეგვიძლია ვთქვათ, რომ ზემოთ წარმოდგენილი მასალები სწორედ ამგვარი ტიპის ოჯახის გადმონაშთური ფორმით შემონახულობის მაჩვენებელია.

მეორე თავი

ოჯახის ეკონომიური საფუძვლები

ჩაჩნეთ-ინგუშეთის მთიანეთში მოსახლეობის ძირითად საარსებო საშუალებას წარმოადგენდა მესაქონლეობა და მიწათმოქმედება. ჩაჩნებმა და ინგუშებმა, როგორც კავკასიელთა დიდი ოჯახის უძველესმა წარმომადგენლებმა, თავიანთი წელალი შეიტანეს მეურნეობის ამ

დარგებოს დაწინაურებაში. ისევე, როგორც კავკასიის სხვა კუთხეებში. ჩაჩნეთ-ინგუშეთის მთიანეთშიც არსებობდა მიწათმოქმედების დიდი კულტურა და მაღალგანვითარებული მესაქონლეობა. ყოველივე ამის მიუხედავად მეურნეობის ეს ორივე დარგი, აქ არსებული გეოგრაფიული პირობების გამო, შეზღუდული იყო და ფართო მასშტაბებით არ ხასიათდებოდა. მაგრამ როდესაც საკუთხი დგება მათ შორის უპირატესი როლზე. ეკონომიკაში ხვედროთი წონით წამყვან ადგილს მიაღწევს მესაქონლეობა ჩემულობს. ჩვენს დაკვირვებებს საყვებლივ უქერს მხარს ყველა დღემდე არსებული გამოკვლევა. სადაც კი ჩაჩნეთ-ინგუშეთის ეკონომიურა დახასიათებაა მოცემული, მაგრამ ვიდრე ლიტერატურულ მონაცემებს შევხებოდეთ და სასაზღვრო ყოველს სავსებით სურათს გავეცნობოდეთ. საქიროდ მიგვაჩნია გადასვლითი იმ მასალებს. რომლებიც მეტ-ნაკლები სისრულით გვაძლევს წარმოდგენას ქალაქული ოჯახების ეკონომიურ მდგომარეობაზე. მეურნეობის განვითარების მასშტაბებზე.

ზემოთ არაერთგზის ხსენებული ინგუში ჩანიევების ოჯახი ცხრამდე ცხოვრობდა დიდი მოცულობის ციხე-სახლში (ღალში). რომლის ქვედა სართული გამოიყენებოდა საქონლის სადგომად. ხოლო ზედა სართულები ადამიანის საცხოვრებლად. მარაგის შესანახად და თავდასაცავად. ამავე ოჯახის საკუთრებას შეადგენდა ღალის იატაკივ ამუშავებული რამდენიმე ბანჯანი სახლი -- ე. წ. წა. ხოლო ნაებობათა მთელი ეს კომპლექსი მოქცეული იყო ქვის გალავნის შიგნით.

ჩანიევების ოჯახი სხვა ოჯახებთან ერთად თანაბარი უფლებით სარგებლობდა სასოფლო საძოვრებით. არც ამ ოჯახის და არც ჩანიევების გვარის (პატრონიმის) საკუთრებაში საძოვრები არ შედიოდა. სამაგიეროდ ჩანიევებს პატრონიმიულ საკუთრებაში ჰქონდათ სათიბები. რომლებსაც ციხის დაწყებამდე წალის ყრით ინაწილებდნენ მდინ თანაბარ ნაწილად. რამდენი ოჯახიც პატრონიმაში შედიოდა. სათიბების განაწილებისას შედეგელობაში იყო მიღებული სათიბი ადგილებს მოცულობა, მდებარეობა და მოსავლიანობა.

ჩანიევების პატრონიმიულ საკუთრებაში შედიოდა აგრეთვე სახნავი მიწებიც. თუ სათიბები ოჯახებს რაცხეზე თანაბრად იყოფოდა. სახნავი ნაკვეთების განაწილებას საფუძვლად ედო ოჯახის სულადი შემადგენლობა. სხვათა შორის უნდა აღინიშნოს, რომ სახნავი ნაკვეთების განაწილების ეს პრინციპი, რაც ჩანიევების მაგალითზე აქ-

¹ ნაებობათა შესახებ იხ. А. Р о с а к и д а е. Жизнь и поселения горных ингушей. КЭС. II. Очерки этнографии Горной Ингушетии. Тбилиси. 1968; Г. Г е р с е к о р и. Жизнь тина «ц|а» в ущелье реки Армаи и ее пригоков. КЭС. II.

ნა დამოწმებული. სხვა შემთხვევაში არ გვხვდება და აქედან ვა-
მონაკლისი ფაქტის შთაბეჭდილებას ტოვებს.

ჩანიევების ოჯახის საქონლის რიცხვის დადგენა ადგილზე ვერ
მოხერხდა. მისრობლები დაჯერდნენ იმის აღნიშვნას, რომ ჩანიევე-
ბი დიდძალი საქონლის შეპატრონენი იყვნენ. ეწეოდნენ მომთაბა-
რეობას და ზამთრობით ბაგურ კვებაზე მხოლოდ საქონლის მცირედ
ნაწილს აჩერებდნენ.

მესაქონლეობა ყოფილა ძირითადი საარსებო საშუალება ინგუ-
შეთის სოფ. ხამხიდან სოფ. ტარსკიაში გადმოსასლებამდე კაციე-
ვებზე ოჯახისათვისაც. ხუთ დამოუკიდებელ ოჯახად მათი გაყრ-
ვის განაწილდა ექვსი ცხენი, ექვსი ძროხა თავისი ხბოებითა და მოზე-
კრებით. 200-მდე სული ცხვარი, ექვს დღიურამდე სახნავე მიწა და ოჯა-
ლის საკუთრებაში მყოფი საქონლის გამოსაყვებად საკმარისი სათი-
ბები.

მსგავსი სურათი მეორდება ოზდოეების ოჯახის მაგალითზე-
დაც. ოღონდ კაციეებთან შედარებით მათ უფრო შეძლებულად უც-
ხოვრიან. სუთ ოჯახად გაყრისას ოზდოეებმა გაანაწილეს ერთი ადრე
აშენებული ციხე-სახლი (ღალ), ხუთი მოწილისთვის გაყრამდევე აშე-
ნებული ხუთი ბანიანი სახლი (წა). უღელი ხარით ათი ღლის სახნა-
ვი მიწა, ორი ცხენი, ორი ვირი, 18 ხარი, 45 ძროხა, ამ ჰირუტყვის
ბაგური კვებისათვის საკმარისი სათიბები და 500 სული ცხვარი.

მიწათმოქმედებასთან შედარებით მესაქონლეობის უპირატესო-
ბა შეიმჩნევა ჩანჩეთში შეკრებილი მასალების მიხედვითაც. სრუ-
ლიად ამკარაა ის გარემოებაც, რომ ოჯახები ქონებრივად ერთმანე-
თისაგან მევეთრად განსხვავდებოდნენ. საილუატრაციოდ შეიძლება და-
ვასაძელოთ დადაეებისა და მიზაეების ოჯახები. გაუყრელად ცხოვ-
რების დროს პირველი მათგანის დოვლათს შეადგენდა ოროთასი-
ნი სახლი, ხის გუთნითა და ორი უღელი ხარით ხუთი ღლის სახნავე
მიწა. ერთი უღელი ხარი (ხენაში ერთ უღელს მეზობლისას იყენებ-
დნენ). ერთი ცხენი და ოთხი ძროხა. რაც შეეხება მიზაეების ოჯახს.
ჯაყრის მომენტში მათ ექვს ნაწილად გაიყვეს ერთი ექვსსართულიანი
კოშკი (ციხე-სახლი), ორი დღიური სახნავე მიწა, სათიბი, რომლის
გათბევას ექვსი კაცი ორ კვირას უნდებოდა, ცხრა ცხენი, ოცი ხა-
რი, 35-40 მსხვილფეხა ჩქოსანი და 3000-მდე ცხვარი და თხა. ცხვარს
ბაგურ კვებაზე ამყოფებდნენ დაახლოებით ერთ თვემდე. დანარჩენ
დროს აბალახებდნენ ჩანჩეთის თბილსა და ნაყოფიერ ხეობათა სა-
ძოვრებზე.

დადაეებისა და მიზაეების ოჯახები სხვებთან ერთად სარგებ-
ლობდნენ სასოფლო ტყითა და საძოვრით.

ეკონომიური მდგომარეობით ამ ოჯახებს შორის მევეთა განსხვავებასთან ერთად ორივე მათგანის მაგალითზე აშკარად შესაძრნე-ვია სახნავ-სათესი ნაკვეთების ნაკლებობა. აღგილობრივი მოსავალი არც ერთ მათგანს არ ყოფნიდათ. მდიდარი მიზაევეებისათვის ეს არც წარმოადგენდა მტკიენეულ საკითხს, რამდენადაც საქონლის ნამატა. საფასურით პურის შეძენა მათთვის ძალზე მსუბუქი საქმე იყო, მაგრამ ასეთი ოჯახების რიცხვი ჩაჩნეთში მოსახლეობის უმცირესობას შეადგენდა. საქონლის ნამატის თუ პროდუქტების ბაზარზე გატანა პურის შეძენის მიზნით დადაევეების დონეზე მყოფი ოჯახისათვის გამოწვეული იყო მხოლოდ უკიდურესი გაჭირეებით. მაგრამ ასე იყო თუ ისე. მთიე-ლის მეურნეობაში წამყვანი აღგილა მესაქონლეობას ექირა და მრავან პილებულ შემოსაეალი წარმოადგენდა პურეულით უზრუნველყოფის წყაროს.

ეკონომიური უთანასწორობა ასევე ნიშანდობლივი იყო ბარელი ჩაჩნებასთვისაც. რაც კარგად ჩანს ნ. გრიცენკოს მიერ გამოქვეყნე-ბული საარქეო მასალიდან. როგორც ამ ნაშრომის პირველ თავში ექონდა აღნიშნული. ეს წყარო გეაცნობს არა მარტო აღწერის მო-ნენტში გადმონაშთის სახით შემონახული დიდი ოჯახების შემადგენ-ლობასა და მათ დანაწილების პროცესს, არამედ მათ ეკონომიურ მდგომარეობასაც. რამდენიმე ოჯახის ამ თვალსაზრისით ურთიერთ-შედარება აშკარად გვიჩვენებს ქონებრივ უთანასწორობას. შეძლე-ბულ ოჯახთაგან. პირველ რეში. აღსანიშნავია სოფ. კენი-იურთში მცხოვრები 23-სულიანი ოჯახი შ. მუსტაფაევისა. რომლის ქონებას შეადგენდა ორი სახლი, ერთი დუქანი. ათი აქლემი. 300 ცხენი. 60 ხარი. ოთხი კამეჩი, 435 სული ძროხა, დეეეული და ხბო. 2000 ცხვარი და თხა. სოფ. ალი-იურთში მცხოვრები 21-სულიანი ოჯახი ფლობდა ოთხ სახლს. ოც ხარს. 180 ძროხას. 13 კამეჩს. ორ ცხენს და 2500 სულ ცხვარსა და თხას. ამავე სოფელში ერთ სახლში მცხოვრებ 16-სულიან ოჯახს ჰყავდა რვა ხარი. ხუთი ძროხა. ორი ცხენი, ხუთი ცხვარი და თხა. სოფ. აღუ-იურთში ასევე ერთ სახლში მყოფ 19-სულიან ოჯახს ჰყავდა ორი ხარი. ერთი ძროხა. 30 ცხენი. ხუთი ცხვარი და თხა. სოფ. ბენო-იურთში 16-სულიანი ოჯახის დოვლათს შეადგენდა ერთი სახლი, ოთხი წისქვილი. ხუთი ხარი. რვა ძროხა. ოთხი კამეჩი. სამი ცხენი, 500 ცხვარი და თხა. სოფ. ზემო ნაურში 18-სულიანი ოჯახის ქონებას წარმოადგენდა ერთი სახლი. ექვსი ხარი. 13 ძროხა, ხუთი კამეჩი, ხუთი ცხენი, 700 ცხვარი და თხა. ამავე სო-ფელში 27 სული ცხოვრობდა ექვს სახლში და მათ გაუყოფლად ჰყავდათ ათი ხარი. 24 ძროხა, ერთი კამეჩი. ორი ცხენი. 500 ცხვარი

და თაა. სოფ. ქვემო ნაურში 17-სულიანი ოჯახის ქონებას შეადგენს და სამი სახლი, რვა ხარი, რვა ძროხა და ორი ცხენი².

როგორც ვხედავთ, ამ ოჯახების ეკონომიურ აღწერილობაში უკუ-ლებელყოფილია მიწა და მით სარგებლობის ფორმები. არც ზემოთ წარმოდგენილი მაჩვენებლები უნდა იყოს ზუსტი. როდესაც გადასახადების გაწერას მიზნით მოსახლეობის აღწერა ხდებოდა, შეძლებული ოჯახები მეფის მოხელეებს ქრთამავდნენ და არსებულზე ნაკლებ ქონებას უჩვენებდნენ³. აღნიშნული ხარვეზების მიუხედავად საკომლო დაეთრები სათანადო წარმოდგენას ვეძლევენ ბარელი ჩაჩნებია საოჯახო მეურნეობის ხასიათზე. აქედან კარგად ჩანს, რომ ოჯახის ეკონომიურ საფუძველს მიწათმოქმედებასთან ერთად, რომლის შესახებ აქ არაფერია ნათქვამი, წარმოდგენდა მეცხოველეობა. ზემოთ ხსენებული ოჯახების მიხედვით ძნელია იმის თქმა თუ მეცხოველეობიდან რომელი დარგი უფრო წინ იდგა. ერთი ოჯახი თუ საქონლის ჯოგისა და ცხერის ფარის პატრონია, მეორე ოჯახს ხუთიოდე ცხენი ჰყავს. ყველა აქ დასაძლავებული ოჯახის მიხედვით კი საფიქრებელია რომ მსხვილფეხა მესაქონლეობა და მეცხვარეობა ერთ დონეზე ყოფილიყო წარმოდგენილი. დიდ მეცხვარეებად ძირითადად მაინც დიდი ოჯახები გვევლინებიან. რომლებსაც კავშირი ჰქონდათ მთიელებთან საზღვრულ საძოვრების გამოყენების მიზნით. საამისოდ მათ ხელს უწყობდა ოჯახის წევრთა სიმრავლეც, ურომლისოდაც დიდი მასშტაბის მეცხვარეობა და მეჯოგეობა გარკვეულ სიძნელებთან იყო დაკავშირებული. მართალია, ისინი ამ დიდ მეურნეობაში დაქირავებულ მწყემსთა და მწველავთა შრომასაც იყენებდნენ, მაგრამ შრომის ორგანიზაცია და ბაზართან კავშირი მაინც უსათუოდ ოჯახის წევრთა მუდმივ მზრუნველობას საჭიროებდა. რაც შეეხება ინდივიდუალურ ოჯახებს, ბარად ის ძირითადად მიწათმოქმედებას მისდევდა, ხოლო მეცხოველეობიდან უმთავრესად მსხვილფეხა მესაქონლეობას. ლიტერატურაშიც აღნიშნულია, რომ მეცხოველეობიდან ჩაჩნეთის ბარში უარბობდა მსხვილფეხა რქოსანი. ხოლო მთაში პირველ ადგილზე იდგა მეცხვარეობა⁴.

იმის საილუსტრაციოდ, რომ ჩაჩნეთ-ინგუშეთის მთიანეთში მე-საქონლეობას წამყვანი ადგილი ეჭირა. ჩვენ კიდევ შეგვეძლო ანალოგიური ფაქტების დამოწმება, მაგრამ საქმე გვაქვს ისეთ

² Н. Г р и ц е н к о. Посемейные списки селений... ИЧИННИ, Г. I. вып. I. Грозный. 1963. стр. 120.

³ ა ქ ე ე. გვ. 118.

⁴ Народы Кавказа. I. стр. 349.

ვითარებასთანაც, როდესაც ოჯახის მეურნეობაში შესაქონლეობასთან შედარებით უფრო დიდი ადგილი უკავია მაწათმოქმედებას. ეს ხდება იმ შემთხვევაში, თუ ოჯახი სარგებლობს ბარად არსებული სახნავე ადგილებით. ამის მავალითად გამოდგება თუნდაც ილიევეების ზემონსენებულ ოჯახს, რომლის დოვლათს შეადგენდა მთაში უღელი ხარით სახნავე ათა დღიური მიწა, ექვსი ცხენი, უღელი ხარი, ზუთი-ექვსი ძროხა და 100 სული ცხვარი, ხოლო მალგობეკში (ბარად) ისინი ამუშავებდნენ სუთექეს ჰექტარ სახნავ მიწას.

აქ დასაძებლებული ცალკეული ფაქტები მიგვითითებენ XIX საუკუნის მეორე ნახევრასათვის ნიშანდობლივ ვითარებაზე. შესაძლებელია ეს არ იყოს ყველა ოჯახისათვის ერთნაირად დამახასიათებელი. რამდენადაც ისინი ეკონომიური დონით ერთმანეთისაგან განსხვავდებოდნენ. მაგრამ საერთო ჯამში ჩაჩნეთ-ინგუშეთის მთიანეთი ძირითადად მეცხოველეობის რაიონად წარმოგვიდგება. დადგენილად შეიძლება ჩივთვალდეს ის გარემოებაც, რომ საძოვოები და ტყე გვიანობასა და საელოთ-სასოფლო საკუთრებაში იყო და ის ცალკეული ოჯახების ხელთ არ მოქცეულა. კოლმეურნეობის ჩამოყალიბებამდე აქ სათიბებიც პატრონიშიის კუთვნილებას წარმოადგენდა და პატრონიშიან-მეზაფხულ ოჯახები მას ყოველ წელს თანაბრად ინაწილებდნენ. რაც შეეხება სახნავ ადგილებს, ძველად ასეთივე პრინციპით ხდებოდა მისი გამოყენებაც. მაგრამ არა ერთი ისეთი შემთხვევაც მოწმდება. როდესაც სახნავე ნაკვეთის მფლობელია ოჯახი, რომლის გაყრასთან დაკავშირებით მიწაც მოწილეების რიცხვის შესაბამისად თანაბრად იყოფა და მათ მუდმივ საკუთრებად იქცევა.

სახნავე ადგილების საკუთრებზე საკითხში შესაძლებელია დაბნეულობა გამოიწვიოს მხოლოდ სოციალური ტერმინების აღრევან. ლიტერატურაში არაიშვიათად გვხვდება ისეთი შემთხვევა, როდესაც ლაპარაკია გვარის საკუთრებაში არსებულ სახნავ ნაკვეთებზე. მაგრამ ვინაიდან ზოგიერთი შევლევარი გვარსა და საოჯახო თემს ერთმანეთისაგან ვერ არჩევს. შეცდომით გვარის საკუთრებად სახელდებული მიწის ნაკვეთი სინამდვილეში უნდა მივიჩნიოთ საოჯახო თემის საკუთრებად.

ლიტერატურაში თუ ასეთ კურობებს შეიძლება წავაწყდეთ, სამაგიეროდ სწორად არის გაშუქებული საკითხი თვით მეურნეობის განვითარების შესახებ.

მართალია, მთიდან ბარში მოსახლეობის მასობრივი გადაადგილების შედეგად მკვეთრად იცვლებოდა ეკონომიური მდგომარეობაც და ამ მხრივ ყოველთვის ვერ ხერხდება მეურნეობის ამა თუ იმ დარგის განვითარების ზუსტა სურათის დადგენა, მაგრამ მიუხედავად ამისა.

უევი სტატისტიკური მონაცემების საფუძველზე ყველა მკვლევარი მაინც იმ საერთო დასკვნამდე მავიდა, რომ მთიელთა ცხოვრების წყაროს წარმოადგენდა მესაქონლეობა და მიწათმოქმედება პირველს აშვარა უპირატესობით.

ამასთან დაკავშირებით საჭიროა აღინიშნოს. რომ მესაქონლეობის წამყვანობა სრულებითაც არ ნიშნავდა მიწათმოქმედების დაბალ კულტურას. პირიქით, მიწის დამუშავების ცოდნა აქ. ისევე. როგორც საქართველოს მთიანეთში, საკმაოდ მაღალ დონეზე იდგა. მაგრამ სანაღვი ადგილებზე სიმწირე და სიმცირე ერთი მხრივ, ხოლო მესაქონლეობისთვის შედარებით ხელსაყრელი პირობები. მეორე მხრივ. ძალაუფლებურად პრიორიტეტს მესაქონლეობას ანიჭებდა და გლეხი მისკან უფრო მეტ დოვლათს იღებდა. ეს დოვლათი არ წარმოადგენდა ფუფუნების წყაროს. ამ მხრივაც მთიელი ვიწრო პირობებში იმყოფებოდა, მაგრამ იმას მაინც ახერხებდა, რომ მესაქონლეობიდან მიღებული პროდუქტია მოეჭარბებინა. ბაზარზე გაეტანა და მისი საფასურით პური შეეძინა. წინააღმდეგ შემთხვევაში ის სულ მალე უპროდუქტად დარჩებოდა. ვინაიდან ადგილობრივი მოსავალი ოჯახს მხოლოდ ექვს თვემდე ჰყოფნიდა.

აღნიშნული გარემოება დადასტურებულია ინგუშეთის ეკონომიკური ყოფის მრავალი მკვლევრის მიერ. მაგალითად, 1865 წლის სტატისტიკურ მონაცემებზე დაყრდნობით ნ. გრაბოვსკი ერთ-ერთ გამოკვლევაში მიმოიხილავს არმხისა და ასის ხეობის მოსახლეობის სამეურნეო ყოფას. ის იძლევა მოსახლეობის, პირუტყვისა და მოსავლიანობის ციფრობრივ მაჩვენებლებს მთაინგუშეთში შემავალი სხვადასხვა საზოგადოების მაგალითზე. მართალია, ამ მხრივ ცალკეულ საზოგადოებებს შორის მცირედი სხვაობა იგრძნობა, მაგრამ ნ. გრაბოვსკი აქვე გვაცნობს მთაინგუშეთის მეურნეობის დონის ზოგად სურათს და დაასკვნის, რომ საშუალოდ ერთ ოჯახზე მოდის 0.5 ცხენი. 0.4 ვირი, ერთი ხარი, 2,8 ძროხა და ხბო, 20, 9, ცხვარი, 1,7 ჩეტვერტი პური⁵.

ნ. გრაბოვსკი აქვე მიუთითებს ზოგიერთი შეძლებული ოჯახის არსებობაზე რომელიც ფლობდა ორ-სამ ცხენს, ორ ვირს. ორ უღელ ხარს, 10-12 ძროხას და ხბოს და 200 სულ ცხვარს, მაგრამ მკვლევარს მხედველობიდან არ გამორჩენია ის გარემოება, რომ ასეთი ოჯახები XIX საუკუნის მეორე ნახევარში აქ იშვიათი გამოხატვის სახით არსებობდნენ⁶. ჩვენ მიერ ზემოთ აღწერილი ზოგიერთი ოჯახიც ასევე

⁵ Н. Г р а б о в с к и й, Экономический и домашний быт жителей Горского участка Ингушского округа, ССКГ, III. Тифлис, 1870, стр. 9.

⁶ ი ქ ვ ე, გვ. 9.

შედლებული ოჯახების ამ უმცირესობის სფეროს უნდა მივაკუთნოთ, ვინაიდან სსენებულ ეპოქაში ოჯახების უმრავლესობა სიღარიბეს განიცდიდა. ნ. გრაბოვსკიმ ანგარიში გაუწია რა ასეთ უთანაბრო მდგომარეობას, სტატისტიკაში საშუალო მაჩვენებლები შეიტანა და სიღარიბის მიზეზად მიიჩნია მთავინგუშეთის მკაცრი კლიმატურ-ბუნებრივი პირობები.

ზემოაღნიშნული მონაცემებ-ს მიხედვით განსაკუთრებით უმწველად გამოიყურება მიწათმოქმედება. არც მაინცდამაინც მესაქონლეობის დონეა მაღალი, მაგრამ მიწათმოქმედებასთან შედარებით მისი უპირატესობა საეჭვო არ უნდა იყოს. ამის უტყუარ საბუთად შეგვიძლია დავიმოწმოთ ნ. გრაბოვსკის ნაშრომში წარმოდგენილი ცხრილი, რომლის მიხედვით ყოველ სუთ სულზე მოდის ზემოხსენებული პირუტყვისა და მარცვლეულის რაოდენობა. რაც მათი ღირებულების თვალსაზრისით მეცხოველეობის ხვედრითი წონის სასარგებლოდ ლაპარაკობს.

ანგარიშგასაწევიან ნ. გრაბოვსკის ცნობა იმის შესახებაც, რომ ქარიხელებს მესაქონლეობის განვითარების გაცილებით უკეთესი შესაძლებლობა ქონდათ მაშინ, როდესაც მათ სარგებლობაში იყო ტარსკიას ხეობის საზამთრო საძოვრები. მაგრამ იმის შემდეგ, რაც ეს ადგილი მეფის ხელისუფლებამ კაზაკებს გადასცა, ჯარიახელთა სამეურნეო პირობებაც საგრძნობლად შეეწიროვდა⁷ და სტატისტიკაშიც დაქვეითებული მესაქონლეობის ციფრობრივი მაჩვენებლები აისახა.

ინგუშების ვიწრო სამეურნეო პირობებს აგვიწერს ნ. გრაბოვსკი 1873 წლის სტატისტიკური მონაცემების მიხედვითაც. მას აქაც ნაწევნები აქვს როგორც მაშინდელი მოსახლეობის რიცხვი, ისე პირუტყვის რაოდენობა და მიწათმოქმედებიდან მიღებული წლიური შემოსევალი. დაანგარიშებამ მკვლევარს უჩვენა, რომ ექვს სულ მოსახლეზე მოდიოდა საშუალოდ ერთი ცხენი. ერთ ადამიანზე ერთზე ნაკლები ძროხა და დაახლოებით სამი ცხვარი. ნ. გრაბოვსკის კიდევ უფრო სავალალოდ მიიჩნია პურის ნაკლებობა. რამდენადაც ერთ სულზე მოდიოდა წელიწადში 2,5 ჩეტვერტი სიმინდი, 0,5-ზე ცოტა მეტი ხორბალი, ხოლო ფეტვის, ქერისა და კარტოფილის მოსავალი იმდენად უმწიფელო ყოფილა, რომ მკვლევარს მისი აღნიშვნაც კი ზედმეტად მიუჩნევია⁸.

აღწერილი ვითარების ლოგიკური შედეგი იყო მოსახლეობის ძალზე ღარიბად კება. ნ. გრაბოვსკის მოწმობით ინგუშის ყოველ-

⁷ Н. Грабовский и, *Указ. ნაშრომი*, გვ. 12.

⁸ Н. Грабовский и, *Ингуши, ССКГ. IX, Тифлис, 1876, стр. 35.*

დღიურ საკმელს წარმოადგენდა მკადი და დო, ხოლო იშვიათად ყვე-
ლი. კვერცხი ან ერბოში შემწვარი ხაჭო. ხორბლის პური იშვიათად
ჰქონდათ შეძლებულ ოჯახებს. ისინი ზამთრისთვის ბოლოში გამოყვანილ
ხორცსაც ინახავდნენ. ხოლო ფრინველის ხორცი და მწვადი მხოლოდ
სტუმრისთვის იყო განკუთვნილი⁹.

მთაიანგუშეთის სამეურნეო პირობებს გაკვირთ შეეხო ი. პანტიუ-
ხოვი. როგორც იგი აღნიშნავს. აქაური მთიელები ბარელებთან შედა-
რებით განიციდნენ მიწების ნაკლებობას. სამაგიეროდ მთიელთა ძი-
რითად საქმიანობას წარმოადგენდა მესაქონლეობა¹⁰.

გ. ვერტეპოვის დაკვირვებითაც, მთაიანგუშეთში ყველაზე შეაღ-
ბულ ოჯახს თავისი პურეული ხუთ-ექვს თვემდე ჰყოფნიდა. ხოლო
ღარიბი ოჯახი ადგალზე მოწეული ქირანახულით თავს ინახავდა მხოლოდ
ორ თვემდე. ამიტომ მთიელი ინგუშები იძულებული იყვნენ იჯარის
მოეხნათ მიწა ბარად. ანდა იქ წასულიყვნენ სამუშაოდ და მიღებუ-
ლი ჯამაგირით პური შეეძინათ¹¹.

მთაიანგუშეთის სამეურნეო მდგომარეობის საინტერესო დახა-
ათებას იძლევა ვ. ხრისტინაოვიჩი. მთაიანგუშეთთან ერთად მან თავის
მომხილვაში მოაქცია აგრეთვე „დღანია დალინა“, რომელიც ნაი-
დან ჩამოსული ინგუშებით გვიან დასახლებულ სამიწათმოქმედო რაი-
ონს წარმოადგენს. ამ ახალი რაიონის ჩათვლითაც კი ინგუშეთის მთე-
ლი ტერიტორიის ერთი მესამედი ეჭირა ტყეს, დაახლოებით ერთ
მესამედი სამეურნეოდ გამოიყენებოდა. ხოლო 28,2 პროცენტი სრუ-
ლიად გამოუსადეგარი იყო. სამეურნეოდ ვარგისი ერთი მესამედი
წარმოადგენდა სათიბ-საძოვარს. ხოლო სახნავ-სათესად იყენებდნენ
მთაიანგუშეთის ტერიტორიის ერთ პროცენტზე ნაკლებს.

სახნავად ვარგისი ეს პატარა ნაკვეთები დიდ სიმალეებზე ნუ-
ბარებოდა. ირეცხებოდა და მალე რფიტებოდა. გლეხი იძულებულ
იყო გაეწმინდა ეს ნაკვეთები ქვებისაგან. კედლების ამოშენებით შე-
ექმნა ხელოვნური ტერასები და ყოველ სამ წელიწადში ერთხელ ნა-
კელით კაენოყიერებინა, მაგრამ ფერდობებზე ნაკელის გატანაც არ
იძლეოდა შედეგს და ნაკვეთი ზოგჯერ ისე ირეცხებოდა, რომ ეს სხვა
ადგილიდან მოტანილი მიწის დაყრასაც კი საჭიროებდა. ხოლო ქვი-

⁹ Н. Г р а б о в с к и й. Ингуши. ССКГ. IX. стр. 39.

¹⁰ И. П а н т ю х о в. Ингуши, ИКОИРГО. XIII. № 6. Тифлис. 1900.
стр. 129.

¹¹ Г. В е р т е п о в. დაახ. ნაშრომი. გვ. 107; Е. М а к с и м о в и Г. В е р-
т е л о в. დაახ. ნაშრომი. გვ. 107.

ბნ. ადგილი როდესაც მოსაველს აღარ იძლეოდა. დროთა განმავლობაში სათიბად იქცეოდა¹².

სახნავი ადგილების სიმცირესა და სიმწირესთან ერთად მიწათმოქმედების განვითარების ხელის შემშლელ მიზეზად ვ. ხრისტიანოვიჩი თვლიდა უგზობას. იგი ფიქრობდა, რომ გზების გაყვანა და ნაკელის ქარბად გატანა ხელს შეუწყობდა ბენათესვის დაწინაურებას. მავრამ მკლევარს ასეთ ვითარებაშიც არ ჰქონდა იშია იმედო. რომ მეურნეობის ამ დარგს მასზე დაბარებული შრომა აენახლათეობინა. თავიი შეხედულების დასაბუთების მიზნით იგი მიმართავს სპეციალურ ცხრილებს და საბოლოოდ იმ დასკვნამდე მიდის, რომ სახნავი ადგილები სათიბებად იქნეს გამოყენებული.

საკოთხის ამ ქრალში დასმა იმის მაჩვენებელია, რომ ვ. ხრისტანოვიჩი მთაინგუშეთს თვლიდა მესაქონლეობის რაიონად. მკლევარს არც შეეილო სსვა დასკვნის გამოტანა იმ კუთხის შესახებ. სადაც სახნავს-სთესად ვარგოდა მხოლოდ ერთი პროცენტის ნახევარი. ხოლო საქონლის საყვები ბაზა სათიბ-საძოვრების სახით მოიცავდა მთელი ტერიტორიის ერთ მესამედს.

ვ. ხრისტანოვიჩის თვალსაზრისის სასარგებლოდ მეტყველებს ფაქტიც, რომ 1926 წლის მონაცემების მიხედვით მესაქონლეობა იალეოდა შემოსავლის 96.3 პროცენტს. ხოლო მემინდვრეობიდან მიღებული შემოსავალი შეადგენდა მარტოოდენ 1.7 პროცენტს¹³.

ვ. ხრისტანოვიჩი ეყრდნობა აგრეთვე აბრამოვის კომისიის შედეგებს. საიდანაც ჩანს, რომ ჯარაბის საზოგადოება ადგილზე მოწეული მარცვლეულით ცხოვრობდა 128 დღე. ცოლის საზოგადოება - 74 დღე. მეცხალისა — 66.5 დღე. ხოლო ხაშხის საზოგადოებას თავისი მოსავალი მხოლოდ 60 დღემდე ჰყოფნიდა¹⁴.

ყოველივე ამის საფუძველზე ვ. ხრისტანოვიჩი საეხებით სამართლანად დაასკვნის, რომ მთაინგუშეთის მეურნეობაში წამყვანი ადგილი ეკირა მესაქონლეობას. აქედან მიღებული პროდუქციის საფასურით ინგუში იძენდა პურეულს. ამავე მიზნით ის ბარად სეზონურ მუშაობასაც ეწეოდა¹⁵. ხოლო ზოლიერთი ოჯახი მიწას იქ იჯარითაც ამუშავებდა¹⁶.

მიწათმოქმედების უპერსპექტივო მდგომარეობას გვიხატავს ვ. მარტიროსიანი, რომელიც თითქმის სიტყვასიტყვით იმეორებს თავის

¹² В. Х р и с т и а н о в и ч. დასახ. ნაშრომი. გვ. 26.

¹³ იქვე. გვ. 90.

¹⁴ იქვე. გვ. 182.

¹⁵ იქვე. გვ. 90. 182.

¹⁶ იქვე. გვ. 41. 182.

წინამორბედ მკვლევართა შეხედულებებს¹⁷. იმაში ღრმად დარწმუნებული მკვლევარი, რომ ინგუშეთში შედარებით ხელსაყრელი პირობებზე არსებობდა მესაქონლეობის შემდგომი განვითარებისათვის, საკირო საქმედ სახავდა გზების გაყვანას, რათა გაადვილებულიყო მესაქონლეობის პროდუქციის ბაზარზე გატანა და მისი საფასურით შეძენილი პურეულის შემოტანა¹⁸.

გ. მარტიროსიანი როდესაც მესაქონლეობის შემდგომი დაწინაურების საკითხს სვამდა, მას მხედველობაში ჰქონდა აუთვისებელი საძოვრების გამოყენება. როგორც მისი გამოანგარიშებიდან ჩანს, ინგუშეთის მთებში შეიძლება გამოიყვებოს 60000 სული დედა ცხვარი თავისი ნამატით, მაშინ, როდესაც 1926 წელს იქ სულ ბალახობდა 28000 სული¹⁹.

ზემოთ წარმოდგენილი ლიტერატურული მონაცემებისა და ადგილზე ჩვენი დაკვირვების შემდეგ ძალზე ცალმხრივად გვეჩვენება აბრამოვის კომისიის ზოგიერთი დასკვნა ადგილობრივი ბუნებრივი რესურსებისა და მესაქონლეობის პერსპექტივების შესახებ. მაგალითად, გ. მარტიროსიანი იმეორებს ამ კომისიის ერთ-ერთ ცნობას იმის შესახებ, თითქოს ქარიახის საზოგადოებაში მოთიბული თივა საქონელს ყოფნიდა მხოლოდ 15-20 დღემდე. თითქმის ასეთსავე ვითარებას ხატავს კომისია ხამხის, მეცხალისა და ცორის საზოგადოებებშიც²⁰.

მართალია, ინგუშეთის მთები ძალზე ვრცელი და უხვმოსავლიანია სათიბებით არაა ცნობილი, მაგრამ აქ არც ასეთი სავალალო მდგომარეობა ყოფილა. მოუსავლიანობა ინგუშს ზოგჯერ აიძულებდა საქონლის სხვაგან გამოკვებაზეც ეფიქრა. ამ მიზნით ის თავის საქონელს მთიდან ბარში მიერეკებოდა. ადგილი ჰქონდა ისეთ შემთხვევასაც, როდესაც მუშახელის უყოლობის გამო ოჯახი თივით ვერ მომარაგდებოდა და იძულებული ხდებოდა საქონელი ვისთვისმე მიებარებინა. ამ წესს ინგუშურად ერქვა „ფოატ“, რაც ეკონომიური ხასიათის ჯარიგებას გულისხმობდა საქონლს პატრონსა და საქონლის ამყვანს შორის²¹. საქონლის გაბარების პრაქტიკა არ წარმოადგენდა საყოველთაო მოვლენას და, ზემოხსენებული მიზეზების გამო, ის ეკიზოდური ხასიათის მატარებელი იყო. მაგრამ მოუსავლიანობის შემ-

¹⁷ Г. Мартиросян, დასახ. ნაშრომი, გვ. 100.

¹⁸ იქვე, გვ. 107, 108, 112.

¹⁹ იქვე, გვ. 118.

²⁰ იქვე, გვ. 108—109.

²¹ В. Христианович, დასახ. ნაშრომი, გვ. 94—95; М. Шубин, Молочное хозяйство Джерахавского общества Горной Ингушши, НИИИК, II—III, Владикавказ, 1930, стр. 184.

თხვევაშიც კი ძნელად წარმოსადგენია კომისიის ამ ჩვენების რეალობა. სათიბების ასეთი სიმცირისა და საქონლის გამოკვების ამგვარი სიღუბლარის პირობებში უადგილო იქნებოდა მკვლევართა მიერ მთავრად ინგუშეთის მეურნეობის სფეროში წამყვან ღარგალ მესაქონლეობის აღიარება და მის მომავალ პერსპექტივებზე ლაპარაკი.

მოუსხდედა ზოგიერთი ამგვარი გაუთვალისწინებელი დასკვნისა. აბრამოვის კომისიის მასალებს მისედვითაც მეტაქონლეობა მიწათმოქმედებაზე უფრო დაწინაურებული დარგის სახით წარმოგვიდგება. სხვებთან ერთად ამ კომისიის შედეგებს იყენებს მ. შუბინი და რიგ გამოკვლევებთან შეჭერების შედეგად ისიც იმ დასკვნამდე მიდის, რომ მთავრად ინგუშეთში მესაქონლეობა ბევრად წინ იდგა მიწათმოქმედებაზე, რომლისთვისაც ვარგისად ითვლებოდა მთელი ტერიტორიის მხოლოდ ერთი პროცენტი. მ. შუბინის ვარაუდით, აქაურმა მოსახლეობამ საკუთარი პურეულით შეიძლება ისაზრდოვოს სულ ბევრი 100 დღე²². მკვლევარს აქვე მოჰყავს მესაქონლეობის მაჩვენებელი ცხრილები და აღგენს, რომ სხვადასხვა წელს მეურნეობის ეს დარგი მკვეთრად განსხვავებულ დონეზე იმყოფებოდა²³. მ. შუბინი ამის მიზეზად ფელის ერთი მხრით, გადაახალციხით დაშინებული მოსახლეობის მიერ საქონლის გადამალვის შემთხვევებს, ხოლო მეორე მხრივ, მთაწიდან მასობრივად ჩასახლების პროცესს და ბოლოს, მას შეუნიშნავს ის გარემოებაც, რომ 1928 წლის მონაცემების მიხედვით, ყოველ 100 სულ მსხვილფეხა საქონელზე მოდიოდა 257 სული ცხვარი. რაც მსხვილფეხა საქონლის შედარებით დიდი ხვედრითი წონის მაჩვენებელია²⁴. მეტაქონლეობაში ასეთი შეფარდება მეცხვარეობის განვითარების დაბალ დონეზე მიგვიჩვენებს. ასეთი მაჩვენებლებით ინგუშეთი ხევსურეთს უფრო ჰკავს, ვიდრე აღმოსავლეთ საქართველოს სხვა მაღალმთიან კუთხეებს (თუშეთს, ხევ-მთიულეთს).

ე. კრუპნოვის დაკვირვებით, ინგუშეთის მეურნეობა იყო ნატურალური სასიათის. პროდუქტების გატანასა და გაცვლას ხელს უშლიდა წარმოების დაბალი დონე, უგზობობა და ძლიერი მეზობლებისაგან მათი შევიწროება. მეურნეობას ორი ძირითადი დარგიდან -- მიწათმოქმედებიდან და მესაქონლეობიდან წამყვან ადგილზე იდგა მესაქონლეობა. ბარში ჩასახლებამდე ადგილობრივი მოსავალი მოსახლეობას ორიდან. ექვს თვემდე ჰყოფნიდა. ბარში დამკვიდრების შედეგად მიწათმოქმედება ხდება მათი მთავარი დარგი. მაგრამ მეზობელ კავკასიელ ხალხებს ინგუშები მაინც ჩამორჩებოდნენ. თუ ერთ ინგუშ მამაკაცზე ბარად მოდიოდა 4,5 დესეტინა მიწა, ერთი ოსი ფლობ-

²² М. Ш у б и н и, დასახ. ნაშრომი, გვ. 153—154.

²³ ი ქ ე ე, გვ. 155.

²⁴ ი ქ ე ე, გვ. 162.

და 5.3 დესტინას. ხოლო ერთ ყაბარდოელზე მოდიოდა 9.37 დესტინა სახნავე ადგილი.

ე. კრუპნოვის დაკვირვებით, ინგუშები სხვებს ჩამორჩებოდნენ მატყლის დამუშავებაშიც. რაც ქალის ხელობად ითვლებოდა. კაცთა სიელ მთელთა შორის ინგუშები ამ მხრივ შერვე ადგილზე იდგნენ. აქ ხელოსნობა არ გამოყოფილა დამოუკიდებელ დარგად, იმის მიუხედავად, რომ ინგუშები საუკეთესო მშენებლებად ითვლებოდნენ. ხელოსნობა სეზონური ხასიათისა იყო და მეურნეობის ძირითად დარგებთან — მესაქონლეობასა და მიწათმოქმედებასთან თანაარსებობას განაგრძობდა.

ვანსაკუთრებით საყურადღებოა ჩვენთვის ე. კრუპნოვის შეხედულება მეცხოველეობის განვითარების საკითხზე. მას მოაჩნია, რომ ამ დარგიდან ინგუშეთში ოდითგანვე მეტად იყო დაწინაურებული მეცხვარეობა მისთვის ხელსაყრელი პირობების გამო. ნ. გრაბოვსკის მიერ გამოქვეყნებულ 1865 წლის სტატისტიკურ მონაცემებზე დაყრდნობით (რომელსაც ჩვენ ზემოთ უკვე გავეცანით) ასეთ ვითარებას ხედავს მკვლევარი თვით XIX საუკუნეშიც. მსხვილფეხა მესაქონლეობასთან შედარებით მეცხვარეობის დაწინაურების საბუთად ე. კრუპნოვი თვლის იმ გარემოებას, რომ ერთ კომლს საშუალოდ ჰყავდა 21 ცხვარი, სამ-ძროხა თავიანი ხბოებით, ერთი ხარი, 0,5 ცხენი და 0.4 ვაჩი²⁵.

ამგვარი შეფარდება ჩვენ არ მიგვაჩნია მეცხვარეობის უპირატესობის მაჩვენებლად, რამდენადაც ერთი ძროხა საშუალოდ ექვსშვიდ ცხვარად ფასობდა, ხოლო ამის გამო 21 ცხვარი თავისთავად სან ძროხას უთანაბრდებოდა. ამასთან ერთად თუ იმასაც ვავითვალისწინებთ, რომ სამი ძროხის გარდა ოჯახს ჰყავდა ხბოები და ხარიც. მეცხვარეობის უპირატესობაზე ლაპარაკი არ იქნებოდა მართებული. ხელაღებით ამის მტკიცება ძნელია იმიტომაც, რომ ლიტერატურაში ასახულია საპირისპირო ხასიათის მაჩვენებლებიც. მოცემულ შემთხვევაში მაგალითისათვის საკმარისია თუნდაც მ. შუბინის შემოსწავნილი დაკვირვება, რომლის მიხედვით ერთ ძროხაზე საშუალოდ მოდის 2.5 სული ცხვარი.

ჩაჩნეთ-ინგუშეთის სამეურნეო ყოფის ერთ-ერთ დამახასიათებელ ნიშნად XIX საუკუნის დამკვირვებელთა მიერ მიჩნეულია ბარად ხელსაყრელი ეკონომიური პირობების არსებობა, ხოლო მთაში მიწების ნაკლებობა. მ. ოლშევსკის ცნობით, ჩაჩნეთი მდიდარია საძოვრებითა და ტყით. ი. ივანოვის ყურადღება მიუქცევია ჩაჩნეთის ბარს, როგორც მებალეობა-მეხობსტნეობისათვის ხელსაყრელ რაიონს. საიდანაც მი-

²⁵ E. K p y n o v. დაახ. ნაშრომი. გვ. 86.

სივე მოწმობით, ყიზლარისა და მოზდოკის ბაზრებზე გაქონდათ სი-
 ლეული. გ. ვლასტოვი იმ გარემოებაზე მიუთითებდა, რომ დიდ საჩაჩ-
 ნოში ნაყოფიერი მიწების მორწყვა იძლევა ბრინჯის მოყვანის. ხოლო
 საუკეთესო საძოვრები მესაქონლეობის, როგორც ჩაჩნების სიმდიდრის
 წყაროს, აღმავლობის შესაძლებლობას. ა. ბერეეს დაკვირვებით, დი-
 დი და მცირე საჩაჩნოს მთებიდან ბარად (მდ. თერგსა და მდ. სუნჯს
 შორის) დასახლებული ჩაჩნები წარმატებით ეწეოდნენ რა მიწათმოქ-
 მედებასა და მესაქონლეობას, მნიშვნელოვანი რაოდენობით ყიდდნენ
 პურეულს. ჩაჩნეთს ბარში განვითარებულ მიწათმოქმედებას და
 დაწინაურებულ მესაქონლეობას ხედავს ა. ზისერმანიც. ჩაჩნეთ-ინგუ-
 შეთის მთიანეთში მიწების ნაკლებობაზე მიუთითებდა ნ. ხარუზინა,
 ხოლო ს. ბელიაევის ცნობა შეეხება მთისა და ბარის ეკონომიურ ურ-
 თიერთობას. როგორც ის წერდა, ვისაც ბარად საქონლის საკვები შე-
 მოეღოდა, თივას მთაში ყიდულობდა, ანდა ზამთრობით საქონელს
 გამოსაკვებად მთაში მიერეკებოდა. ეს ცნობა იმის სასარგებლოდ მეტ-
 ყველებს, რომ მთა ხელსაყრელი იყო არა მარტო მთიელთა მეურნეო-
 ბისათვის, არამედ ბარელთათვისაც მესაქონლეობის დამხმარე ბაზას
 წარმოადგენდა. ისევე, როგორც ყველა ზემოხსენებული ცნობის მი-
 ხედვით, ბარი იყო პურეულით უზრუნველყოფის წყარო²⁶.

კ. განის დაკვირვებით, მთიელი ჩაჩნების სიმდიდრეს საქონელი
 წარმოადგენდა. ხოლო მესაქონლეობა მათი მთავარი საქმიანობა იყო.
 სახნავ-სათესი ადგილების სიმცირის გამო აქ მეორე ადგილზე იდგა
 მიწათმოქმედება, ამაზე მეტყველებენ ფაქტობრივი მონაცემები. თუ
 მთაში ხშირ შემთხვევაში ოჯახი ნახევარ დესეტინა მიწასაც კი არ
 ფლობდა, ბარად ერთ კომლზე მოდიოდა 7—14 დესეტინა სახნავ-სა-
 თესი ფართობი²⁷.

ჩაჩნეთ-ინგუშეთის სამეურნეო პირობებს სხვა საკითხებთან ერთად
 გაეკრით შეეხო ბ. დალგატი. როგორც მის ერთ-ერთ ნაშრომშია აღ-
 წიშნული, არც მესაქონლეობას, არც მიწათმოქმედებას და არც მონა-
 დირეობას არ შეეძლო ნახევარ წელიწადზე მეტ ხანს გამოეყვება მთი-

²⁶ М. О л ь ш е в с к и й, Кавказ с 1841 по 1866 гг. РС. т. 79, 1893, стр. 298; И. И в а н о в, Чечня, журн. «Москвитянки», 1851, № 19—20, стр. 46—47; Г. В л а с т о в, Война в Большой Чечне. РИ. 1856, № 159; А. Б е р ж е, Краткий обзор горским племенам, Тифлис. 1858. стр. 34—35; С. Б е л я е в, Девять месяцев в плену у чеченцев. СПб.. 1859. стр. 66; А. З н с с е р м а н, Двадцать пять лет на Кавказе. ч. II. СПб.. 1879, стр. 433. Х а р у з и н, Заметки.... СМЭ. III. Москва. 1888. стр. 124.

²⁷ К. Г а н, Экскурсия..., ИКОНРГО. XV. № 4, Тифлис. 1902, стр. 217—218.

ელი. ამიტომ ეს უკანასკნელი იძულებული იყო ჩამოსახლებულიყო ბარად დაუსახლებელ ადგილებში, ანდა მოეპოვებინა სარჩო მეზობლების ძარცვით თუ გაცვლითი ვაჭრობით²⁸.

მეურნეობის ამა თუ იმ დარგის განვითარების დონეს ბ. დალგატი არც ინგუშეთისადმი მიძღვნილ ნაშრომში გვიჩვენებს. მას მხოლოდ ინგუშეთის ერთი სოფლის — ბეინის შესახებ აქვს ნათქვამი, რომ მისი მკვიდრნი მისდევდნენ მიწათმოქმედებას და მესაქონლეობას. მკვლევარი არაფერს ამბობს იმის შესახებ, თუ ამათგან მეურნეობის რომელი დარგი იყო წამყვანი, მაგრამ იქვე იმის აღნიშვნა, რომ მოსახლეობა აწარმოებს ნაბადს და მაუდს, ხოლო ვლადიკავკაეში მიაქვთ მარტო რძის პროდუქტები²⁹, ეს თავისთავად მესაქონლეობის წამყვანობის მანიშნებელია.

ჩაჩნეთ-ინგუშეთის მთა-ბარში მეურნეობის აღნიშნულ სახეობათა ასეთსავე შეფარდებაზე მიუთითებს ს. ტოკარევი³⁰, ხოლო მთაში სახნავი ადგილების ნაკლებობის მწვავე სურათს გვიხატავს ა. ფადეევი. სათანადო წყაროებზე დაყრდნობით იგი აღნიშნავს, რომ მთიელი ინგუშის შეძლებულ ოჯახს თავისი მოსავალი ჰყოფნიდა ხუთ-ექვს თვემდე, ხოლო ღარიბს მხოლოდ ორ თვემდე³¹.

ლიტერატურულ მონაცემებზე დაყრდნობით ბ. კალოევიც იმ აზრისაა, რომ ჩაჩნეთ-ინგუშეთის მთაში მეურნეობის წამყვან დარგს წარმოადგენდა მესაქონლეობა, ხოლო ბარში — მიწათმოქმედება. ჩაჩნეთის ბარი იმდენად მნიშვნელოვან სამიწათმოქმედო რაიონად ითვლებოდა, რომ კავკასიის ომების დროს მას შეარქვეს შამილის ბელელი. აქ ყიდულობდნენ პურეულს მარცვლეულის ნაკლებობით შეწუხებული მთიელები³².

ჩაჩნეთ-ინგუშეთის სამეურნეო ყოფის მოკლე დახასიათებას იძლევა თავის გამოკვლევაში ე. კუშევა. XVIII საუკუნის ისტორიულ წყაროებზე დაყრდნობით მას აღნიშნული აქვს, რომ ჩაჩნები და ინგუშები ღარიბად ცხოვრობდნენ. ისინი განიცდიდნენ როგორც სახნავი მიწის, ისე საქონლის ნაკლებობას, მაგრამ განვითარების დონე

²⁸ Б. Д а л г а т, Первобытная религия чеченцев, ТС. вып. III. кн. II, отд. II. Владикавказ, 1893, стр. 56.

²⁹ Б. Д а л г а т, Материалы по обычному праву ингушей. ИИНИК. II—III, Владикавказ. 1930, стр. 305.

³⁰ С. Т о к а р е в, დასახ. ნაშრომი, გვ. 243.

³¹ А. Ф а д е е в, დასახ. ნაშრომი, გვ. 6.

³² Народы Кавказа, I, стр. 348. 376; შტრ. Н. Г р и ц е н к о. Современники середины XIX века о чечне и чеченцах, «Археолого-этнографический сборник». II, Грозный, 1908, стр. 293.

მეურნეობის ამ ორი დარგისა მთასა და ბარში მკვეთრად განსხვავებული იყო. ე. კუშევას დაკვირვებით, ბარად მეურნეობის წამყვან დარგს წარმოადგენდა მიწათმოქმედება, ხოლო მთაში მესაქონლეობა მეცხვარეობის უპირატესობით. აღნიშნულის დამამტკიცებელ არგუმენტად მკვლევარს მიაჩნია ის გარემოება, რომ პურის ნაქლებობით შეწუხებული ქისტები ბარად ყაბარდოელთა მიწებს ამუშავებდნენ, ხოლო XVIII საუკუნის ერთ-ერთი წყარო იმის შესახებ მოგვითხრობს, თუ როგორ დაეცნენ ყაბარდოელები ქისტებს და როგორ წაართვეს მათ ერთჯერ 1200, ხოლო მეორეჯერ 700 სული ცხვარი³³.

ე. კუშევას მიერ დამოწმებული წყარო თავისთავად საინტერესო ცნობებს შეიცავს ჩრდილო კავკასიელ ხალხთა შორის არსებული მეკობრეობის შესახებ, მაგრამ ეს საბუთი არ მიგვაჩნა იმის საფუძვლად, რომ მეცხოველეობაში მსხვილფეხა მესაქონლეობაზე უფრო დიდი როლი მეცხვარეობას მივაკუთვნოთ. 1200 თუ 700 სული ცხვრის ერთად გარეყვის შესახებ შემონახული ცნობა ისეთ სრულფასოვან წყაროდ მისაღები არ უნდა იყოს, რომ მასზედ დაყრდნობით მეცხვარეობის განვითარების დონე განვსაზღვროთ, რამდენადაც წყაროდან არ ჩანს ეს ცხვარი ვის ეკუთვნოდა—ერთ ოჯახს, გეარს, სოფელს თუ მთელ ჯეობას. აღნიშნული ცნობა მაშინ იქნებოდა მეცხვარეობის განვითარების დონის მაჩვენებელი, როდესაც ცხვრის ზემოაღნიშნულ რაოდენობასთან ერთად გვეკოდინებოდა მისი მფლობელი ადამიანების რიცხვიც. ადამიანებისა და მათ საკუთრებაში მყოფი პირუტყვის რიცხობრივი შეფარდების შედეგად შესაძლებელი ხდება საშუალო მაჩვენებლების გამოყვანა და ამ გზით მსხვილფეხა თუ წვრილფეხა საქონლის ხვედრითი წონის განსაზღვრა. როდესაც ამ თვალსაზრისით ვაკვირდებით თუნდაც ნ. გრაბოვსკისა და მ. შუბინის მიერ დადგენილ ციფრობრივ შეფარდებას, სასწორი იხრება მსხვილფეხა მესაქონლეობის მხარეზე (შუბინით), ანდა მისი და მეცხვარეობის განვითარების მასშტაბები თითქმის ერთ დონეზე წარმოგვიდგება (გრაბოვსკით).

საარქივო მასალებსა და ლიტერატურულ მონაცემებზე დაყრდნობით ჩაჩნეთ-ინგუშეთის მთიანეთში მაწით სილარიბის მწვავე სურათს გვიხატავს 1964 წელს გამოქვეყნებულ ნაშრომში ნ. გრიცენკო. იგი ეკონომის მეფის მთავრობის მიერ მთიანეთში ოთხივე საზოგადოებაზე (ჯაირახის, მეცხალის, ხამხის, ცორის) გაწერილ მძიმე გა-

³³ E. K u s h e v a, დასახ. ნაშრომი, გვ. 75.

დასახადებს³⁴ და იქვე დაასკენის, რომ უნაყოფო და მცირე ზომის მიწის ნაკვეთებიდან მიღებული მოსავალი სამყერ ნაკლებია იმაზე, რაც აქაურ მევიდრთათვის არის საჭირო³⁵.

ყოველივე ის, რაც ზემოთ ითქვა და რაც დამახასიათებელი იყო ჩანეთ-ინგუშეთის ძველი ყოფისათვის, დადასტურდა ახალი ყოფის ამსახველი მასალების მიხედვითაც. ირკვევა, რომ მთაში ახალი ციფრები რომელიც მაჩვენებლებითაც წამყვანია მესაქონლეობა. ვ. ფილიკინს აღნიშნული აქვს, რომ ჩანეთ-ინგუშეთის ავტონომიურ რესპუბლიკაში შედიოდა ცხრა მთაგორიანი რაიონი, რომელიც მოიცავდა რესპუბლიკის ტერიტორიის 42 პროცენტს და ითვლიდა 160 000 კაცს. ამავე ავტორს დადგენილი აქვს, რომ რესპუბლიკის ეკონომიკაში ამ რაიონების ხვედრითი წონა შემინდვრობაში შეადგენდა 12 პროცენტს, ხოლო მეცხოველეობაში — 62,2 პროცენტს³⁶.

იმის გამო, რომ მთიელები სახნავი მიწების მწვავე ნაკლებობას განიცდიდნენ, ოჯახის გაყრის დროს როგორც ქვემოთ დავინახავთ, განსაკუთრებით მტკივნეულ საკითხს წარმოადგენდა მიწების დანაწილება და ახლად გამოყოფილი ოჯახების უზრუნველყოფა. ვინაიდან საოჯახო თემის მფლობელობაში არსებული მიწის ისედაც მცირედი ნაკვეთი რამდენიმე ნაწილად ოჯახის გაყოფის შედეგად კიდევ უფრო პატარა ნაკრებად ქუცმაცდებოდა, მთიელი იძულებული იყო სახნავი მიწების გაზრდის სხვა გზები გამოენახა. ერთ-ერთ ასეთ საშუალებას წარმოადგენდა საზოგადო საკუთრებაში შემავალი ქვიანი ადგილის გაწმენდა ან ახოს აღება (ტყის გაჩეხვა). საკუთარი შრომით სახნავად მოპოვებულ ნაკვეთს რაკი პატრონი გახანყოფიერებდა და მოუვლიდა. ის მის ხელშეუხებელ საკუთრებად იქცეოდა. მისი ზუსტი საზღვრები ოჯახის ყველა წევრმა იცოდა და მას ცოცხალი თავით არავის დაანებებდა. ამ გზით მოპოვებული მამულის გაყიდვა თუ გასაჩუქრება მის პატრონს შეეძლო. არსებობდა ადგილ-მამულებით სარგებლობის მეორე წესიც. ცალკეული ოჯახები, როგორც თემის ან სოფლის საზოგადოების წევრები, თანაბარი უფლებით სარგებლობდნენ საზოგადო მფლობელობაში არსებული ადგილებით. ყველა ოჯახი მას ფლობდა, როგორც კოლექტივის წევრი, სარგებლობდა ამავე

³⁴ Н. Г р и ц е н к о. К вопросу о социально-экономических отношениях в Чечено-Ингушетии в пореформенный период, ИЧИНИИ, т. IV, вып. 1, стр. 27.

³⁵ ი ქ ვ ვ, გვ. 28—29.

³⁶ В. Ф и л ь к и н. Некоторые особенности и трудности в развитии колхозного строя в Чечено-Ингушской АССР в предвоенные годы и борьба партизанной организацией за их преодоление, ИЧИНИИ, т. IV, вып. 1, стр. 208.

უფლებით, მაგრამ არც საზოგადოებას და არც ამ საზოგადოებაში შემავალ რომელიმე ოჯახს ამ ადგილების გასხვისება ნება არ ჰქონდა.

ამგევარად, ჩაჩნეთ-ინგუშეთის მთიანეთში ოჯახს ძირითად საარსებო წყაროს წარმოადგენდა მესაქონლეობა და მიწათმოქმედება. ზემოთ განხილული ისტორიულ-ეთნოგრაფიული წყაროების მიხედვით პირველის უპირატესობა ექვეს არ ბადებს.



ჩაჩნების სამეურნეო ყოფაში მნიშვნელოვან როლს ასრულებდა აგრეთვე მეცხენეობა. ცხენზე მოთხოვნილება განსაკუთრებით გაიზარდა კავკასიის ომიანობის ხანაში. ომის დამთავრებისა და ცხენზე, როგორც საომარ ძალაზე, მოთხოვნილების შემცირების შემდეგ კი მეცხენეობის დონე საგრძნობლად დაქვეითდა. XX საუკუნის დასაწყისში ორი მთიელი ჩაჩნის ოჯახზე საშუალოდ ერთი ცხენიღა მოდოდა³⁷. თუ მთიანეთში ასეთი შეფარდება მაინც დასტურდება, მთელი ჩაჩნეთის (ე. ი. მისი მთისა და ბარის) მაგალითზე მეცხენეობა კიდევ უფრო შემცირებული მაჩვენებლებით ხასიათდება. 1893 წლის მონაცემებით 100 ჩაჩნის საშუალოდ ჰყავდა სულ 9.2 სული ცხენი, ე. ი. თითქმის ორჯერ ნაკლები ოსებთან შედარებით და ხუთჯერ ნაკლები ყაბარდოელებთან შედარებით. ამ დროისათვის ჩაჩნეთში უცხენოდ ყოფილა მოსახლეობის 60 პროცენტი³⁸.

როგორც ბ. კალოევმა მიუთითა. ზოგიერთი ბურჟუაზიული მკვლევარი მეცხენეობის ასეთი დაქვეითების მიზეზად თვლიდა მეურნეობაში ცხენის ნაკლებად გამოყენების საჭიროებას. ეს შეხედულება ბ. კალოევმა გააკრიტიკა და მეცხენეობის დაბალი მაჩვენებლების მიზეზად მან მიიჩნია ჩაჩნების გაღარიბება³⁹.

ჩვენი შეხედულებით, ეს კრიტიკა არ არის დასაბუთებული. თუ ჩაჩნები XIX საუკუნის ბოლოს გაღარიბდნენ და ამან მეცხენეობის რეგრესიუ გამოიწვია, გამოდის, რომ შამილის ხანაში ცხენების მომრავლება განაპირობა მოსახლეობის მდიდრად ცხოვრებამ. თუ ეს ასე იყო, კრიტიკოსს მართებდა აღნიშნა ჩაჩნების „გაღარიბების“ მიზეზიც. უფრო მართებული კი ის იქნებოდა, რომ ამ დებულების ავტორს ანგარიში გაეწია საომარ პირობებში ცხენზე დიდი მოთხოვნილების

³⁷ Н. И в а н е н к о в. Горные чеченцы, ТС. VII. Владикавказ, 1910, стр. 107,

³⁸ Е. М а к с и м о в, Чеченцы, ТС. III. кн. 2, Владикавказ, 1893, стр. 18.

³⁹ Народы Кавказа, I. стр. 350.

დაქტორისათვის. რომლის შესახებ ჯერ კიდევ 1910 წელს გამოქვეყნებული ნაშრომში ნ. ივანენკოვს ჰქონდა აღნიშნული.

მეურნეობის ძირითად დარგებთან ერთად ინგუშები და ჩაჩნები მიმართავენ შედარებით უმნიშვნელო საარსებო წყაროებსაც. ასეთთა წყებას განეკუთვნებოდა მეფუტკრეობა, მონადირეობა, მდინარეში თევზის ჭერა თუ შეგროვებითი მეურნეობა. მთიელებს ძველთაგანვე მოჰყავდათ ზოგიერთი ბოსტნეული (ხახვი, ნიორი), ხოლო შედარებით ინტენსიურად მოკიდეს ხელი მებალეობა-მებოსტნეობას ბარისა და ტყიანი ზოლის მცხოვრებლებმა. ყოველივე ამასთან ერთად, ისტორიულ წარსულში მთიელთა შემოსავლის ერთ-ერთ წყაროს წარმოადგენდა მეკობრეობაც, რაც ადამიანთა დატყვევებასა და საქონლის მოტაცებაში პოულობდა გამოხატულებას. „როგორც სხვა ყველა კავკასიელი. წერს გოულდენშტედტი, ისინიც მესაქონლეობას და მემინდვრეობას მისდევდნენ; დამხმარე ხელობა კი, რომელიც ბევრისათვის მთავარი საქმიანობაა, არის თავდასხმა მეზობლებზე საქონლისა და ადამიანების გატაცების მიზნით“⁴⁰.

გოულდენშტედტი მართალი იყო, როდესაც მეზობლებზე თავდასხმას მიიჩნევდა შემოსავლის დამხმარე წყაროდ და მხოლოდ ზოგისთვის თელიდა მას მთავარ საქმიანობად. მთიელთა ცხოვრებაში ასევე დამხმარე საქმიანობათა სფეროს მიეკუთვნებოდა მეფუტკრეობა, მონადირეობა, შემგროვებლობა და მეთევზეობა. მეთევზეობა აქ არც შეიძლება მივაკუთვნოთ რაიმე სახის მეურნეობას, რამდენადაც ის შემოიფარგლებოდა მდინარეში კალმახობის გამონაკლისი შემთხვევებით. თევზის ჭერა ცალკეულ პირთათვის შექცევა უფრო იყო, ვიდრე ოჯახის დოვლათის წყარო. მაინცდამაინც არც მონადირეობა წარმოადგენდა ყველას საქმიანობას, მაგრამ მეთევზეობასთან შედარებით მას მეტი მნიშვნელობა ენიჭებოდა. განსაკუთრებით სარფიან საქმედ ითვლებოდა ჭიხვზე ნადირობა, რამდენადაც ოჯახი მთელი ზამთრის განმავლობაში უზრუნველყოფილი იყო დამარილებული ხორციით, ჭივის ტყავს იყენებდნენ კედელზე გასაკრავად, საფენად და ტანსაცმლის მასალად, ხოლო რქას სასმისების, საპირისწამლეების, ქარქაშების და დანებისა თუ ხანჭლების სახელუბრების დასამზადებლად. რაც შეეხება შემგროვებლობას, ეს თითქმის ყველა ოჯახის სისხლხორციული საქმე იყო. ზაფხულსა და შემოდგომაზე ქალები და ბავშვები ოჯახს ამარაგებდნენ რიგი გარეული მცენარეებით, სანელებლებით, პანტით,

⁴⁰ გოულდენშტედტის მოგზაურობა საქართველოში, II. გვ. 71.

მაქალოთი და სხვა სახის ველური ხილით. ამ საქმიანობაში მამაკაცები არ ერეოდნენ. ეს ტრადიცია დღესაც კი არ არის მივიწყებული.



იმის მიუხედავად, რომ მთიელთა საოჯახო ყოფაში მეფუტკრეობა, მონადირეობა, მეთევზეობა და შემგროვებლობა მეურნეობას ძირითად დარგებს არ მიეკუთვნებოდნენ, ოჯახის ეკონომიკაში მათი როლის უგულვებელყოფა არ იქნებოდა მართებული. კიდევ უფრო გაუმართლებელი იქნებოდა ამ თვალსაზრისით შინამრეწველობის უგულვებელყოფა, რაც ჩაჩნებისა და ინგუშების საოჯახო მეურნეობაში რამდენადმე მნიშვნელოვან როლს ასრულებდა.

XIX საუკუნის მეორე ნახევრის მონაცემებზე დაყრდნობით ო. მარგგრაფმა დაადგინა, რომ ჩრდილო კავკასიის სხვა ხალხებთან ერთად ჩაჩნები და ინგუშები მისდევდნენ მატყლის, ტყავის, ხისა და ლითონის დამუშავებას უმთავრესად შინამრეწველობის დონეზე. ცალკეულ დარგებში მიხედვით ერთ შემთხვევაში წინ მიდიოდა მთის რომელიმე რაიონი, მეორე შემთხვევაში პირველობას ბარის მოსახლეობა ჩემპლობდა. მაგრამ მთლიანობაში პრიორიტეტს მთიელები ინარჩუნებდნენ. მიუხედავად იმისა, აღნიშნავს ო. მარგგრაფი, რომ საკითხის შესწავლის პერიოდში ჩრდილო კავკასიის ბარის მოსახლეობა მთისას ოთხჯერ ჭარბობდა, ბარელებთან შედარებით მთიელები ორჯერ მეტ პროდუქციას ქმნიდნენ⁴¹. რაც შეეხება ცალკეულ ხალხებს, ამ მხრივ ყველა ერთად აღებული დარგის განვითარების დონითა და პროდუქციის სიუხვე-ნაირსახეობით პირველ ადგილზე იდგა დაღესტანი, მეორეზე იმყოფებოდნენ გროზნოს ოლქის ჩაჩნები, მესამეზე ოსები, მეოთხეზე ყაბარდოელები, მეხუთეზე მთიელი ებრაელები, მეექვსეზე კავკასიელი რუსები. მეშვიდეზე მომთაბარე ტომები (ნოღაელები, ყალმუხები, თურქმენები), მეჩვიდმედე ვედენოსა და არღუნის ოკრუგის ჩაჩნები, ხოლო ბოლო მეცხრე ადგილი ეჭირათ ინგუშებს⁴².

თუ შინამრეწველობის განვითარების საერთო სურათი ასეთია. მდგომარეობა რამდენადმე შეცვლილი სახით წარმოგვიდგება ცალკეული დარგების მიხედვით. ამ მხრივ, პირველ რიგში, საყურადღებოა მატყლის დამუშავების საქმე, რაც თავისი ნაირსახეობითა და მნიშვნელობით კავკასიაში ყველა სხვა დარგზე მაღლა იდგა.

წარმოების ტექნიკისა და მასშტაბის მიხედვით პირველობას ამ საქმეშიაც დაღესტნელები ინარჩუნებდნენ. მათ შემდეგ თანმიმდევ-

⁴¹ О. М а р г г р а ф. Очерк кустарных промыслов Северного Кавказа, Москва, 1882, стр. 56.

⁴² ი ქ ე, გვ. XXV—XXVI.

რობით მოყვებოდნენ ოსები, ყაბარდოელები, ყუმუხები, ჩაჩნები, კაზაკები (სტავროპოლის გუბერნიის რუსი გლეხები), ინგუშები, ყარა-ნოღაელები, ყალმუხები, თურქმენები და სხვა მომთაბარენი⁴³.

როგორც ვხედავთ, შინამრეწველობის საერთო მაჩვენებლების მიხედვით ჩაჩნების ერთი ნაწილი მეორე ადგილზე იდგა, ნაწილიც მერვეზე, ხოლო მატყლის დამუშავების სფეროში ისინი მეხუთე ადგილზე იმყოფებოდნენ.

აღსანიშნავია ის გარემოებაც, რომ მატყლის დამუშავებას უფრო ინტენსიური ხასიათი ჰქონდა კავკასიის მთიანეთში, ვიდრე ბარად, რაც აიხსნება შედარებით განვითარებული მეცხვარეობითა და მისთვის ხელსაყრელი ბუნებრივი პირობებით. საპირისპირო ვითარება მოწმდება მხოლოდ გამონაკლის შემთხვევაში. ო. მარგრაფი საილუსტრაციოდ ასახელებს ინგუშებს, რომლებიც, მეცხვარეობისათვის რამდენადმე ხელსაყრელ პირობებში ყოფნისა და მთაში ცხოვრების მიუხედავად, მერვე ადგილზე იმყოფებოდნენ. ამ მხრივ ისინი ჩამორჩებოდნენ ბარელ ყუმუხებსა და კაზაკებს და წინ უსწრებდნენ მხოლოდ ყარანოღაელებს, ყალმუხებსა და თურქმენებს. ასეთსავე გამონაკლისად მიაჩნდა ო. მარგრაფს ის გარემოებაც, რომ მცირე საჩაჩნოს მთელი ჩაჩნები მატყლის დამუშავებაში ჩამორჩებოდნენ ყუმუხებს⁴⁴.

კავკასიის სხვა ხალხებთან ერთად ჩაჩნები (ქალები) მატყლისაგან ამზადებდნენ ნაბდებს, რომლისთვისაც შავ მატყლს იყენებდნენ. მტკიცედ ნაქსოვ. ნატიფსა და გრძელ ჩაჩნურ ნაბადს განსაკუთრებით ეტანებოდნენ ცხენოსნები. ჩაჩნეთში მისი წარმოების ძირითადი ცენტრი იყო ბარის სოფელი ძველი იურთი, ხოლო ნედლეულის (შაკი მატყლის) ბაზას წარმოადგენდა ჩაჩნეთ-ინგუშეთის მთიანეთი⁴⁵. ჩაჩნური ნაბადი ყაბარდოულსა და დაღისტნურ ნაბადთან ერთად სცილდებოდა შინამომხმარების ფარგლებს და გაჰქონდათ იგი ამიერ და იმიერკავკასიის ბაზრებზე⁴⁶.

მხრებზე წამოსასხამი ნაბდების გარდა დიდ ჩაჩნეთში მისდევდნენ საფენ-საგებელი ნაბდების თელვასა და ხალიჩა-ფარდაგების ქსოვას, რაც ასევე ქალის ხელით ხდებოდა. წარმოების დონე არსებითად შინამოთხოვნილების მასშტაბით განისაზღვრებოდა. ოჯახების მხოლოდ 1/8 ნაწილი ამ სახის საქონელს საბაზროდაც ამზადებდა⁴⁷. განსაკუთრე-

⁴³ О. Марграф, დასახ. ნაშრომი, გვ. 4.

⁴⁴ ი ქ ვ ე, გვ. 4.

⁴⁵ ი ქ ვ ე, გვ. 21—24.

⁴⁶ ი ქ ვ ე, გვ. 36.

⁴⁷ ი ქ ვ ე, გვ. 49.

ბოთ დიდი გასავალი ჰქონია საფენ-საგებელ ნაბადს, ხოლო ხალიჩა ჩრდილო კავკასიის ბაზრების ფარგლებს ვერ სცილდებოდა⁴⁸. ხალიჩა-სა და ფარდაგს თვით ჩაჩნები ოჯახებში იყენებდნენ ძალზე ფართოდ. გეომეტრიული ფიგურებით, მცენარეებისა და ცხოველების გამოსახულებებით დამუშავებული ხალიჩა-ფარდაგები თანამედროვე ყოფაშიც გვხვდება. ისევე როგორც დღეს, გასულ საუკუნეშიც ხალიჩა და ფარდაგი წარმოადგენდა ჩაჩნის სახლის შიდა მორთულობის ერთ-ერთ მნიშვნელოვან ელემენტს. ორნამენტური ფარდაგ-ხალიჩები თა და ნაბდებით დაფარული იყო არა მარტო კედლების დიდი ნაწილი. არაქედ საყონალოს იატაკიც კი.

ჩაჩნების საოჯახო მეურნეობაში სათანადო ყურადღება ექცეოდა მათდის წარმოებას, რომლის მასშტაბი ასევე შინამოთხოვნილების ჩარჩოებით იფარგლებოდა. გასაყიდად ისინი უმთავრესად ამზადებდნენ ჩოხებსა და ყაბალახებს. რომლისთვისაც საკირო მათდის მოსაქსოვად იყენებდნენ ჩაჩნეთ-ინგუშეთის მთიანეთის მატყლს. ბარელი ჩაჩნები მთიელი ჩაჩნებისა და ინგუშებისაგან ზოგჯერ ყიდულობდნენ მათდის მზა ნაწარმსაც⁴⁹.

ჩაჩნეთში შინამოთხოვნილების დონეს პასუხობდა ფესსაკმელების დამზადებაც, რაც აგრეთვე ქალის მოვალეობას შეადგენდა. ამ მხრივ ჩაჩნები და ოსები ინგუშებზე წინ იდგნენ, მაგრამ ბევრად ჩამორჩებოდნენ როგორც ამ საქმეშიც პირველ ადგილზე მყოფ ლეკებს, ისე ხასავ-იურთელ ყუმუხებსა და ყაბარდოელებს⁵⁰.

ბეწვეულისა და ტყავის დამუშავებასთან ერთად ჩაჩნის ოჯახში ხდებოდა ხის, ლითონისა და თიხის ნაწარმის დამზადებაც. ლითონის ნაწარმი საბრძოლო იარაღისა და საოჯახო ჰურჭლის სახით XIX საუკუნის მეორე ნახევარში ჩაჩნეთის ფარგლებს არ გასცილებია და მთელ ჩრდილო კავკასიაში ამ მხრივ პრიორიტეტს კვლავ დაღესტანი ინარჩუნებდა⁵¹. ლითონის დამუშავების საქმე განსაკუთრებით დაეცა კავკასიაში ომების შეწყვეტის შემდეგ. იარაღის დამზადების, მისი მოვერცხვლისა და სპილენძის ჰურჭლის კეთების უძველესი ცენტრი ჩაჩნეთში იყო არღუნის ხეობის კარებში მდებარე სოფ. ძველი აგატი. კავკასიის ომების დროს ეს სოფელი სოფ. ვედენოსთან ერთად შამილის ჯარის არსენალს წარმოადგენდა⁵².

კერამიკის წარმოების ძირითადი ცენტრები ჩაჩნეთში იყო სოფ. ძველი იურთი, ახალი იურთი, შალი იურთი და სხვ. ჩაჩანი ხელოსნე-

⁴⁸ О. М а р т р а ф. დასახ. ნაშრომი, გვ. 206.

⁴⁹ ი ქ ვ ე, გვ. 69. ?8, 104, 109.]

⁵⁰ ი ქ ვ ე, გვ. 172.

⁵¹ ი ქ ვ ე, გვ. 206.

⁵² Народы Кавказа, I. стр. 352.

ბი მაღალი გემოვნებით ძერწავდნენ ქოთნებს, სასმისებს და სხვა სახის ქურქებს. რაც ჩაჩნეთის ფარგლებს გარეთაც ვრცელდებოდა⁵³. ყუმუხებთან ერთად ჩაჩნებს ეს ხელობა შეუსწავლიათ დაღესტნელთაგან, რომლებიც ჩრდილო კავკასიაში ამ მხრივაც პირველობას არავის უთმობდნენ⁵⁴.

რაც შეეხება ხის ნაწარმს, ამაში შედიოდა სასოფლო-სამეურნეო იარაღები, სატრანსპორტო მოწყობილობა და დგამ-ქურქელი. ყოველივე ეს ძირითადად მზადდებოდა ტყიანი მთების ზოლში. არც ავეჯი და არც სასოფლო-სამეურნეო ინვენტარის სხვა ქვეყნიდან შემოტანა აქ არ ხდებოდა. მისი წარმოების დონე საშინაო მოთხოვნილებას პასუხობდა⁵⁵. ჩაჩნეთში, ისევე როგორც ყაბარდოში, გასაყიდად მზადდებოდა უმთავრესად ურმები⁵⁶.

როგორც ვხედავთ, გარდა საოჯახო მრეწველობისა. ჩაჩნეთში მოწოდება ხელოსნობით ცნობილი ცენტრების არსებობა. რომლებიც ბარადაა ვანლაგებული. მკვდლები და ღურგლები თუმცა ჩაჩნეთის მთიანეთის თითქმის ყოველ დიდ სოფელშიც ეწეოდნენ თავიანთ საქმიანობას, მაგრამ ხელოსნობის სხვადასხვა დარგებისა და ოსტატების სიმრავლით ჩაჩნეთის მთიანეთში განსაკუთრებით გამოირჩეოდა სოფ. შატოი⁵⁷.

სასოფლო-სამეურნეო იარაღებისა და ავეჯისმკეთებლობის ხაზით ჩაჩნეთში არ დასტურდება სპეციალიზაციის ფაქტები. საოჯახო საჭიროების საგნებს, თითქმის ყველა ოჯახში ამზადებდნენ. ამიტომ ხის ნაწარმისათვის დამახასიათებელი იყო უხეში ნაკეთობა. ასეთივე თვისებით ხასიათდებოდა ხის ნაწარმი ინგუშეთში.

საშინაოდ და ბაზარზე გასატანად ამზადებდნენ ჩაჩნები თოკებს. ღვედებს, საპურე გოდრებს, საფქვილე ყუთებს, კალათებს, საფუტკრეებს, რქის სასმისებს, დანის ტარებს, საპირისწამლებს და სხვა⁵⁸. აქვე იყენებდნენ რა ორსიმიან საკრავ ინსტრუმენტს, მის დამზადებასაც ფართო ხასიათი ჰქონდა ყაბარდოსთან ერთად. საკრავების დამამზადებლებიც ყოფილან არა სპეციალურად ამ საქმეში დაოსტატებული ხელოსნები, არამედ მუსიკის მოყვარულები, რომლებიც ამ საკრავს ამშვენებდნენ ხეზე კვეთილობის ნიმუშებით. ჩაჩნეთ-ინგუშეთ-

⁵³ Народы Кавказа. I, стр. 352.

⁵⁴ О. М а р т р а ф, დასახ. ნაშრომი, გვ. 275.

⁵⁵ ი ქ ვ ე, გვ. 229.

⁵⁶ ი ქ ვ ე, გვ. 250.

⁵⁷ Народы Кавказа, I, стр. 352.

⁵⁸ О. М а р т р а ф, დასახ. ნაშრომი, გვ. 263—273.

ისა და ჩრდილო კავკასიის სხვა ქვეყნებში ამ საკრავს უმთავრესად იყენებდნენ საყონალოში სტუმრის გასართობად⁵⁹.

ბოლოს ისიც უნდა აღინიშნოს, რომ სხვა კავკასიელი ხალხების მსგავსად ჩაჩნებიც კუსტარული წესით, ნაცრისა და ქონის ნახარშით, ამზადდებდნენ საპონს. აქვე სცოდნიათ ქონის ან ფიჭვის სანთლის დაზნადებაც. როგორც ო. მარგგრაფი აღნიშნავს, საპონი ჩაჩნებს ბაზრობებზეც გაჰქონდათ, მაგრამ ბაზრიდან ის განუღვენია ფაბრიკულ ნაწარმს⁶⁰.

როგორც ვხედავთ, ამა თუ იმ სახის ნაწარმის შექმნა ჩაჩნეთში. ისევე როგორც ჩრდილო კავკასიაში საერთოდ, განისაზღვრებოდა საოჯახო მრეწველობისა და შინამოთხოვნელების მასშტაბით. ამ მხრეზე გამოჩაყლისთა რიცხვს ეკუთვნოდნენ დაღესტნელები. რომლებიც თავიანთ ნახელავს სხვაგანაც ავრცელებდნენ და მათი ხელოსნები თავიანთი ქვეყნის გარეთაც საქმიანობდნენ⁶¹. ჩაჩნების ნაწარმი ძირითადად ჩაჩნეთ-ინგუშეთის ბაზრობებსა და ბაზრებზე გადიოდა და მწარმოებელიდან პირდაპირ მომხმარებლის ხელში გადადიოდა. უმეტეს შემთხვევაში ეს ნაწარმი მის მწარმოებელ ოჯახს რჩებოდა და მის წევრებს ხმარდებოდა.

შინამრეწველობა განსაკუთრებით შეზღუდული სახით იყო წარმოდგენილი ინგუშეთში. ბაზარზე გასატანად აქ თითქმის არაერთად სახის ნაწარმი არ მზადდებოდა. როგორც ზემოთ ვეჭონდა აღნიშნული, ისინი მატყლის დამუშავების დონითაც კი მხოლოდ მერვე ადგილზე იმყოფებოდნენ. ინგუშეთი ამ მხრივაც წარმოადგენდა ნედლეულის რაიონს. ამაზე მეტყველებს ის გარემოება, რომ მატყლს იყენებდნენ მხოლოდ უხეში მაულის დასამზადებლად. მაულის წარმოება აქ შინამოთხოვნელებით იყო განსაზღვრული. ბაზარზე გაჰქონდათ უმნიშვნელო რაოდენობით. რომელიც ხარისხით ბევრად ჩამორჩებოდა ჩაჩნურს. რაც შეეხება ნაბდებს და ხალიჩა-ფარდაგებს, ინგუშები მას საშინაო საჭიროებისთვისაც კი არ ამზადებდნენ და ყიდულობდნენ ჩაჩნებ-სავან ან ყაბარდოელებისაგან. საოჯახო საჭიროებისთვის ფეხსაცმელს კერავდნენ ქალები, სასოფლო-სამეურნეო იარაღებს კაცები, ხოლო ლითონისა და თიხის დამუშავებას ინგუშეთში საერთოდ არ ჰქონია ადგილი⁶².

ო. მარგგრაფის გამოკვლევას უნდა ემყარებოდეს ი. პანტიუხოვი, რომელიც მიუთითებს, რომ ინგუშეთში არც ერთი სახის ხელოსნობა

⁵⁹ О. Маргграф. Дагест. Набл. М. 262.

⁶⁰ იქვე, გვ. 278—280.

⁶¹ იქვე, გვ. XXXIV.

⁶² იქვე, გვ. 4, 21, 24, 42, 49, 69, 70, 172.

არ არსებობდა. მისი ცნობით ინგუშები, ნაბღებსა და უნაგირებს ყო-
დულობდნენ ყაბარდოელებისაგან, ხოლო ხისა და ლითონის ჭურჭელს-
ლეკებისაგან. სახლში ამზადებდნენ ცოტაოდენ მაუდს. მათი შემო-
სავლის ერთ-ერთ წყაროს წარმოადგენდა თივისა და შეშის დამზადება.
ვლადიკავკასის მიდამოებში. ამ მიზნით ინგუშები იჭარით იღებდნენ
კერძო ან სახელმწიფო ადგილებს⁶³.

ო. მარგგრაფის აზრით, ჩაჩნებთან შედარებით ინგუშების ასეთი
ჩამორჩენილობა განაპირობა ჩაჩნეთ-ინგუშეთს შორის სავაჭრო-ეკო-
ნომიური კონტაქტის უქონლობამ. ჩაჩნებმა თუ თავიანთ მესობლებ-
თან საქმიანი ურთიერთობა დაამყარეს, ჩაჩნებისაგან მოწყვეტილმა.
მესობლებთან არასახარბიელო ურთიერთობაში მყოფმა და კონკუ-
რენციის მიღმა დარჩენილმა ინგუშებმა კავკასიის ყველა სხვა ხალხსე
მეტად შეინარჩუნეს ეკონომიური კარჩაკეტილობა, რამაც თავისი გა-
მოვლინება პოვა შინამრეწველობის ხასიათშიც⁶⁴.

ყველა ზემოხსენებული სამუშაო სრულდებოდა ოჯახის წევრთა
ცლით. ხის, ლითონისა და თიხის დამუშავება მამაკაცის მოვალეობას
შეადგენდა. ხოლო მატყლის ნაწარმის დამზადება. ფეხსაცმელებისა
და ჭურჭების კერვა, საპნის ხარშვა და სანთლის ჩამოქნა, მთლიანად ქა-
ლებს ევალებოდათ. მსუბუქ საქმიანობაში იყენებდნენ ბავშვებს
შრომასაც, ხოლო რიგ შემთხვევაში ნათესავები და მეზობ-
ლები ერთმანეთს კოლექტიურ დანმარებასაც არ აკლებდნენ, მაგრამ
არც ჩვენ დაგვიმოწმებია და არც ლიტერატურაში შეგვხვედრია შინა-
მრეწველობის სფეროში დაქირავებული შრომის გამოყენების ფაქ-
ტი. თავის გამოკვლევაში ამ გარემოებაზე მიუთითებს ო. მარგგრაფიც
და იმასაც აღნიშნავს, რომ ჩრდილო კავკასიის ხალხთა შინამრეწვე-
ლობისათვის ნაკლებად იყო დამახასიათებელი შრომის დარგობრივი
დანაწილება და ვიწრო სპეციალიზაცია. თუ ეს შეიმჩნევა, აღნიშნავს
ო. მარგგრაფი, ისევე დაღესტნელებთან და ისიც მამაკაცთა საქმიანობა-
ში, ე. ი ხის, ლითონისა და თიხის დამუშავების სფეროში⁶⁵. რაც შე-
ეხება ჩაჩნეთს, აქ ნაბღის მთელავი ქალი ამავე დროს ქსოვდა მაუდს.
კერადა ფეხსაცმელს, ხარშავდა საპონს და ა. შ. ერთი პროფესიის
სფეროში ქალთა შორის შრომის განაწილება, ანდა პროფესიების მი-
ხედვით მათ შორის ფუნქციების განაწილება XIX საუკუნის მეორე
ნახევრის ჩაჩნეთ-ინგუშეთისათვის არ წარმოადგენდა საოჯახო ყოფ-
ის ნიშანდობლივ მხარეს. როგორც ქვემოთ დავინახავთ, ერთი და იგი-
ვე პირი ოჯახში მრავალფეროვან საქმიანობას უძღვებოდა.

⁶³ И. П а н т ю х о в, დასახ. ნაშრომი, გვ. 129—130.

⁶⁴ О. М а р г г р а ф, დასახ. ნაშრომი, გვ. 15.

⁶⁵ ი ქ ვ ე, გვ. XXXIV—XXXV.

ოჯახის მართვადობის სისტემა და მასში არსებული
შრომის ორგანიზაცია

ნახების საოჯახო ურთიერთობაში. ისევე, როგორც მათი მეზობლებს უფროსი, განსაკუთრებული ყურადღება ექცეოდა ადამიანის სქესა და ასაკს. ეს ორი ძირითადი ფაქტორი დიდ როლს ასრულებდა ოჯახის მართვის ორგანიზაციისა და ოჯახის წევრებს შორის შრომის განაწილებაში.

ნახის ოჯახში ყველაზე საპატიო და მაღალი უფლებების მქონე პირად ითვლებოდა ხანდაზმული მამაკაცი. მისი პრიორიტეტი აშკარად ჩანდა როგორც საოჯახო, ისე საზოგადოებრივ ურთიერთობაში. ჩვეულებრივად ოჯახის ნათესაური გაერთიანების, თუ ტერიტორიულ-მეზობლურ პრინციპებზე დამყარებული საზოგადოებრივი ერთეულის ხელმძღვანელობა ხშირად მამაკაცის ფრიად საპატიო და საპასუხისმგებლო მოვალეობას წარმოადგენდა. ეს ტრადიცია მთაში ისევე დიდხანს შემორჩენა, როგორც თემური წყობის გადმონაშთები. შემთხვევითი არ არის, რომ ნათესაურ გაერთიანებაში მამაკაცი არ იყო შეჩვეული უხუცესი მამაკაცის ავტორიტეტი, როდესაც გვარა, როგორც სოციალურ-ეკონომიური ერთეული. დიდი ხნის წინათ იყო დარღვეული და მისი აღრინდელი არსებობის მათემატიკურ ზოგიერთ ელემენტსა შემოინახა თავი ეთნოგრაფიული გადმონაშთის სახით.

ოჯახში ხნით უფროსი პრიორიტეტს აღიარებდნენ ამ საკითხით დაინტერესებული დამკვირვებლები. ი. რეინეგსი როდესაც ოჯახის შემადგენლობას გაეცნო, მხედველობიდან არც ის გამოჩინდა, რომ ოჯახის მეთაურობა ჩაჩნეო-ინგუშეთში მინდობილი ჰქონდა ხნით უფროს მამაკაცს. მას ემორჩილებოდა მთელი ოჯახი და მისი ხელმძღვანელობით უყოყმანოდ სრულდებოდა ყოველგვარი საქმე¹.

XIX საუკუნის 60-იან წლებში ჩაჩნეო-ინგუშეთში გადმონაშთის სახით დამოწმებული საოჯახო თემის მმართველობის ხასიათს შედარებით ვრცლად გვაცნობს არსებული ვითარების მოწმე ნ. ხარუზინი. როგორც იგი წერს ოჯახს ხელმძღვანელობდა მამა, რომლის გარდაცვალების შემდეგ ძალაუფლება გადადიოდა მისი უფროსი ვაჟის ხელში. შვილი მამას ცვლიდა იმ შემთხვევაშიც. როდესაც ის სიბერით დაუძლურდებოდა და მეურნეობას ვეღარ უძღვებოდა. ამ მხრივ უფროსი შვილი უფრო დიდი უპირატესობით სარგებლობდა, ვიდრე ოჯახის მეთაურს ძმა. იმ შემთხვევაში კი, როდესაც შვილი არ იყო სრულწლო-

¹ J. Reinegs. დასახ. ნაშრომი, გვ. 39.

ვანი. ოჯახის მმართველობა გადადიოდა გარდაცვლილს მეუღლის ხელში.

ოჯახის უფროსი — წენდა ხელმძღვანელობდა სამამაკაცო საქმეებს, ხოლო დიასახლისი — წენანა, ჩვეულებისამებრ წენდას მეუღლე. მეთაურობდა საღვთადაცო საქმიანობას. წენდა განაგებდა რა ოჯახს, მას სხვების დაუკითხავად შეეძლო ოჯახის ეკონომიური წარმოება, განსაკუთრებით იმ შემთხვევაში, როდესაც ოჯახის უფროსად იდგა მამა. მას შეეძლო ქონების გაყიდვა, იჯარით გაცემა, მაგრამ ფაქტიურად ასეთი ნაბიჯის გადადგმა დასაშვებად ითვლებოდა მხოლოდ ოჯახის სრულწლოვან მამაკაცებთან დათათბირება-შეთანხმების შემდეგ. თუ ოჯახის წევრთაგან ვინმე წინააღმდეგი იქნებოდა ქონების გაყიდვისა, წენდას ან უნდა უარეყო თავისი გადაწყვეტილება, ანდა დაეშვა ოჯახის გაყრა. ოჯახში ყველა სახის შემოსავალი ბარდებოდა წენდას. თვით საშოვარზე გასული წევრიც ვალდებული იყო დამორჩილებოდა ასეთ რეჟიმს. ოჯახის უფროსის გადაყენება ოჯახს არ შეეძლო: უკმაყოფილო პირებს შეეძლოთ მხოლოდ მოეთხოვათ გაყრა.

საოჯახო თათბირში ქალები არ მონაწილეობდნენ და მათ არც არაფერს ეკითხებოდნენ. შესაძლებელია ქმრები ცოლებსაც დათათბირებოდნენ. მაგრამ ქალის უარის საფუძველზე გადაწყვეტილება არ იცვლებოდა. თვით წენანაც კი ამ მხრივ არავითარი უფლებებით არ სარგებლობდა².

ნ. ხარუზინის აღწერილობის მიხედვით, ოჯახის მმართველობის წესი ჩანეთ-ინგუშეთში ჭერ კიდევ ინარჩუნებდა თავის ტრადიციულ სახეს. ამ გარემოებაზე მიგვითითებს ოჯახში ხნიერი კაცის პრიორიტეტი. მამაკაცების ერთად ბუობის წესი საოჯახო საქმეების გადაწყვეტასთან დაკავშირებით და ამგვარ თათბირში ქალთა როლის უგულვებელყოფა. აღწერილობიდან ისიც აშკარად ჩანს, რომ მმართველობის ტრადიციული წესი ოჯახში შერყეული იყო. ამაზე მიგვითითებს თუნდაც ის გარემოება, რომ მამის გარდაცვალების შემთხვევაში ოჯახს სათავეში ექცეოდა მისი უფროსი შვილი ან ცოლი, ხოლო ბიძის როლი უგულვებელყოფილი ჩანს. ბიძისაგან გვერდის ავლით მისი ძმისწულის გაუფროსების ან ოჯახის უფროსად ქალის დანიშვნის წესი უნდა გაჩენილიყო გადმონაშთური ფორმით შემონახული საოჯახო თემის კვდომის სტადიაზე, რამდენადაც არც ერთი ეს წესი არ წარმოადგენდა პატრიარქალური საოჯახო თემის დამახასიათებელ ნიშანს.

ოჯახის მართვა რომ უპირატესად ხანდაზმულ მამაკაცს ჰქონდა მონდობილი, ეს განსაკუთრებით ნათლად ჩანს ინგუშური ეთნოგრაფი-

² Н. Харузин, Заметки..., СМЭ, III, стр. 123—124.

ული მონაცემების მიხედვით, რამდენადაც საოჯახო თემის გადმონაშთები ინტუიციით უკეთესად იყო შემონახული, ვიდრე ჩაჩნეთში, ხანდაზმული კაცის პრაორიტეტი კარგად ჩანს ჩვენ შიორ ზემოთ აღწერილი ინგუშური ოჯახების ცხოვრებიდანაც. უმეტეს შემთხვევაში ერთმეორეს ფარავს ეპონიშია და საოჯახო თემის უფროსის სახელი. მომდევნო თაობებზედაც ეს ტრადიცია გადმოდის და ოჯახის უფროსობა კვლავ ხანდაზმულ კაცს უწევს. მაგალითად, გაგიეების წინაპარი გაგი-თავის დროზედ დიდი ოჯახის მეთაურიც იყო. მომდევნო თაობაში ასევე უჯახის უფროსად გვევლინება ყველაზე ხნიერი კაცი არქყოი. გადმოცემამ შემოკვირანსა გაგიეების გვარის მესხეთე თაობის უსუცისს — მეორე გაგის სახელიც. როგორც საოჯახო თემის უფროსისა. ოთხ თაობამდე გაუყრელა ოჯახის მეთაური იყო აგრეთვე გაგიეების გვარიდან განშტოებული ახალი გვარის — საფრალიევის ეპონიში საფრალი.

ანალოგიური ვითარება წარმოვეიდგება სხვა ოჯახებისა და გვარების ცხოვრებიდანაც. მატრეების დიდ ოჯახში გაერთიანებული სამე-ქიდან ოჯახის უფროსობას ეწეოდა ძმებს შორის ყველაზე ხნიერი განიზი. ამ ოჯახის გაყრის შემდეგ კი განიზი თავისი შთამომავლობის გამაერთიანებელი ოჯახის მეთაურადვე რჩება, ხოლო მისი ძმები — ოახონგ და არათხან ასევე თავ-თავიანთი ოჯახების მეთაურებად იქცე-ვიან.

როგორც პირველ თავში ითქვა, ციციეების წინაპარი იყო ნერთ, ხოლო მერვე თაობიდან კი ამ გვარის უშუალო ეპონიშია ციცი. მას ჰყავდა კიდეც ოთხი ძმა, რომლებიც თავიანთი შთამომავლობით ერთ ქერქვეშ ცხოვრობდნენ, ხოლო ოჯახს ხელმძღვანელობდა ყველაზე უფროსი ძმა ციცი.

ხნთ უფროსობის მიხედვით ოჯახის მართვის წესს არ დალატობ-ნდენ არც ციციეების ახალი თაობის წარმომადგენლები. როგორც ზემოთ იყო აღნიშნული, ჯარიახის ხეობის სოფელ ებნში ერთ ოჯახში შედიოდა ხუთი საქორწინო წყვილი. სამ თაობამდე ერთად მცხოვრებ ამ ოჯახს მეთაურობდა ხუთი ვაჟის მამა ჰონკი.

მამა გვევლინება ოჯახის მეთაურად შოუხალოეების საოჯახო თემ-შიც, რომელშიაც გაერთიანებული იყო მაირის (ოჯახის უფროსის) ხუთი შვილი და შვილიშვილები. ასეთივე ვითარება დამოწმდა ილიე-ვებზე მაგალითზე, სადაც ექვსი ვაჟისა და შთი შვილების გამაერთიანებელ ოჯახს მეთაურობდა იალტი.

ხნთ უფროსობის მიხედვით ოჯახის მეთაურობის პრინციპი თით-ქმის ყველა თაობაზეა დაცული ოზლოეების გვარში. გენეალოგიაში ხსენებული პირები გვევლინებიან დიდ ოჯახთა მეთაურებად. მთხრო-

ბელთა მებსიერებამ განსაკუთრებით კარგად შემოინახა ის ფაქტი. რომ გაუყრელ ოჯახს ჯერ ხელმძღვანელობდა სამი ეაეის მამა პო. ყოყო. მისი გარდაცვალების შემდეგ ერთ ქერქვეშ მცხოვრები ოჯახის უფროსობა დაეკისრა პოყოყოს უფროს შვილს მუსას და ბოლოს ოჯახის სამად გაყრის შემდეგ კვლავ მუსა ხელმძღვანელობდა იმ ოჯახსაც. რომელიც თვიომ მუსას შთამომავლობას მოიცავდა.

ჩვენ აქ აღარ დავასახელებთ ანალოგიურ მაგალითებს, რამდენადაც ხნით უფროსობის მიხედვით ოჯახის ხელმძღვანელობის წესი საყოველთაოდ დამახასიათებელი იყო ინგუშთა საოჯახო ყოფისათვის. ხნით უფროსობის გარდა ყურადღება ექცეოდა სხვა გარემოებასაც. ოჯახის უფროსს ხანდაზმულობასთან ერთად ჩაბარებული საქმის გაძღოლის უნარიც უნდა ჰქონოდა. წინააღმდეგ შემთხვევაში ოჯახის მართვას მიანდობდნენ ხნით უმცროს, მაგრამ უფრო გონიერ კაცს. ეს კარგად ჩანს თუნდაც ზემოხსენებული ჩანიევების ოჯახის მაგალითზე. რომელიც აერთიანებდა 30 შრომისუნარიან მამაკაცს. ამ ოჯახს ღრმა სიბერემდე ლოთეჟი ხელმძღვანელობდა, მაგრამ როდესაც სიბერისაგან მოტეხილმა ლოთეჟმა თავი ველარ გაართვა დაკისრებულ მოვალეობას. ოჯახის ხელმძღვანელობა ჩაბარდა მის საშუალო შვილს — არტახს.

ზემოაღნიშნული ფაქტი ორმხრივია საყურადღებო. ჯერ ერთი იმ მხრივ, რომ მოხუცი მამის სიცოცხლეშივე ოჯახს მართვა შვილს დაეკისრა. ეს თავისთავად იმის მაჩვენებელია, რომ ამ მოვალეობის შესრულება მარტო ასაკზე არ იყო დამოკიდებული. საყურადღებოა ის გარემოებაც, რომ ლოთეჟის ადგილი დაიკავა არა მისმა უფროსმა ვაჟმა ქუსარმა, არამედ საშუალომ — არტახმა. ძმებს შორისაც ხნით უფროსობა არ გამოდგა გადაწყვეტი პირობა, რამდენადაც ეს საპატიო როლი წილად ხვდა ოჯახის მართვის უნარით დაჯილდოებულ არტახს.

ჩანიევების ოჯახის მაგალითზე, რაც არ წარმოადგენს გამონაკლისს ინგუშთა საოჯახო ყოფისათვის, ნათლად გამოჩნდა, რომ ოჯახის უფროსობა მარტოდენ ასაკზე არ იყო დამოკიდებული. ოჯახის მმართველობის სისტემაში ასაკთან ერთად უდავოდ მნიშვნელოვანი ფაქტორი იყო მინდობილი საქმის ხელმძღვანელობისათვის. საჭირო მონაცემებიც. ეს იყო საყოველთაო მოვლენა ინგუშთა საოჯახო ყოფაში, ისევე როგორც უამპირობოდ არ ხდებოდა არც ქართულში საოჯახო თემის მართვა. ანეთივე პრინციპი იყო გაბატონებული ინგუშების ნათესაურ გაერთიანებაშიც. გვარის (პატრონიმიის ხელმძღვანელობის უნარს მოკლებული მოხუცის ნაცვლად ირჩევდნენ შედარებით უხნო, მაგრამ უკეთესი შესაძლებლობის მქონე პირს. ეს კარგად ჩანს როგორც დღე-

² Р. Х а р а д а с е, Грузинская семейная община. II, 1961.

მდე შემორჩენილი ზეპირგადმოცემებიდან, ასევე არსებული ლიტერატურული მონაცემებიდანაა⁴.

ამგვარად, ოჯახის მართვის თუ პატრონიმიის უფროსობის უფლებით პირველ ყოვლისა უხუცესი სარგებლობდა. ამ ტრადიციის დარღვევა მხოლოდ მისი უუნარობის შემთხვევაში იყო შესაძლებელი. სხვადასხვა ასაკის, მაგრამ ერთნაირი გამჭრიახობის მქონე პირთა შორის უფროსობა ყოველგვარი ყოყმანის გარეშე ხანდაზმულ კაცს უწევდა. თუ მოხუცის უუნარობა უკვე თვალშისაცემი არ იყო, ნებითნებას მისი ვალაყენება არც ხდებოდა. თვით მისი დაუძღურების შემდეგაც და თუნდაც ისეთ შემთხვევაშიც კი, როდესაც მოხუცი საერთოდ არ გამოირჩეოდა გონიერებით, მისდამი პატივცემვა მაინც შესაბამისი სოციალური ერთეულის წევრთა მოვალეობას წარმოადგენდა. ტრადიციის მიხედვით, იმ შემთხვევაში, თუ ოჯახს ხნით უმცროსი კაცი მართავდა, ის ვალდებული იყო უხუცესს დათათბირებოდა და ფორმალურად მაინც დაეცვა ხნით უფროსი კაცის პრესტიჟი. თვით ანდრეივლელურ ოჯახშიც, რომლის ხელმძღვანელობა გაცილებით იოლი იყო ვიდრე საოჯახო თემისა, ხანდაზმული კაცის პრიორიტეტი წესის მიხედვით დატოვდა. თუ კი ოჯახში მოხუცი იმყოფება, მის შერუსტობას უფრო ფაქტურად მართავს ოჯახს. თავის მოვალეობად მისი მნიშვნელოვანი საოჯახო საქმის გადაწყვეტა მამათან შეთანხმების მანერჩევის უგულებელყოფა სამარცხვინოდ ითვლება. ასევე ხდება სხვადასხვადასხვა ურთიერთობის სფეროშიც; გადმონაშთის სახით შემონახული ძველი წეს-ჩვეულებების შესრულების მომენტში მოხუცი ყელავ სათანადო პრვილეგიებით სარგებლობს.



როგორც ვხედავთ, ოჯახის ან გვარის უფროსად ყოფნა ასაკთან ერთად პიროვნების უნარზეც იყო დამოკიდებული. პიროვნების ამ თვალსაზრისით შეფასება ხდებოდა იმ სოციალურ ერთეულში, რომლის ხელმძღვანელობაც მას ეკისრებოდა. ვინაიდან პიროვნებისადმი კრიტიკულ დამოკიდებულებას ჰქონდა ადგილი და საბოლოო გადაწყვეტილებას მიღებას საფუძვლად ედო ორივე ფაქტორი — ასაკი და უნარი. ცხადია, ეს ფრიალ მნიშვნელოვანი საქმე არჩევის გზით წესრიგდებოდა. მარტოდონ ხანდაზმულობა რომ ყოფილიყო უპირატესობის მჩვენებელი. ეს მოვალეობა მექანიკურად გადავიდოდა უხუცესიდან უხუცესის ხელში. ხოლო ის გარემოება, რომ ოჯახში უფროსს არჩევით

⁴ Б. Д а л г а т, Материалы по обычному праву ингушей, ИНИИИК, II--III, стр. 308.

ნიშნავდნენ, ეს სოლიდარული მმართველობის ერთ-ერთი უტყუარი ნიშანია.

უნდა აღინიშნოს, რომ უფროსის ამორჩევის საკითხს განსაკუთრებული ყურადღება ექცეოდა საოჯახო თემში, რამდენადაც მისი მართვა დიდ სიძნელეებთან იყო დაკავშირებული.

თუ გვარის უფროსის ფუნქციები არსებითად საზოგადოებრივი მოღვაწეობით განისაზღვრებოდა (აწესრიგებდა ქორწინებისა და მესისხლეობის საქმეს, საჭირო შემთხვევაში გვარის წევრს შუამდგომლობდა საზოგადოებისა და სასამართლოს წინაშე და ა. შ.)⁵, საოჯახო თემის უფროსი ოჯახის ცხოვრების ყველა სფეროს განაგებდა. ეს სავსებით გასაგებია, რამდენადაც ჩვენთვის ხელმისაწვდომი დროისათვის გვარი მხოლოდ საზოგადოებრივი ერთეულის ზოგადი თავისებურებას ინარჩუნებდა. ნათესაურ კავშირზე დამყარებულ ეკონომიკურ ერთეულს წარმოადგენდა, ერთი მხრივ, გადმონაშთის სახით შემონახული საოჯახო თემი, ხოლო მეორე მხრივ, საოჯახო თემის სეგმენტაციის საფუძველზე ჩამოყალიბებული ინდივიდუალური ოჯახი.

საოჯახო თემის უფროსი მთელი საოჯახო მეურნეობის სელმძღვანელი და შინაგანი წესრიგის დამცველი იყო. მის დაუკითხავად უნდა შენელო საკითხიც კი არ გადაწყდებოდა. როგორც ქვემოთ დავინახავთ, ის არ ერეოდა მხოლოდ ქალების პირად საქმიანობაში, რამდენადაც მათი მეთვალყურეობა და ხელმძღვანელობა უშუალოდ დიასახლისს ეკონოდა მინდობილი. ოჯახის უფროსის დასტურით ხდებოდა მუშაობის დაწყება თუ დამთავრება, საქონლის გაცელა-გამოცელა თუ ყიდვა-გაყიდვა, მეზობლებთან ურთიერთობა, ქორწინება, მოსისხლესთან შერიგება და ა. შ. ერთი სიტყვით, ის იყო ოჯახის ნამდვილი მესაძვე, მაგრამ ყველაფერი ეს კეთდებოდა ოჯახის სრულწლოვან წევრებთან შეთანხმებით. ოჯახის უფროსი, როგორც ამორჩეული პირი, თვითნებურად არც ერთ ნაბიჯს არ გადადგამდა. ეს გარემოებაც იმაზე მიგვიჩვენებს, რომ ინგუშური საოჯახო თემისათვის ნიშანდობლივი იყო სოლიდარული მმართველობის პრინციპი.

ოჯახის უფროსი უპირველეს ყოვლისა გამოცდილი და წინდახედული მეურნე უნდა ყოფილიყო, რამდენადაც მეურნეობის სპეციფიკა: ცოდნაზე ბევრად იყო დამოკიდებული შრომის სწორი ორგანიზაცია. მაგრამ მისი ფუნქცია მარტოდენ განკარგულების გაცემით არ ამორჩეუბოდა. ის თითონაც ეწეოდა შრომას მეურნეობის იმ სფეროში, რომელსაც უკეთესად იყო დაუფლებული. შეკრებილი ეთნოგრა-

⁵ Б. Д а л г а т, დასახ. ნაშრომი, გვ. 308.

ფიული მასალების მიხედვით, ერთი ოჯახის უფროსი მხენელ-მთესველის როლში გვევლინება, სხვა ოჯახის უფროსი სარქლობას ეწეოდა და ა. შ. მაგალითად, გუთნისდღად ვხედავთ შოუხალოვების, ოზლოვების, ციციკეებისა და რიგი სხვა ოჯახების უფროსებს. სარქლობას ეწეოდა მატრეკების ოჯახის უფროსი, ნაზრანის სასამართლო ორგანოში მოწყობას ახერხებს ჩანეეების ოჯახის უფროსი და ა. შ.

ოჯახის უფროსის ხელმძღვანელობით ხდებოდა ფუნქციების განაწილება ოჯახის შრომისუნარიან მამაკაცთა შორისაც. თუ ოჯახის უფროსი ზოგიერთ მათგანს თავისთან ამუშავებდა, დანარჩენებს სხვადასხვა საქმეს ავალებდა. მაგალითად, ციციკეების ოჯახში ოჯახის უფროსთან ერთად ხვნა-თესვას მისდევდა მეშავე შვილი — მურთუზა. შინასაოჯახო საქმეს გაძლოდა და მსხვილფუნჯა საქონლის მოვლა-პატრონობა ეკისრებოდათ თემურძასა (მეორე შვილი) და ჯანას (მესამე შვილი). ცხვარს მწყემსავდა მეოთხე შვილი ლეირო. ხოლო თემის კაცობასა და საზოგადოებრივ საქმიანობას ეწეოდა უფროსი ვაჟი ელმურზა.

თითოეულ ძმას გარკვეული მოვალეობა ეკისრებოდა ოზლოვების ოჯახშიც. როდესაც სამი ძმა ერთად ცხოვრობდა და ოჯახს ხელმძღვანელობდა მათ შორის ყველაზე უფროსი — სელმურზა ის გუთანს იყო მოკიდებული. მომდევნო ძმა სხვა შინასაოჯახო მეურნეობას უძღვებოდა, ხოლო სულ უმცროსი ძმა ერთ დაქირაებულ მწყემსთან ერთად ცხვარს პატრონობდა.

სხვა ოჯახების მაგალითზედაც მამაკაცთა შორის შრომა-საქმიანობა მათი შესაძლებლობის შესაბამისად იყო განაწილებული, მაგრამ საპირი შემთხვევაში შრომის ორგანიზაციას ეს პრინციპი ირღვეოდა. ოჯახში ხომ ბევრი ისეთი საქმეც იყო. რომელიც მთელი კოლექტივის ერთდროულ მონაწილეობას მოითხოვდა. ასეთ ღონისძიებას მიმართავდნენ განსაკუთრებით გადაუღებელი სეზონურა სამუშაოების დროს. თიბვასა თუ მკაში ოჯახის ყველა წევრი ლებულობდა მონაწილეობას. ამ მოვალეობის შესრულებაზე ვერც ერთი ვერ იტყოდა უარს და გასამართლებელ საბუთად ვერ წამოაყენებდა იმას, რომ ის გუთნისდღად ან მსხვილფუნჯა საქონლის მომვლელი იყო. ეს გაუმართლებელი იქნებოდა იმიტომაც. რომ ხვნა-თესვა და თიბვა-მკა სხვადასხვა დროს შობიდა. მხოლოდ მწყემსის მოწყვეტა და ცხვარ-ძროხის უპატრონოდ მიტოვება არ შეიძლებოდა, მაგრამ მთაში ხანგრძლივად ყოფნით თავმოებზრებული მწყემსიც არაიშვიათად ებმებოდა მემინდვრეობაში, ხოლო მინდვრად ნამუშევარი კაცი მის ნაცვლად მწყემსად მიდიოდა.

შრომის ორგანიზაცია ბევრად იყო დამოკიდებული სამეურნეო ბაზის მდებარეობასა და მასშტაბზედაც. სახნავი მიწების მეტისმეტი

ნაყლებობის გამო, გარდა ბარად ჩასახლებულებისა, ბარში მიწების ხელში ჩაგდებას თუ იჭარით მის დამუშავებას ცდილობდნენ მთაში საცხოვრებლად დარჩენილი ოჯახებიც. ამის შესაბამისად ხდებოდა ოჯახის წევრთა დასაქმებაც. სამაგალითოდ შეიძლება დავასახელოთ თუნდაც ხარპელი მატყეებისა და ხულელი ილიეების ოჯახები. მატყეების ოჯახის ძირითად საარსებო წყაროდ გვესახება მესაქონლეობა. ამიტომ ოჯახის უფროსის პირად საქმიანობას წარმოადგენდა სარქლობა. ხოლო მისი ქმედი და შეილებიც მეცხვარეობასა და მსხვილფეხა მესაქონლეობაში იყვნენ ჩაბმულნი. მაგრამ თუ ამ ოჯახის ეკონომიურ საფუძველს შთური მეთურნეობის წამყვანი დარგი წარმოადგენდა და შრომაც ამის შესაბამისად იყო ორგანიზებული, შედარებით სხვა სურათს ვხედავთ ილიეების ოჯახის მაგალითზე. მათ მოახერხეს რა ბარის სოფელ მალგობეკში სახნავი ადგილების ხელში ჩაგდება, მთელი დატვირთვით მიწათმოქმედებაში ჩაებნენ. სეზონურ სამუშაოებში ოჯახის თათქმის ყველა შრომისუნარიანი წევრი ბარად მიდიოდა და მოსავლის აღების შემდეგ ბრუნდებოდა მთაში. არ მიდიოდნენ მხოლოდ ისინი, ვისაც მთის სახნავეებს დამუშავება და საქონლის მოვლა ეკისრებოდათ.

როგორც ვხედავთ, ინგუშურ საოჯახო თემში შრომის ორგანიზაცია გაპირობებული იყო სამეურნეო ყოფის სპეციფიკით. თითოეულმა შრომისუნარიანმა მამაკაცმა თავისი ძირითადი მოვალეობა იცოდა. ამ შემთხვევაში ყურადღება ექცეოდა როგორც ადამიანის ასაკს, ისე მის გამოცდილებასაც. მაგალითად, არავითარ შემთხვევაში ხანდაზმულ კაცს არ გაიყვანდნენ სათიბში, მაშინ, როდესაც ის ახალგაზრდებთან ერთად მონაწილეობდა შედარებით მსუბუქ საქმიანობაში — ფოცხებასა და თივის ზეინების აგებაში. ამის შესაბამისად ხდებოდა ფუნქციების განაწილება მეცხვარეობაში. იყვნებდნენ მცირეწლოვანთა შრომასაც ისეთ საქმეებში, როგორც იყო ხბოების მწყემსვა, მეხრეობა, ქვიანი სახნავე-სათიბი ნაკვეთების გაწმენდა და ა. შ.

* * *

ზემოთქმულიდან ჩანს, რომ ოჯახის უფროსობა ხნიერი და გამჭრიახი მამაკაცის ხვედრს წარმოადგენდა. მას ჰქონდა მინდობილი ოჯახის საერთო ხელმძღვანელობა. უშუალოდ ისევე განაგებდა სამამაკაცო საქმეებს და პირადადაც რაიმე სახის მუშაობაში იყო ჩაბმული. მაგრამ ოჯახში რიგი ისეთი ხასიათის სამუშაოებიც სრულდებოდა, რომლის გაძღოლა ქალებს ევალებოდათ და ამ საქმის თაოსნობაც რომელიმე მათგანს უნდა ჰქონოდა დაკისრებული.

როგორც კავკასიის სხვა ხალხთა საოჯახო ყოფაში, ინგუშეთშიაც საქალებო საქმეთა გამგებელი იყო დიასახლისი. ამასთან ერთად, დიასახლისი პირადად საკმაოდ დიდ შრომას ეწეოდა. საერთო საოჯახო სამზარეულოში ის უფროსი რძლების დახმარებით აცხობდა პურს და ხარშავდა საკმელს. ტენკიელების 20-სულიანი ოჯახის მაგალითზე დიასახლისის ამ ფუნქციების შესახებ ყურადღება გაამახვილა ბ. დალგატმა. ბ. დალგატი იმ გარემოებაზედაც მიუთითებს. რომ ტენკიელების გაუყრელი ოჯახის დიასახლისად გამოყოფილი იყო ამ ოჯახის უფროსის — ყველაზე ხნეირი მამაკაცის ცოლი⁶.

ჩვენ მიერ შეკრებილი მასალების მიხედვითაც უმეტეს შემთხვევაში დიასახლისად გვევლინება ოჯახის უფროსის მეუღლე. ხნით უფროსობა დიასახლისის გამოყოფის მომენტშიც ერთ-ერთი დამდინიზენელოვანი ფაქტორი იყო, მაგრამ არც ამ შემთხვევაში ივიწყებდნენ მის პირად შესაძლებლობას.

კენიიდან დიასახლისად არჩევა ცხლოდ ასაკზე არ იყო დამოკლებული და მას სადედაკაცო საქმიანობის სრულყოფილ ცოდნასთან ერთად მისა გაძლოლის უნარიც უნდა ჰქონოდა. ხშირად ოჯახის უფროსისა და დიასახლისის ცოლქმრობა გამორიცხული იყო. ამ საკითხის ნათლსაყოფად საჭიროდ მიგვაჩნია რამდენიმე კონკრეტული ფაქტის მოშველიება. გაეხსენოთ თუნდაც ჭარიახის ხეობის სოფ. ებნში გაუყრელად მცხოვრები ცოლქმრობის ოჯახი, რომელსაც ხელმძღვანელობდა ოჯახის უხუცესი წევრი ჰონკი. ხოლო დიასახლისობდა მისი მეუღლე იოი. მაგრამ როდესაც იოი ღრმა სიბერემ დააუძღურა, დიასახლისობა მისსავე სიცოცხლეში გადაულოცეს იოის უფროსი შვილის — ელმურზას ცოლს გუბის. აქ საყურადღებოა ის გარემოება. რომ ხნით უფროსობის პრინციპი ერთ შემთხვევაში დაირღვა, მაგრამ მეორე შემთხვევაში დატულ იქნა. დაირღვა იმდენად, რამდენადაც იოი მის სიცოცხლეშივე შეცვალა სადიასახლისოდ მომზადებულმა და შრომისუნარიანმა რძალმა. ასეთი ცვლილება განაპირობა დიასახლისისთვის პირადი უნარის საჭიროებამ. ამავე დროს მომხდარი ცვლილებისას ხნით უფროსობა არ იქნა უგულებელყოფილი, რამდენადაც დიასახლისის მოვალეობა დედამთილის შემდეგ გადაეცა ყველაზე ხნეირ რძალს.

საყურადღებო ვითარება დგინდება ჩანეელების მაგალითზედაც. როგორც ვიცით, ამ დიდი ოჯახის უფროსი იყო ლოთეჟი. დიასახლისის მოვალეობას ასრულებდა მისი მეუღლე. სიბერით მოტეხილი ლოთეჟი შეცვალა მისმა საშუალო შვილმა არტახმა. დიასახლისად ა

⁶ Б. Д а л г а т, დასახ. ნაშრომი, გვ. 350.

ღროს კვლავ არტახის დედაა. ხოლო მისი გარდაცვალების შემდეგ დიასახლისობა გადავიდა ქუხარის ცოლის — შექარხას ხელში. მაშასადამე. ჩანჩევების ოჯახში ერთხანს ოჯახის უფროსად და დიასახლისადაც არიან ცოლ-ქმარნი — დოთეჟი და მისი მეუღლე. შემდეგში ეს მოვალეობა ეკისრებათ საშუალო შვილსა და მის დედას, ხოლო ამ უკანასკნელის გარდაცვალების შემდეგ ოჯახის მმართველებად გვევლინებიან არტახი და მისი უფროსი ძმადი.

ის რაც ციკლეებისა და ჩანჩევების მაგალითზე დავინახეთ, საყოველთაოდ დამახასიათებელი იყო ინგუშთა საოჯახო ყოფისათვის. რა თქმა უნდა, ხანდაზმულ ქალს ამ დიდი მოვალეობის შესრულების საქმეში უპირატესობა ენიჭებოდა, მაგრამ მარტო ამ პარობით ისევე შეუძლებელი იყო დიასახლისობა, როგორც ოჯახში მამაკაცის უფროსობა. საქალებო საქმეთა ხელმძღვანელი ისეთივე რთული ამოცანის წინაშე იდგა. როგორც ოჯახის უფროსი მამაკაცი თავისი მოღვაწეობის ასპარეზზე. ეს სავსებით გასაგებია. რამდენადაც ქალი მეტრსმეტად შრომატევად საქმეს უძღვებოდა. მისი მოვალეობა იყო წყლის მოტანა. წიაკვილში სიარული და ზურგით საფეკვაის ზიდვა, სახლის, ეზოსა და სამეურნეო ნაგებობათა დასუფთავება, ბავშვებისა და კაცების შოვლა. პურის ცხობა და საქმელების მომზადება. სასმელების გამოსაღება. წველა და პროდუქტების დამზადება, კრავერვა, რთვა, ქსოვა და მრავალი სხვა თვალუჩინარი შინა საოჯახო საქმე. გარდა ამისა, ქალი მამაკაცთან ერთად ფოცხავდა თივას, ზურგით ეზიდებოდა თივის კონებს. მონაწილეობდა სახნავ-სათიბის გაწმენდასა და თესვაში, მკსა და ლეწვაში. საწვავი მასალის დამზადებაში და ა. შ.

აქედან მრავალი სამუშაო ერთობლივად სრულდებოდა და ასაკის მიხედვით შრომის დიფერენციაციას ნაკლები ყურადღება ექცეოდა. ეს შეეხებოდა კერძოდ გადაუღებელ სეზონურ სამუშაოებს. აქ მხოლოდ ფიზიკურად დავარდნილი მოხუცისა და ავადმყოფის მონაწილეობა იყო გამორიცხული. მაგრამ ოჯახში შრომის განაწილება ქალთა შორის არსებითად მაინც უფროს-უმცროსობის პრინციპს ემყარებოდა. საუმცროსო საქმიანობათა წყებას განეკუთვნებოდა წყლის ზიდვა და წიაკვილში სიარული, სისუფთავის დაცვა და მატყლის დამუშავება, ბავშვების მოვლა-პატრონობა და მინდვრად მუშაობა.

დიასახლისის ხელმძღვანელობითა და მისივე უშუალო მონაწილეობით პურს აცხობდნენ და საქმელს ამზადებდნენ უფროსი ძმადი. საშუალო ასაკის ძმების მოვალეობა იყო წველა-დღვება და მემინდვრეობაში მონაწილეობა და სხვ.

განსაკუთრებით მკვეთრად იყო გამოყოფილი საუმცროსო საქმეები. თუ. მაგალითად. საქმელებისა და პროდუქტების დამზადება უფროს

და საშუალო რძლებს შორის მკვეთრად გამიჯნულ საქმიანობათა წყებას; არ განეკუთვნებოდნენ და მაინცდამაინც ასაკის მიხედვით ამ საქმიანობაზე მათი გაპიროვნება თვალში საცემი არ იყო. ყოვლად შეუძლებელი იყო წყალი მოეტანათ ან წისქვილში ბარგი წაელოთ უფროს რძლებს. უსათუოდ ეს ევალეობოდათ პატარძალსა და ახალ რძლებს: დავალება სრულდებოდა არსებული ტრადიციის შესაბამისად დიასახლისის მკაცრი მეთვალყურეობით. დიასახლისი განსაკუთრებულ ყურადღებას აქცევდა პატარძალს, რომელიც ახლად იყო ჩაბმულ-ქმრის საოჯახო მეურნეობაში. მაგრამ მის მიერ შრომის დაწყებას წინ უწყრებდა სათანადო რიტუალის შესრულება.

მას შემდეგ რაც ქორწილი დამთავრდებოდა და პატარძალს პირბადეს ჩამოხსნიდნენ, ორი კვირის განმავლობაში ის სახლიდან გარეთ არ გამოდიოდა. ამ ხნის მანძილზე მისი მოვალეობა იყო მხოლოდ ლოგინის გაშლა-ლაგება.

ქორწილიდან ორი კვირის შემდეგ ქალები პატარძალს წყაროზე წაიყვანდნენ. პატარძალი შეევესებდა რა კურკულს. წყაროში ჩააგდებდა ნემსსა და კვერცხს, რათა „წყლისა და ბუნების დედის“ გული მოემადღერებინა. ნემსის ჩაგდებით პატარძალი ამ ღვთაებას შესთხოვდა ხელმარჯვედ კერვას, ხოლო კვერცხი ცხოველების სისასვე-ბარაქიანობისა და ნაყოფიერების მონიჭების სიმბოლოდ იყო მიჩნეული.

შემთხვევითი არ იყო ის გარემოება, რომ პატარძლის მიერ ამ წესის შესრულებისთანავე იქ დამსწრე ქალები აღნიშნულ ღვთაებას ბედნიერებასა და ნაყოფიერებას შესთხოვდნენ. ამ რიტუალის დამთავრების შემდეგ პატარძალს ზურგზე წამოჰკიდებდნენ წყლით სავსე თუნგს. დაბრუნდებოდნენ სახლში და სუფრასთან მჯდომი ქალები პატარძალს მიუღოცავდნენ ოჯახის ნამდვილ წევრად ზიარებას⁷.

⁷ მსგავსი წესი სრულდებოდა ჩაჩნეთშიც. როგორც ნ. დუბროვნი წერს. ქორწილიდან რამდენიმე ხნის შემდეგ ქალს წყაროზე გაიყვანდნენ. ის აქ რამდენიმე ბლინს ნემსით ან ქინძითავეთ დაჩხვლევდა და სათითაოდ წყალში ჩაყრიდა. შემდეგ წყლო სავსე კურკულს თავზე დაიდგავდა. გაისროდნენ თოფებს და ასე გამოაცილებდნენ სახლამდე. აღნიშნული წესის შესრულებიდან ეს ებმებოდა საოჯახო საქმიანობაში (Н. Дубровин. История войны и быта. Частность русских на Кавказе. т. I, кн. I, СПб., 1871, стр. 435).

გ. იპოლოტოვის აღწერილობის მიხედვითაც. ახალშეუღლებულნი რამდენიმე დღეს სახლიდან გარეთ არ გამოდიოდნენ და არც არავის ეჩვენებოდნენ. ხუთი-ექვსი დღის შემდეგ ქალები პატარძალს სოფლით გააცილებდნენ წყაროზე და თან ზღნებს წაიღებდნენ. პატარძალი ბლინებს დაჩხვლევდა და სათითაოდ წყალში ჩაყრიდა. ამის შემდეგ აიღებდა წყალს და სახლში ბრუნდებოდნენ. დღიდან ამ წესის შესრულებისა პატარძალი ითვლებოდა სრულყოფილიან რძლად, რომელიც წყალზე სხვა რძლეთან ერთად დადიოდა (Г. Ипполитов, Этнографические очер-

აღნიშნული წესის შესრულებით იწყებოდა პატარძალს შრომითი ნათლობა ოჯახში და აქედანვე ხდებოდა ის ოჯახის სრულუფლებიანი წევრი; ოჯახის წევრობის იურიდიული უფლება უშუალოდ დაკავშირებული იყო შრომასთან. ინგუშეთში დამოწმებული ეს ჩვეულება იდენტურია ხევში გვიანობამდე შემონახული ჩვეულებებისა¹. მოხეურსა და ინგუშურს შორის განსხვავება მხოლოდ რიტუალის სპეციფიკაში ვლინდებოდა. რიტუალის მიზანი და შედეგები კი ორივე კუთხეში ერთი და იგივე იყო — პატარძლის, როგორც მშრომელი ხელის, ინკორპორაცია ქმრის ოჯახში.

ის გარემოება, რომ ქორწილიდან ორი კვირის თავზე პატარძალი სრული დატვირთვით ებმებოდა საოჯახო შრომის ფერხულში და თვით ოჯახის სრულუფლებიან წევრად ზიარებაც კი შრომაში ჩაბმის შემდეგ ხდებოდა, მეტყველი ფაქტია იმისა, თუ რა დიდ როლს ასრულებდა ქალი საოჯახო მეურნეობაში. შემთხვევითი არ იყო, როდესაც ამ საკითხს ჩ. ახრიევმა საგანგებო ყურადღება მიაქცია და ის სპეციალურად შეეხო ინგუში ქალის მდგომარეობას.

ჩ. ახრიევი დაკვირვებია იმ გარემოებას, რომ ზოგჯერ მწიობელ ტომთა ეკონომიური ცხოვრების პირობები და რელიგია ერთნაირი იყო მაგრამ ქალის მდგომარეობა სხვადასხვაგვარი. შესაძლებელია ის ერთგან პირად თავისუფლებას სავსებით მოკლებული ყოფილიყო, მაგრამ მას არ დაკისრებოდა მძიმე ფიზიკური შრომა. მეორეგან კი საწინააღმდეგო ვითარებაც მოწმდება, როდესაც ქალი უკეთესი უფლებრივი მდგომარეობით სარგებლობდა, მაგრამ აუტანელ შრომას ეწეოდა. ჩ. ახრიევის მტკიცებით, ქალის ჩაგვრის სწორედ ეს მეორე ფორმა იყო გაბატონებული ინგუშეთში, სადაც ქალისადმი უმართებულო დამოკიდებულება იმთავითვე აშკარად იჩენდა თავს. როდესაც ქალის დაბადება უბედურებად ითვლებოდა. ქალს არც ბავშვობა ჰქონდა ხანგრძლივი და უზრუნველი; 8—10 წლიდან ის უკვე ეხმარებოდა დედას: ზიდავდა წყალსა და შეშას. არწევდა უმცროსი დამძეობის აკვანს ღა ა. შ. 14—15 წლიდან კი მისი ცხოვრების რეჟიმი

ки Аргунского округа. ССКГ. I, 1868. стр. 10—11; შტრ. Н. Х а р у з и н. По горам Северного Кавказа. ВЕ, т. V. кн. 9, Октябрь, 1888. стр. 517—518).

ამ ჩვეულებას მოკლედ შეეხო ბ. კალიევიც, რომელმაც მუღოთა თითქოს წყალზე გაყვანის რიტუალი ჩანწესში სრულდებოდა ქორწილის დამთავრების დღეს (Народы Кавказа, I. стр. 369). ეს არ დასტურდება არც ხეობსენებელი ლიტერატურული მონაცემებით და არც ჩვენს მიერ ადგილზე შეკრებილი ეთნოგრაფიული მასალებით.

¹ ვ. ი თ თ ნ ი შ ვ ი ლ ი, ქართულ მთელთა საოჯახო ურთიერთობის ისტორიიდან, თბილისი, 1960, გვ. 294—295.

მკვეთრად იცვლებოდა. უფროსების დაუეითხავად ის ზღურბლსაც ვერ გადააბიჯებდა და სხვა სრულწლოვან ქალებთან ერთად საკმაოდ მძიმე შრომის ჭაპანს ეწეოდა. მისი პასუხისმგებლობა განსაყუთრებით იზრდებოდა გათხოვების დღიდან⁹.

ინგუში ქალი რომ ოჯახის დიდი მოკირნახულე იყო, ეს არც ნ. გრაბოვსკის დარჩენია შეუძმნეველი. მისი დაკვირვებით, ქალი აქ მამაკაცის მხარდამხარ მუშაობდა მინდვრად, უძღვებოდა შინასაოჯახო საქმიანობას და მათდის ქსოვასაც ახერხებდა¹⁰.

ნ. გრაბოვსკი ამ საკითხს თავის მეორე ნაშრომშიც შეეხო და სამართლიანად მიუთითა ქალის შრომატევად საქმიანობაზე. სამწუხაროდ, ის უკიდურესობაში გადაეარდა, როდესაც მოუდგა იმის მტკიცებას, თითქოს ინგუში მამაკაცი ზარმაცია და დაქორწინება აქ მხოლოდ პრაქტიკული საჭიროებით იყო ნაკარნახევი. ნ. გრაბოვსკის გაგებით, ინგუში მამაკაცი ქალში ხედავდა პირუტყვს, ნივთს, მონას. მუშახელს. მასში დაჯერებული მკვლევარი ირწმუნებოდა, თითქოს ინგუში მამაკაცი თავისზე ბევრად ხნიერი ქალის შერთვაზეც კი არ ამბობდა უარს. თუ კი მას თავისი საცოლის სახით გამრჩე მუშახელი ეგულეობოდა¹¹.

ნ. გრაბოვსკი აქვე ცდილობს დაასაბუთოს ზემოხსენებული შეხედულების წარმოშობის მიზეზი სყიდვითი ქორწინების არსებობით. ნ. გრაბოვსკის აზრით, რაკი ქალი ნივთსა და პირუტყვსავით ყიდვა-

⁹ Ч. А х р и с в. Об ингушских женщинах, ССТО, I. Владикавказ. 1871. стр. 283—288.

¹⁰ Н. Грабовский. Экономический и домашний быт..., ССКГ, III, стр. 14.

¹¹ Н. Грабовский, Ингуши. ССКГ. IX. стр. 44. 49.

ქალის ასეთსავე მდგომარეობას ხედავდნენ დამკვირვებლები ჩაჩნეთშიც. ნ. დუბროვინი აღნიშნავს, რომ კაცი აქ თითქმის უსაქმურად ატარებდა დროს. როდესაც ქალი ვზიდებოდა წყალს ან სხვა სახის მძიმე საქმეს ასრულებდა, კაცი ამ დროს იარაღს წმენდა ან ჩხირს თლიდა. კაცები მთელ დღეს ატარებდნენ საუბარსა და ჭიკიტობაში. ნ. დუბროვინი იქვე ცდილობს ამგვარი ვითარების მიზეზის ახსნას. იგი იმწმებს ჩაჩან შტაბს-კაპიტან ბატას. რომელსაც უთქვამს, თითქოს შიშინაობის დროს კაცები სიმაგრეებში იხიზნებოდნენ. ხოლო ვინაიდან ქალებზე თავდასხმა მთელისათვის მიუღებელი იყო, ისინი მინდვრად მუშაობასაც თავისუფლად ეწეოდნენო (Н. Д у б р о в и н. დასახ. ნაშრომი, გვ. 437—438).

კ. განის დაკვირვებითაც. ბარისგან განსხვავებით, სადაც კაცები ქალებთან ერთად მუშაობენ მინდვრად, მთაში კაცები ზარმაცობენ. იგი ცდილობს ასეთი მდგომარეობა იმითი ახსნას, რომ ომებში უოჟნის გამო კაცებს მუერნეობისათვის არ ეცალათო, მაგრამ იქვე დასძენს, რომ პროდუქციის მთავარი მწარმოებელი დღესაც ქალია, ხოლო კაცის მოვალეობად რჩებოდა პროდუქტების ბაზარზე გატანა (К. Г а н, Экекурсия ИКОНРГО, XV, № 4, стр. 218).

გაყიდვის ობიექტი იყო და მისი ცოლად შერთვა მხოლოდ გარკვეული საფასურის გადახდის შედეგად შეიძლებოდა, ამიტომ განმტკიცდა ზემოხსენებული შეხედულება და თითქოს ამანვე განაპირობა ქალი-სადმი კაცის უსამართლო დამოკიდებულება¹².

ნ. გრაბოვსკის ეს არგუმენტაცია მიუღებელია თუნდაც იმის გამო, რომ იგი, ნ. ლუბროვინისა და კ. განის მსგავსად, უგულვებლყოფს მამაკაცთა შრომის ნახებთან სამეურნეო ყოფაში და მათ ბრალს დებს სიზარმაცეში. შრომის ორგანიზაციის ფორმებზე დაკვირვებამ კი გვიჩვენა, რომ მთის საკმაოდ რთულ სამეურნეო პირობებში ოჯახის მართვა მამაკაცთა შრომის გარეშე თეორიულადაც კი წარმოუდგენელი იყო. ასევე მიუღებელია იმის მტკიცება, თითქოს შრომატევადი საქმიანობისა და სყიდვითი ქორწინების არსებობის გამო ქალს ისინი მხოლოდ პრაქტიკული საჭიროების საგნად თვლიდნენ. გამოდის, რომ ყველაზე თავმომწონე ვაჟკაცს ცოლად უნდა ჰყოლოდა ფიზიკური ღონით არჩეული გოლიათი.

სყიდვითი ქორწინების ჩვეულება არც ინგუშების მეზობლებთან ერთად ყოფილა უცხო და იმათი ქალიც არანაკლებად იტვირთებოდა მუშაობით, მაგრამ ასეთ მდგომარეობას ქალის ღირსება ნივთისა და პირუტყვის ღირებულებამდე არ დაუყვანია. შორს რომ არ წავიდეთ, საილუსტრაციოდ ინგუშების ახლო მეზობლად მცხოვრები მოხვევების დასახელებაც კი საკმარისია¹³. ამ კუთხეში თითქმის XX საუკუნემდე გადმონაშთის სახით შემონახა სყიდვითი ქორწინება. მაგრამ ცოლის შერთვის მომენტში მოხვევს არასოდეს არ დავიწყებია ქალის ისეთი ღირსებები, როგორცაა მისი გარეგნობა, ასაკი, პირადი თვისებები, ოჯახის მშვილობა და ა. შ. რა თქმა უნდა, ყოველივე ამასთან ერთად ყურადღება ექცეოდა ქალის შრომისუნარიანობასაც, მაგრამ ეს იყო მისი ღირსების ერთ-ერთი განმსაზღვრელი ნიშანი და არა ერთადერთი ფაქტორი¹⁴.

ნ. გრაბოვსკის თუ დაუუჭერებთ, მაშინ ინგუშში ადამიანს ვერც დავინახავთ, რადგან თავისი უხამსი ეპითეტებით მკვლევარი ისეთ მდგომარეობას გვიხატავს, თითქოს ამ ხალხს არც სილამაზის შეგრძნება ჰქონია, არც სიყვარულის განცდა, არც სიბრალული და არც თავმოყვარეობა. თითქოს ინგუში მხოლოდ იქითყენ მიიღტვოდა. რომ ქალის სახით როგორმე შრომის იარაღი ეგდო ხელთ და მისი ექსპლოატაციით თავისი არსებობა უზრუნველყო. ამიტომ იყო, რომ ნ. გრაბოვსკი და ზოგიერთი სხვა მკვლევარიც, მრავალი ასეთი გაუგებრობის

¹² Н. Г р а б о в с к и й, Ингуши, ССКГ, IX, стр. 44.

¹³ ვ. ო თ ო ნ ი შ ე ი ლ ი, დასახ. ნაშრომი, გვ. 211—232.

¹⁴ ი ჯ ე ე. გვ. 97—100.

საფუძვალზე კავკასიელებს ასე იოლად ველურებად ნათლავდნენ და საუკუნეების მანძილზე შემუშავებულსა და მწყობრად ჩამოყალიბებულ ჩვეულებებს პირტყვეულსა და ველურს, ანდა, უკეთეს შემთხვევაში, უცნაურს უწოდებდნენ.

დაბეჭდებით შეიძლება ითქვას, რომ ინგუშთა საოჯახო ყოფაში ქალი, როგორც მშრომელი ძალა, ისეთავე დიდ როლს ასრულებდა. როგორც მეზობელ ქართველ მთიელთა ცხოვრებაში, მაგრამ ოჯახის შემქმნა მართოდენ მშრომელი ხელის მომატების საჭიროებით როდესაც გაპირობებული. ინგუშეთში გადმონაშთური ფორმით შემონახულ საოჯახო თემში არსებობდა სრულიად ჩამოყალიბებული მმართველობის სისტემა და შრომის ორგანიზაცია. ოჯახის მმართველობაში ყურადღება ექცეოდა ასაკსაც, უნარსაც და არსებული მეურნეობის შესაბამისად შრომის განაწილებასაც. მასთან ერთად მხედველობაში იყო მიღებული სქესობრივი დიფერენციაცია, რაც გულისხმობდა როგორც დამაკაცებს. ისე ქალების დატვირთვას. რასაკვირველია. ქალი ზომავზე მეტს შრომობდა, მაგრამ ეს არ გამოდგებოდა იმის საბუთად, რომ მამაკაცი შარბაცი იყო და მას სანაყაროდ ეცალა. როგორც ეს ზოგიერთ მკვლევარს კქონდა წარმოდგენილი.

ინგუშური საოჯახო თემის მმართველობის ხასიათსა და შრომის ორგანიზაციის ფორმაში ნათლად ვლინდება ოჯახის სოლიდარული ბუნება. ასევე. როგორც ზემოქსენებული წინამძღვრების მიხედვით ასეთივე თვისება იყო დამახასიათებელი გადმონაშთური ფორმით შემონახული ქართული საოჯახო თემისათვის¹⁵.

მმართველობის სოლიდარული ხასიათი. რის შესახებაც ზემოთ გვქონდა საუბარი, და ქონების თანაბრად განაწილების პრინციპი, რომელსაც ქვემოთ შევეხებით, ნიშანდობლივი იყო ადამთბრივ ნორმებზე დამყარებული ტრადიციული საოჯახო ურთიერთობისათვის. ამ ნორმებს ნარჩუნებდა XIX საუკუნის ბოლომდე გადმონაშთის სახით შემონახული საოჯახო თემი. ძველი ტრადიციები ცოცხლობდა ინდივიდუალურ ოჯახშიც, მაგრამ მოგვიანო ხანაში ინგუშთა საოჯახო ყოფაში ჩნდება ადამთბრივი ნორმებისაგან განსხვავებული ახალი ელემენტებიც. ეს განაპირობა. ერთი მხრივ. შარიათის გავრცელებამ, ხოლო, მეორე მხრივ. ცარიზმის კანონმდებლობის დამკვიდრებამ.

როგორც სპეციალური ლიტერატურიდან კარგად ჩანს, კავკასიის ბევრი სხვა ხალხის მსგავსად, ინგუშთა რელიგიისთვისაც სინკრეტიზმი იყო დამახასიათებელი. ნ. გრაბოვსკის დაკვირვებით. ინგუშების რელიგიაში შერწყმული სახით იყო წარმოდგენილი წარმართობის, ქრის-

¹⁵ P. X a p a d z e. Грузинская семейная община, I, II.

ტიანობისა და მაჰმადიანობის ელემენტები. მკვლევარის შეხედულებით- ინგუშების სულიერი კულტურის წამყვან ელემენტს წარმართობა წარმოადგენდა, ქრისტიანობა საქართველოს გავლენით XVIII საუკუნემდე ინარჩუნებდა არსებობას, ხოლო მაჰმადიანობა აქ ძირითადად XIX საუკუნეში იკაფავს გზას¹⁶.

ასეთივე ნიშნებით ხაზითდებოდა ჩაჩნების რელიგია¹⁷, ოღონდ- იმ განსხვავებით, რომ ისლამი აქ უფრო ადრე გავრცელდა. ვიდრე ინგუშეთში. დალესტანიდან ჩაჩნეთში ეს რელიგია უკვე XVI საუკუნიდან შემოვიდა. თავდაპირველად ისლამის მქადაგებლები იყვნენ ავარულა და ყუმუხი მოლები, რომლებიც ჩაჩნებს მწყემსებად უდგებოდნენ და ამ გზით შექჷონდათ მოსახლეობაში ახალი მოძღვრება. უფრო გვიან ჩაჩნებს მოევლინენ ადგილობრივი მოლები, რომლებიც წვრთნას ლებულობდნენ დადესტნის რელიგიურ ცენტრებში. ისლამმა უფრო მყარი ნიადაგი პოვა ბარის მოსახლეობაში, ხოლო მთა შედარებით დიდხანს ინახავდა ადრინდელი რელიგიის (წარმართობისა და ქრისტიანობის) გადმონაშთებს. ისლამის გავლენა და მისი გავრცელების მასშტაბი განსაკუთრებით გაიზარდა შამილის მოღვაწეობის ხანაში. ამავე დროს ჩნდება რეგი სექტებისა, რომელთა შორის განსაკუთრებით აღსანიშნავია ზეკრისტების სექტა¹⁸.

ისლამის გაბატონების ლოგიკური შედეგი იყო შარიათის გავრცელება. რამაც განსაკუთრებით შამილის დროს უკვე კანონის სახე მიიღო. შეზღუდა ადათობრივი ნორმების მოქმედების ასპარეზი და მკვეთრი ცვლილებები დაწერგა საოჯახო ურთიერთობის სფეროში. ეს პირველ ყოვლისა მკვეთრად გამოვლინდა ოჯახის მართვის სისტემაში. შარიათის გავლენით ოჯახში თავი იჩინა რა ერთპიროვნული მმართველობის ტენდენციამ, მამის ხელში განუსაზღვრელი უფლების მოქცევის გამო ოჯახის მმართველობამაც დესპოტური ხასიათი მიიღო.

ჩაჩნეთისათვის გაცილებით უფრო მკვეთრად დამახასიათებელი ამ ახალი ელემენტის შეჭრა მოხდა ინგუშების საოჯახო ურთიერთობის სფეროშიც. თუ წარმართული და ქრისტიანული რელიგიის ბატონობის ხანაში ინგუშის ოჯახისთვის დამახასიათებელი იყო სოლიდარული მმართველობის პრინციპები და ამით ეს ოჯახი დიდ მსგავსებას ამჟღავნებდა ამავე პრინციპების მქონე ქართულ ოჯახთან, შარიათის გავრცელების შედეგად საოჯახო ყოფნაც ცვლილება დაეტყო. რელიგიამ

¹⁶ Н. Г р а б о в с к и й, Ингуши. ССКГ. IX, стр. 17, 18, 21.

¹⁷ А. Ш а м и л е в, Пути проникновения ислама к чеченцам и ингушам. ИЧИННИ, III, вып. I. Грозный, 1963, стр. 97—107; მ ი ს ი ე ჯ. К вопросу о христианстве у чеченцев и ингушей, ИЧИННИ, III, вып. I, стр. 83—96.

¹⁸ Народы Кавказа, I, стр. 370.

აქაც თქვა თავისი სიტყვა და ადათობრივ ნორმებზე დამყარებულ ასეთი ოჯახის ნაცვლად ინგუშეთში ჩნდება ოჯახის ახალი ფორმა, რომელიც დესპოტიზმის ნიშნებს შეიცავდა. ეს ხდება მაშინ, როდესაც გადმონაშთური ფორმით შემონახული საოჯახო თემა თავისი არსებობის უკანასკნელ საუკუნეს ეთხოვებოდა და მთლიანად უთმობდა ახარებს ინდივიდუალურ ოჯახს. ვინაიდან ამავე ეპოქას, ე. ი. XIX საუკუნეს ემთხვევა ინგუშების მიერ ისლამის ღრმად შესისხლბორცვა. ისლამმა ველარ მოასწრო საოჯახო თემის გადაყვანა დესპოტიზმის რელსებზე. სამაგიეროდ ამ რელიგიურმა მოძღვრებამ მწვავე დარტყმა აგემა ინდივიდუალურ ოჯახს — ოჯახის გაბატონებულ ფორმას XIX საუკუნის ინგუშეთში და ადათობრივი ნორმების ნაცვლად მასში ღრმად ჩათესა დესპოტიზმის ელემენტები. ამიერიდან ოჯახის უფროსი მამაკაცი გახდა ოჯახის ერთპიროვნული მმართველი. ისევე, როგორც ამას ადგილი ჰქონდა ძველი აღმოსავლეთის ქვეყნებში¹⁹ და მაკმადიანური სარწმუნოების მქონე კავკასიელ ხალხებში²⁰. არსებითი განსხვავება მხოლოდ იმაში მდგომარეობდა, რომ ინგუშეთში საოჯახო თემა გადაურჩა ისლამის ზეგავლენას და საბოლოო მოსაბობის სტადიაში ის კვლავ ინარჩუნებდა ტრადიციულად მომდინარე ადათობრივ ნორმებს, ხოლო კავკასიის ზოგ ხალხში, მათ შორის ჩაჩნებში, შარიათის გავლენის შედეგად საოჯახო თემიც დესპოტურ ხასიათს იღებს.

ინგუშეთში რომ საოჯახო თემიც დესპოტური მმართველობის ყაღდაზე გადასულიყო, მაშინ გაუგებარი იქნებოდა რატომ ყოველთვის დიასახლისად არ ვხედავთ ოჯახის უფროსის მეუღლეს. დესპოტი მმართველი ხომ იმის დესპოტია, რომ თვითნებურად გადაწყვიტოს ყოველი საქმე. ასეთ ვითარებაში წარმოუდგენელია მას ცოლის მაგივრად დიასახლისად რძალი დაესვა. მაგრამ, როგორც ზემოთ დავინახეთ, ეს ასე არ ხდებოდა და არ ხდებოდა იმიტომ, რომ ოჯახის უფროსისა და დიასახლისის არჩევას ხნიერება და გონიერება ედო საფუძვლად. ხოლო რაკი ამ ნიშნების მიხედვით ოჯახის წევრებს მსჯელობის უფლება ჰქონდათ, ცხადია, ასეთ სოციალურ ერთეულში ბატონობდა სოლიდარობა, რაც გამორიცხავდა დესპოტიზმის დანერგვის შესაძლებლობას.

როგორც სპეციალურ ლიტერატურაშია აღნიშნული, კავკასიაში აღწერილია ორი ტიპის საოჯახო თემა. პირველი მათგანი უფრო არ-

¹⁹ ი. დ. ო. ლ. ი. ძ. ძველი აღმოსავლეთის სამართალი. თბილისი, 1960, გვ. 092-093; Э. М. Е. н. а. б. д. е, Наследственно-правовые отношения в хеттском обществе, აღმოსავლური კრებული. I. თბილისი, 1960. გვ. 30—36; მ. ი. ს. ი. ვ. ე. Хеттское общество, Тбилиси, 1965. სტრ. 162—171.

²⁰ Б. М. П. л. е. р, Из области обычного права карачаевцев, ЭО, 1902, № 1. სტრ. 24—25.

ქაულია და მას კოლექტიურ საკუთრებასა, წარმოებასა და მოსმარებასთან ერთად ახასიათებდა მმართველობის დემოკრატიული სისტემა. ამგვარი ტიპის საოჯახო თემი აღწერილია ქართველებსა და ოსებში. შერეულ ტიპის ოჯახი შედარებით გვიანდელია, რომლისთვისაც კოლექტიური საკუთრების, წარმოებისა და მოსმარების წესთან ერთად ნიშანდობლივი იყო მმართველობის ერთპიროვნული ხასიათი, გამოხატული მამის დესპოტურ უფლებებში (ჩაჩნები, ინგუშები, ყარაჩაელები, სომხები, ყუმუხები, მთიელი ებრაელები)²¹. მაშასადამე, მ. კოსევიჩი ჩაჩნურ-ინგუშურ საოჯახო თემს მიაკუთვნებს საოჯახო თემის გვიანდელ ტიპს, რომლისთვისაც დამახასიათებელი იყო დესპოტური მმართველობის სისტემა. თუ ეს მომენტი არ იქნება გათვალისწინებული და არ აღინიშნება ის გარემოება, რომ საოჯახო თემს დესპოტიზმის ელემენტები გაუჩნდა მისი განვითარების გვიანდელ საფეხურზე, შესაძლებელია შეიქმნას შთაბეჭდილება, თითქოს ჩაჩნეთ-ინგუშეთში ოდითგანვე არსებობდა დესპოტური ბუნების ოჯახი. ასე დაემართა, მაგალითად, ბ. კალოევს, რომელმაც ცალმხრივად გამოიყენა ნ. ბარუჯინის ცნობა, ხაზგასმით არ აღინიშნა, რომ ეს ცნობა შეეხება გვიანდელ ვითარებას და პირდაპირ მიუთითა, თითქოს ინგუშურ დიდ ოჯახში არსებობდა დესპოტური მმართველობის სისტემა²². საკონკრეტო ისტორიულ ქრილში ვანხილვის გარეშე ამგვარი განცხადება კვითხველს არააწორ წარმოდგენას აძლევს ოჯახის სტრუქტურაზე.

მეოთხე თავე

ოჯახის წევრთა ქცევისა და ურთიერთდამოკიდებულების ნორმები

როგორც ზემოთ ითქვა, ოჯახის მართვისა და მასში არსებულ შრომის ორგანიზაციაში პრინციპული მნიშვნელობა ენიჭებოდა აღანიანის სქესს, ასაკს და უნარს. სქესისა და ასაკის მიხედვით იყო მოწესრიგებული ოჯახის წევრთა ქცევისა და ურთიერთდამოკიდებულების ნორმებიც.

ისევე, როგორც კავკასიაში ზაერთოდ, ჩაჩნეთ-ინგუშეთშიც ყველაზე დიდ პატივისცემას და მოკრძალებას იჩენდნენ ხანდაზმული პირებისადმი, პირველ ყოვლისა ოჯახის უფროსისადმი. ის იჯდა კარებიდან მარჯვნივ მისთვის საგანგებოდ მდგარ ზურგიან სავარძელ-

²¹ М. К о с в е и ч. Этнография и история Кавказа, стр. 102—103.

²² Народы Кавказа, I. стр. 384.

ში. იქვე მდგარ გრძელ სკამზე უფროს-უმცროსობით ადგილებს იკავებდნენ მამაკაცები ისე, რომ მათ შორის ყველაზე ხნიერი კაცი ოჯახის უფროსის ახლოს დამჯდარიყო. ქალების მათ გვერდზე ჩამოსწდომა მიუღებელი იყო. მამაკაცის სკამზე ქალი მაშინაც კი ვერ გაბედავდა დაჯდომას, როდესაც სახლში მხოლოდ ქალები იმყოფებოდნენ. ქალებისა და ბავშვების ჯდომა მიზანშეწონილად ითვლებოდა კაცების მოპირდაპირე მხარეზე მდგარ ღებალ სკამებზე, კუნძემსა და ბალიშებზე. აქვე უნდა აღინიშნოს, რომ კაცებისა და ქალების ერთად ჯდოვა ხდებოდა მხოლოდ ზამთარში კერასთან ახლო ყოფნის და გათბობის მიზნით. სხვა დროს ისინი სახლის სხვადასხვა ნაწილში იზოლირებულად იმყოფებოდნენ.

კერის ირგვლივ ოჯახის ყველა წევრის თავშეყრილობას ადგილი ჰქონდა აგრეთვე რაიმე საგანგებო მოვლენასთან დაკავშირებითაც. ჩვეულებისამებრ კერა მოწყობილი იყო საცხოვრებელი ნაგებობის მთავარ განყოფილებაში. ცეცხლის დასანთები ღრმულით, საკიდელი ჭაჭვით, საკვამურითა და თავისი პრაქტიკული გამოყენებით კერა აქ ისეთივე იყო, როგორც ნახების მეზობელ ჩრდილო კავკასიელ ხალხებში¹. ქართველებში² თუ სამხრეთელ ოსებში³. იმასთან ერთად, რომ მას იყენებდნენ საქმლის მოსამზადებლად და გასათბობად, დიდი იყო მისი მნიშვნელობა საოჯახო რიტუალის სფეროშიც. მკვლევართა ყურადღება განსაკუთრებით კერის კულტმა მიიპყრო.

ნ. დუბროვინის ცნობით, კერა გამართული იყო მთავარ ოთახში. ამ ოთახის ცენტრში მდებარე კერა-საკიდლის ირგვლივ სრულდებოდა საქორწილო რიტუალი: ხელისმომკიდის მიერ მის გარშემო პატარძლის სამჯერ შემოტარება, მის მიერვე საკიდელზე (ჭაჭვზე) ხელის სამჯერ შეხება, ნეფე-დედოფლის დალოცვა და ა. შ.⁴

¹ М. К о в а л е в с к и й. Современный обычай и древний закон. Обычное право осетин в историко-сравнительном освещении, т. I, Москва, 1886, стр. 33, 73, 75, 77, 78, 79, 80, 96; Л. П а н е к, Жилище лезгин, Збж, IX, თბილისი, 1957; Народы Кавказа, I, стр. 161—166, 202, 222, 233, 282 და ა. შ.

² შ. ჩ ა რ თ ლ ა ნ ი, ქართველი ხალხის მატერიალური კულტურის ისტორიიდან, თბილისი, 1961; ვ. ი თ რ ნ ი შ ვ ი ლ ი, ქართველ მთელთა საოჯახო ურთიერთობის ისტორიიდან, თბილისი, 1960, გვ. 246, 251 252; მ ი ს ი ე ვ ე, ხევი ძველად და ახლა (საცხოვრებელი ნაგებობანი), თბილისი, 1967, და სხვ.

³ Л. Ч и б р о в, Очаг осетинского жилища, Збж, XII—XIII, თბილისი, 1963; ვ. ი თ რ ნ ი შ ვ ი ლ ი, საცხოვრებელი ნაგებობანი თრუსოს ხეობაში, კვ, I, თბილისი, 1964, გვ. 124—126.

⁴ Н. Д у б р о в и н, История войны и владычества русских на Кавказе, т. I, кн. I, СПб., 1871, стр. 435.

კერა თავისი ჭკვითა და მასზე ჩამოკიდებული ქვაბით ნ. ხარუ-
ზინსაც ასევე საცხოვრებელი ნაგებობის იმ განყოფილებაში უნახავს,
სადაც ოჯახი ძირითადად იმყოფებოდა. კერის მოწყობილობის ამ მოკ-
ლე აღწერილობასთან ერთად ნ. ხარუზინი ხაზს უსვამს კერის საკულ-
ტო მნიშვნელობასაც. ამ მხრივ ნ. ხარუზინის ყურადღება მიუქცევიან
განსაკუთრებით საკიდლის როლს მესისხლეობის სფეროში. როგორც
იგი წერს, საკმარისი იყო მკვლელი ვისიმე სახლს შეჰფარებოდა და
საკიდელისთვის ხელის ხლება მოესწრო, რომ მღვდარი მასზე თავდას-
ხმას ველარ გაბედავდა, კერა-საკიდლის მფარველობაში შესული კა-
ცი ამ ოჯახის ნათესავად ითვლებოდა, რის გამო მისი დაცვა ოჯახს
ვეალებოდა⁵.

თუ ნ. ხარუზინმა კერის რიტუალური მნიშვნელობა კერის კულტ-
თან ზიარების ამ ერთი მაგალითით გვიჩვენა, კერის კულტურის მრავალ-
მხრივი მნიშვნელობა აღნიშნა თავის ერთ-ერთ გამოკვლევაში
ბ. დაღვატმა. მისი დაკვირვებით, კერა წარმოადგენდა ოჯახის განაერ-
თიანებელ ცენტრს, რომელთანაც იყო დაკავშირებული საზოგადოებ-
რივი და რელიგიური წესების შესრულება. კულტის მსახური ქურუ-
შის როლში გვევლინებოდა ოჯახის უფროსი. მკვლევარი კერის კულტს
უკავშირებს ისეთ ჩვეულებებსაც, როგორც იყო გაუყრელად ცხოვ-
რებისადმი პატივისცემა, დანათესავება, სტუმრის ხელშეუხებლობა,
ქორწილის დროს კერის ირგვლივ პატარძლის სამჯერ შემოტარებისა
და შამის ოჯახთან მისი დამშვიდობების წესი, მესისხლეობა⁶თან და-
კავშირებული ჩვეულება და ა. შ.⁷

ნახების საოჯახო ყოფაში კერის კულტის ასეთსავე მნიშვნელობა-
ზე და მასთან დაკავშირებული რწმენა-წარმოდგენების არსებობაზე
?იუთითა ს. ტოკარევმა⁸.

ყოველივე ამის შემდეგ გაუმართლებელია იმის მტკიცება, თითქმის
ოსეთისაგან განსხვავებით ჩაჩნეთში კერის კულტი არ არსებობდა⁹.
როგორც ზემოთ დავინახეთ, ჩაჩნეთ-ინგუშეთში სწორედ კერა წარმო-
ადგენდა საოჯახო რიტუალის ცენტრს. მასთან ახლოს ხდებოდა აკ-
რეთვე ოჯახის უფროს წევრთა თათბირი და პურის ჰამა, ხოლო სიცუ-
ვის დროს ოჯახის ყველა წევრი ცეცხლის პირად ჯდებოდა.

⁵ Н. Х а р у з и н, По горам Северного Кавказа, ВЕ, т. V, кн. 9, стр. 502; მისივე, Заметки..., СМЭ, III, стр. 121—122.

⁶ Б. Да л г а т, Первоытная религия чеченцев, ТС, III, Владикав-
каз, 1893, стр. 87—88.

⁷ С. Т о к а р е в, დასახ. ნაშრომი, გვ. 245.

⁸ Народы Кавказа, I, стр. 359.

სქესისა და ასაკის მიხედვით განცალკევების წესი არანაკლები სიმკაცრით იყო დაცული პურის ჭამის დროსაც. ამ შემთხვევაშიც სავალდებულოდ ითვლებოდა. პირველ რიგში, გამასპინძლებოდნენ ხნიერ კაცებს. ახალგაზრდები მათ შემდეგ ან იმავდროულად სხვა ოთახში შეექცეოდნენ საქმელს. რაც შეეხება ქალებსა და ბავშვებს, ამ დროს ისინი სავსებით იზოლირებულნი იყვნენ. ეს წესი ერთნაირი სიმკაცრით იყო დაცული როგორც დიდი ისე ინდივიდუალური ოჯახის ფარგლებში. თვით ისეთ ოჯახშიც კი, რომელიც შედგებოდა ერთი საქორწინო წყვილისა და მათი შვილებისაგან, ცოლი საქმელს პირველ რიგში მიართმევდა ქმარს, ხოლო შემდეგ შვილებთან ერთად თვითონ შეექცეოდა. ეს ჩვეულება ჯერ კიდევ სავსებით არ არის აღმოფხვრილი ნახების საოჯახო ყოფაში.

სათანადო წესების შესრულება ევალებოდა ქალს სხვა შემთხვევაშიც. ის როგორცე დაინიშნებოდა, უკვე თავს არიდებდა თავისი გვირის უფროსებს, ხოლო საქმროს ნათესაებებთან სიახლოვე სავსებით წარმოუდგენელი იყო. მამაკაცებისადმი მოკრძალებისა და განსაკუთრებით კი უფროსებისადმი პატივისცემის ნიშნად სახლში რძლები გაურბოდნენ მათთან დალაპარაკებას. უფროსების დასწრებით ისინი ურთიერთმორის ხმამაღლა ლაპარაკსაც კი ვერ ბედავდნენ. როგორც ე. ლუბროვიჩი ჩაჩნების შესახებ წერს, საკმარისი იყო მამაკაცს კარი შემოეღო. რომ ქალებს შეეწყვიტათ ლაპარაკი და ფეხზე წამომდგარიყვნენ. ისინი ფეხზე დგომას განაგრძობდნენ მანამდე, ვიდრე კაცი სახლიდან გარეთ არ გავიდოდა, ანდა არ სთხოვდა რომ დამჯდარიყვნენ⁹. ჩაჩნეთინგუმეთში ასეთსავე მოკრძალებას იჩენდა ქალი უცხო მამაკაცისადმი. კაცთან შეხვედრისას ის განზე უნდა გამდგარიყო და ზურგშექცეული მდგარიყო მანამდე, სანამ კაცი იმ ადგილს არ გასცდებოდა. როგორც ბ. დალგატს შეუნიშნავს, ასევე იქცეოდა ქალი მაშინაც, როდესაც ურმით მომავალ კაცს დაინახავდა. თუ ამ დროს ქალი იჯდა, ნაცნობი თუ უცნობი კაცის მოახლოებისთანავე ის ფეხზე უნდა ამდგარიყო და მხოლოდ მაშინ დამჯდარიყო, როდესაც კაცი გადაუხდოდა მადლობას და დაჯდომას სთხოვდა¹⁰.

საოჯახო წესრიგის მიხედვით, უფროს მამაკაცებთან ურთიერთობაში განსაკუთრებით შეზღუდული იყო პატარძალი. მთხრობლების ცნობით, პატარძალი დედამთილს ეძახდა ნანი-ს და მასთან დალაპარაკების ნებაც ჰქონდა, მაგრამ მას არ შეეძლო დალაპარაკებოდა უფროს მამაკაცებს. მხოლოდ ქორწინებიდან ორი-სამი წლის შემდეგ

⁹ Н. Дубровин. Дахаб. ნაშრომი, გვ. 424.

¹⁰ Б. Далгат, Материалы по обычному праву ингушей, ИНИИИК, II—III, стр. 317.

შესაძლებელი იყო ამ ტაბუს დარღვევა, როდესაც მამამთილი თუ მან-ლი საჩუქარს ყიდულობდა და უმძრახობაზე ხელის აღების მიზნით პატარძალს მიართმევდა. ზოგჯერ მამაკაცები მიზანს აღწევდნენ, მაგრამ ყოფილა ისეთი შემთხვევაც, როდესაც რძალი სიკვდილამდე იცავდა მამამთილთან და მზღლებთან უმძრახობის წესს. არაფრით არ განსხვავდება ჩაჩნეთ-ინგუშეთში გვიანობამდე არსებული ეს ჩვეულება ასევე ხანგრძლივად შემონახული მოხეური წესისაგან¹¹.

თუ პატარძალს ქმრის ნათესავთან ასეთი დამოკიდებულება მართებდა და უფროს მამაკაცებთან უშუალო დალაპარაკებას ის გაურბოდა, მისი ქმარი თავის მხრივ ვალდებული იყო სათანადო რეჟიმს დამორჩილებოდა ცოლის ნათესავებთან ურთიერთობაში. ცოლეურებთან ყოფნის დროს უფროსის დანახვისთანავე ის ფეხზე უნდა წამოზდგარიყო და მხოლოდ უფროსის ნებართვით დამჯდარიყო. სიძე განსაკუთრებით უნდა მორიდებოდა სიღედრს. ადათის მიხედვით სიძე მას პირადად არც უნდა ჩვენებოდა. შეხვედრისთვის ორივეს თავი უნდა აერიდებინათ. ცხადია, რომ ასეთ ვითარებაში დალაპარაკება ფრიად საჭირო საქმეზეც კი თავისთავად გამორიცხული იყო.

ეს ჩვეულება ნახებს ახლო წარსულამდე შეუნარჩუნებიათ. როგორც ნ. იაკოვლევი 1925 წელს გამოქვეყნებულ ნაშრომში აღნიშნავს, დღესაც არაიშვიათად შეხვდებით ისეთ ინგუშს, რომელმაც თავისი სიღედრი პირველად ნახა ქორწინებიდან 10—20 წლის შემდეგ¹².

ამგვარი რეჟიმის დაცვა სიძეს შედარებით იოლად შეეძლო, რადგან სიმამრის ოჯახში მას მხოლოდ სტუმრად უწევდა ყოფნა. ამ მხრივ გაცილებით უხერხულ მდგომარეობაში იმყოფებოდა რძალი, რომელიც სამუდამოდ უნდა შეჭკუებოდა ქმრის ოჯახში გაბატონებულ წესრიგს. თუმცა ამაში სიძნელესა და უხერხულობას თანამედროვე ადამიანი ხედავს. იქ კი, სადაც ჩვეულება რჩულზე უმტკიცესი იყო, ასეთი ურთიერთდამოკიდებულება სავსებით ნორმალურად ითვლებოდა. ამიტომ სწორად არ იქცეოდნენ ზოგიერთი მკვლევარები, რომლებიც ყოველ ისეთ ჩვეულებაში, რაც საკუთარი ხალხის ყოფაში არ ეკუთლებოდათ, ჩამორჩენილობას ხედავდნენ. მაგალითად, ნ. გრაბოვსკიმ ინგუში ქალის მონური მდგომარეობის საბუთად მიიჩნია წესი, რომლის თანახმად მამაკაცთან შეხვედრის დროს ქალს ევალებოდა მისთ-

¹¹ ვ. ი. თ. ნ. ი. შ. ვ. ი. ლ. ი., ქართველ მთიელთა საოჯახო ურთიერთობის ისტორიიდან, გვ. 298.

¹² Н. Яковлев, Ингуши, стр. 52.

ვის გზის დათმობა, სახეზე მანდილის ჩამოფარება, თავის დაკვრა და ზურგის შექცევა¹³.

იგივე მკვლევარი ქალის უუფლებობის მეორე საბუთად იმეორებს აკვანში ნიშნობის წესს¹⁴, მაგრამ ის რატომღაც ანგარიშს არ უწევს იმ გარემოებას, რომ აკვანში ნიშნობა არა მარტო ქალის, არამედ ვაჟის უფლებების უგულვებლყოფასაც ნიშნავდა, ვინაიდან ეს გადაწყვეტილება საბოლოოდ ითვლებოდა და გათვითცნობიერებას შემდეგ მისი შეცვლა არც ერთ მათგანს ალარ შეეძლო.

ქალისა და ვაჟის სურვილებს მაინცდამაინც არც მაშინ ექცეოდა ყურადღება, როდესაც მათი დანიშვნა საქორწინო ასაკში ხდებოდა, ვინაიდან საქმე კვლავ უფროსების გადაწყვეტილებით წესრიგდებოდა, ამიტომ ქალის უუფლებობის დასამტკიცებლად აკვანში ნიშნობის წესი არ წარმოადგენს მყარ საბუთს. მით უფრო უსუსურად გამოიყურება ზემოხსენებული საბუთები უფლებრივი მდგომარეობის გასაცნობად, თუ გავითვალისწინებთ ამავე ავტორის სხვა შეხედულებას იმის შესახებ, რომ მძიმე შრომით დატვირთულობის მიუხედავად ინგუში ქალი დიდი თავისუფლებით სარგებლობდა, რამდენადაც აქ წოდებრივი დაცოფა არ არსებობდა¹⁵. ამ დებულების ფონზე ქალის უუფლებობის დასამტკიცებლად არ გამოდგებოდა არც აკვანში ნიშნობა და არც მამაკაცთან შეხვედრის მომენტში ქალის მიერ შესრულებული წესი.

ჩვენ მხოლოდ იმაში შეიძლება დავეთანხმოთ ნ. გრაბოვსკის, რომ ინგუში ქალი შრომატევადი საქმიანობით იყო გაჯახიებული. რაც შეეხება მტკიცებას ქალის უუფლებობისა და მონობის შესახებ, ეს თვით ნ. გრაბოვსკის ზემოხსენებული მსჯელობითვე ძალაუვნებურად უკუგდებულა. აღნიშნული ვითარება შესანიშნავად იცოდა ამ კუთხის საუკეთესო მცოდნე მ. ახრიევმა, რომელიც ინგუში ქალის სიღუბკირეს ხედავდა მასზე დაკისრებულ მძიმე ფიზიკურ შრომაში და არა პირადი თავისუფლების უქონლობაში. საქმეზე მიჯაჭვული ქალი მისდაუვნებურად მოკლებული იყო საზოგადოებრივ ურთიერთობაში მონაწილეობის შესაძლებლობას. მ. ახრიევის ცნობით, ქალს მხოლოდ სატირალზე შეეძლო დაუბრკოლებლად წასვლა. ასეთ შემთხვევაში ქალები ჯგუფურად სხვა სოფელშიც კი მიდიოდნენ და გლოვის პრაცესში ლებულობდნენ მონაწილეობას¹⁶.

¹³ Н. Г р а б о в с к и й, Ингуши.... ССКГ, IX. стр. 44.

¹⁴ ი ქ ვ ე, გვ. 44.

¹⁵ Н. Г р а б о в с к и й, Экономический и домашний быт..., ССКГ, III, стр. 14.

¹⁶ Ф. А х р и е в, Похороны и поминки у горцев, ССКГ, III.

ჩ. ახრევის ამ ცნობას ჩვენ დაუშვებლად იმასაც, რომ ქალუბის თავშესაქრები მიზეზი მარტო მიცვალებულის გლოვა არ იყო. ისინი თავს იყრიდნენ ქორწილსა და ხალხურ დღეობებზედაც, მაგრამ მხედველობიდან არც ის უნდა გამოგვრჩეს, რომ ასაკის განურჩევლად რძლების წასვლა მარტოოდენ სატირალზე შეიძლებოდა. დღეობასა და ქორწილში მათი მონაწილეობა კი მხოლოდ ოჯახის დიასახლისის ნება-სურვილზე იყო დამოკიდებული. ასევე ოჯახის უფროსების ნებართვის გარეშე სხვა სოფელში ვერ წავიდოდა გაუთხოვარი ქალი, ხოლო თავისი სოფლის ზეიმში მონაწილეობა მას არ ეკრძალებოდა.

ქალის უფლებრივი მდგომარეობის გასაცნობად საყურადღებო სურათს გვაძლევს ცოლქმრულ ურთიერთობაზე დაკვირვება. ისინი დიდი ოჯახის შიგნით იცხოვრებდნენ თუ საყუთარი ინდივიდუალური ოჯახის პატრონები იქნებოდნენ, სულერთია, ქალის უშუალო მზრდველად პირველ ყოვლისა მაინც ქმარი ითვლებოდა. ქმრის ეს უფლებები ცოლის მიმართ განსაკუთრებული სიცხადით ვლინდებოდა მორალურ-ზნეობრივი ურთიერთობის სფეროში.

ადათს მიხედვით, ქმრსადმი მორჩილება და ერთვულება ცოლის უწმინდეს მოვალეობად ითვლებოდა. მას არავითარ შემთხვევაში არ ეპატიებოდა ქმრის დაღატი. მთხრობლების გადმოცემით, მოლაღატე ცოლის მოკვლა ქმრის უფლება იყო, მაგრამ შურისძიება არც ქალის ნათესავებს ეკრძალებოდათ. როგორც ჩანს, მთხრობლები ამ შემთხვევაში ბოლომდე ზუსტნი არ არიან და თავიანთი სუბიექტური შეხედულებიდან გამოდიან, რამდენადაც დღემდე გამოქვეყნებული ლიტერატურადან არ ჩანს, რომ მოლაღატე ცოლის სიკვდილით დასჯის წესი ჩაჩნეთ-ინგუშეთში დასაშვები ყოფილიყო. პირიქით, 1844 წელს კაპიტან ნორდენსტრენგის მიერ შეკრებილი ადათები იმ გარემოებაზე მიგვიბრუნებენ, რომ ცოლის მკვლელ კაცს საზოგადოებაში თავი არ გამოუყოფოდა. ამასთან ერთად, ის იხდიდა დადგენილ ჯარიმას: შეილებიანი ქალის მოკვლის შემთხვევაში სიმამრს უხდიდა 12 ძროხას, ხოლო თუ ქალი უშვილო იყო ქმრის გადასახადი შეადგენდა 85 ძროხას¹⁷.

ცოლის ცემა ან მოკვლა რომ სააუგო საქმედ ითვლებოდა, რომ ამის ჩამდენი კაცი საზოგადოების თვალში მცირდებოდა, ხოლო ქალის ნათესავები მას კლავდნენ ან იმდენსავე ახდევინებდნენ რამდენიც ღირდა მამაკაცის სისხლი, ეს შენიშნული აქვს ხარუზინსაც¹⁸.

¹⁷ Ф. Леонтович, Адамы Кавказских горцев. II. Одесса, 1883, стр. 115.

¹⁸ Н. Харуэни. Заметки..., СМЭ, III, стр. 126.

როგორც ლიტერატურიდან ჩანს, ხალხს ბევრი უფიქროს მკაცრი სასჯელების შერბილებაზე, ვინაიდან მკვლელობას კვლავ მკვლელობა მოსდევდა, რაც საზოგადოებას კატასტროფულ მდგომარეობას უქადდა. ადათობრივი ნორმების სფეროში სათანადო ცვლილებები შეუტანია აგრეთვე შარიათსა და რუსულ კანონმდებლობას. ამ სახით ჩვენამდე მოღწეული ადათები ნათელ წარმოდგენას გვაძლევენ გასული საუკუნის საოჯახო სამართალზე.

ჯარიახის საზოგადოებაში დამოწმებული ვითარების თანახმად, ქმარს შეეძლო ცოლთან მრუშობაში დაქვრივი კაცი მოეკლა, ხოლო ცოლისთვის ცხვირი მოეჭრა და გაეგდო. თუ ცოლთან დაქვრივი კაცის მოკვლას ვერ შეძლებდა, ხოლო ცოლს კი დასახიჩრებულს გააგდებდა, საზოგადოების გადაწყვეტილებით შეურაცყოფილი ქმრისთვის უნდა მიეცა 46 ძროხა. აქედან ნახევარი უნდა გადაეხადა ცოლის საყვარელს, ხოლო ნახევარიც ამ ქალის მამას¹⁹.

ზუსტად ასეთივე წესი არსებობდა ნაზრანის საზოგადოებაში. რამდენადაც განსხვავებული წესი ყოფილა ამ მხრივ ქისტების საზოგადოებაში. აქ, ცოლთან მემრუშე კაცის მოკვლის შემთხვევაში ქმარი მოკლულის ნათესაეებს უხდიდა 12 ძროხას, ხოლო თუ მასაც მოკლავდნენ მრუშობაში დაქვრივი კაცის ნათესაეები, ისინი თავის ქმრივ ვალდებული იყვნენ მოკლულის ნათესაეებისთვის მიეტანათ 24 ძროხის ღირებულების საურავი. თუ ქმარი ვერ მოკლავდა ცოლთან მრუშობაში დაქვრივ კაცს, ეს უკანასკნელი შეურაცყოფილ ქმარს უხდიდა 24 ძროხას. თუ ქმარი ცოლს დაუსახიჩრებლად გააგდებდა, სიმამრი ყოფილ სიძეს უგზავნიდა ასევე 24 ძროხას²⁰.

1843 წელს გოლენიშჩევ-კუტუზოვისა და ლობანოვ-როსტოვისკის მიერ შეკრებილი ადათების მიხედვით, მოლაღატე ცოლის მოკვლა არც ჩაჩნებში იყო მიღებული. ადათი ქმარს მხოლოდ იმის უფლებას აძლევდა, რომ ცოლისთვის კბილებით მოეჭამა ცხვირი და ასე დასახიჩრებული გაეგდო ის მამის სახლში²¹. 1864 წელს შედგენილ კრებულშიც აღნიშნულია, რომ სხვის ცოლთან მრუშობაში დაქვრივი კაცი ისევე მკაცრად დასჯილიყო, როგორც კაცის მკვლელი, ხოლო შეურაცყოფილი ქმრის პატივისცემის ნიშნად (ე. ი. მისი დაშორების მიზნით — ვ. ი.) მისი ცოლისთვის ქალისავე ნათესაეებს ტუჩები და ცხვირი მოეჭრათ²².

¹⁹ Ф. Леонтович, II, стр. 116—117.

²⁰ ი ქ ვ ე, გვ. 120.

²¹ ი ქ ვ ე, გვ. 99.

²² ი ქ ვ ე, გვ. 139.

ანალოგიურ ვითარებას გვაცნობენ ნ. ღუბროვინი, ნ. გრაბოვსკი და ბ. დალგატი, რომელთა შორის ნ. ღუბროვინი ეხება ჩაჩნეთს, ხოლო ნ. გრაბოვსკი და ბ. დალგატი ინგუშეთს.

როგორც ნ. ღუბროვინი წერს, ჩაჩანს შეეძლო მოღალატე ცოლი დაესახიჩრებინა (ცხვირი ან ყური მოეჭრა) და ისე გაეგდო. მისივე ცნობით. კლევ უფრო მკაცრად სჯიდნენ ქალის მაკლუნებელ კაცს. იმას. ვინც სხვის ცოლს გააუპატიურებდა, ცხენის ფლოქვებით გასარესდნენ ან ქვების ცემით ამოხდიდნენ სულს. ასევე სიკვდილით დასჯას ვერ აცდებოდა ის, ვინც ქალწულს შეაძენდა და შემდეგ მის ცოლად შერთვაზე უარს იტყოდა²³.

ნ. გრაბოვსკის დაკვირვებით, თუ ინგუში ცოლს მოასწრებდა საყვარელთან, მას შეეძლო საყვარელი მოეკლა, ხოლო ცოლისთვის ცხვირი მოეჭრა და ისე გაეგდო. ამის შემდეგ მოღალატე ცოლი ვალდებული იყო ნაღალატევი ქმრისთვის გადაეხადა 3 „ბარჩა“ (პირველი „ბარჩა“ შეადგენდა 10 ძროხას, მეორე — 8 ძროხას, ხოლო მესამე — 6 ძროხას; სულ 24 ძროხას). ასევე სამი „ბარჩას“ გადახდა ევალეზობა შეურაცყოფილი სიძისთვის ქალის ნათესავეებსაც. სულ ეს გადასახადი შეადგენდა 48 ძროხას, რომლიდანაც ნახევარი უნდა ყოფილიყო მეწველი და ნახევარიც ბერწი²⁴.

XIX საუკუნის ეთნოგრაფიულ მონაცემებზე დაყრდნობით, ინგუშებში ასეთსავე მდგომარეობას ხედავს ბ. დალგატი. მასაც აღნიშნული აქვს, რომ ქმარს შეეძლო მოღალატე ცოლისთვის ცხვირის წვერი მოეჭრა და ისე გაეგდო, ხოლო მისი საყვარელი მოეკლა. მკვლელს ასეთ შემთხვევაში პასუხი არ ეთხოვებოდა. დასახიჩრებული ცოლი კი თავის მხრივ ვალდებული იყო ქმრის სასარგებლოდ გადაეხადა ჯარიმა 3 ცხენის ან მისი ღირებულების (90 მან.) სახით²⁵.

ყველა ამ მონაცემის მიხედვით ვეცნობით დასჯის ერთნაირ წესს მხოლოდ იმ განსხვავებით, რომ ბ. დალგატის ცნობაში ნაჩვენებია გაცილებით ნაკლები ჯარიმა. როგორც ჩანს, ბ. დალგატის ცნობა შეეხება გვიანდელ ვითარებას, როდესაც ჯარიმა უკვე საგრძნობლად იყო შემცირებული.

საინტერესოა აღინიშნოს, რომ ხევსურეთში კაცი ასეთ მკაცრ ზომას (ცხვირის მოკვეთას ან ბერა თითის მოჭრას) მიმართავდა მისგან გაქცეული ცოლის მიმართ, ვინაიდან ცოლისაგან დაწუნება კა-

²³ Н. Д у б р о в и н и, დასან. ნაშრომი, გვ. 435.

²⁴ Н. Г р а б о в с к и й, Ингуши..., ССКГ, IX. стр. 53—54.

²⁵ Б. Д а л г а т, დასახ. ნაშრომი, გვ. 332.

ცისტვის უდიდეს სირცხვილად ითვლებოდა²⁶. დასახიჩრების ამ სახეობას ხევსურეთში გახაიბრება ერქვა, რასთან დაკავშირებითაც ხევსურულ რჯულში სათანადო ნორმები ყო შემუშავებული²⁷.

ასეთი ეითარება გვესახება ჩაჩნეთ-ინგუშეთში ადათის მიხედვით. მაგრამ ამ მხრივ მდგომარეობა საგრძნობლად იცვლება შარიათისა და რუსული კანონმდებლობის ზეგავლენით. როგორც ბ. დალგატი აღნიშნავს, შარიათისა და განსაკუთრებით რუსული სახელმწიფოებრივი წესრიგის დამყარების შემდეგ სამეუღლეო ურთიერთობის ნორმები კვლავ ადათობრივი დარჩა, მაგრამ საგრძნობლად გაიზარდა ქალის თავდაცვის შესაძლებლობა, რამდენადაც ცოლის მკვლელ კაცს პასუხი კიდევ უფრო მკაცრად ეთხოვებოდა²⁸.

კაცის უფლებრივი უპირატესობა მარტოდენ ზემოთ აღწერილ ჩვეულებაში კი არ ვლინდებოდა, არამედ ეს საერთოდ დამახასიათებელი იყო ჩაჩნურ-ინგუშური პატრიარქალური ოჯახის ბუნებისათვის, სულ ერთია საქმე ეხებოდა დიდ ოჯახს თუ პატარას. რომელ მთხრობელსაც არ უნდა ჰქონოთ ამის შესახებ, ყველა უყოყმანოდ გაპასუხებთ, რომ ცოლი ქმარს უნდა ემორჩილებოდეს. ეს შენიშნულია აგრეთვე თითქმის ყველა დამკვირვებლის მიერ²⁹. სწორედ ამაშა ოჯახის პატრიარქალურობის ნიშანი. შრომის განაწილების პრინციპი, მმართველობის სისტემა და ქონებაზე საკუთრების წესი კი მისი სოლიდარობის მაჩვენებელია, ხოლო სოლიდალურ პრინციპებზე დამყარებულ პატრიარქალურ ოჯახში აზრადაც არავის მოუვიდოდა ცოლას გაბატონება ქმარზე.

ქმრის უპირატესობა ცოლთან შედარებით თვით სიარულის წესშიც კი ვლინდებოდა ისევე, როგორც ქართველ მთიელებში³⁰. აქ ცოლს ნება არ ჰქონდა ურეშში ქმარს გვერდზე მოსჯდომოდა მისი ადგალი იყო ქმრის ზურგსუკან. ფეხით სიარულის დროსაც ქმარი

²⁶ ს. მ ა კ ა ლ ა თ ი ა. ხევსურეთი, ტფილისი, 1935, გვ. 183.

²⁷ ნ. ბ ი ზ ა ნ ა შ ვ ი ლ ი, ეთნოგრაფიული ნაწერები, თბილისი, 1940, გვ. 46, 50, 52—54; რ. ხ ა რ ა ძ ე, ხევსურული რჯული, ანალები, ივ. ჯავახიშვილის სახ. ისტორიის ინსტიტუტის შრომები, I, თბილისი, 1947.

²⁸ ბ. დ ა ლ გ ა ტ, დასახ. ნაშრომი, გვ. 341.

²⁹ ფ. Л е о н т о в и ч, II, სტრ. 26; Н. Д у б р о в и и, დასახ. ნაშრომი, გვ. 424; Ч. А х р и е в, Об ингушских женщинах, ССТО, I, Владикавказ, 1878, სტრ. 285; Н. Х а р у з и и, Заметки..., СМЭ, III, სტრ. 126; მ ი ს ი ე, По горам Северного Кавказа, ВЕ, т. V, кн. 9, სტრ. 528; Н. С е м е н о в, Туземцы Северо-Восточного Кавказа, СПб., 1895, სტრ. 25—26; А. Р о с с и к о в а, Путешествие..., ЗКОИРГО, XVIII, სტრ. 183; ბ. Д а л г а т, დასახ. ნაშრომი, გვ. 311 და სხვ.

³⁰ შდრ. ვ. ი თ თ ნ ი შ ვ ი ლ ი, დასახ. ნაშრომი, გვ. 300.

ცოლს არავითარ შემთხვევაში გვერდზე არ ამოიყენებდა: ადათის მიხედვით ცოლი ქმარს უკან უნდა მიყოლოდა. ნ. ხარუზინის ცნობით, ამ წესს იცავდნენ ისინი მაშინაც, როდესაც ცხენზე შემჭდარი კაცი წინ მიდიოდა, ხოლო ქალი ფეხით უკან მიყვებოდა ზურგზე აკიდებულ ღი მძიმე სკივრით³¹.

ცოლ-ქმრის მდგომარეობა რომ განსაკუთრებით ხალხში ყოფნის დროს იყო შეზღუდული, ეს თავს იჩენდა ურთიერთშორის მიმართვის წესში. როგორც ნ. დუბროვინი წერს, ჩაჩნეთში ცოლ-ქმარი ერთიმეორეს სახელს არ ეუბნებოდნენ. ისინი ერთიმეორეს მიმართავდნენ ნაცვალსახელებით. როდესაც ქმარი ცოლს რამეს ეტყოდა, ცოლი მას კისერმოღერილი უსმენდა და პირდაპირ შეხედვას ქმარს ვერ უბედავდა³² ა. იპოლიტოვის დაკვირვებითაც, ცოლ-ქმარს შორის ლაპარაკი და შეხვედრები მიუღებელი იყო არამც თუ სხვების თანდასწრებით, არამედ ნათესავების იქ ყოფნის შემთხვევაშიც კი. საღამოობითაც ქმარი ისე უნდა შეხვედროდა ცოლს, რომ ეს სხვებს არ დაენახათ³³.

ინგუშეთში ამ წესს ბ. დალგატი დაჰკვირვებია და შეუნიშნავეს, რომ ცალკე ყოფნის დროს ცოლ-ქმარი ერთიმეორეს სახელს ეუბნებოდნენ. მაგრამ თუ მათი ლაპარაკი გარეშე პირების ან მოზრდილი შვილების დასწრებით ხდებოდა, იცავდნენ პერიფრაზებით მიმართვის წესს. ასეთ შემთხვევაში პიროვნების სახელს ენაცვლებოდა ისეთი სიტყვები, როგორცაა „ჰეი“; „გესმის“ და ა. შ. მაგრამ არა მარტო. ურთიერთშორის ლაპარაკის დროს, არამედ სხვასთან საუბრის შემთხვევაშიც ცოლს თუ ქმრის სახელის ხსენება დაჰკირდებოდა, სახელის ნაცვლად იტყოდა: „ბავშვების მამა“ (ბ ი ე რ ე ი დ ა), „ქმარი“ (მარ); „ის“ (ა ზ), ხოლო ქმარი ცოლის სახელის მაგივრად ამბობდა — „ბავშვების დედა“ (ბ ი ე რ ე ი ნ ა ნ) და ა. შ.³⁴ ეს წესი ერთნაირი სიმკაცრით იყო დატული როგორც საოჯახო თემის, ისე ინდივიდუალური ოჯახის ფარგლებში.

რაკი ცოლ-ქმრის უფლებრივ მდგომარეობას ვეხებით, აქვე საქაროდ მიგვაჩნია ყურადღება მივაქციოთ შემდეგ გარემოებას. როგორც ვიცით, საოჯახო თემის ფარგლებში რამდენიმე საქორწინო წყვილი

³¹ Н. Х а р у з и н, По горам Северного Кавказа, ВЕ, т. V, кн. 9, стр. 528.

³² Н. Д у б р о в и н, დასახ. ნაშრომი, გვ. 438.

³³ А. И п о л и т о в, Этнографический очерк Аргунского округа, ССКГ, I, Тифлис. 1868, стр. 10.

³⁴ Б. Д а л г а т, დასახ. ნაშრომი, გვ. 340.

ირიციხებოდა, რომელთაც ევალეზობდათ უფროსების დავალების შესრულება. ამ მხრივ სავსებით განსხვავებული იყო მდგომარეობა ინდივიდუალურ ოჯახში, რომელიც ერთი საქორწინო წყვილისაგან შედგებოდა. ოჯახის ბატონ-პატრონად გვევლინებოდა ქმარი, რომელიც ცოლთან თათბირობდა რიგ საკითხებზე, ზოგჯერ მის რჩევასაც ანგარიშს უწევდა, მაგრამ პრინციპულ საკითხს წყვეტდა მხოლოდ საკუთარი შეხედულებისამებრ.

ქალის უფლებები ქმრის მიერ შეზღუდული იყო პრინციპული საკითხების გადაწყვეტისას, მაგრამ წმინდა საქალებო საქმეებში კაცო არ ერეოდა. ქალს შეეძლო მეზობლისთვის პროდუქტების სესხად მიცემა და საკუთარი შრომით დახმარება. თანახმად ბ. დალგატის დაკვირვებისა, ცოლს შეეძლო აგრეთვე ქმრის ნებაართვის გარეშე გაეყვინა იაფფასიანი საგნები. ქმრის ნათესავისთვის საჩუქრად მიეცა რამე ოთხთეხი, სტუმრისთვის დაეკლა საკლავი, მაგრამ ქმრის უნებართვოდ მას უფლება არ ჰქონდა დაესაჩუქრებინა თავისი ნათესავი³⁵.

ზემოთ ნაჩვენები ვითარების შემდეგ უყოყმანოდ შეიძლება ითქვას, რომ ცოლი ქმარს ექვემდებარებოდა და ამდენად კაცთან შედარებით ქალის უფლებებიც შეზღუდული იყო.

გარკვეული ურთიერთობა არსებობდა მშობლებსა და შვილებს შორისაც. ქალის ბედი ამ მხრივ მხოლოდ მშობლების ნება-სურვილით განისაზღვრებოდა. ის გათხოვებამდეც მშობლების მორჩილი იყო და მისი გათხოვების საკითხიც მამის გადაწყვეტილების შესაბამისად წყდებოდა. მხოლოდ დაობლების შემთხვევაში მამის ეს უფლებები გადადიოდა ქალის უფროსი ძმის ან ბიძის ხელში³⁶. მამის უფლებები ასევე დიდი იყო ვაჟების მიმართ. როგორც ადათებშია აღნიშნული, მამას შვილი კიდევ რომ მოეკლა, უცხოს ჩარევა მაშინაც კი არ ითვლებოდა მიზანშეწონილად³⁷. იმავე ადათებში მითითებულია იმის შესახებაც, რომ ყოფილა შემთხვევა, როდესაც შვილის მკვლელ მამაზე შურს იძიებდნენ მოკლულის ძმები³⁸. მამის განუსაზღვრელი უფლებები შვილის მიმართ იმაშიც პოულობდა გამოხატულებას, რომ გამოჩაყლის შემთხვევაში, უკიდურესი გაპირების ეამს, შესაძლებელი იყო მამას შვილი გაეყიდა ან გაესაჩუქრებინა. საერთოდ კი ეს მიუღებელი იყო და ადათებშიც ამიტომ არის ამისთანა მოვლენაზე მითითება, როგორც მხოლოდ გამონაკლისზე³⁹. მდგომარეობა მამა-შვილის ურთიერთობა-

³⁵ Б. Д а л г а т, დასახ. ნაშრომი, გვ. 342.

³⁶ Ф. Л е о н т о в и ч, II, გვ. 96—97.

³⁷ ი ქ ე ე, გვ. 26.

³⁸ ი ქ ე ე, გვ. 96.

³⁹ ი ქ ე ე, გვ. 26.

ში სავრანობლად იცვლებოდა შვილის დავაყვაცების შემდეგ. რაკი ვა-
ჯი იაოაღს აისხამდა, მოსალოდნელ კონფლიქტში მამა-შვილს შორის
მოცულობდა ძალა⁴⁰. მამას შვილის გაგდებაც შეეძლო, მაგრამ მხო-
ლოდ ქონების წილის გატანების უფლებით⁴¹ (ამის შესახებ ქვემოთ).

მშობლებთან შვილების ურთიერთობის საკითხს ინგუშეთის მაგა-
ლითზე შეეხო ბ. დალგატი, რომელმაც გავეაცნო ინგუშის შეხედუ-
ლება ამგვარი ურთიერთობისადმი. როგორც მან აღნიშნა, ინგუშებში
ანგარიშს არ უწევდნენ რა იმ მდგომარეობას, რომ შვილს დედა ყვე-
ლაზე მეტად უყვარს, ბავშვისთვის უფრო ახლობლად თვლიდნენ მამას.
მშობლების შემდეგ ბავშვისთვის უახლოეს პირებად მიიჩნევენ
დაძმებს. მაგრამ დასთან შედარებით დიდი უპირატესობით სარგებ-
ლობდა ძმა⁴².

იმის მიუხედავად, რომ ხალხის წარმოდგენაში მამა უფ-
რო ახლობელია შვილებისათვის, ვიდრე დედა, მშობლების პირადი საქ-
ციელით ეს არ ჩანდა. თუ დედა აღერსს ახვევდა შვილებს და ამას
დაუფარავად აკეთებდა, მამა იძულებული იყო გულში ჩაეკლა ეს
გრძნობა. შვილისადმი სიყვარულის გამოვლენა და ხალხის წინაშე მისა-
დმი აღერსიანი დამოკიდებულება ადათით მიუღებელი იყო. ისევე.
როგორც ქართველი მთიელი, ინგუშიც სხვების იქ ყოფნის შემთხვე-
ვაში ხელში ვერ აიყვანდა შვილს, ვერ მოუაღერებდა და ვერც სა-
ხელს დაუძახებდა.

უფროს-უმცროსობის პრინციპი ვლინდებოდა ძმების დაქორწი-
ნების მომენტშიც. როგორც წესი, მიუღებელი იყო უფროს ძმაზე ად-
რე უმცროსი ძმის დაქორწინება, ისევე, როგორც არასგზით არ შე-
იძლებოდა უფროს დაზე ადრე გათხოვილიყო უმცროსი. მხოლოდ
უკიდურეს შემთხვევაში, როდესაც უფროსი გადაუამდებოდა, უმც-
როს დას გათხოვება აუგად აღარ ჩაეთვლებოდა. ეს ტრადიცია დღე-
საც კი ცოცხლობს ჩაჩნების, ინგუშებისა და ქართველი მთიელების
ყოფაში. ძველად კი ჩაჩნეთ-ინგუშეთში მომდევნო ძმა მხოლოდ უყ-
როსი ძმის ქორწინებიდან ხუთი-ექვსი წლის შემდეგ შეიძლებოდა
დაქორწინებულიყო. შესაძლებელია მთხრობლის ეს ცნობა არ შეე-
ფერებოდეს სინამდვილეს და ხუთი-ექვსი წელი გაბერილი ციფრ-
იყოს. მაგამ ფაქტი ერთია — ძმებისა და დების ქორწინებაში სავალ-
დებულოდ ითვლებოდა რიგის დაცვა მათი ასაკის შესაბამისად.

⁴⁰ Ф. Леонтович. II, стр. 96.

⁴¹ ი ა ნ ე ე, 83. 26.

⁴² Б. Далгат, დასახ. ნაშრომი, გვ. 317.

ჩაჩნურ-ინგუშური ოჯახებისათვის დამახასიათებელი სქესობრივ-ასაკობრივი დიფერენციაცია განსაკუთრებით მკვეთრად იგრძნობოდა სტუმრიანობის დროს. ამის გამო სტუმართმოყვარეობის ტრადიცია და სტუმრობა-მასპინძლობის ხალხური ჩვეულება მათი საოჯახო ყოფნის მნიშვნელოვან კომპონენტად გვესახება.

სხვადასხვა მიზნით და სხვადასხვა დროს ჩაჩნეთ-ინგუშეთში მყოფი არაერთი დამკვირვებელი ამჩნევდა სტუმართმოყვარეობას, როგორც ნახების მაღალზნებრივ თვისებას, ხოლო ბევრი მათგანი მეტნაკლები სისრულით აღწერდა სტუმრობა-მასპინძლობის ჩვეულებას, როგორც ამ ხალხის უწმინდეს საზოგადოებრივ მოვალეობას.

ჩვენ არ გვეგულება ჩაჩნეთ-ინგუშეთში მყოფი არც ერთი პროფესიის დამკვირვებელი, რომელსაც თავის თავზე არ ჰქონდეს გამოცდილი სტუმრის მდგომარეობა-სტუმრობა-მასპინძლობა არა მარტო ადგილობრივ მოსახლეობასთან მისული პიროვნების საქმიანი კონტაქტის რეალური საშუალება იყო, არამედ XIX საუკუნეებში ცოცხლად მოქმედი მრავალი საინტერესო ჩვეულების უშუალო დაკვირვების გზით აღწერის საუკეთესო წინაპირობაც. რაკი ყველა მოგზაურს უწევდა ნახის ოჯახში სტუმრად ყოფნა და მოქმედ ჩვეულებას თვითონვე ხედავდა. ამტომ დღემდე შემონახული ყველა აღწერალობა უშუალოდ ნახელისა და განცდილის საფუძველზეა შექმნილი.

არსებულ აღწერილობათა მიხედვით სრულიად აშკარად ჩანს, რომ სტუმრის მიღება ჩაჩნეთ-ინგუშეთში ოჯახის საპატიო მოვალეობას წარმოადგენდა. პირველ ყოვლისა ეს მტკიცდება XIX საუკუნის პირველ ნახევარში ჭერ კიდევ მოქმედი ადათებიდან, რომლებითაც ვეცნობით როგორც მასპინძლის მოვალეობას სტუმრის წინაშე, ისე სტუმრობა-მასპინძლობის წესის დარღვევის გამო შემუშავებულ სასჯელთა ნორმებს. 1844 წელს კაპიტან ნორდენსტრენგის მიერ ჩაჩნეთსა და ოსეთში შეკრებილ ადათებში აღნიშნულია: თუ ვინმე გაბედავდა სტუმრის შეურაცხყოფას, დამნაშავე ვალდებული იყო მასპინძლისთვის გადაეხადა უნაგირით აკაზმული ცხენი, იარაღი და 18 ძროხა, რომელსაც მასპინძელი აძლევდა შეურაცხყოფილ სტუმარს. სტუმრის მოკვლის შემთხვევაში კი მკვლელი მასპინძელს უხდიდა სრულ სისხლს, რომელსაც მასპინძელი უგზავნიდა მოკლულის ნათესავენს. ამასთან ერთად მკვლელს თავიდან უნდა ჩამოეშორებინა მოკლულს ნათესავენები¹³.

თუ სტუმრის მკვლელი მოკლულის ოჯახისათვის მასპინძელთან არ მიიტანდა 70 ძროხის ღირებულების საურავს, მასპინძელი მოვალე

¹³ Ф. Леонтович, II, стр. 29.

იყო მკვლელზე თვითონვე ეძია შური⁴⁴. თუ მკვლელი საურავს არ გადაიხდიდა და მასპინძელიც მასზე შურს არ იძიებდა, ხალხი ასეთ-მასპინძელს ღამით კარებს ქვევით ამოუქოლავდა. ასეთ საშუალებას მიმართავდნენ ყოველ ღამეს, ვიდრე მასპინძელი სათანადო წესს არ შეასრულებდა⁴⁵.

მასპინძლობის მაღალი მოვალეობის შესრულება ხდებოდა ისეთ შემთხვევაშიც კი, როდესაც ოჯახში თავს შეაფარებდა კაცის მკვლელი. როგორც ინგუშური ადათებიდან ჩანს, მკვლელის შემფარებელი მასპინძელი ვალდებული იყო მოკლულის ნათესავებისათვის მიეცა 12 ძროხა ან მისი ღირებულება. წინააღმდეგ შემთხვევაში მღევარი მის სახლს არ მოსცილდებოდა და მასპინძელს დაჟინებით მოსთხოვდნენ. მასთან შეხიზნული დამნაშავის გაცემას. მკვლელი შემდეგ ამ საურავს უკან უბრუნებდა თავის მხსნელ მასპინძელს. თუ რამდენიმე მკვლელი შეაფარებდა თავს, ისინი 12 ძროხას მასპინძელს უკან უბრუნებდნენ. საერთო ძალით აღნიშნული წესების დარღვევისა და მასპინძლის სახლში ჩადენილი მკვლევლობის შემთხვევაში დამნაშავე ვალდებული იყო ოჯახის შელახვის გამო მასპინძლისათვის მიეცა 12 ძროხა⁴⁶.

რაკი სტუმარი ეზოს კარს შემოაღებდა, ის მოსისხლე მტერიც რომ ყოფილიყო, მასპინძელს მისდამი პატივისცემა მართებდა. საკურო შემთხვევაში მასპინძელს სტუმარი მტრისგანაც უნდა დაეცვა და მსხვერპლის გაღებასაც არ უნდა მორიდებოდა. სტუმრის მკვლელობა ზიმართ მასპინძელს ეკისრებოდა შურისძიება, ხოლო სტუმრის გაძარცვის შემთხვევაში დანაკლისის ანაზღაურება⁴⁷.

სტუმრობა-მასპინძლობის ეს წესი ეთნოგრაფიული სიზუსტით და დიდი მხატვრული ოსტატობით აღწერა ვაჟა-ფშაველამ თავის „სტუმარ-მასპინძელში“ და ამ წესების დარღვევის ფონზე გვიჩვენათემსა და პიროვნებას შორის მომხდარი კონფლიქტიც.

ჩაჩნეთ-ინგუშეთში სტუმრის მიღება სათანადო წესით სრულდებოდა. სტუმრებს ეზოში ხვდებოდნენ ახალგაზრდა კაცები. ისინი ჩაიბარებდნენ ნაბღებს, ყაბალახებსა და იარაღებს, უპატრონებდნენ გაოფლიანებულ ცხენებს და სტუმრებს საყონადოში შეიპატრუებდნენ. მასპინძლებისა და სტუმრების საყონადოში შესვლის შემდეგ ოჯახის უფროსი იქიდან გადიოდა, რამდენიმე ხნის შემდეგ ბრუნდებოდა და კა-

⁴⁴ Н. Х а р у з н и, Заметки..., СМЭ, III, стр. 135.

⁴⁵ А. Б е р ж е, Чечня и чеченцы, Тифлис, 1859, стр. 87; Н. Х а р у з н и, დასახ. ნაშრომი, გვ. 136.

⁴⁶ Ф. Л е о н т о в и ч, II, стр. 149—150.

⁴⁷ Н. Д у б р о в н и, დასახ. ნაშრომი, გვ. 417—419; Н. С е м е н о в, დასახ. ნაშრომი, გვ. 94.

არებთან ჩერდებოდა. ვიღრე სტუმრები არ სთხოვდნენ, ის სკამზე არ დაჯდებოდა. ოდნავი შეყოყმანების შემდეგ შეასრულებდა სტუმრების თხოვნას, ხოლო მისი შვილები განაგრძობდნენ ფეხზე ღვინოს. მათთან ზოგჯერ იქვე იმყოფებოდნენ ასევე ფეხზე მღვამი მეზობლები. სტუმრებთან ერთად ახალგაზრდა მასპინძლებს საყონალოში ჯდომის უფლება არ ჰქონდათ. მასპინძელი საპატიო სტუმარს უკლავდა ცხვარს, ხოლო სტუმრების დიდ ჯგუფს ძროხას. სტუმარი ვალდებული იყო მოექრა ხორცი ცხვრის თავიდან, მკერდიდან და ღუმიდან. ის სტუმარი, რომელიც ამ წესს არ შეასრულებდა, უზრდელ ადამიანად ითვლებოდა და მასპინძელიც საკმელს არ გაეკარებოდა. სტუმრების ნარჩენებით უმასპინძლდებოდნენ ოჯახის ახალგაზრდა კაცებს, ქალებს და მათ მეზობლებს⁴⁸.

ნ. ღუბროვინი და ნ. ხარუზინი სტუმრის მიღების ზემოთ აღწერილ ჩვეულებას იცნობდნენ როგორც უშუალო დამკვირვებლები. საყურადღებოა, რომ ნ. ხარუზინმა, როგორც ჩაჩნების სტუმარმა, ყველაფერი ეს თავის საკუთარ თავზე გამოსცადა. მას გამასპინძლება შეიძლი ვაჟის მამა. ყველა ამ წესის შესრულებისა და ვანშობის შემდეგ ნ. ხარუზინისა და მისი თანმხლები პირებისთვის მასპინძლას ერთ-ერთ ვაჟს მიუტანია წყალი ხელების დასაბანად, ხოლო სტუმრებისთვის ბიჭებს ფეხსაცმელებიც კი თავისი ხელით გაუხდიათ⁴⁹.

ეს ჩვეულება ჩაჩნებში უფრო ადრე აღწერა ნ. ღუბროვინმა⁵⁰. ხოლო თავის დროზე ნ. სემიონოვიც გამხდარა იმის მოწმე, როდესაც შაის დაღვეის შემდეგ მასპინძლის ვაჟებმა მოარბენინეს ტაშტი და წყლით სავსე სპილენძის სურა ხელების დასაბანად⁵¹.

ჩვენ მიერ შეკრებილი ეთნოგრაფიული მასალების მიხედვითაც, სტუმრების მიღების ანალოგიური ჩვეულება მოწმდება. როგორც ჩაჩნეთში, ისე ინგუშეთში ხალხმრავალი სტუმრიანობის დროს ახალგაზრდებს ევალდებოდათ მათთან შეხვედრა და ზემოთ აღწერილი წესების შესრულება მთხრობლების გადმოცემით, ხალხმრავალი სტუმრიანობისაგან რამდენადმე განსხვავებული წესი სრულდებოდა ერთი კაცის სტუმრად მოხვედრის შემთხვევაში. მიუხედავად სტუმრის ასაკისა, საყონალოს კარებთან მას შეხვედრას მოუწყობდა არა კვლავ ახალგაზრდა მასპინძელთაგანი, არამედ ოჯახის უფროსი ან სხვა რო-

⁴⁸ Н. Д у б р о в и н, დასახ. ნაშრომი. გვ. 414—416; Н. Х а р у з и н, По горам Северного Кавказа, ВЕ. т. V. кн. 9, стр. 498—499.

⁴⁹ Н. Х а р у з и н, დასახ. ნაშრომი, გვ. 501.

⁵⁰ Н. Д у б р о в и н, დასახ. ნაშრომი, გვ. 417.

⁵¹ Н. С е м е н о в, დასახ. ნაშრომი, გვ. 19.

მელიძე მოხუცი. ამის შემდეგ კი მასზე მზრუნველობა ასაკის მიხედვით ხდებოდა. ხანდაზმულ სტუმრებთან საყონალოში შედიოდა ასევე ხანდაზმული მასპინძელთაგანი. ხოლო ახალგაზრდა სტუმრისადმი ყურადღება რომელიმე ახალგაზრდა მასპინძლის მოვალეობას წარმოადგენდა.

ამჟვარი ჩვეულება განსაკუთრებით ნათლად ჩანს ინგუშური მასალების მიხედვით. ინგუშეთში სტუმრის მიღების ჩვეულებას შეეხო ნ. გრაბოვსკი. როგორც ის წერს, საყონალოში მასპინძელი სტუმარს ცოტა ხნით გამოესაუბრებოდა და იქიდან მალე გამობრუნდებოდა. რათა სტუმრისთვის დასვენების საშუალება მიეცა. ერთი-ორი საათის შემდეგ სტუმარს ეახლებოდა ბავშვი ხელსაბანით და პირსახოცით, ხოლო ხელების დაბანის შემდეგ პატარა ზომის სამფეხა მაგიდაზე სტუმარს მთავრებდნენ პურს, ყველსა და მწვადს. საკმელით გამასპინძლებს შემდეგ მასპინძელი მასთან კვლავ შემოვიდოდა და საუბრით შეაქცევინებდა თავს. სტუმარი საყონალოში მარტოდმარტო იძიებდა⁵².

ნ. გრაბოვსკის ზემოთ მოტანილ ცნობასთან დაკავშირებით საჭიროა აღინიშნოს, რომ ჩვენ მიერ შეკრებილი მასალების მიხედვით. სტუმრისათვის ხელებზე წყლის დასხმა და თავისი ხელით ფეხებზე დაბანაც კი ოჯახში ყველაზე უმცროსი რძლის მოვალეობად ითვლებოდა. შესაძლებელია ხელებზე წყლის დასხმა ბავშვისთვისაც დავალებინათ, მაგრამ დაბეჭითებით შეიძლება ითქვას, რომ სტუმრისადმი პატივისცემის მიზნით ინგუშებისა და მათი მეზობლების (მაგალითად, ოსებისა და მოხვევების) ყოფაში წესად იყო მიღებული მისთვის ფეხების დაბანაც და ეს უსათუოდ უმცროს რძალს ეკისრებოდა.

ჩაჩნებში სტუმრის მიღების არსებული ჩვეულება უაღრესად ზუსტად და წარმტაცად აღწერა ჩრდილო კავკასიის ხალხთა ყოფაცხოვრების საუკეთესო მცოდნემ და მათმა დიდმა მეგობარმა ალ. ყაზბეგმა თავის რომანში „მამის მკვლელი“. როგორც ამ აღწერილობიდან ნათლად ჩანს, სახლში კაცის არ ყოფნის შემთხვევაში მასპინძლობას ქალები ეწეოდნენ. ნაწარმოების მიხედვით, ასე მოქცეულა მალსაგიანთ ოჯახის დიასახლისი სოფ. გალაშკაში, ვინაიდან მისი ქმარი და ორი უფროსი ვაჟი ამ დროს შამილის ჭარში იმყოფებოდნენ. ის იმ რწმენით შეხვდა ორ ჩაჩანს, ორ მოხვევს, ერთ მთიულსა და მათ მიერ დატყვევებულ სამ ოფიცერს თავის ქიშკართან ესოდენ გულუხვად, რომ „სტუმარი ღეთისაა“, რომ „მალსაგიანთ სახლის კარი თავის დღე-

⁵² Н. Г р а б о в с к и й, Экономический и домашний быт ..., ССКГ, III, стр. 4—6.

ში სტუმარს არ დაჰკეტია⁵³, ისევე. როგორც ყოველი სხვა ჩაჩნისა, და არც ქმრის სხვაგან ყოფნის შემთხვევაში უნდა დაიკეტოს. ამტოვოს სტუმრის ოდნავ შეყოყმანებასაც კი ვერ ურიგდება და მათ ფართოდ უღებს თავისი სახლის კარებს.

„სტუმრებმა უარი ვეღარ უთხრეს ამ გულწრფელს პატრუჯედ და შევიდნენ მშვენივრად დაგვილ-დაწმენდილს ეზოში, რომელშიაც განცალკევებით იდგა ისეთივე წმინდად გალესილი სასტუმრო.

სტუმრებს მიესალმნენ, ჩამოართვეს ცხენები და შეიყვანეს ოთახში, სადაც ერთგვან მხარ-ძირიდგან ზეითამდინ აგებული საბან-გობანი და ბალიშები მნახველს გააკვირვებდა; მეორე მხარეს იდგა განიერი ტახტი ადგილობრივ მომზადებული, კილოებმოფენილი: მესამე მხარეს მოჩანდა ირმის გავიშვებული მთელი, თავარიელა თანგატანებული ტყავი ნამაზისათვის; იქავე ალთაფა და ტაშტი იმავე საქაროებისათვის. კიდევ რამდენიმე საინი და ლანგარი სპილენძისა იქავე გვერდით ეკიდა, და გამოღებულს თახჩაში ეწყო წმინდად გაკრალებული სამოვარი თავის იარაღით: მეოთხე მხარეს დაინახავდით ფანჯარას, ბუხარს და კასრებს: ოთახი — წმინდად გალესილი და გატყეპნილი, ისე რომ ქვის პოლი გეგონებოდათ.

შესვლის უმაღლეს ოთახში შემოვიდა მშვენიერის სახის მქონე მოლიმარი ყმაწვილი ქალი, მიესალმა სტუმრებს და თავისი ხელით შემოსსნა იარაღი. რომელიც ისე რიგად ჩამოჰკიდა ბოძის კაპებზედ. რომ აღვივლად აღება შესძლებოდათ პატრონებს, თუ დასჭირდებოდათ რისთვისმე.

სტუმრები დასხა ქალმა, დახადა ფეხთ და გაანთო ცეცხლი, ეს პასპინძლის გულუხეობის და მხიარულების ნიშანი⁵⁴.

ალ. ყაზბეგი აქვე აღნიშნავს, რომ სტუმრებს სიმღერითა და ცეკვით ართობდნენ მეზობლის ქალები, ხოლო „ტყვეებს ყველანი ისე ექცეოდნენ, როგორც სტუმრებს და ყოველის ღონისძიებით ცდილობდნენ არ შეხებოდნენ იმათ კაცობას, იმათ პირადობას, რადგანაც ამგვარს მდგომარეობაში მყოფი ადამიანის მასხარად აგდება არ ეთანხმებოდა იმათ შეხედულებას“⁵⁵.

მხიარული დროსტარების შემდეგ „სტუმრებს ხელები დააბანინეს და სადილი მოუტანეს. სუფრა სუფრით იცვლებოდა, ერთს საქმელს მეორე საქმელი შესცვლიდა ბოლოს ჩამოუტრიგეს ქოშებით

⁵³ ალ. ყაზბეგი, მამის მკვლელობა, თბ. ტ. I, თბილისი, 1948, გვ. 321.

⁵⁴ იქვე, გვ. 321—322.

⁵⁵ იქვე, გვ. 322.

წვენაც. ის აუცილებელი საქმელი ყველა მდიდარი და ღარიბი მთის
კაცისა“⁵⁶.

როგორც ჩანს, დიდი და ხანგრძლივი სტუმრიანობის დროს მას-
პინძელს ეხმარებოდნენ მეზობლები. „სოფლის დედაკაცები განუწყ-
ვეტლად მოდიოდნენ და მოჰქონდათ ქათმები, კვერცხები, ერბო;
ზოგს ბიჭებს მოუდიოდათ საკლავები. ესა ნიშნამდა, რომ მეზობლის
სტუმრები სათემო სტუმრად ითვლებოდნენ და ვისაც რით შეეძლო,
ცდილობდნენ მეზობლის ხელის გამართვას, შემწვობას“⁵⁷.

სტუმრისადმი პატივისცემა მარტო მის კარგად მიღებასა და გა-
მასპინძლებაში როდი მდგომარეობდა. სტუმარ-მასპინძლის მეგობ-
რულ ურთიერთობაში ანუ ყონალობაში წესად ყოფილა მიღებული
ურთიერთშორის სამახსოვრო ნივთების გაცემა. როგორც ნ. სემიო-
ნოვი წერს, სტუმარს უფლება ჰქონდა წაეღო მასპინძლის შევერცხ-
ლილი ხანჯალი და სამაგიეროდ მისთვის დაეტოვებინა თავისი ხანჯა-
ლი ხის ქარქაშით. ნივთების ასეთი გაცემა ზოგჯერ ვითომც დროებით
ხდებოდა, მაგრამ მასპინძლისათვის სირცხვილი იყო თავის ყოფილ
სტუმართან ხანჯლის სათხოვრად მისულიყო⁵⁸.

სტუმრის უფლებები ამაზე უფრო შორსაც მიდიოდა. ნ. ხარუზა-
ნის ცნობით, ჩაჩნეთ-ინგუშეთში სტუმარს შეეძლო მასპინძლისთვის
საჩუქრად მოეთხოვა რაიმე ნივთი ან პირუტყვი, რაზედაც უარის თქმა
მიუღებელი იყო. მასპინძელსაც შეეძლო სტუმრისთვის საჩუქარი
ცთხოვა, მაგრამ უარის თქმა სტუმარს აუგად არ ეთვლებოდა. მასპინ-
ძელს განსაკუთრებული უპრადღება ევალებოდა, რათა სტუმარს სა-
მუდამოდ ფეხი არ ამოეკვეთა მისი სახლიდან. სტუმარს რომ მეორე
მასპინძელი გაეჩინა, ყოფილი მასპინძელი ამით სახალხოდ შერცხე-
ბოდა. სტუმარი აქ იმდენად დაფასებული იყო, რომ ამ ტრადიციაზე
კლასობრივი განსხვავებაც კი ვერ მოქმედებდა. ნებისმიერი წოდების
კაცს შეეძლო სტუმრებოდა თავადს და რამდენიმე ხანს დაეყო მის
საყონალოში. წასელისას სტუმარს შეეძლო მისგან საჩუქრად მოე-
თხოვა ძროხა ან ცხენი. ძუნწის სახელი რომ არ გავარდნოდა, მასპინ-
ძელი იძულებული იყო დამორჩილებოდა ადათს და დაეკმაყოფილები-
ნა სტუმრის სურვილი⁵⁹.

⁵⁶ ალ. ყ ა ზ ბ ე გ ი, დასახ. ნაწარმოები გვ. 322—323.

⁵⁷ ი ქ ე ე, გვ. 323.

⁵⁸ Н. С е м е н о в, დასახ. ნაშრომი, გვ. 53.

⁵⁹ Н. Х а р у з и н, Заметки..., СМЭ, III, стр. 135; მ ი ს ი ე ე, По горам
Северного Кавказа, ВЕ, т. V, кн. 9, стр. 525.

სტუმარ-მასპინძლის დამეგობრება ხშირად დანათესავებამდეც კი მიდიოდა. ოუ სტუმარი იმ დროს მოხვდებოდა მასპინძელთან, როდესაც ამ უკანასკნელს ვაჟი შეეძინებოდა, მასპინძლის თხოვნით ბავშვს სახელს არქმევდა სტუმარი. როგორც წესი, ბავშვს ის აძლევდა თავის სახელს და ამ დღიდან მათ შორის მყარდებოდა ნათესაური ურთიერთობა⁶⁰. ამგვარი შემთხვევის გარეშეც სტუმრობა-მასპინძლობით შექმნილი მეგობრობა ანუ ყონალობა ნათესაური კავშირის სიმალლემდე აღიზარდა, რაც რელიგიური სიტხადითაა გამოვლენილი მეგვიდრეობის წესში: მასპინძლის ოჯახში ყონაღის გარდაცვალების შემთხვევაში მასპინძელს უფლება ჰქონდა თავისთვის დაეტოვებინა ის ნივთები, რომელიც მიცვალბულს; როგორც ყონაღს (და ამდენად ნათესავს) თან ახლდა⁶¹.

სტუმრობა-მასპინძლობის ზემოთ აღწერილ წესებთან ერთად ყურადღებას იქცევს ის ოთახი, სადაც სტუმრის მიღება ხდებოდა. მიხი სახელწოდება საყონაღო, რომელსაც ალ. ყაზბეგი სასტუმროს უწოდებს და მისი შიღამოწყობილობის მშვენიერ აღწერილობასაც იძლევა, უშუალოდ დაკავშირებულია ყონაღობასთან, სტუმრობა-მასპინძლობის საშუალებით დამყარებულ მეგობრობასთან, რაც ნახებსა და მათ მეზობლებში საზოგადოდ გავრცელებულ ჩვეულებას წარმოადგენდა. ყონაღ-ი (ყუნაე) თურქული სიტყვაა და ნიშნავს სტუმრობით დამეგობრებულ პირს. აქედანაა ნაწარმოები მეგობრობის აღმნიშვნელი სიტყვა ყონაღობაც და ნაგებობის სახელწოდებაც, სადაც ასეთ ურთიერთობას ეყრებოდა საფუძველი.

ისევე როგორც სტუმრობა-მასპინძლობის წესებს, ჩაჩნეთ-ინგუშეთში საყონაღოს სახეობებსა და ფუნქციებს არა ერთი დამკვირვებელი შეეხბო. ერთ-ერთი მოგზაურის ცნობით, ოჯახის უფროსი კაცი მთელ დღეს საყონაღოში ატარებდა და მხოლოდ საღამოხანს ბრუნდებოდა საჯალაბო ოთახში⁶². საცხოვრებელი ნაგებობის კომპლექსში სასტუმროდ განკუთვნილი განყოფილების ასეთსავე დანიშნულებას ყურადღება მიაქცია ნ. დუბროვინმა, რომლის დაკვირვებით, ჩაჩნისათვის ყველაზე საყვარელ კუთხეს წარმოადგენდა საყონაღო;

⁶⁰ Н. Харузин, Заметки..., стр. 135.

⁶¹ Ф. Леонтович, II, стр. 101; Н. Дубровин, Расск. на Кавк., т. III, стр. 463—464; Н. Харузин, Заметки..., стр. 136.

⁶² И. Норденстамм, Краткое военно-статистическое описание Чечни, составленное в 1834 г. иб. წიგნი: «Материалы по истории Дагестана и Чечнии», т. III, ч. II, Махачкала, 1940, стр. 317.

სადაც ის უმთავრესად იმყოფებოდა თავის ნაცნობებთან და სტუმრებთან ერთად⁶³.

ლიტერატურაში ვხვდება საყონალოს აღწერილობაც, რომელთაგან ზემოთ გავეცანით ალ. ყაზბეგისეულ ვარიანტს. ა. როსიკოვას ცნობით, საყონალო წარმოადგენდა სუფთად დალაგებულ ოთახს, რომელშიც იდგა ხის საწოლები და დაბალი სკამები. კედელზე გაკეთებულ თაროებზე აწყობდნენ ლოგინს, ხოლო კედელზევე გაკრულ ხალიჩაზე კიდებდნენ იარაღს. მკვლევარი იქვე აღნიშნავს, რომ ღარიბი და მდიდარი ჩაჩნის საყონალოებს შორის განსხვავებას არ ჰქონია ადგილი. ეს გარემოება ა. როსიკოვას მიაჩნდა იმის ერთ-ერთ საბუთად, რომ სოციალური დიფერენციაციის ღრმა პროცესი ჩაჩნეთისთვის ?კვეთრად დამახასიათებელი არ ყოფილა⁶⁴.

ერთ-ერთი საყონალო, რომელშიც ნ. ხარუზინი სტუმრად იმყოფებოდა, მისივე აღწერილობის მიხედვით, წარმოადგენდა გრძელსა და ოთხკუთხა ოთახს საკმაოდ მაღალი ჭერით, მცირე ზომის ოთხკუთხა ფანჯრებითა და ხის დარბაზებით. ოთახის სიღრმეში კედელთან მდგარა ხის განიერი საწოლი, რომელზედაც ეწყო მუთაქები და ბალიშები. შესასვლელიდან მარჯვნივ კედელთან გამართული ყოფილა ბუხარი. მოპირდაპირე კედლის თაროებზე ეწყო ხალიჩები და სამზითვო სკივრები შიგ ჩალაგებული ნივთებით⁶⁵.

კ. განის დაკვირვებით, ჩაჩნის სახლი წარმოადგენდა ბანით დახურულ ორსართულიან ნაგებობას. მის პირველ სართულზე მოწყობილი იყო ბოსელი და სამზარეულო, ხოლო მეორე სართული ოთხი განყოფილებისაგან შედგებოდა. ამათგან კ. განი, პირველ რიგში, ასახელებს შესასვლელს, სადაც იდგა ხის საწოლები, ეწყო ნაბდები და ელაგა სხვადასხვა საოჯახო ნივთები. შესასვლელის მარცხნივ მდებარეობდა საყონალო, სადაც რამდენიმე სკივრი მდგარა. საყონალოს ერთ კედელზე კ. განს შეუმჩნევია თაროები, ხოლო მეორე კედელზე იარაღი ყოფილა დაკიდებული. სასტუმროს ეკეროდა პატარა ზომის სამეურნეო სათავსო. მისსავე გაგრძელებას წარმოადგენდა დგამ-ჭუჭკლისა და პროდუქტების შესანახად განკუთვნილი შედარებით დიდი ზომის რაკეტინაო. ყველა მათგანს მიწის იატაკი ჰქონია. საყონალოს ასეთსავე იატაკზე ხალიჩები ყოფილა გაფენილი⁶⁶.

⁶³ Н. Д у б р о в н и, დასახ. ნაშრომი, გვ. 415.

⁶⁴ А. Р о с с и к о в а. დასახ. ნაშრომი, გვ. 154.

⁶⁵ Н. Х а р у з и н, По горам Северного Кавказа, ВЕ, т. V, кн. 9, стр. 498—499.

⁶⁶ К. Г а н, Экскурсия..., ИКОИРГО, т. XV, № 4, стр. 217.

საყონალოს, როგორც საცხოვრებელი კომპლექსის ერთ-ერთ ნაწილს გაეკრით შეეხო გ. ვერტეპოვიც. როგორც მან აღნიშნა, შეძლებული ოჯახის სახლი ორი ოთახისაგან მაინც შედგებოდა, რომელთაგან ერთი იყო საცხოვრებელი, ხოლო მეორე სასტუმრო⁶⁷. აქედან ისეთი შთაბეჭდილება იქმნება, თითქოს ღარიბ ოჯახს საყონალო არ გააჩნდა. გ. ვერტეპოვის ეს ცნობა არ უნდა იყოს სწორი, რამდენადაც არც ლიტერატურული მონაცემების და არც ჩვენ მიერ შეკრებილი მასალების მიხედვით ჩანნეთ-ინგუშეთში ასეთი ვითარება არ დასტურდება.

საყონალო რომ სასტუმროდ განკუთვნილსა და ოჯახის უფროსის სამყოფ იზოლირებულ ოთახს წარმოადგენდა, გარდა ჩანნეთ-ინგუშეთისა ეს ნათლად ჩანს კავკასიის სხვა კუთხეების წარსულიდანაც. ჩრდილო-კავკასიის ხალხთა საყონალოების სახეობა-ფუნქციების შესწავლის შედეგად მ. კოსვენმა თავის ერთ-ერთ სპეციალურ გამოკვლევაში (Что такое кынаухая?)⁶⁸ აღნიშნა ორი სახის საყონალოს არსებობა: პირველი მათგანი წარმოადგენდა საცხოვრებელი ნაგებობის კომპლექსში შემავალ იზოლირებულ განყოფილებას, როგორც ეს დავინახეთ ჩანნეთ-ინგუშეთის მაგალითზე, ხოლო საყონალოს მეორე სახეობა წარმოადგენდა სავსებით განცალკევებულ ერთკამერიან ნაგებობას. რაც შეეხება საყონალოს ფუნქციას, თუ ჩანნურ-ინგუშური მასალების მიხედვით ის ოჯახის უფროსის სამყოფოდ და სასტუმროდ იყო განკუთვნილი, საერთო კავკასიური მონაცემების საფუძველზე მ. კოსვენმა მის კიდევ უფრო მრავალმხრივ მნიშვნელობაზე მიუთითა. მისი შეხედულებით, საყონალო ერთდროულად წარმოადგენდა სასტუმროს, ოჯახის უფროსის სამყოფ ოთახს, საზოგადოებრივი საკითხების გადასაწყვეტად მამაკაცთა თავყრილობის ადგილს და უცოლო ახალგაზრდების თავშესაქცევ სამყოფელს. მ. კოსვენი არ ეთანხმებოდა მათ, ვინც საყონალოში მხოლოდ სასტუმროს ხედავდა. მისი ღრმა რწმენით, საყონალოს გააჩნდა რა ყველა ზემოხსენებული ფუნქცია, თავისი არსებობის ადრინდელ საფეხურზე ის პირველ ყოვლისა მამაკაცთა ბინა უფრო იყო, ვიდრე სასტუმრო. როგორც მ. კოსვენმა ფიქრობს, საყონალო თავისი არქაული ფორმით შესაძლებელია ისეთივე მნიშვნელობის მქონე ნაგებობა ყოფილიყო, როგორც იყო „მამაკაცთა სახლი“, „ახალგაზრდების კლუბი“ ანდა „უცოლოების კლუბი“. არქაული საყონალო უნდა ყოფილიყო იზოლირებული ნა-

⁶⁷ Г. В е р т е п о в, В горах Кавказа, ТС, VI, Владикавказ, 1903, стр. 105.

⁶⁸ М. К о с в е н, Этнография и история Кавказа, Москва, 1961.

გებობა. თავისი განვითარების ადრეულ საფეხურზე ასეთი „სახლი“ ანდა „კლუბი“ სოფელში ერთი უნდა მდგარიყო, რომელიც სოფლის სტუმრის მისაღებადაც იქნებოდა გამოყენებული. სოფელში რამდენიმე საოჯახო საყოლანოს გაჩენა მერმინდელი ჩანს. მ. კოსვენის ინტერპრეტაციით, ინდივიდუალურ ოჯახებად საოჯახო თემის დაშლის შემდეგ უნდა ქცეულიყო საყონალო ოჯახის უფროსის სამყოფელ ბინად. რომელიც იმავდროულად სასტუმროს ფუნქციასაც ასრულებდა⁶⁹.

ამგვარად, ყონალობა ჩაჩნეთ-ინგუშეთში, ისევე როგორც ჩრდილო კავკასიაში საერთოდ, საოჯახო ურთიერთობაში განსაკუთრებული მნიშვნელობის მქონე მოვლენას წარმოადგენდა, რაც არა მარტო სათანადო წეს-ჩვეულებების შესწავლით დასტურდება, არამედ სტუმრობა-მასპინძლობის ინსტიტუტთან უშუალო კავშირში მყოფი საყონალოს არსებობითაც. ყონალობის მნიშვნელობა დიდი იყო არა მარტო საკუთრივ ნახების საოჯახო ურთიერთობაში, არამედ ეს ინსტიტუტი უდიდეს როლს ასრულებდა მეზობლებთან დამოკიდებულების სფეროშიც. ყონალობამ ხელი შეუწყო კავკასიელ ხალხთა შორის კულტურულ-ისტორიული ურთიერთობის განმტკიცებას. დიდია ამ ჩვეულების როლი საკუთრივ ქართველებისა და ნახების კეთილმეზობლური ურთიერთდამოკიდებულების განვითარებაში.

მ ე ხ უ თ ე თ ა ვ ი

ოჯახის გაყრის წინა და ჟონიზის განაწილების პრინციპი

როგორც ამ ნაშრომის პირველ თავში განხილული ფაქტობრივი მასალიდან ჩანს, რამდენიმე თაობის გაუყრელად ცხოვრების წესი ნახებმა XIX საუკუნემდე შემონახეს. ამჟამად მასალის მიხედვით ისიც აშკარაა, რომ ასეთი ოჯახის გაყრა მიუღებელი იყო უფროსი თაობის წარმომადგენელთა სიცოცხლეში.

ამგვარი ჩვეულების გამო მოწილეებისა და განაყარი ოჯახების რიცხვი ზუსტად ფარავდა ერთიმეორეს. მოწილედ ითვლებოდა ყველა ის მამაკაცი, რომელიც გაყრის შემდეგ გამოყოფილ ინდივიდუალურ ოჯახს ექცეოდა სათავეში. ამდენად, თუ ოჯახი გაყრის მომენტში 3-5 თაობას მოიცავდა, მოწილეებად გვევლინებოდნენ მეო-

⁶⁹ М. К о с в е н, დასახ. ნაშრომი, გვ. 128—129.

რე თაობის წარმომადგენლები, ე. ი. გარდაცვლილ მოხეტია (ოჯახის ყოფილ მეთაურთა) შვილები და ძმათა შვილები.

ბუნებრივია, რომ მშობლები თავისთავად გამოირიცხული იყვნენ მოწილეთა რიგებიდან, რამდენადაც ოჯახის გაყოფა მხოლოდ მათი გარდაცვალების შემდეგ ითვლებოდა კანონზომიერ მოვლენად. რაც შეეხება მესამე ან მეოთხე თაობას, ამათგან არამცთუ ბავშვებს, არამედ სრულწლოვან, ოჯახის მოპირნახულე და ცოლშვილიან კაცებსაც კი არ ეძლეოდათ წილი. ქონების განაწილების მომენტში არ უწევდნენ ანგარიშს არც მოწილეთა შვილების წლოვანებას და არც რაოდენობას. ერთ მოწილეს რომ ათი შვილი ჰყოლოდა და მათ შორის ცოლშვილიანებიც, ხოლო მეორე მოწილე სულ უშვილო ყოფილიყო, ქონება მათზე თანაბრად ნაწილდებოდა. სულელებზე იყოფოდა მხოლოდ იმ წლის სარჩო—პურეული და პროდუქტები.

ასე სჯიდა ნახთა ადამი, რომლის მტკიცედ დაცვა მინდობილი ჰქონდათ სიღარბაისლით სახელგანთქმულ მოხუც მედიატორებს.

რაგირც ნ. ხარუზინი შენიშნავს, მათ იშვიათად მიმართავდნენ, ვინაიდან გაყრა ხდებოდა ურთიერთშეთანხმებით¹. თუ საქმე გამწვავდებოდა და მოხუცების ჩარევა გახდებოდა საჭირო, უთანხმოება ადვილად წესრიგდებოდა, რამდენადაც მათი გადაწყვეტილების წინააღმდეგ ყოველგვარი პრეტენზია მიუღებელი იყო.

მედიატორებს, პირველ რიგში, ევალეობოდათ სახლის გაყოფა, სახლისა, რომელიც გამრავლების შედეგად წარმოქმნილ ყველა ახალ ოჯახს ვეღარ იტევდა. ამის გამო, გამოყოფილი ოჯახების ერთი ნაწილი რჩებოდა ფუძე სახლში, ხოლო ნაწილი ოჯახებისა საცხოვრებელი ფართობის ნაცვლად ლებულობდა საფასურს საქონლის, საოჯახო ინვენტარის ამ მიწის ნაკვეთის სახით. ასეთ შემთხვევაში უპირატესობას ანიჭებდნენ ყველაზე ხნირ მოწილეს, რომელსაც ევალეობოდა მამაპაპეულ კერასთან განაყრების კავშირის კვლავ შენარჩუნება და ამ კავშირის გამომხატველი წეს-ჩვეულებების დაცვა განაყრების დროადრო შეკრების მომენტში.

ვისაც ფუძე სახლში ცხოვრება არ მოუწევდა ფართობის სიმცირის გამო, მიღებული საბადლო საფასურით ის იქვე იშენებდა ახალ სახლს. სამოსახლო ფართობის შევსების შემდეგ კი განაყრები სხვა ადგილზე სახლდებოდნენ. ასე იქმნებოდა პატრონიმიული უბანი, რომლის მექანიზმი ინგუშური მასალების მიხედვით დღეისათვის საფუძვლიანადაა შესწავლილი ქართველ ეთნოგრაფთა მიერ².

¹ Н. Х а р у з и н, Заметки, ...СМЭ, III, стр. 124.

² А. Р о б а к и д з е, Жилища и поселения горных ингушей; Р. Х а -

მედიატორებს დიდი სიფხიზლე და წინდახედულობა მართებდათ სახნავეი ნაკვეთების განაწილების დროს. საქმეს ართულებდა ის გარემოება, რომ სხვადასხვა ადგილას მდებარეობის გამო ეს ნაკვეთები ხარისხით ერთმანეთისაგან მკვეთრად განირჩეოდნენ. დაბრკოლებას იწვევდა ისიც, რომ პატარა ნაკვეთი რამდენიმე ნაწილად დაქუცმაცებას ვეღარ იტანდა. რაკი ასეთ შემთხვევაში საოჯახო საკუთრებაში არსებულ ყველა ნაკვეთს მოწილეების რიცხვის მიხედვით ვერ დაანაწევრებდნენ, მედიატორები გამოსავალს პოულობდნენ ამ ნაკვეთების ურთიერთშეზღვევაში. ისინი მხედველობაში იღებდნენ რა ნაკვეთის მდებარეობასა და მოსავლიანობას, ამის საფუძველზე ახერხებდნენ თანაბრად გაყოფასაც.

ზოგჯერ ისედაც ხდებოდა, რომ ერთი მოწილის სახნავეი ფართობი მეორისაზე დიდი მოცულობისა იყო, მაგრამ თუ მეტ-ნაკლები სიდიდის ორივე ნაკვეთი ერთნაირ მოსავალს იძლეოდა, მედიატორების გადაწყვეტილება დავის საგანი აღარ ხდებოდა. მხოლოდ იმ შემთხვევაში, როდესაც საერთო-საოჯახო საკუთრებაში არსებული სახნავეი მიწის ფონდიდან რომელიმე ნაკვეთის ამ პრინციპით დანაწილება ვერ მოხერხდებოდა, მას კვლავ საერთო საკუთრებაში ტოვებდნენ, განაყრები მორიგეობით ხნავდნენ და ამ გზით თანასწორუფლებიანობის დაცვასაც აღწევდნენ.

ღირებულების მიხედვით წილების ურთიერთშეფარდების პრინციპი ასეთივე მიუღდგომლობით უნდა ყოფილიყო დაცული საოჯახო ინვენტარისა და პირუტყვის განაწილების მომენტში. მაგალითად, ხუთი მოწილედან რომ მხოლოდ ოთხს შეხვედროდა ხარი, მეხუთეს აუცილებლად ეძლეოდა ძროხა და ხბო, ვინაიდან ძროხაზე ხბოს დასართებით წილების გათანაბრება ხდებოდა. ასეთივე ხერხს მიმართავდნენ ნივთების გაყოფის დროსაც. მაგალითად, ოჯახში რომ მხოლოდ ერთი სალუდე ქვაბი ყოფილიყო და ის ერთ-ერთ წილად ჩაეგდოთ, მეორე წილად გადაიდებოდა ორი მომცრო ქვაბი ან ერთი ქვაბი სხვა რაიმე ნივთის დამატებით და ა. შ. ერთი სიტყვით, ქონების გაყოფას საფუძველად ედო მოწილეთა თანასწორუფლებიანობის პრინციპი.

... იმის შემდეგ, რაც მედიატორები ქონებას ამ პრინციპით გაყოფდნენ, თავისთან მოიხმობდნენ გაყრის პრეტენდენტებს. ამ დროისათ:

р а д а е, Некоторые стороны сельско-общинного быта горных ингушей, КЭС, II, Очерки этнографии Горной Ингушетии, Тбилиси, 1968; А. Р о б а к и - д з е, Особенности патронимической организации у народов Горного Кавказа (в связи с вопросом о соотношении патронимии, рода и семьи), ЦЭ, 1968. № 5.

ვის მოხუცებს ქუღში ჩაყრილი ჰქონდათ იმდენი ნიშანდასმული ჩხირი, რამდენ ნაწილადაც ოჯახი იყოფოდა. ჩხირებზე აღბეჭდილი ნიშნები—ერთი ჰქონდა, ორი ჰქონდა და ა. შ., ქონების კუთვნილების გამომხატველი იყო, რაც უმკაცრესი საიდუმლოების პირობებში მხოლოდ მედიატორებმა იცოდნენ. ქუღში ჩაყრილ ამ ჩხირებს მოხუცები ერთმანეთში აურევდნენ, ხოლო აქედან მოწილეები სათითაოდ ამოიღებდნენ ისე, რომ ქუღისაკენ არც მიიხედავდნენ. ამის შესაბამისად იღებდნენ ისინი თავის წილხვედრილ ქონებასაც. ამ წესით მიღებულ დოვლათს ინგუშურად ეწოდებოდა ქოოჯ დააყ. (წილი), ხოლო ჩაჩურად — ქოოჟ დააყ.



ოჯახის სეგმენტაციაზე გარკვეულ გავლენას ახდენდა ცოლ-ქმრის ხასიათი და აქედან გამომდინარე შედეგები. ჩვენ მხედველობაში გვაქვს ერთი მხრივ მრავალცოლიანობა, ხოლო მეორე მხრივ, დაქვრივების ან ცოლთან გაყრის შემდეგ მომხდარი ქორწინება და მის საფუძველზე შექმნილი ურთიერთობა.

როგორც ადგილზე შეკრებილი მასალებისა და ლიტერატურაში ასახული ცნობებიდან ჩანს, ნახები მრავალცოლიანობას მისდევდნენ მაჰმადიანური სარწმუნოების მიღებამდე³, მაგრამ ქორწინების ეს წესი განსაკუთრებით ვრცელდება ისლამის გაბატონების პირობებში.

ამასთან დაკავშირებით საყურადღებოა გიულდენშტედტის ცნობა ქისტების შესახებ: „ისინი, მაჰმადიანების მსგავსად. რამდენიმე ცოლს ირთავენ, მაგრამ ღორის ხორცს კი სჭამენ, წინააღმდეგ მაჰმადიანთა წესისა“⁴.

გიულდენშტედტის ეს ცნობა უნდა შეეხებოდეს გარდამავალ საფეხურს, როდესაც წინამაჰმადიანურ რელიგიას ენაცვებოდა მაჰმადიანური. მრავალცოლიანობა გვესახება ისეთ მოვლენად, რომელიც უნდა არსებულებოდა მაჰმადიანობამდეც. ასეთი გაგების საფუძველს გვაძლევს გიულდენშტედტისეული განმარტება. როგორც მრავალცოლიანობას, ისე ღორის ხორცის ჭამის წესს ის ხსნის მაჰმადიანურ წესრიგთან შედარების საფუძველზე. ის გარემოება, რომ ქისტები ქორწინდებოდნენ „მაჰმადიანების მსგავსად“, ხოლო მაჰმადიანთა წესისაგან განსხვავებით

³ Н. Г р а б о в с к и й, Экономический и домашний быт... ССКГ, III, стр. 21; Ш о с т о в, Ингуши, ССКГ, IX, стр. 49; Б. Д а л г а т, დასახ. ნაშრომი, გვ. 314—319. | !

⁴ გიულდენშტედტის მოგზაურობა საქართველოში, II, თბილისი, 1964, გვ. 71.

ლორის ხორცს კი ჰამდნენ, გვაფიქრებინებს შემდეგ: გიულდენ-შტედტი უნდა აღწერდეს ქორწინების ისეთ წესს, რომელსაც მსგავსება ჰქონდა მაჰმადიანურთან და ქისტები⁵ ამ წესს მისდევდნენ მაჰმადიანობის გავრცელებამდე, ანდა ქისტებში გიულდენ-შტედტის დროს მაჰმადიანობა უკვე ვრცელდებოდა, რომელსაც ზოგიერთ ჩვეულებაზე მოეხდინა გავლენა (ქორწინებაზე), ხოლო ზოგიერთი წესისევე ინარჩუნებდა ადრინდელ სახეს (ლორის ხორცის ჰამა).

ორი, სამი და ძალიან იშვიათად ოთხი ცოლის ყოლა აქ ძირითადად გამართლებული იყო უშვილობის მოტივით. ყოფილა ისეთი შემთხვევაც, როდესაც ცოლის დაავადმყოფების გამო კაცს მეორე ცოლიც მოყავდა. ხშირად ეს ხდებოდა თვით ავადმყოფი ცოლის ინიციატივით. ასეთ ურთიერთობას აადვილებდა იმის ღრმა რწმენა, თითქოს უშვილობის მიზეზი მხოლოდ ქალი იყო. ამიტომ უშვილობით დაჩაგრული კაცი განუსაზღვრელი უფლებებით სარგებლობა და ვაჟის შექმნის მიზნით ცოლად მოჰყავდა რამდენიმე ქალი.

არაიშვიათად ისეთ შემთხვევასაც ჰქონია ადგილი, როდესაც პირველთაგან ვაჟის შექმნის მიუხედავად ნახი მეორე და ზოგჯერ მესამე თუ მეოთხე ცოლსაც ირთავდა. ასეთი ვითარება აქ უკვე ისლამის გაბატონების პერიოდს ემთხვევა, მაგრამ მასობრივ ხასიათს არ ღებულობს. პირველ რიგში, ეს შეიძლება ითქვას ინგუშების შესახებ, რომლებიც ჩაჩნებთან შედარებით უფრო გვიან ეზიარნენ მაჰმადიანობას და პოლიგამიის მასშტაბითაც ჩამორჩებოდნენ ჩაჩნებს. საერთოდ კი ნახებში მრავალცოლიანობას ისეთი ფაქტო გავრცელება არ მიუღია, როგორსაც ჰქონია ადგილი მაჰმადიანური სარწმუნოების მიმდევარ მათ მეზობლებში (განსაკუთრებით დაღესტნის ხალხებში). ამის შესახებ მიგვიითობენ მთხრობლებიც და კავკასიაში ნამყოფი დამკვირვებლებიც. ხალხური წყაროებიდან და ლიტერატურიდან ისიც კარგად შეიმჩნევა, რომ მრავალცოლიანობას ძირითადად მისდევდნენ შეძლებული ფენის წარმომადგენლები, ვინაიდან ცოლის შერთვა დაკავშირებული იყო ყალიმის გადახდის წესთან, ხოლო ამის საშუალება ჰქონდა ეკონომიურად ძლიერ კაცს. ამის შესახებ სამართლიანად მიუთითა ნ. ხარუზინმა. მისი ცნობით, მდიდრები ირთავდნენ 3-4 ცოლს, ხოლო მკვლევარი ერთ-ერთ ისეთ მდიდარ ჩაჩანსაც (საადულა ბეკეევს) ასახელებს, რომელსაც ჰყოლია 17 ცოლი⁵.

თუ გავითვალისწინებთ იმ გარემოებას, რომ ყოველი ქორწინება დასაშვებად ითვლებოდა მხოლოდ ყალიმის გადახდის შემდეგ, ხოლო

⁵ Н. Харузин, Заметки..., СМЭ, III, стр. 125—126.

საამისოდ კაცს უსათუოდ ეკონომიური შესაძლებლობა უნდა ჰქონო-
და, დაერწმუნდებით ნ. ხარუზინის დაკვირვების სისწორეში, რომ
მრავალცოლიანობა ძირითადად დამახასიათებელი იყო მდიდართა
ყოფა-ცხოვრებისათვის. ნ. დუბროვინი კი ამტკიცებდა, თითქოს მრავალ-
ცოლიანობა არ იყო დამოკიდებული კაცის ეკონომიურ მდგომარე-
ობაზე, რამდენადაც არაიშვიათად ღარიბ კაცს რამდენიმე ცოლი ჰყავ-
დაო⁶.

ნ. დუბროვინის ცნობა იმის, შესახებ, რომ ღარიბთა შორისაც
ჰქონია ადგილი მრავალცოლიანობას, სარწმუნოდ მიგვაჩნია და აღნი-
შნული ვითარება ჩვენ მიერ შეკრებილი ეთნოგრაფიული მასალები-
თაც დასტურდება, მაგრამ მტკიცება იმისა, თითქოს პოლიგამია არ
იყო გაპირობებული ეკონომიური მდგომარეობით, ეს არ გვეჩვენება
დასაბუთებულად. სამაგიეროდ ექვს არ ბადებს ნ. ხარუზინის ზემო-
ხსენებული დებულება.

აღსანიშნავია ის გარემოებაც, რომ მრავალცოლიანობა ნაკლებად
იყო დამახასიათებელი საოჯახო თემისათვის. ერთ ჰერქვეშ მცხოვრე-
ბი დიდი ოჯახის წევრები მხოლოდ იმ შემთხვევაში თვლიდნენ დასა-
შეებად ამ ნაბიჯის გადადგმას, თუ მათი რძალი უშვილობით წუნდე-
ბული აღმოჩნდებოდა. თუ ეს არ იქნებოდა მიზეზი, საოჯახო თემის
წევრი ერთზე მეტი ცოლის შერთვის შესაძლებლობას მოკლებულა
იყო, ვინაიდან საერთო საოჯახო სახსრებიდან კაცს საყალიბო თანხა
მხოლოდ ერთხელ ეძლეოდა. მაგრამ თუ პიროვნება ვერ შეურიგდე-
ბოდა საოჯახო რეჟიმს და ამოცანად დაისახავდა რამდენიმე ქალზე
ქორწინებას, მას სხვა გზა არ რჩებოდა თუ არა ერთობის სახლიდან
გამოსვლა და დამოუკიდებელ ოჯახად დამკვიდრება. ამგვარი ტენდენ-
ცია ხელს უწყობდა დიდი ოჯახის მთლიანობის რღვევას, რაც ისლამის
გავრცელების შემდეგ საგრძნობლად შეიმჩნეოდა როგორც ინგუშე-
ბის, იპე და კიდევ უფრო მეტად ჩაჩნების ყოფაში. ამდენად, მრავალ-
ცოლიანობა გვესახება ერთ-ერთ ისეთ მოვლენად, რომელიც აჩქარებ-
და დაშლის საფეხურზე მყოფი საოჯახო თემის სეგმენტაციის
პროცესს.

მაჰმადიანური სარწმუნოების დანერგვის შედეგად მრავალცო-
ლიანობასთან ერთად ნახის ოჯახში ფეხს იკიდებს და თანდათანობით
ვითარდება დესპოტიზმის ელემენტებიც. როგორც ამ ნაშრომის მესა-
მე თავში ითქვა, აღნიშნული ვითარება შეესატყვისება საოჯახო თემის
გადმონაშთების საბოლოო კვდომისა და ინდივიდუალური ოჯახის
სრული გაბატონების ხანას. ხოლო ვინაიდან დესპოტური ხა-

⁶ Н. Дубровин, даსახ. ნაშრომი, გვ. 430.

სიათის ინდივიდუალურ ოჯახში დოვლათის ბატონ-პატრონსა და სრულად დამოუკიდებელ მმართველს ოჯახის უფროსი მაშაყაცი წარმოადგენდა. ამდენად ქორწინების საკითხსაც მხოლოდ საკუთარი შეხედულებებისამებრ წყვეტდა და არაიშვიათად რამდენიმე ქალის ქმარი ხდებოდა.

მრავალკოლიანობის შემთხვევაში ერთ ჰერქვეშ უხდებოდათ ყოფნა როგორც ღვიძლ ძმებს, ისე ერთი მამის, მაგრამ სხვადასხვა ჯედის შეილებსაც. ოჯახის გაყრის შემდეგ ღვიძლი ძმები ხშირ შემთხვევაში ერთად ცხოვრებას განაგრძობდნენ, რაც გაპირობებული იყო ერთი დედამამიშვილობით. სამაგიეროდ შედარებით ადრე ხდებოდა ღვიძლი ძმების გამოყოფა ნახევარი ძმებისაგან, რამდენადაც დედით სხვადასხვაობა ანელებდა მათ ურთიერთკავშირის და აჩქარებდა ცალკეულ ოჯახებად დასახლების პროცესს.

რამდენადაც მრავალკოლიანობა არსებითად მაჰმადიანობის პირმშოა, ხოლო მაჰმადიანობა ჩაჩნეთ-ინგუშეთში შედარებით გვიან გრცელდება. ამდენად ოჯახის დაყოფის აღწერილი წესიც გვიანდელი წარმონაქმნია. სამაგიეროდ, მაჰმადიანობის ან სხვა რაიმე იდეოლოგიური მიმდინარეობისაგან დამოუკიდებლად ადათი ნახს ქორწინებას უფლებას აძლევდა ცოლის სიკვდილის ან მასთან გაყრის შემდეგ.

ვინაიდან ორივე ქორწინების ბუნებრივი შედეგი შეილების ყოლა იყო, აღნიშნული გარემოებაც საყურადღებოა, როგორც ოჯახის სეგმენტაციის დამაჩქარებელი ფაქტორი. ასეთ ვითარებაშიც აშკარად იგრძნობოდა გაცილებით უფრო მტკიცე კავშირი დედით ძმებს შორის. ეს კარგად ჩანს თუნდაც მათივე ოჯახის მაგალითზე. როგორც სელმურზა ღენიყოს ძე მათიევა გვაცნობა, სოფ. ხარპში ცხოვრობდა მისი პაპა — ელი ორი ვაჟით (ღენიყო, ლუაზი). ელის გარდაცვალების შემდეგ მისი შვილები გადმოსახლდნენ „დლინაია დალინა“-ში. რამდენიმე ხნის შემდეგ ისინი გაიყარნენ. ღენიყოს ჰყავდა ოთხი ვაჟი (სუსი, ბიბოთ, სელმურზა, ხუსენ) და ხუთი ქალი (ქაბერ, დაგა, სარხა, ხაჯისათ, სააბი). პირველი ცოლის — ხაჯიგათის გარდაცვალების შემდეგ ღენიყომ მეორედ იქორწინა და შეეძინა კიდევ ოთხი ვაჟი (ბუნუტო, საადულ, მურცალ, გეებეკ) და ერთი ქალი (სუბიქი).

ღების გათხოვებისა და ძმების დაქორწინების შემდეგ ღენიყოს ოჯახი გაიყარა. თავდაპირველად რვა ძმა გაიყო ორ ოჯახად: ერთ ოჯახში მოხვდნენ ერთი დედის, ხოლო მეორეში მეორე დედის შვილები. ბოლოს თითოეული ეს ოჯახიც დანაწილდა ძმათა რაოდენობის შესაბამისად და წარმოიქმნა რვა ინდივიდუალური ოჯახი.

კაცის დაქვრივებასა და მის მეორედ ქორწინებასთან დაკავშირებით საყურადღებო ვითარება იქმნებოდა ეკონომიური ურთიერთობის

სფეროშიც. ამ მხრივ საინტერესოა 1843 წლის ერთ-ერთი წყარო, რომელიც შესულია ფ. ლეონტოვიჩის მიერ 1883 წელს გამოცემული ადათების კრებულში. ამ საბუთში აღნიშნულია, რომ ცოლის გარდაცვალების შემდეგ ერთ-ერთ ჩაჩანს დარჩენია ექვსი სრულწლოვანი ვაჟი. როდესაც მათ შეუტყვიათ, რომ მამა ცოლის შერთვას აპირებდა, მამისთვის უთქვამთ: შენს დაქორწინებამდე ქონება გაეყოთ, ვინაიდან ამ დოვლათის შექმნაში ჩვენც წვლილი გვაქვს შეტანილი და უსამართლობა იქნება, რომ შენი სიკვდილის შემდეგ მეორე ცოლთან ნაყოლმა შეილებმა ჩვენი თანაბარი წილი მიიღონო. მამა იძულებული გამხდარა დათანხმებულიყო. ქონება შეიდ ნაწილად გაუყვიათ, აქედან ერთი წილი მამას შეხვედრია და ცოლიც შეურთავს, რომელთანაც შესძენია შვიდი ვაჟი. მამის სიკვდილის შემდეგ ექვს ძმას თავიანთი ნახევარძმებისთვის წაუყენებიათ წინადადება, რათა მამისეული ქონება, რომელსაც შვიდი ძმა ფლობდა, გაეყოთ ცამეტზე ძმაზე 13 თანაბარ ნაწილად. შექმნილა დაეა, მაგრამ მოხუცების მხარდაჭერით ეს წინადადება ძალაში შესულა⁷.

სხვა მაგალითებს რომ აღარ გამოვეყილოთ, მოტანილი ფაქტობრივი მასალიდანაც ჩანს ის გარემოება, რომ ორჯერ ქორწინების შედეგად შექმნილი ოჯახის გაყრისა და ახალი ოჯახების ფორმირებაში მთავარ როლს ასრულებდა კავშირი დედის ხაზით. ორივე შემთხვევაში მოტანილი მაგალითიდან აშკარაა, რომ ერთი დედის შვილები უპირისპირდებოდნენ თავიანთ ნახევარძმებს და მათთან ანგარიშის გასწორებამდე ერთობასაც ინარჩუნებდნენ. მათი ცალ-ცალკე გასვლა ხდებოდა მხოლოდ ნახევარძმებთან დაპირისპირებაში გაჩენილი საერთო ინტერესების ბოლომდე დაცვა-შემტკიცების შემდეგ. ეს გარემოება იმის მანიშნებელია, რომ ოჯახის მთლიანობის შენარჩუნებისათვის გადამწყვეტი მნიშვნელობა ენიჭებოდა სისხლით ნათესაობას. აღნიშნული ვითარება ერთხელ კიდევ მიგვივლითებს იმაზე, რომ საოჯახო თემი, გადმონაშთური ფორმით მისი არსებობის პერიოდშიც, წარმოადგენდა უახლოეს ნათესავეთა გაერთიანებას და არა მეურნეობრივ ასოციაციას.

შემოთ დამოწმებული ფაქტები საინტერესოა იმ მხრივაც, რომ მათი მეშვეობით ვეცნობით გვიანდელ ვითარებას. ამ თვალსაზრისით ზირველ ყოვლისა საყურადღებოა ფ. ლეონტოვიჩის მიერ გამოქვეყნებული მასალა ჩაჩნების ცხოვრებიდან. როგორც აქედან დავინახეთ, ქონების გაყოფა მოხდა მამის სიცოცხლეში და შვილებთან ერთად წილი აიღო მამამაც. ყურადღებას იქცევს ის გარემოებაც, რომ შვილები

⁷ Ф. Леонтович, II, стр. 96.

ნას ქონების გაყოფის საკიროებას უსაბუთებდნენ იმ მოტივით, რომ მის შექმნაში მამასთან ერთად თითონაც მონაწილეობდნენ და, რომ ამის გამო ეს დოვლათი მხოლოდ მათ უნდა მიეღოთ და არა იმათაც, რომელთა დაბადება მოსალოდნელი იყო მამის მეორედ დაქორწინების შემდეგ. ბოლოს ისიც აღსანიშნავია, რომ ქონების პირვანდელი გაყოფისა და ექვსი ძმის მიერ წილების მიღების მიუხედავად ამ ქმებმა შემდგომში ხელახლა დასვეს ქონების 13 ნაწილად გაყოფის საკითხი.

როგორც ზემოთ ითქვა, საოჯახო თემის დაყოფა ინდივიდუალურ ოჯახებად მიზანშეწონილად ითვლებოდა უფროსების (მშობლების) გარდაცვალების შემდეგ, ხოლო მოწილეებად გვევლინებოდნენ მეორე თაობის წარმომადგენლები, ანუ მომავალი ახალი ოჯახების მეთაურები. ვიციით ისიც, რომ ყველა მოწილეზე, მიუხედავად მათი დამსახურებისა, ქონება თანაბრად ნაწილდებოდა. 13 ძმისა და მათი მამის ურთიერთობის ამსახველი საბუთიდან კი ამგვარი ვითარება აღარ დასტურდება. მათ თითქმის ხელაღებით უგულებელყვეს დიდი ოჯახის გაყრისათვის დამახასიათებელი წესრიგი. ძველი საოჯახო ტრადიციებიდან უფროსმა ნახევარძმებმა გამოიყენეს მხოლოდ მოწილეების მიხედვით ქონების გაყოფის აღრინდელი წესი, როდესაც თავიანთი უმცროსი ნახევარძმები აიძულეს ქონება გაეყოთ 13 ნაწილად. როგორც ჩანს, ზედმეტი ქონების მიღებით დაინტერესებული ძმები ამჯერა მოთხოვნას ასაბუთებდნენ იმ მოტივით, რომ მამისეული ქონება ყველას ერთნაირად ეკუთვნოდა, რამდენადაც მამა იყო პირველი თაობის წარმომადგენელი, ხოლო შვილები ეკუთვნოდნენ მეორე თაობას. ე. ი. იმ წრეს, რომლის წევრებიც დიდი ოჯახის გაყრის მომენტში წილის მიღების უფლებით სარგებლობდნენ. ყოველივე ამის გათვალისწინების საფუძველზე დაბეჭივებით შეიძლება ითქვას, რომ განხილული დოკუმენტი ეხება დიდი ოჯახის დაშლის შემდეგდროინდელ ვითარებას, როდესაც ძველ ტრადიციას იყენებდნენ მხოლოდ საკუთარი ეკონომიური ინტერესების დაცვის მიზნით.

* * *

ნახთა ძველ ყოფაში, რომ რამდენიმე თაობის გაუყრელად ცხოვრების წესი იყო დამკვიდრებული და ოჯახის მეთაური მამის სიცოცხლეში გაყრა ადათით მიზანშეუწონლად ითვლებოდა, ეს კარგად ჩანს ზემოთ განხილული მასალიდან. ხალხური გადმოცემებისა და ცალკეული ოჯახების გენეალოგიებიდან ისიც აშკარაა, რომ მამის გარდაცვალებამდე გაუყრელად ცხოვრების ტრადიცია გასული საუკუნის მეორე ნახევარშიც ცოცხლობდა. მაგალითისათვის შეიძლება გავიხსენ-

ნოთ ნაშრომის პირველ თავში აღწერილი ილიეების ოჯახი, რომლის დაყოფა მოხდა მისი მეთაურის — იალტის გარდაცვალების შემდეგ, ნაზრანში ჩაწერილი მასალის მიხედვითაც ჩვენთვის ცნობილი გახდა, რომ ოზლოეების საოჯახო თემი მთიდან ბარში ჩამოსახლდა ამ ოჯახის მეთაურის მუსას გარდაცვალების შემდეგ და ისინი კარგახანს კვლავ გაუყრელად ცხოვრობდნენ მუსას უფროსი შვილის სელმურხას ხელმძღვანელობით.

ანალოგიური ფაქტების მოშველიება კიდევ შეგვეძლო იმის დასამტკიცებლად, რომ მამის გარდაცვალებამდე ოჯახის გაუყრელად ცხოვრების წესი XIX საუკუნემაც შემოგვინახა, მაგრამ ხსენებულ ეპოქაში რომ ძველი ტრადიცია საფუძვლიანადაა შერყეული. ეს გარემოება აშკარად თვალშისაცემია, რამდენადაც XIX—XX საუკუნეების რეალური ვითარების ამსახველი ეთნოგრაფიული მასალების მიხედვით მამის სიცოცხლეშივე ოჯახის გაყრის შემთხვევები ძალზე გასშორებულია. ბ. დალგატი პირდაპირ მიუთითებდა, რომ შვილების გაყრა არ არისო აუცილებელი, მაგრამ მამასთან უთანხმოების შემთხვევაში შესაძლებელი ყოფილა მათი ცალკე გამოყოფა როგორც დაქორწინების შემდეგ, ისე ქორწინებამდე⁸. ბ. დალგატს ისიც კარგად შეუნიშნავს, რომ ერთობის შენარჩუნებით დაინტერესებული და გაყრის მსურველ შვილებზე გულმოსული მამა პროტესტის ნიშნად იმდენსავე ქონებას იღებდა, რამდენსაც თითოეული მისი შვილი⁹ ოჯახში წარმოქმნილ უთანხმოებასთან ერთად ბ. დალგატს გაყრის მიზეზად მიაჩნდა სივიწროვეც, როდესაც ეხებოდა გვარიდან ოჯახის გამოყოფის პროცესს¹⁰.

როგორც ვხედავთ, - მამის სიცოცხლეში შვილების ცალკე გამოყოფა XIX საუკუნის მეორე ნახევარში აქ ჩვეულებრივ მოვლენას წარმოადგენდა. მამის საპროტესტო მოქმედებას აღარ შეეძლო ამ ღრმად წასული სოციალური პროცესის შეჩერება. ეს გამოწვეული იყო ძველი საზოგადოებრივი ურთიერთობის სფეროში მომხდარი ცვლილებებით, თორემ ტრადიციული საოჯახო ნორმები რომ არ ყოფილიყო ძალდაკარგული, მამასთან შვილების უთანხმოებაც უნიადაგო იქნებოდა და ამდენად ის არ გამოგვადგებოდა საკმარის საბუთად არსებული ვითარების დასახასიათებლად.

რაც შეეხება სივიწროვეს, როგორც ოჯახის დანაწილების საფუძველს, აქ იგულისხმება რამდენიმე თაობის ერთად ცხოვრების სიმწი-

⁸ Б. Д а л г а т, დასახ. ნაშრომი, გვ. 350.

⁹ იქვე, გვ. 350.

¹⁰ იქვე, გვ. 313.

ფის პერიოდი, როდესაც ოჯახის დანაწილება უკვე დღის წესრიგში იდგა მაგრამ აქ ერთხელ კიდევ უნდა შევნიშნოთ, რომ ბ. დალგატი ძალზე დაუდევრად ეპყრობა სოციალურ ტერმინებს, როდესაც ეხება გვარიდან ოჯახის გამოყოფის პროცესს. როგორც ზემოთ გვქონდა აღნიშნული, მკვლევარი ამ შემთხვევაში ტერმინ გვარს ხმარობს საოჯახო თემის მნიშვნელობით. ამის დამამტკიცებელია ის გარემოებაც, რომ ბ. დალგატი აქვე ლაპარაკობს ადრინდელ ვითარებაში გვარის გაუყურელად ცხოვრების წესზე¹¹.

თუ იმას გავითვალისწინებთ, რომ სინამდვილეში ადგილი ჰქონდა საოჯახო თემის სეგმენტაციის საფუძველზე პატარა ოჯახების გამოყოფის პროცესს და დალგატისეულ გვარში დავინახავთ საოჯახო თემს, დავრწმუნდებით მასი ამ ცნობის უდავოდ დიდ ღირებულებაში. ბ. დალგატის ცნობა ერთ კოშკში მცხოვრები გვარიდან პატარა ოჯახების გამოყოფის შესახებ მანიშნებელია იმისა, რომ აქ მიმდინარეობდა საოჯახო თემის ინდივიდუალურ ოჯახებად დაყოფის პროცესი.

ვინაიდან გასულ საუკუნეში საოჯახო თემი სულს ლაფავდა და ამის ერთ-ერთ ნიშანს ისიც წარმოადგენდა, რომ მამის გარდაცვალებამდე ოჯახის გაყრის წესი ნახების ყოფაში ღრმად იდგამდა ფესვებს, ამასთან დაკავშირებით ყალიბდებოდა ქონებაზე მემკვიდრეობის შესაბამისი ნორმებიც.

როგორც ფ. ლეონტოვიჩის მიერ გამოქვეყნებული ერთ-ერთი ხალხური წყაროდან დავინახებთ, თანასწორუფლებიან მოწილეებად ითვლებოდნენ მამა და მისი ვაჟიშვილები. იგივე ვითარება შეიმჩნევა ან გამოცემის სხვა ნაწილებშიც. მხედველობაში გვაქვს კაპიტან ნორდენსტრენვის მიერ შედგენილი კრებული („Сведения об адат или суд по обычаям кавказских горцев Владикавказского округа [осетинских обществ тагаурского, куртатинского и аллагирского], 1844 года“)¹². ვლადიკავკაზის ოკრუგში ნორდენსტრენგმა ეს ძვირფასი მასალა შეაგროვა აქ მცხოვრებ ოსთა და ნახთა შორის. ფ. ლეონტოვიჩი ხშირ შემთხვევაში სრულ ანალოგიას ხედავს ამ ორი ხალხის საოჯახო ურთიერთობის სფეროში. ამიტომ განმეორებების თავიდან აცილების მიზნით ის არაიშვიათად უთითებს ოსთა ადათებზე, როგორც ჩანურის იდენტურზე. ამ თვალსაზრისით ნახების საოჯახო ურთიერთობის ადათობრივი ნორმების გასაცნობად ჩვენც მივმართავთ დასახელებული წყაროს, რომლის § 99-ზე დაყრდნობით ერთხელ კიდევ შეგვიძლია აღვნიშნოთ, რომ XIX საუკუნის პირველ ნახევარში ოჯახიდან

¹¹ Б. Далгат, *დასახ. ნაშრ.:ში*, გვ. 313.

¹² Ф. Леонтович, II, стр. 24—27.

წილის მიღების უფლებით სარგებლობდნენ მამა და მისი ვაჟები. გამო-
მდინარე აქედან, მამას არ შეეძლო სახლიდან შვილის უწილოდ
გაგდება¹³.

იმავე წყაროს მეშვეობით ნათლად წარმოგვიდგება ის ურთიერ-
ობა, რომელიც იქმნებოდა მამის გარდაცვალების შემდეგ. ასეთ შე-
მთხვევაში როგორც სამემკვიდრეო, ისე ერთობლივი შრომით ნაამა-
გარი დოვლათი იყოფოდა მის ვაჟებს შორის.

თუ მამას მხოლოდ ერთი სახლი ჰქონდა, ის მეშვეობით გა-
დაეცემოდა უფროს ვაჟს. დანარჩენი შვილები გაყრის შემდეგ დამო-
უკიდებლად იშენებდნენ სახლებს წილით ნარგებ ნაკვეთებზე. სახლის
გაყოფის შესაძლებლობის შემთხვევაშიც საუკეთესო ნაწილს უფროს-
დნენ უფროს ძმას, ხოლო დანარჩენი ნაწილიდან სხვებზე უკეთესს
აძლევდნენ სულ უმცროსს, რომელთანაც საცხოვრებლად რჩებოდ-
ნენ დედა და გაუთხოვარი დები. სხვა ქონებიდანაც უფროსსა და უმც-
როს ძმას ზედმეტს გამოუყოფდნენ, ხოლო დანარჩენ უცაჯ-მოცრაჲ
ქონებას ძმები თანაბრად ინაწილებდნენ¹⁴.

ძირითადად ამგვარი ვითარება გვესახება ნორდენსტრენგის აღ-
წერილობის მიხედვით. როგორც ჩანს ის საგანგებოდ იყო ღაინტერე-
სებული უმთავრესად ადათობრივი ნორმების შესწავლით და ყურად-
ღება არ მიუქცევია შარიათის გავლენით ყოფაში მომხდარი ცვლილ-
ებებისათვის. სამაგიეროდ ამ მხრივ საინტერესოა გენერალ-მაიორ
ვრეიტანგის ხელმძღვანელობით გოლენიშჩევ-კუტუხოვისა და ლობა-
ნაუ-როსტოვსკის მიერ შედგენილი კრებული („Описание гражданского
быта чеченцев, с объяснением адатного их права и нового управ-
ления, введенного Шамилем, 1843 г.“), რომელშიც აღნიშნულია,
რომ ადათითაც და შარიათის მიხედვითაც ვაჟები ქონებას თანაბრად
ინაწილებდნენ¹⁵. რაც შეეხება იმ ცვლილებებს, რაც შარიათის გავ-
რცელებამ გამოიწვია, ქვემოთ უკეთესად გამოჩნდება, როდესაც შევე-
ხებით ქალის უფლებრივ მდგომარეობას.

XIX საუკუნის პირველ ნახევარში არსებული ვითარება არ შე-
ცვლილა არც XIX საუკუნის მეორე ნახევარში. ნ. დუბროვინის ცნო-
ბით, მამა და შვილები ქონებას თანაბრად იყოფდნენ, განურჩევლად მათი
დამსახურებისა საერთო დოვლათის შექმნაში¹⁶. არც ნ. ხარუზინს
დარჩენია შეუმჩნეველი ის გარემოება, რომ მამის გარდაცვალებამდე

¹³ Ф. Леонтович, II, стр. 26.

¹⁴ ი ქ ე ე, გვ. 24—25.

¹⁵ ი ქ ე ე, გვ. 99.

¹⁶ Д у б р о в и н, დასახ. ნაშრომი, გვ. 462.

ოჯახის გაყრის შემთხვევაში შეილება ღებულობდნენ თანაბარ წილს და თავ-თავისთვის იშენებდნენ სახლებს. მამასთან რჩებოდნენ ცოლი და ქალები. თუ ამ კაცს ერთზე მეტი ცოლი ჰყავდა, ერთ-ერთი მათგანი საცხოვრებლად მიდიოდა შეილთან. თუ ოჯახის გაყრა მოხდებოდა მამის გარდაცვალების შემდეგ, მისი ქვრივი და ქალები საცხოვრებლად რჩებოდნენ ერთ-ერთ მოწილესთან, ჩვეულებისამებრ უმცროს შეილთან. რაც შეეხება მამისეულ სახლს, მას აუთენებდნენ უფროს შვილს, მაგრამ თუ მას ქონების გაყოფამდე ჰქონდა თავისა ქონი, მამის სახლი რჩებოდა უმცროს შვილს. ზოგჯერ სახლის ღირებულებას უმცროსს წილში უნაგარიშებდნენ, მაგრამ წესით ეს მას ეთმობოდა საჩუქრად. ხშირად ხდებოდა ისედაც, რომ მოწილეს, რომელთანაც რჩებოდნენ დედა და დები, ძმების თანხმობით სხვა მოწილებზე მეტ ქონებას აძლევდნენ. დედას და ქალებს წილი არ ეძლეოდათ; სამაგიეროდ დედას უფლება ჰქონდა ამოერჩია ძროხა და მიეყვანა იმ შეილთან, ვისთანაც ცხოვრება გადაეწყვიტა. გაყრის შემდეგაც ძმებს ევალეობოდათ ღებზე შზრუნველობა. ქალი თუ გათხოვებამდე ან გათხოვების ეამს გარდაიცვლებოდა, მისი დასაფლავება ხდებოდა ძმების საერთო ხარჯით. დედის გარდაცვალების შემთხვევაშიც ხარჯს ეწეოდა ყველა შვილი და არა მარტო ის, რომელთანაც დედა სიკვდილამდე იმყოფებოდა¹⁷.

ამგვარად, XIX საუკუნის პირველი და მეორე ნახევრის რუსული ეთნოგრაფიული ლიტერატურის მიხედვით, ოჯახის გაყრა მამის გარდაცვალებამდე ჩაჩნეთ-ინგუშეთში ჩვეულებრივ მოვლენას წარმოადგენდა, ხოლო ქონება (წილი) მამას იმდენივე ეძლეოდა, რამდენიც თითოეულ ცალკე ოჯახად გამოყოფილ შვილს. ქონების განაწილებს აქ აღწერილი წესი არსებითად განსხვავდება იმისაგან, რაც დამახასიათებელი იყო ტრადიციული საოჯახო ურთიერთობის ნორმებისათვის. როგორც ზემოთ აღვნიშნეთ, მამის გარდაცვალებამდე ოჯახის დაყოფა მიუღებელი იყო, მაგრამ თუ ამ ჩვეულების დარღვევა მოხდებოდა, ასეთ შემთხვევაში შუაქაცები პირველ რიგში აწესრიგებდნენ შშობლების საკითხს. თანახმად მთხრობლების გადმოცემისა, შშობლები საცხოვრებლად რჩებოდნენ ყველაზე უმცროს შეილთან, რის გამო სახლის საუკეთესო ნაწილს უმცროს შვილს უთმობდნენ. ისეთ შემთხვევაშიც კი, როდესაც, ფართობის სიმცირის გამო, სახლის გაყოფა ვერ ხერხდებოდა, ის მთლიანად უმცროსს ეძლეოდა, ხოლო დანარჩენი ძმები სამაგიეროდ ღებულობდნენ მეტ საქონელსა და მამულს. მაშასადამე, უმცროსისათვის ზედმეტი ქონების მიკუთვნება გაპირობებული იყო

¹⁷ Н. Х а р у з и н, Заметки..., СМЭ, III, стр. 125.

იმ გარემოებით, რომ მშობლები საცხოვრებლად მასთან რჩებოდნენ. იმ შემთხვევაში კი, როდესაც ოჯახის გაყრა ხდებოდა ტრადიციული წესით, ე. ი. მშობლების გარდაცვალების შემდეგ, საუმცროსოს გამოყოფა არ ხდებოდა. დიდი ოჯახის გაყრის მომენტში კუთვნილ წილზე მეტს აძლევდნენ მხოლოდ უფროს მოწილეს, როგორც განაყართა შემდგომი ერთობის გამომხატველი ტრადიციების მოთავესა და კულტის მსახურს (ამის შესახებ იხ. ზემოთ). ამგვარი მოტივებით საუფროსოა და საუმცროსოს მიკუთვნება სავსებით გამორიცხავდა მათორატის ან მინორატის რაიმე სახით არსებობის შესაძლებლობას. თუ საუფროსოს ზიციემის წესი ნახებში ტრადიციული იყო, ის გამოხატავდა უფროსის, როგორც პატივსაცემი პირის პრიორიტეტს და ამ ჩვეულებაში არ ვლინდებოდა ქონებაზე უფროსის მემკვიდრეობითი უფლება, მით უფრო შეუძლებელია მინორატის ნიშნები დაინახოთ საუმცროსოს გამოყოფის წესში. ეს უკანასკნელი ჩვეულება თავისი წარმოშობით ახალია და მიეკუთვნება ისეთ ვითარებას, როდესაც ცხოვრებაში გზას იკაფვდა მშობლების გარდაცვალებამდე ოჯახის გაყრის წესი.

მამის სიცოცხლეში ოჯახის გაყრის წესთან ერთად ასევე ახალ მოვლენად გვესახება მამისთვის წილის მიცემის წესი, რაც გაჩენილი უნდა იყოს შარიათის გავრცელებისა და ადათობრივ ნორმებთან მისი შერწყმით გამოწვეული ცვლილებების შედეგად. ამ ვითარებისთვის რომ მეტი ყურადღება მიექციათ კავკასიელთა ყოფის შესწავლით დაინტერესებულ დამკვირვებლებს, ლიტერატურაში ნაკლები ადგილი დაეთმობოდა სრულ გაუგებრობაზე დამყარებულ რიგ კუროზულ განმარტებას. ამ შემთხვევაში ჩვენი ყურადღება მიიპყრო მსჯელობამ მამასთან შვილების ურთიერთობის შესახებ. ფ. ლეონტოვიჩის მიერ გამოცემულ „ადათებში“, საიდანაც შესაბამისი ადგილი სიტყვასიტყვით გადაიწერა ნ. გრაბოვსკიმაც, მითითებულია, თითქოს 1863 წლამდე, ვიდრე ინგუშთა მოძველებული ჩვეულებები შეიცვლებოდა, შვილებს სრული უფლება ჰქონდათ მამასთვის მოეთხოვათ ქონების გაყოფა, ხოლო მამა სახლიდანაც კი გაეგდოთ და მისთვის მიეცათ მხოლოდ ერთი ხარი, დედისთვის კი ძროხა. იქვე განმარტებულია, რომ დღეს ამ ბარბაროსულ სამართალს ძალა დაეკარგა, რამდენადაც შვილების გაყრა მამის სიცოცხლეში დამოკიდებულია ამ უკანასკნელის სურვილზე¹⁸.

დამოწმებული წყაროდან ისე გამოდის, რომ ტრადიციული საოჯახო ნორმების მიხედვით ადგილი ჰქონია შვილების თვითნებობას

¹⁸ Ф. Л е о н т о в и ч, II, стр. 178; Н. Г р а б о в с к и й, Ингуши, ССКГ, IX, стр. 103—104.

და მამის სრულ უფლებობას. მხოლოდ რუსეთის ხელისუფლებას უწყალობებია მამისათვის ადამიანური უფლებები და ძალა დაჰკარგვია მანამდე არსებულ „ბარბაროსულ“ სამართალს.

როგორც ვხედავთ, ამგვარ მსჯელობას არავითარი კავშირი არა აქვს ეთნოგრაფიული მოვლენების მეცნიერულ გაგებასთან.

* * *

ადათის მიხედვით არა მარტო მამის სიცოცხლეში არ შეიძლება ბოდა ოჯახის გაყრა, არამედ ასევე მიუღებელი იყო ცალ-ცალკე გასვლა ყველა მოწილის დაქორწინებამდე. ეს ჩვეულებაც დიდხანს შემოინახა მთაინგუშეთის საოჯახო ყოფამ. ერთ-ერთ მაგალითად შეიძლება დავასახელოთ ხუთი მოწილე ძმისაგან (ანდარყო, ელმურზა, ხასან, მაგამედ, ომარ) შედგენილი კაციეების ოჯახი, რომელიც ბარად ჩამოსახლებამდე სოფ. ხარპში ცხოვრობდა. მამის ადრე გარდაცვალების შემდეგაც ძმები ერთად ცხოვრებას განაგრძობდნენ უფროსი ძმის ანდარყოს მეთაურობით. მათი ცალ-ცალკე დაბინავება მოხდა მხოლოდ დაქორწინების შემდეგ, მაგრამ ამ ოჯახის მაგალითზე ყურადღებას იქცევს ერთი გარემოება — რამდენი ძმაც დაქორწინდა, იმდენი ცალკე ოჯახად გამოვიდა. ასეთ წესს ინგუშები თელიან გვიანდელ მოვლენად, რამდენადაც გაყრა მხოლოდ ყველა ძმის დაქორწინების შემდეგ ითვლებოდა მიზანშეწონილად. დაქორწინებული ძმების სხვადასხვა დროს თანდათანობით ცალკე გამოყოფის პროცესი უცხო იყო ინგუშთა ძველი საოჯახო ყოფისათვის.

უსათუოდ ასევე გვიანდელი მოვლენის ამსახველი უნდა იყოს ბ. დალგატის ცნობა იმის შესახებ, რომ შვილის გამოყოფა საერთო ოჯახიდან მის სურვილზეა დამოკიდებული, ხოლო თუ მამამ წილი არ აიღო, შვილები მას მორიგეობით კვებავენო¹⁹.

ვინაიდან მამის სიცოცხლეში ოჯახის გაყრა ძველად არ შეიძლებოდა და მით უმეტეს შვილების თვითნებურ კაპრიზზე არ იყო დამოკიდებული ოჯახის გაყრის საკითხი, ბ. დალგატის მიერ დამოწმებული ვითარება შეესატყვისება ეპოქას, როდესაც გადმონაშთური ფორმით შემონახული საოჯახო თემის დაშლის პროცესის შეჩერების თითქმის ყველა ფაქტორი გაქრობის სტადიაში იმყოფებოდა.

ზემოთქმულის დამადასტურებელია მთხრობელთა მეხსიერებაში შემონახული ერთი ასეთი ფაქტი: მთიდან „დღინაია დაღინაში“ ჩამოსახლებული ციციეების ოჯახში უკვე მესამე თაობა იზრდებოდა და უფროსები — ჰონკი და იოჲ ჯერ კიდევ ცოცხლები იყვნენ, როდეს-

¹⁹ Б. Д а л г а т, დასახ. ნაშრომი, გვ. 351.

საც ოჯახი ხუთი ძმის მიხედვით ხუთად გაიყო (1907 წ.), ზოლო ქონება ექვს თანაბარ ნაწილად გაყვეს, ვინაიდან წილი მშობლებსაც არგუნეს.

თავიანთი დოვლათით მშობლები დაბინადრდნენ სულ უმცროს და უცოლო შვილთან — ჯინასთან. ასე მოაწყვეს საქმე შუაჯაცებმა, მაგრამ როგორც კი ციკქიეების თარგიმელმა და ებნელმა სახლიკაცებმა ეს ამბავი შეიტყვეს, ჰონკი საყვედურით ააესეს და გაყრილი ოჯახი ისევ შეაყრევინეს, ვინაიდან სულ უმცროსი ვაჟი უცოლო იყო. გვარის უხუცესმა კაცებმა ოჯახს გაყრის ნება დართეს მხოლოდ უმცროსი ვაჟის დაქორწინების შემდეგ.

თავისი მნიშვნელობით ფრიად საყურადღებო ამ გვიანდელ ფაქტში ასახულია ძველი თაობის ბრძოლა ოჯახის ერთობის შენარჩუნებისათვის, მაგრამ ეს ბრძოლა ველარ აჩერებს ტრადიციული საოჯახო წესების რღვევის პროცესს და თანდათანობით ყალიბდება ურთიერთობის ახალი ნორმები. მამის სიცოცხლეში შვილების გაყრის წესთან ერთად ცხოვრების პრაქტიკაში მკვიდრდება მეორე ჩვეულებაც — ოჯახი ხშირად ისე იყრება, რომ ყველა მოწილე დაქორწინებული არ არის.

გვიანდელი ეპოქისათვის დამახასიათებელ მოვლენათა რიგს ეკუთვნის ის წესიც, რომლის მიხედვით ოჯახის გაყრის მომენტში ქონების წილს იღებდა ყველა, ვისაც კი წვლილი ჰქონდა შეტანილი საერთო საოჯახო დოვლათის მოპოვებაში.

თუ ალათის მიხედვით მოწილეებად ითვლებოდნენ მეორე თაობის მამაკაცები და ანგარიში არ ეწეოდა მომდევნო თაობის წარმომადგენელთა წლოვანებასა და შრომით წვლილს, ბოლო დროისათვის ეს წესი დაირღვა და ქონების განაწილებას საფუძვლად დაედო ოჯახის წევრების შრომითი დამსახურება. ასეთ შემთხვევაში ხშირად ისე ხდებოდა, რომ ერთ ოჯახად გამოსული მოწილე (ძველი გაგებით) და მისი ამაგდარი შვილი ორ წილს იღებდნენ, რაც იწვევდა ოჯახებისა და წილების რიცხობრივ შეუსაბამობას. თუ ალათის მიხედვით წილებისა და მოწილეების რიცხვი ერთმეორეს ფარავდა, ახალ ვითარებაში ასეთი შეფარდება შეიცვალა გამოყოფილი ოჯახებისა და წილის მიმღებთა რიცხობრივი სხვადასხვაობით.

* * *

ზემოთ წარმოდგენილი მიმოხილვა გვიჩვენებს, რომ ალათის მიხედვით ოჯახის გაყრის დროს ქონება ნაწილდებოდა არა სულების რაოდენობაზე, არამედ მხოლოდ მოწილე მამაკაცების რიცხვზე.

რამდენადაც ოჯახის შემადგენლობაში ირიცხებოდნენ გასათხოვარი ქალები და ზოგიერთ შემთხვევაში ქვრივიც, ამიტომ საქიროდ

მიგვაჩნია გავეცნოთ ოჯახის გაყრის მომენტში ქონებაზე მათ მემკვიდრეობითს უფლებასაც. რაკი აქ გაყრის საკითხს ვარკვევთ, სოლო გაყრა გულისხმობდა არა მარტო საოჯახო თემის დანაწილებას, არამედ გარკვეული მიზეზების გამო ცოლ-ქმრის განშორებასაც, ქვემოთ ამ საკითხის განხილვაც მიზანშეწონილად მიგვაჩნია.

როგორც ლიტერატურული მონაცემების. ისე ჩვენ მიერ შეკრებილი მასალების მიხედვით დასტურდება, რომ გასათხოვარი ქალი მოკლებული იყო უძრავ-მოძრავ ქონებაზე მემკვიდრეობის უფლებას. ამიტომ ოჯახის გაყრის მომენტში მისთვის წილის გამოყოფის საკითხი არც დგებოდა. მამას რომ ვაყი არ ჰყოლოდა, ასეთ შემთხვევაშიც კი ადათი მისი ქონების ფლობის უფლებას ანიჭებდა არა ქალიშვილებს, არამედ გარდაცვლილის ახლო ნათესავ ვაყებს. ასეთ ვითარებას გვაცნობს ფ. ლეონტოვიჩის მიერ გამოცემული ადათების კრებული²⁰. ანალოგიურ მდგომარეობაზე მიუთითებენ XIX საუკუნის მეორე ნახევარში ჩაჩნეთ-ინგუშეთში ნამყოფი სხვა დამკვირვებლებიც²¹. მშობლების ქონებით სარგებლობის უფლება ქალებს ჰქონიათ მხოლოდ მამრობითი სქესის ახლო ნათესავების უყოლობის შემთხვევაში²².

მდგომარეობა საგრძნობლად შეიცვალა ნახთა ყოფაში შარიათის გავრცელების შედეგად. მოქმედ ადათებთან ერთად შარიათის ნორმების დანერგვის გამო გასული საუკუნის მკვლევართ ძალზე უქირდათ გამოკვეთილად ეჩვენებინათ ცხოვრების ამა თუ იმ სფეროში რა იყო ადათობრივი, რა იყო შარიათის გავლენით შემოსული, ანდა რა სახეს ღებულობდა ესა თუ ის ჩვეულება ადათისა და შარიათის შერწყმის საფუძველზე. აღნიშნული ვითარება პირველ ყოვლისა თავს იჩენდა საოჯახო ურთიერთობის სფეროში. ამის შესახებ სავსებით სამართლიანადაა მითითებული 1843 წელს ჩაჩნების შესახებ შედგენილ კრებულში²³, სადაც ვკითხულობთ, რომ ქონებაზე მემკვიდრეობის კანონი წარმოგვიდგება ადათისა და შარიათის ელემენტების მოქმედების სახით. ერთ შემთხვევაში თუ ადათიც და შარიათიც საკითხს ერთნაირად წყვეტდა, მეორე შემთხვევაში განსხვავებულ შედეგებს ვღებულობდით. თუ, მაგალითად, ადათითაც და შარიათის მიხედვითაც ვაყებს ქონება თანაბრად უნაწილდებოდათ, სხვაგვარად წყდებოდა ქალების საკითხი. როგორც ზემოთ აღვნიშნეთ, ქონებაზე ქალთა მემკვიდ-

²⁰ Ф. Леонтович, II, стр. 24, 96—97, 177—178.

²¹ Н. Дубровин, დასახ. ნაშრომი, გვ. 462; Н. Харузин, Заметки..., СМЭ, III, стр. 130.

²² Б. Дягач, დასახ. ნაშრომი, გვ. 352.

²³ Ф. Леонтович, II, стр. 99.

რეობის უფლებას ადათი გამორიცხავდა. შარიათის მიხედვით კი ქალს ეძლეოდა ძმისთვის კუთვნილი წილი $1/3$. ადათთან შედარებით შარიათი ასევე იცავდა უძმო ქალის ინტერესებსაც. თუ მამას მხოლოდ ერთი ქალი დარჩებოდა, მამის ქონების ნახევარი რჩებოდა მას, ხოლო ნახევარი ეძლეოდა მამის ახლო ნათესავ ვაჟს. თუ მამას რამდენიმე ქალი დარჩებოდა. ასეთ შემთხვევაში მათ ეძლეოდათ მამის ქონების $2/3$, ხოლო მამის ნათესავ ვაჟს ქონების $1/3$ ²⁴.

მდგომარეობა არც ვასული საუკუნის მეორე ნახევარში შეცვლილა. იმასთან ერთად, რომ დამკვირვებლები თითქმის სიტყვასიტყვით გვაცნობენ ზემოხსენებულ ვითარებას²⁵, ნ. ხარუზინი კიდევ უფრო მკვეთრად უსვამდა ხაზს იმ გარემოებას, რომ ქონებაზე მემკვიდრეობის უფლება არ იყო ნათლად განსაზღვრული. რამდენადაც დოვლათის დაყოფა ხან ადათით ხდებოდა, ხან კიდევ შარიათის მიხედვით. ამასთან ერთად ხშირად ჰქონია ადგილი მოქმედი ნორმების ცვალებადობას²⁶.

ადათისა და შარიათის ერთდროულად მოქმედებისა და მათი ბეჭი ელემენტის ურთიერთშერწყმის გამო მთხრობლები ყოველთვის ველარ ახერხებენ იმ სპეციფიკის ჩვენებას, რაც დამახასიათებელი იყო თითოეული მათგანისათვის. როგორც ზემოთ აღვნიშნეთ, ამან ერთგვარი გამოხატულება პოვა რუსულ ეთნოგრაფიულ ლიტერატურაშიც, მაგრამ ჩვენ ხელთ არსებული საველე მასალებისა და ლიტერატურული მონაცემების მიხედვით მაინც სრულიად აშკარაა, რომ შარიათი გაცილებით ხელსაყრელ ეკონომიურ პირობებს უქმნიდა ქალს, ვიდრე ადათი. ზოგიერთ შემთხვევაში კი შარიათი ადათობრივ ნორმებზე ზეგავლენას არ ახდენდა და ქალის მძიმე უფლებრივ პირობებს უცვლელად ტოვებდა. მაგალითისათვის შეიძლება გავიხსენოთ ის გარემოება, რომ არც ადათისა და არც შარიათის მიხედვით ქალს არ ჰქონია დედისეული მზითვის მიღების უფლება. მაშინ, როდესაც სხვადასხვა ეპოქაში ამ უფლებით სარგებლობდნენ ქალის მამა და ძმები.

ბ. დაღვანის დაკვირვებით, შარიათის გავრცელებამდე, გარდაცვლილი ქალის მზითვეი და ტანსაცმელი მის ქმარს რჩებოდა. შარიათის გავრცელების შემდეგაც ქალის მდგომარეობა არ გაუმჯობესებულა, რამდენადაც ამ ახალი რელიგიური მოძღვრების თანახმად გარდაც-

²⁴ Ф. Леонтович, II, стр. 99—100.

²⁵ Н. Дубровин, *დასახ. ნაშრომი*, გვ. 462—463. Н. Харузин, *Заметки...*, СМЭ, III, стр. 130.

²⁶ Н. Харузин, *Заметки...*, СМЭ, III, стр. 129.

ლილი დედის მზითვეზე საკუთრების უფლება მის ვაჟიშვილებს ენიჭებოდათ, ხოლო ტანსაცმელი ნათესავეებს უნაწილდებოდათ²⁷.

XIX საუკუნის მეორე ნახევრის მთაიანგუშეთის ყოფაში ანალოგიურ ვითარებას ამოწმებს ნ. გრაბოვსკიც. მას მართალია არ აღუნიშნავს, თუ დედისეულ მზითვეზე მემკვიდრეობის საკითხი როგორ იდგა შარიათის გავრცელებამდე ან მისი გავრცელების პირობებში, მაგრამ როდესაც ავტორი წერს, რომ დედის გარდაცვალების შემდეგ მისი კუთვნილი ქონება თანაბრად უნაწილდებოდათ ვაჟებს, ხოლო ქალებს მცირედი წილი ეძლეოდათ²⁸, უსათუოდ უნდა გულისხმობდეს შარიათის გავრცელების შედეგად შექმნილ ურთიერთობას.

ჩვენ მიერ ადგილზე ჩაწერილი მასალები შარიათის გავლენით შექმნილ ვითარებას უნდა გვაცნობდნენ, ვინაიდან ყველა მთსრობელი იმას გვაუწყებდა, რომ დედისეული მზითვეი ვაჟების წილხვედრს წარმოადგენდა, ხოლო ქალები ძალაუვნებურად დედის ტანსაცმელსა და უმნიშვნელო ღირებულების წვრილმანებს (ნემსები, სათითურები, ძაფი) უნდა დასჯერებოდნენ.

ჩაჩნებისათვის დამახასიათებელი ყოფილა ქონებაზე მემკვიდრეობის უფლება აგნატიკური ნათესაობის აღმავალი ხაზით. თუ გარდაცვლილს არ ჰყავდა ვაჟიშვილი, ქონება რჩებოდა მის მამას, რომელსაც მეტი პრივილეგიები ჰქონია ამ მხრივ გარდაცვლილის ძმებსა და ძმისწულებთან შედარებით²⁹. მამის უყოლობის შემთხვევაში კი გარდაცვლილის ქონებაზე მემკვიდრეობის უფლებით პირველ ყოვლისა სარგებლობდნენ ძმები, შემდეგ ძმისწულები, შემდეგ ბიძები და ბოლოს ბიძაშვილები³⁰.

საინტერესო ვითარებაა დამოწმებული ინგუშეთის ცხოვრებაშიც. ადაუბენს კრებულის მიხედვით უვაჟიშვილოდ გარდაცვლილის მემკვიდრეებად გვევლინებოდნენ პირველ რიგში ძმები, მათი უყოლობის შემთხვევაში ბიძაშვილები, ხოლო უკიდურეს შემთხვევაში შორეული აგნატებიც³¹.

ნ. გრაბოვსკის დაკვირვებით, ინგუშეთში პირველ ყოვლისა მემკვიდრეებად ითვლებოდნენ აღმავალი ნათესაობის წარმომადგენლები: მამა, ბიძა და ა. შ. მხოლოდ იმ შემთხვევაში, როდესაც მამა-ბიძებიც აღარ იყვნენ ცოცხლები, გარდაცვლილის ქონება გადაეცემოდათ მის ღვიძლ ძმებს, ხოლო თუ არც ძმები ჰყავდა, ქონება ეძლეოდათ გარ-

²⁷ Б. Дяглат, *დასახ. ნაშრომი*, გვ. 342.

²⁸ Н. Грабовский и Ингуши, ССКГ, IX, стр. 101—102.

²⁹ Ф. Лесонтович, II, стр. 100.

³⁰ იქვე, გვ. 101.

³¹ იქვე, გვ. 178.

დაცელილის ბიძაშვილებსა თუ ბიძაშვილთა შვილებს. ამ უფლებას სავესებით მოკლებული ყოფილან გარდაცელილის დედით ნათესაევი³².

აღნიშნულ საკითხს შეეხო ნ. ხარუზინიცი, რომელმაც გარდაცელილი უშუალო მემკვიდრეების უყოლობის შემთხვევაში მისი ქონების მიღების უფლების მქონე პირებად წარმოგვიდგინა გარდაცელილის ძმისწულები, ხოლო მათ შემდეგ ახლო ნათესაევი³³.

როგორც ვხედავთ, გაუთხოვარი ქალისთვის მამის ოჯახიდან ქონების მიცემის საკითხი ადათით გამოირიცხული იყო, გარდა მისთვის კუთვნილი მზითვისა. ქალს არც დედის ნათესაევის მხრიდან ეძლეოდა ქონება. დედის ნათესაევისაგან მისადმი ყურადღება ვლანდებოდა არაპირდაპირი ხაზით, მხოლოდ გათხოვების შემდეგ. როდესაც მისი ვაჟი 15—17 წლისა გახდებოდა, დედის ძმა ასაჩუქრებდა ცხენით. საჩუქრის ამ სავალდებულო ანგეობას ეწოდებოდა „ბარჩა“. დედის ძმისაგან ამ საჩუქრის დაგვიანების შემთხვევაში დისწულს უფლება ჰქონდა ცხენი ხელში ჩაეგდო მოტყუებით, ქურდობით ან ძალით³⁴.

ვინაიდან ქალს ქონება ცალკე არ ეძლეოდა და დამოუკიდებელი ცხოვრების საშუალებას ის მოკლებული იყო, გათხოვებამდე მას მშობლებთან ყოფნა უწევდა. როგორც ზემოთ აღინიშნა, მამის გარდაცვალების შემდეგ ოჯახის გაყრის შემთხვევაში დედა თავისი ქალშვილებით საცხოვრებლად რჩებოდა უმცროს ვაჟთან. დედის გარდაცვალების შემდეგ გასათხოვარი ქალის საცხოვრებელ ადგილს წარმოადგენდა უფროსი ძმის ოჯახი. ის სამუდამოდ რომ გაუთხოვრად დარჩენილიყო, მასზე მზრუნველობა უფროს ძმას უკისრებოდა. უფროსი ძმის გარდაცვალების შემთხვევაში და სხვა ძმასთან უნდა გადასულიყო, მაგრამ თუ სულ უძმოდ დარჩებოდა, მას შეიკედლებდა ბიძა ან რომელიმე ძმისწული. ასეთ პირობებში მყოფი ქალი თავისთვის რაიმე ქონების შეძენის შესაძლებლობას მოკლებული იყო, ვინაიდან ის სრული დატვირთვით შრომობდა იმ ოჯახის სასარგებლოდ, სადაც ცხოვრება უხდებოდა. ჩვენ მიერ ინგუშ მთხრობლებთან დამოწმებული. მასალის შინაარსი ეხმაურება XIX საუკუნის მკვლევართა მიერ ჩაჩნეთ-ინგუშეთში დადგენილ ვითარებას³⁵.

თუ ქალი გათხოვდებოდა მისი დედ-მამის სიცოცხლეში, ჩვეულებრივსამებრ ყალიმს აიღებდა შვილებთან გაყრილი მამა, ისევე, რო-

³² Н. Грабовский II. Ингуши. ССКГ. IX, стр. 102—103.

³³ Н. Харузин, Заметки.... СМЭ. III, стр. 130.

³⁴ Н. Харузин. Заметки.... СМЭ, III, стр. 122; Н. Грабовский II, Ингуши, ССКГ, IX, стр. 102; Б. Далгат, Ласха. ნაშრომი, გვ. 251.

³⁵ Ф. Леонтович, II, стр. 25, 97, 99. [177.

გორკ ეს ხდებოდა ოჯახის გაყრამდე. მშობლების გარდაცვალების შემდეგ შვილები თანაბრად იყოფდნენ როგორც მშობლების ქონებას, ისე მათ მიერ ქალის გათხოვებაში აღებულ ყალიმს. თუ ქალი გათხოვდებოდა მამის გარდაცვალების შემდეგ, ყალიმს იღებდა და მას თავის პირად ქონებასთან ერთად სიკვდილამდე ინახავდა დედა. მიუხედავად იმისა, რომ დედა უმცროს შვილთან ცხოვრობდა და ქალსაც აქედან ათხოვებდა, უმცროს შვილს ყალიმიდან ზედმეტს არ აძლევდა. დედის გარდაცვალების შემდეგ კი როგორც მის პირად ქონებას, ისე ქალის გათხოვებაში ყალიმს თანაბრად ინაწილებდნენ ვაჟიშვილები.

მთხორობლების გადმოცემით, დის ყალიმი ძმებს შორის იყოფოდა მხოლოდ იმ შემთხვევაში, თუ მისი გათხოვება და ყალიმის აღება მოხდებოდა ოჯახის გაყრამდე, ანდა ისეთ შემთხვევაში, როდესაც ოჯახი გაყრილი, იყო, ოღონდ მშობლები ცოცხალი იყვნენ. აღნიშნული ვითარება იმ გარემოებით აიხსნება, რომ გაუყრელად ცხოვრების დროს სხვა სახის შემოსავალთან ერთად ყალიმიც საერთო, ყველა მოწილესათვის თანაბრად კუთვნილ დოვლათს წარმოადგენდა, ისევე, როგორც ცალ-ცალკე მცხოვრები შვილების კუთვნილებას წარმოადგენდა მათი მშობლების ქონება თუ მშობლების მიერ ქალების გათხოვებისას მიღებული ყალიმი.

მთხორობების მეშვეობით იმის გარკვევაც მოხერხდა, რომ ობოლი ქალის გათხოვების შემთხვევაში ყალიმს იღებდა მისი შემფარებელი ოჯახის უფროსი, ისევე, როგორც დიდი ოჯახის ფარგლებში ეს უფლება მინიჭებული ჰქონდა ოჯახის უფროსს. ორივე შემთხვევაში მზითვეი მზადდებოდა ყალიმიდან, ხოლო რაც ამას გადარჩებოდა, ის ხმარდებოდა ყალიმის ამღებ ოჯახს. მზითვეთან ერთად ქალს ატანდნენ ურთ ძროხასაც, რაც მოგვაგონებს ქართულთა მიერ სათავენოს მიცემის წესს³⁶. სამწუხაროდ, ისეთ ვითარებაში, როდესაც ქართული სათავენოს ბუნება დადგენილია, ხოლო ზემოაღნიშნული ინგუშური ჩვეულების ბოლომდე გარკვევა ვერ ხერხდება სათანადო მასალების უქონლობის გამო, მათი იდენტურობის, ანდა მათ შორის მკვეთრი განსხვავების შესახებ მსჯელობა უნიადაგო იქნებოდა.

ზემოაღნიშნულ საკითხზე ცნობები გვხვდება ლიტერატურაშიც. როგორც XIX საუკუნის დამკვირვებლები წერდნენ, ოჯახის გაყრისა

³⁶ P. X a რ ა დ ზ ე, Грузинская семейная община, II, стр. 51 და შმდ.; ვ. ი თ თ ი შ ვ ი ლ ი, ქართველ მთელთა საოჯახო ურთიერთობის ისტორიიდან გვ. 232 და შმდ.; ალ. რ ო ბ ა ქ ი ძ ე, ორი გამოკვლევა სომეხთა სოციალური ყოფის ისტორიიდან, ეურნ. „მაცნე“, 1967, № 4, გვ. 359—360.

და მშობლების გარდაცვალების შემდეგ დების შენახვა და გამზიოთე-
ბა ძმებს ევალებოდათ. ლიტერატურაში მითითებულია იმის შესახე-
ბაც, რომ დების ყალიძს ძმები თანაბრად ინაწილებდნენ, ხოლო თუ
მამას ერთადერთი ვაჟი დარჩებოდა, ის ითვლებოდა მამის ქონების
უცილობელ მემკვიდრედ, მას ევალებოდა დედისა და გასათხოვარი
დების შენახვა და დების გათხოვების შემთხვევაში ყალიძსაც ის ილუბ-
და³⁷.

ამ ცნობებიდან ექვს არ იწვევს ის გარემოება, რომ მამის ერთად-
ერთ მემკვიდრეს ევალებოდა დის პატრონობაც და ყალიძის აღება.ე-
რაც შეეხება რამდენიმე ძმის ერთობლივ მზრუნველობას და მათ შო-
რის ყალიძის თანაბრად გაყოფას, ეს არ მიგვაჩნია სარწმუნოდ. რო-
გორც ზემოთ დავინახეთ, ძმები თანაბრად იყოფდნენ ყალიძს მხო-
ლოდ იმ შემთხვევაში, თუ ის აღებული იყო ოჯახის გაყრამდე ან მშობ-
ლების გარდაცვალებამდე. მშობლების გარდაცვალების შემდეგ კი
დას ამზიოთებდა და მის გათხოვებაში ყალიძს ილუბდა ის, ვის ოჯახშიც
დას გათხოვებამდე უხდებოდა ყოფნა.

შემდეგში ვითარება რამდენადმე შეიცვალა. როგორც ქვემოთ და-
ვინახავთ, რუს მოხელეთა ინიციატივით ყალიძის მოცულობა შემცირ-
და და ის ქალის პირად საკუთრებად იქნა ცნობილი. XIX საუკუნის
ლიტერატურული მონაცემების მიხედვით, ქალის პირად საკუთრებას
წარმოადგენდა აგრეთვე საქმროსაგან მირთმეული საჩუქარი³⁸.

არსებული ლიტერატურისა და დღემდე შემონახული ეთნოგრა-
ფიული მასალების მიხედვით აშკარად ჩანს, რომ სხვადასხვა ეპოქა-
ში ყალიძის შემადგენლობა აქ სხვადასხვაგვარი იყო. ამ მხრივ განს-
ხვებები კარგად ჩანდა თვით XIX საუკუნის პირველია და მეორე ნა-
ხევარშიც. ყალიძის მოცულობა დამოკიდებული იყო აგრეთვე ადამიან-
ნის სოციალურ მდგომარეობაზედაც.

1849 წელს დამოწმებული მონაცემების მიხედვით ჭაირახის სა-
ზოგადოებაში (ე. ი. ინგუშეთში) ქალწულისთვის კუთვნილი ყალიძი
შეადგენდა 300 მან. ვერცხლს, ხოლო ქვრივი შეფასებული ყოფილა
200 მანეთად. ნაზრანის საზოგადოებაში ქალწულის შერთვისათვის
იხდიდნენ 21 ძროხას, ხოლო ქვრივზე ქორწინების შემთხვევაში. 12
ძროხას. ქისტების საზოგადოებაში ქალწულისთვის დაწესებული ყო-
ფილა 18 ძროხა, ხოლო ქვრივისთვის 12 ძროხა³⁹.

³⁷ Ф. Леонтович, II, стр. 24—25; Н. Харузин, Заметки..., СМЭ, III, стр. 125.

³⁸ Ф. Леонтович, II, стр. 97.

³⁹ ი ქ ვ ე, გვ. 116—118.

1860-იანი წლები, მონაცემებზე დაყრდნობით აღნიშნულია, რომ რნგუშეთში ყალიმი შეადგენდა 18 ძროხას⁴⁰. ნ. გრაბოვსკისა და ბ. დალგატის მოწმობითაც ყალიმში შედიოდა 18 ძროხა ან 180 მანეთი, რამდენადაც ერთი ძროხა 10 მანეთად იყო შეფასებული⁴¹.

XIX საუკუნის მეორე ნახევარში ყალიმის სხვადასხვა მოცულობაზე მიუთითებს აგრეთვე ნ. დუბროვინმა და ნ. ხარუზინმა. როგორც ნ. დუბროვინმა აღნიშნა, ადათის მიხედვით ყალიმი მერყეობდა 80-დან 200 მანეთამდე⁴², ხოლო ნ. ხარუზინის მოწმობით ჩაჩნეთ-რნგუშეთის სხვადასხვა სოფლებში ყალიმის მოცულობა შეადგენდა 70—500 მანეთს⁴³.

ჩვენ მიერ შეკრებილი მასალების მიხედვითაც ნათლად ჩანს, რომ ყალიმის მოცულობა დამოკიდებული ყოფილა ქალის გვარ-ჩამომავლობაზე, მაგრამ რიგით მეთემეებს შორის მისი ღირებულება ყოფილა 15—20 ძროხა, ხოლო ქვრივისათვის საკვალდებულოდ ითვლებოდა ნახევარი ყალიმის გადახდა.

ზემოაღნიშნული თანხის დაფარვა ხდებოდა ერთდროულად ან ერთი-ორი წლის განმავლობაში ნაწილ-ნაწილ. ბ. დალგატის ცნობით, ნებადართული ყოფილა შეთანხმებისთანავე ცხრა ძროხის გადახდა, ხოლო მომდევნო წლებში დანარჩენის ჩაბარება. ოჯახის ეკონომიური სივიწროვის შემთხვევაში ამ თანხის განაღდებაში მონაწილეობდნენ ვაჟის ახლობლებიც⁴⁴. ამიტომ ოჯახის სიღარიბეს ყურადღება არ ექცეოდა და არავითარ კომპრომისს არ ჰქონია ადგილი.

რაკი ყალიმი საკმაოდ დიდ სახსრებს მოითხოვდა, ამ მძიმე გადასახადისაგან განთავისუფლების მიზნით ზოგიერთი ქალს მოტაცებით ირთავდა, მაგრამ ამით ის თვითმოტყუების გზას ადგა, ვინაიდან მოტაცება ითვლებოდა დანაშაულად, ხოლო დამნაშავე ჯარიმდებოდა სამი ცხენით ან მისი ღირებულებით. გარდა ამისა, ქალის მოტაცებას თან სდევდა ჩხუბი, დაჭრა და ზოგჯერ მკვლელობაც. ამიტომ რუსეთის ხელისუფლებამ მოტაცებით ქორწინების წესი აკრძალა⁴⁵.

სათანადო დადგენილების საფუძველზე 1863 წლიდან მკვეთრად შემცირდა ყალიმის ფასი და შეიცვალა ამასთან დაკავშირებით ძველად

⁴⁰ Ф. Леонтович, II, стр. 167.

⁴¹ Н. Грабовский и, Экономический и домашний быт..., ССКГ, III, стр. 20; Б. Далгат, დასახ. ნაშრომი, გვ. 321.

⁴² Н. Дубровин, დასახ. ნაშრომი, გვ. 427.

⁴³ Н. Харузин, Заметки..., СМЭ, III, стр. 126.

⁴⁴ Б. Далгат, დასახ. ნაშრომი, გვ. 321.

⁴⁵ Н. Грабовский и. Экономический и домашний быт..., ССКГ, III, с тр. 21—22.

მოქმედი ურთიერთობის ხასიათიც⁴⁶. თუ ადრე ყალიბს იღებდა და ისაკუთრებდა ქალის მამის ოჯახი, ახალი დადგენილების დღიდან ყალიბი და საქმროს საჩუქრები იქცა ქალის ხელშეუხებელ საკუთრებად. ახალი კანონის მიხედვით მამა ვალდებული იყო სასიძოსაგან მიღებული ყალიბი უკლებლივ მიეცა თავისი ასულისათვის მისი გათხოვების დროს. გათხოვების შემდეგ ქალის ნებართვის გარეშე მის ყალიბს ასევე ხელს ვერ ახლებდა ქმარი. ქმრის თვითნებობის შემთხვევაში ცოლს უფლება ჰქონდა ეჩივლა თავის ნათესაებთან და მათთვის დახმარება ეთხოვა⁴⁷.

ყალიბის რაოდენობა განისაზღვრება სულ 105 მანეთით. აწ თანხიდან ქალს ბედ ეძლეოდა 25 მანეთი მაშინვე. როგორც კი მისი გათხოვების საკითხი გადაწყდებოდა. დანარჩენი 80 მანეთი ქალს შეეძლო მოეთხოვა ქმრისაგან ნებისმიერ დროს. ახალი კანონის მიხედვით ეს თანხა გათვალისწინებული იყო ქალის უზრუნველსაყოფად დაქვრივების ან ქმრისაგან მისი დაწუნების შემთხვევაში. მაგრამ თუ ქალი თავის დანიშნულს უარს ეტყუოდა, ვალდებული იყო ეს თანხა უკლებლივ საქმროსთვის დაებრუნებინა.

105 მანეთიდან ბედ მიღებულ 25 მანეთს ქალი იყენებდა მზათვეის მოსამზადებლად. ზოგჯერ ამ ფულს ის აძლევდა ნათესავს. რომელსაც მის აღზრდაში ამაგი ჰქონდა გაწეული⁴⁸. ზოგიერთ შემთხვევაში კი არამც თუ 25 მანეთი, 105 მანეთიც მზითვეის მომზადებას ხმარდებოდა. უფრო მეტიც, ბ. დაღვატა ერთი რაეთი ფაქტის მოწმეც კი გამხდარა, როდესაც ოჯახმა ქალის გამზითვებისათვის 105 მანეთიც იცოტავა, ერთი იმდენი თითონ დაუმატა და ქალს 210-მანეთიანი მზითვეა გაატანა⁴⁹. მაგრამ რამდენადაც ბ. დაღვატის ამავე ნაშრომის სხვა ადგილასაც აღნიშნულია, რომ მზითვეი ინგუშეთში უმნიშვნელო ღირებულებისა იყო⁵⁰ და ჩვენ მიერ შეკრებილი მასალების მიხედვითაც აღნიშნული ვითარება დაატურდება, ამდენად 210 მანეთის მზათვად გატანება მიგვაჩნია ინგუშთა ყოფისათვის უჩვეულო გამოწვევად.

ბ. დაღვატის ეს ცნობა შეუსაბამოა ახალი ეპოქისთვისაც, ვინაიდან 1863 წლის დადგენილების მიხედვით სავსებით გამოირიცხებოდა

⁴⁶ Ф. Леонтович, II, стр. 98, 169, 170; Н. Грабовский, Экономический и домашний быт... ССКГ, III, стр. 20; მისივე, Ингуши, ССКГ, IX, стр. 45—46; Б. Даггат, დასახ. ნაშრომი, გვ. 321.

⁴⁷ Ф. Леонтович, II, стр. 98.

⁴⁸ იქვე, გვ. 169; Н. Грабовский, Ингуши, ССКГ, IX, стр. 45.

⁴⁹ Б. Даггат, დასახ. ნაშრომი, გვ. 321.

⁵⁰ იქვე, გვ. 342.

იყო მშობლების მოვალეობა ქალის გამზითვებაში. ამ დადგენილების საფუძველზე ყალიბის მოცულობა განისაზღვრა 105 მანეთით და ის ქალის ხელშეუხებელ საკუთრებად გამოცხადდა, რომლის გახარჯვა და თვით მზითვისთვის მისი გამოყენებაც ქალის ნება-სურვილზე იყო დამოკიდებული. ასეთ ვითარებაში აღარაფერ შუაშა მშობლები-საგან 210-მანეთიანი მზითვის გატანება, რამდენადაც ეს გამოიყურება არსებული წესისაგან განკერძოებულ შემთხვევად.

ისევე, როგორც ამ დადგენილების მიხედვით მშობლებს არ ევალებოდათ ქალისთვის მზითვის მომზადება, ასევე ქალიათვის კუთვნილ ყალიბთან არავის არ ჰქონდა ხელი. მას ვერც მშობლები მიითვისებდნენ და ვერც ის ძმა, რომელთანაც ობოლ დას უხდებოდა ყოფნა, მაგრამ მიუხედავად იმისა, რომ ახალმა კანონმა ძმასაც მოუსპო დის ყალიბის აღების უფლება, უდემამო დაზე უფროსი ძმის მზრუნველობის წესი ინგუშეთის ახალ საზოგადოებრივ ურთიერთობაში მაინც არ შერყეულა⁵¹. თუმცა არც ძმის მზრუნველობით მადლიერო და რჩებოდა ვალში და, როგორც ლიტერატურაშია აღნიშნული, მას შეეძლო საქმროსაგან მიტანილი ფული ძმისთვის მიეცა⁵². მოცემულ შემთხვევაში ის ძველი ტრადიცია გრძელდებოდა, რომლის მიხედვით მზითვის მომზადება ყალიბის ხარჯზე ხდებოდა, ხოლო თანხის ძირითადი ნაწილი მის ოჯახში რჩებოდა.

ვინაიდან ამ წესებით სარგებლობის შესაძლებლობა ჯერ კიდევ არსებობდა, ყველა ძმა დაინტერესებული იყო დის თავისთან მიღებით. რადგან ეს ქალი გათხოვებამდე ამ ოჯახის სასარგებლოდ შრომობდა, ხოლო მისი გათხოვების შემთხვევაში ძმა ყალიბის მისაკუთრებით სარგებლობდა. მაგრამ რაკი ეს უფლება ადათით უფროს ძმას ჰქონდა მინიჭებული, უმცროსი ძმების მოცილეობა უშედეგოდ მთავრდებოდა.

ასეთი იყო გასათხოვარი ქალის უფლებრივ-ეკონომიური მდგომარეობა ადათის, შარიათისა და რუსული კანონმდებლობის მიხედვით. როგორც დავინახეთ, ქალის უფლებები ქონებაზე განსაკუთრებით შეზღუდული იყო ადათის ძალით. ქალი შედარებით ხელსაყრელ პირობებში ჩააყენა შარიათმა. მართალია შარიათის მიხედვით ქალს ხელი არ მიუწვდებოდა დედისეულ მზითევზე და ეს ქონება მეგვიდრეობით ვაეიშვილებს ფძლეოდათ, მაგრამ ამას არ ჰქონდა არსებითი მნიშვნელობა, რამდენადაც მზითევი უმნიშვნელო ღირებულების ქონებას წარმოადგენდა. ქალის მდგომარეობა შარიათმა იმ მხრივ გააუმჯობესა, რომ მას წილი ჩაუდო საერთო-საოჯახო ქონებაში და უფლება

⁵¹ Ф. Леонтович, II, стр. 178.

⁵² ი ქ ე ვ, გვ. 169; Н. Г р а б о в с к и й, Ингуши, ССКГ, IX, стр. 103.

შიანიკა ვაეისთვის კუთვნილი წილის 1/3-ის მიღებისა. არანაკლები მნიშვნელობა ჰქონდა რუს ხელისუფალთა დადგენილებას, რომლის საფუძველზე საგრძობლად შემცირდა ყალიმის მოცულობა და ის იქცა ქალის საკუთრებად. ქალის უფლებრივ-ეკონომიური პირობების გაუმჯობესებასთან ერთად ამ ღონისძიების შედეგად მდგომარეობა შეუმსუბუქდა აგრეთვე ურვადის გადამხდელ ოჯახს.

* * *

ოჯახის გაყრის მომენტში მარტივად წყდებოდა რძლების საკითხი. ადათის მიხედვით, საოჯახო ქონებიდან წილის მიღების უფლებას ისინი მოკლებული იყვნენ. რძლის პირადსა და სიყვდილამდე ხელშეუხებელ საკუთრებას წარმოადგენდა მხოლოდ მზითევი. 1863 წლიდან მასვე მიენიჭა ყალიმის ფლობის უფლება.

ქმრიან ქალებთან ერთად მზითევეზე პირადი საკუთრების უფლებით სარგებლობდა ქვრივიც, მაგრამ ოჯახის გაყრის მომენტში ქვრივს თუ ვაეიშვილი არ ჰყავდა, მისთვის წილის მიცემის შესაძლებლობა გამორიცხული იყო. მაზლების თანაბარი ქონება ქვრივს ერგებოდა მხოლოდ იმ შემთხვევაში, თუ ის ვაეის დედა იყო. ქვრივს თუ მარტო ქალიშვილები ჰყავდა, მაზლები მას აძლევდნენ მხოლოდ საარსებო სარჩოს, რამდენადაც ძმისწულ ქალებზე მზრუნველობა ბიძებს ეკისრებოდათ. როგორც ერთად ცხოვრების დროს, ისე ოჯახის გაყრის შემდეგ. ქვრივს მამულს გამოუყოფდნენ მხოლოდ დროებით სარგებლობაში. მისი გარდაცვალებისა და ქალების გათხოვების შემდეგ კი ამ ნაკვეთს ისევ მოწილეები იყოფდნენ.

ასეთი ვითარება გვესახება ჩვენ მიერ შეკრებილი მასალების მიხედვით. ანალოგიურ აურათს ეხედავთ ნორდენსტრენგის მიერ 1844 წ. ვლადიკავკაზის ოკრუგში შედგენილი „ადათების“ სათანადო ადგილიდანა⁵³. მდგომარეობა რამდენადმე სხვაგვარად წარმოვიდგება 1843 წ. კრებულის მიხედვით, რომელშიაც აღნიშნულია, რომ ჩაჩნეზში ცოლი არ წარმოადგენდა გარდაცვლილი ქმრის მემკვიდრეს. თუ მას ცოლად არ შეირთავდა გარდაცვლილი ქმრის ახლო ნათესავი, ასეთ შემთხვევაში მას შეუძლო მიეღო ქმრის ქონების 1/4 და სურვილისამებრ თავის მომავლის გადაწყვეტის უფლება⁵⁴. ასეთსავე მდგომარეობას გვაცნობს ნ. დუბროვინი და იქვე უმატებს, რომ ქმრის ქონების 1/4 წილთან ერთად ქვრივის საკუთრებად ითვლებოდა მზითევი და ყალიმი. ამავე ავტორის ცნობით, უშვილო ქვრივის გარდაცვალების

⁵³ Ф. Леонтович, II, стр. 24.

⁵⁴ იქვე, გვ. 100.

შემთხვევაში მისი პირადი ქონება გადაეცემოდა მის მშობლებს ან ნათესავებს და არა მისი ქმრის ნათესავებს⁵⁵.

ქერივისათვის ქმრის ქონების 1/4-ისა და ყალიმის მიკუთვნების წესი გვიანდელი ჩანს, რამდენადაც ადათის მიხედვით გათვალისწინებული იყო მხოლოდ მისი რჩენა და არა რაიმე საბით წილის გამოყოფა.

ეს ნორმები დადგენილი უნდა იყოს შარიათის გავლენით ისევე; როგორც ამ მოძღვრების საფუძველზე დაკანონდა ჩაჩნეთ-ინგუშეთში ქალისათვის 1/3 წილის გამოყოფა.

როგორც ზემოთ აღვნიშნეთ, ქმრის სახლში საცხოვრებლად დარჩენილ ქერიქა და მის ქალიშვილებზე მზრუნველობას ეწეოდნენ ქერივის მამლები. ქმრის სახლში სამუდამოდ ცხოვრების უფლება ჰქონდა უშვილო ქერივისაც. ასეთ შემთხვევაშიაც მასზე მზრუნველობა მამლებს ევალებოდათ. ეს განსაკუთრებით მაშინ ხდებოდა, როდესაც ქერივი ობოლი და უძმო იყო და თავისი ქმრეულების გარდა სხვაგან თავშესაფარი არ გააჩნდა. იმ შემთხვევაში კი, როდესაც ქალს მშობლები ან ძმები ჰყავდა, ის ქმრის ოჯახს ტოვებდა, უკან მიჰქონდა თავისი ქონება და საცხოვრებლად თავისიანებთან ბრუნდებოდა. უნაყოფობით ცნობილ დედაკაცს არც ჰქონდა სხვა გამოსავალი, ვინაიდან მის შერთვას ინგუში აზრადაც არ გაიტარებდა.

ამ მხრივ სავსებით განსხვავებულ მდგომარეობაში იმყოფებოდა შვილებიანი ქერივი, რომლის შერთვით, პირველ რიგში, დაინტერესებული ყოფილა შვილებიანივე ქერივი. ინგუშები ამას იმით ასაბუთებენ, რომ ორივე მათგანის ინტერესები შვილების აღზრდა-მოვლასთან იყო დაკავშირებული, ხოლო ამ მხრივ თანაბარი მდგომარეობა შეთანხმებული ცხოვრების გარანტიას იძლეოდა.

მიუხედავად იმისა, ქერივი ფიქრობდა თუ არა გათხოვებას, მას ქმრის გარდაცვალების შემდეგ, პირველ რიგში, ევალებოდა გლოვის წესების შესრულება. უამპირობოდ ის ვერც მამის სახლში დაბრუნდებოდა და, მით უმეტეს, ვერც გათხოვებაზე იფიქრებდა.

ეს ჩვეულება კარგად იყო შემონახული ინგუშეთში გასული საუკუნის მეორე ნახევრამდე. ჩ. ახრიევის ცნობით, ქერივი სამ წლამდე ძაძაგაუხდელი გლოვობდა ქმარს⁵⁶, ხოლო ბ. დალგატის დაკვირვებით ასეთ მდგომარეობაში ყოფნა მას ორ-სამ წლამდე ევალებოდა⁵⁷. ორი მკვლევრის ცნობის მიხედვით მხოლოდ გლოვის ვადაში იგრძნობა მცირედი სხვაობა. სამაგიეროდ ორივე მათგანის ცნობაში ერთნაირა-

⁵⁵ Н. Дубровин, *დასახ. ნაშრომი*, გვ. 463.

⁵⁶ Ч. Ахриев, *Похороны и помники у горцев*, ССКГ, III, стр. 32.

⁵⁷ Б. Далгат, *დასახ. ნაშრომი*, გვ. 338.

და აღნიშნული, რომ სამგლოვიარო ვადის მიწურულში ძაძით მონა-
ლი ქვრივი ხდიდა არაყს, ადუღებდა ლუდს, კლავდა ხარს, მართავდა
სუფრას და აწყობდა დოღს⁵⁸. მხოლოდ ამ რიტუალის შესრულების
შემდეგ შეეძლო მას ძაძის გახდა და გათხოვება, ან მამის ოჯახში სა-
მუდამოდ დამკვიდრება.

ყოველივე ამასთან ერთად საჭიროა აღინიშნოს, რომ გლოვის
წესების შესრულების შემდეგაც ვერ განსაზღვრავდა ქვრივი თავის
მომავალს საკუთარი ნება-სურვილით. როგორც ლიტერატურიდან⁵⁹ და
ჩვენ მიერ შეკრებილი მასალებიდან ჩანს, ადათის მიხედვით ქვრივს
პირველ ყოვლისა მასზე ან ქმრის რომელიმე ახლო ნათესავზე გა-
თხოვება ევალებოდა. მხოლოდ იმ შემთხვევაში, თუ ქმრის ახლობელ-
თაგან მისი შერთვის პრეტენდენტი ვერ აღმოჩნდებოდა, ქვრივს შეე-
ძლო მამის სახლში დაბრუნება და იქიდან სხვაზე გათხოვება. ერთი
ცნობით, ქვრივის გათხოვება ასეთ შემთხვევაში მამის ოჯახის გადა-
წყვეტილებაზე იყო დამოკიდებული⁶⁰, ხოლო მეორე ცნობის თანახმად,
ქვრივის მამა ვალდებული იყო ქალის სხვაზე გათხოვებამდე მისი
ყოფილი მაზლებისათვის გადაეხადა ერთი ძროხა და ცხვარი ან მისი
ღირებულება⁶¹.

მიუხედავად იმისა, რომ მაზლთაგან ქვრივის შერთვის სურვილის
უქონლობის შემთხვევაში ქალს მამის სახლიდან სხვაზე გათხოვების
უფლება ჰქონდა, ამ გზით მეორედ დაქორწინება ძალზე იშვიათად
ხდებოდა, ვინაიდან გათხოვების მსურველ ქვრივს შვილები აუცი-
ლებლად პირველი ქმრის ოჯახში უნდა დაეტოვებინა. ბავშვებზე
მზრუნველობა ეკისრებოდათ ბიძებს, ხოლო ვაჟები იღებდნენ მამის
კუთვნილ წილს. ასეთ პირობებში მყოფი ქვრივი ადვილად ვერ შეე-
ღებოდა ბავშვებს და იძულებული ხდებოდა ქმრის სახლშივე დარჩე-
ნილიყო, ხოლო თუ მაინცდამაინც გაუთხოვრობას ვერ შეურიგდებო-
და. იძულებული იყო ცოლად დასჯდომოდა თავისთვის საქმროდ არა-
სასურველ მაზლს.

ქვრივი რძლისა და ქვრივი მაზლის შეუღლებას ინგუშები დადებ-
ით მოვლენად მიიჩნევდნენ. მთხრობლები ამას ასაბუთებდნენ იმპო-
ტივით, რომ თბლებისადმი ორივე მათგანი გულშემატკივრობას იჩენ-

⁵⁸ Ч. А х р и е в, დასახ. ნაშრომი, გვ. 32; Б. Д а л г а т, ,, დასახ. ნაშრო-
მი. გვ. 338.

⁵⁹ Ф. Л е о н т о в и ч, II, стр. 169; Н. Г р а б о в с к и й, Ингуши,
ССКГ, IX, стр. 45; Н. Х а р у з и н, Заметки..., СМЭ, III, стр. 129; Ч. А х
р и е в, დასახ. ნაშრომი, გვ. 32; Б. Д а л г а т, დასახ. ნაშრომი, გვ. 348.

⁶⁰ Н. Г р а б о в с к и й, Ингуши, ССКГ. IX, стр. 45.

⁶¹ Б. Д а л г а т, დასახ. ნაშრომი, გვ. 348.

და, რამდენადაც ქვრივი ქალის შვილისათვის მამინაცვლის როლში გამოდიოდა ბიძა, ხოლო ქვრივი კაცის შვილებისათვის ქალი არსებითად წარმოადგენდა ბიცილას.

რძალზე მაზლის დაქორწინება ხელსაყრელად ითვლებოდა იმიტომაც, რომ ასეთ შემთხვევაში ყალიმის გადახდა აღარ იყო სავალდებულო, ვინაიდან ამ ქალის პირველი ქორწინებამ ღროსქმრის ოჯახს ყალიმი უკვე გადახდილი ჰქონდა. აღნიშნული მდგომარეობის გამო ქვრივს ზოგჯერ ისეთი მაზლიც კი ირთავდა, რომელიც პირველად ამ ქალთან იდგამდა საქორწინო გვირგვინს. ცხადია, რომ ასეთ ვითარებაში გამოირიცხული იყო შვილების აღზრდასთან დაკავშირებით ინტერესთა ერთიანობის მოტივი და მანამდე უცოლშვილო მაზლის გადაწყვეტილებას საფუძვლად ედო ყალიმის გადაუხდელობის წესი.

ეკონომიურ ფაქტორთან ერთად ქვრივთან მაზლია შეუღლებამა აპრობებდა ქვრივი ქალის ავტორიტეტიც. თუ ქვრივი სიყვარულს დაიმსახურებდა ოჯახის წევრებს შორის და თავისი საქციელით მძახლების კეთილსასურველ ურთიერთობასაც განამტკიცებდა, ოჯახიდან მის გაშვებაზე არც იფიქრებდნენ.

ინგუში განსაკუთრებით დიდ უბედურებად მიიჩნევა ისეთი ქალის რძლად მიყვანას, რომელიც მოყვრობის წრეში კონფლიქტის მიზეზი გახდებოდა. ასეთი საშიშროების თავიდან აცილების საუკეთესო გამოსავალს წარმოადგენდა ამ მხრივ უკვე ნაცადი და საიმედო ქვრივის თავისთანავე დატოვება მაზლთან მისი დაგვირგვინების გზით.

როგორც ვხედავთ, ადამი ყველა პირობას ქმნიდა იმისათვის, რომ ქვრივი უმეტეს შემთხვევაში მაზლზე გათხოვილიყო და სიკვდილამდე დარჩენილიყო იმ სახლში, სადაც პირველად შედგა ფეხი და საუდანაც მისი მამის ოჯახმა ყალიმი მიიღო. ეს ჩვეულება თავის მხრივ იმის მაჩვენებელია, რომ ინგუშეთმა ხანგრძლივად შემოინახა ლევირატის გადმონაშთები, რაც ცნობილია კავკასიის სხვა ხალხთა ძველი ყოფისთვისაც⁶². გადმონაშთური ფორმით ლევირატის შემონახულობა თავისთავად გამორიცხავდა უძეო ქვრივისთვის ქონებაზე მემკვიდრეობის უფლებას, ქვრივისა, რომელიც მაზლთან შეუღლების შემდეგ კვლავ დანარჩენი რძლების მდგომარეობაში ექცეოდა.

* * *

ზემოთ ჩვენ გავეცანით გასატხოვარი ქალის, რძლისა და ქვრივის უფლებრივ მდგომარეობას ოჯახის გაყრისა და ქონების განაწილების მომენტში. დავინახეთ ის, რომ რძლის პირად საკუთრებას მხოლოდ

⁶² ვ. ბ თ ნ ი შ ვ ი ლ ი, დასახ. ნაშრომი, გვ. 153—179.

მზითევი წარმოადგენდა. ოჯახის გაყრამდე რძალი სხვებთან ერთად საერთო-საოჯახო დოვლათით საზრდოობდა, ხოლო გაყრის შემდეგ დოვლათის მესაკუთრედ ქმარი ითვლებოდა და ცოლიც მასზე იყო დამოკიდებული.

ყოველივე ეს დამახასიათებელი იყო მშვიდობიანი ცხოვრებისათვის, მაგრამ ნახების საოჯახო ყოფისათვის არც კონფლიქტი და ცოლ-ქმრის გაყრა იყო უცხო. ამასთან დაკავშირებით საინტერესოა ვიცოდეთ ცოლისა და ქმრის უფლებრივი მდგომარეობაც.

ამ საკითხზე არსებული მონაცემებიდან აშკარად ჩანს ქმრის პრიორიტეტი ცოლთან ურთიერთობაში. როგორც ლიტერატურაშია აღნიშნული, ქმრის მიერ ჩაღვნილ ღალატს ცოლი გაყრის მიზეზად ვერ გამოიყენებდა⁶³. სამაგაეროდ, როგორც ამ ნაშრომის მეოთხე თავში დავინახეთ, მოღალატე ცოლს ქმარი ასახიჩრებდა, სახლიდან აძევებდა და ჭარბმასაც ახდევინებდა.

ქმარს ცოლთან გაყრა შეეძლო არა მარტო მძიმე დანაშაულის გამო. არამედ უმნიშვნელო მიზეზის საფუძველზედაც კი. მთხრობლების გადმოცემისა და ლიტერატურული წყაროების მიხედვით, ცოლთან გაყრის საფუძველად საკმარისი იყო ქმრის ასეთი სურვილი⁶⁴. ცოლი ამ მსრვი არაეითარი უფლებით არ სარგებლობდა და რაც არ უნდა მძიმე პირობებში ჰყოლოდა ის ქმარს, გაყრაზე საკითხის დასმა ქმრის თანხმობის გარეშე მას მაინც არ შეეძლო. ბ. დალგატის დაკვირვებით, ადათიც და შარიათიც კაცის მხარეზე მდგარა. თვით სქესობრივად უძლურ ქმართან გაყრის უფლებაც კი არ ჰქონდა ცოლს ქმრის თანხმობის გარეშე. ასეთ შემთხვევაში ქალი თავის საწადელს აღწევდა მხოლოდ რუსული კანონმდებლობის ძალით⁶⁵. როგორც ჩანს, ნ. დუბროვინიც რუსული კანონმდებლობის გავლენის შედეგად შექმნილ ურთიერთობას ეხებოდა, როდესაც ქმართან ცოლის გაყრის შესაძლებლობის ანალოგიურ მდგომარეობას გვაცნობდა⁶⁶.

ქმრის ოჯახიდან ქალის გაქცევას განსაკუთრებით აბრკოლებდა ის გარემოება, რომ ასეთ შემთხვევაში ქალის ოჯახს ევალებოდა სიძისთვის ყალიმის უკან დაბრუნება. ამის გამო, გამოქცეულ ქალს მშობლები აიძულებდნენ ქმართან შერიგებას. წინააღმდეგ შემთხვევაში

⁶³ Ф. Леонтович, II, стр. 173; Н. Грабовский, Ингуши ССКГ, IX, стр. 53—54.

⁶⁴ Ф. Леонтович, II, стр. 27, 170, 175; Н. Грабовский, Ингуши, стр. 52; Н. Дубровин. დასახ. ნაშრომი, გვ. 436; Н. Харузия, Заметки..., СМЭ, III, стр. 127.

⁶⁵ Б. Далгат, დასახ. ნაშრომი, გვ. 337—338.

⁶⁶ Н. Дубровин, დასახ. ნაშრომი, გვ. 436.

ქმარს უკან უბრუნდებოდა ყალიმი და მასვე რჩებოდა ცოლის მზითე-
ვიც. ასეთი ვითარება გვესახება 1843 წ. ჩაჩნებში შედგენილი ადათე-
ბის კრებულისა და ნ. გრაბოვსკის ნაშრომის მიხედვით⁶⁷. ქმრისაგან
წასული ქალის ასეთსავე მძიმე პირობებს გვაცნობს 1844 წ. ვლადი-
კავკაზის ოკრუგში შედგენილი კრებულიც, რომლის 104-ე მუხლის
თანახმად ქალის მამა ვალდებული იყო სიძისთვის გადაეხადა 45
ძროხა, ხოლო თუ ეს ქალი სხვაზე გათხოვდებოდა, მეორე ქმარსაც
პირველის სასარგებლოდ ამდენივეს გადახდა ეკისრებოდა.⁶⁸

რამდენადმე განსხვავებულ ურთიერთობას ჰქონია ადგილი მაშინ,
როდესაც გაყრის ინიციატორი იყო ქმარი. 1843 წ. კრებულის მიხედ-
ვით, დაწუნებულ ცოლს ქმარი უტოვებდა ყალამს და ქალია პირად
საკუთრებას⁶⁹ (იგულისხმება მზითევი). 1844 წ. კრებულში კი აღნიშ-
ნულია, რომ ცოლის გაგდების შემთხვევაში ქმარი უკან იბრუნებდა
მისთვის გადახდილი ყალიმის ნახევარს⁷⁰.

1843 და 1844 წწ. კრებულებში ასახული უნდა იყოს შარიათის გა-
ვლენით შემუშავებული ნორმები, რამდენადაც ქალისთვის ყალიმის
დატოვების წესი უცხო ყოფილა ადათისათვის. ისიც უნდა აღინიშნოს,
რომ, როგორც რიგ სხვა შემთხვევაშიც, ცოლ-ქმრის გაყრისა და მათ
შორის ეკონომიური ურთიერთობის მოწესრიგებაში ადათმა თავისი
სახე ჩაჩნებთან შედარებით უკეთესად შემოინახა ინგუშებში. ადგილ-
ზე შეკრებილ ეთნოგრაფიულ მასალებთან ერთად ამ გარემოებაზე მი-
გვითითებენ ლიტერატურული წყაროებიც. შორს რომ არ წავიდეთ:
საილუსტრაციოდ შეიძლება დავასახელოთ მრავალჯერ ხსენებულ
ადათების კრებული. როგორც მისი ერთ-ერთი ადგილიდან ჩანს.
განქორწინება ინგუშეთში დამოკიდებული ყოფილა კაცის ნება-სურ-
ვალზე. ქალს პირად საკუთრებაში რჩებოდა მხოლოდ თავისი მზითევი,
ხოლო კაცს უკან უბრუნებდნენ ყალამს, ქორწილში გაწეულ ხარჯებს
და ამ მომენტში გაღებულ საჩუქრებს. ამ ვალდებულებების შეარულებამ-
დე ქალს სხვაზე გათხოვების უფლება არ ჰქონდა. აღნიშნული წესის და-
რღვევა შეფასდებოდა როგორც მეორე ქმრის მიერ პირველისთვის
ცოლის მოტაცება, ხოლო ამის ნიადაგზე ქმრები ხდებოდნენ ერთიმე-
ორის მოსისხლე მტრები. ურთიერთობის გამწვავების შიშით ქმრისა-
გან დაწუნებული ახალგაზრდა ქალი ზოგჯერ ველარ თხოვდებოდა.

⁶⁷ Ф. Леонтович, II, стр. 99, 174; Н. Грабовский и Ин-
гуши, ССКГ, IX, стр. 50.

⁶⁸ Ф. Леонтович, II, стр. 27.

⁶⁹ იქვე, გვ. 99, შდრ. Н. Дубровин, დასახ. ნაშრომი, გვ. 436.

⁷⁰ Ф. Леонтович, II, стр. 27.

როდესაც მისი ღარიბი მშობლები ვერ შესძლებდნენ ყოფილი სიძისთვის ყალიძის უკან დაბრუნებას. ზოგჯერ ისედაც ხდებოდა, რომ სიძე თავს არიდებდა ყალიძის უკან მიღებას, რათა მის ყოფილ ცოლს სხვაზე გათხოვების საშუალება არ მისცემოდა⁷¹.

ქალის მდგომარეობა ამ მხრივ რამდენადმე შეუმსუბუქებია შარიათს, რომლის ძალით ცოლის დამწუნებელი ქმარი ვალდებული იყო ცოლისთვის უკან გაეტანებინა როგორც მზითვევი, ისე ქორწილის დროს მირთმეული საჩუქრებიც. თუ ნივთები აღარ იყო შემონახული, ქმარს ევალებოდა მათი ღირებულების ანაზღაურება სხვა გზით⁷². ამავე ნაშრომში ბ. დაღვატს აღნიშნული აქვს, რომ 900-იანი წლების ინგუშეთში ქმართან გაცილებულ ქალს მზითვევი უკან არ უბრუნდებოდა; მას ეძლეოდა მხოლოდ 1 ძროხა⁷³.

ბ. დაღვატის ეს მეორე ცნობა უნდა გვაცნობდეს ან ადათობრივი ნორმების გადმონაშთებს, როდესაც დაწუნებულ ცოლს ქმარი ქონებას არ აძლევდა, ანდა ისეთ ვითარებას, როდესაც ცოლი თითონ ვამაჯიოდა ქმარის დამწუნებლის როლში და ამის გამო მას მხოლოდ 1 ძროხას ატანდნენ.

ქმარის მაღალი უფლებების მაჩვენებელია ის გარემოებაც, რომ გაყრის შემდეგ მას შეეძლო კვლავ დაესვა საკითხი გავდებული ცოლის უკან დაბრუნებისა და მასთან შერიგების შესახებ. თუ საქმე ძალიან არ იყო გამწვავებული, მოხუცები ჩაეკერდნენ და დამნაშავეც რომ ყოფილიყო კაცი, მასთან ცოლის შერიგებას მიაღწევდნენ. სამაგიეროდ ქმართან შერიგებაზე საკითხის დასმის უფლებას მოკლებული იყო ქალი⁷⁴.

მარტივად სრულდებოდა თვით გაყრის წესი. საქმარისად ითვლებოდა მხოლოდ ორი მოწმის დასწრება. უფრო გვიანდელი დროისათვის დამახასიათებლად მიაჩნია ბ. დაღვატს გაყრის მუსლიმანური წესი — ე. წ. „ტალაკი“, რაც მოლებს ეკისრებოდათ⁷⁵.

1863 წლის დადგენილების საფუძველზე მკვეთრად შეიცვალა მდგომარეობა. ურუდის შემციობებისა და ქალის ეკონომიური პრივილეგიების გაზრდასთან ერთად როგორც ახალგაზრდა ქალს, ისე ნაკვერიალს დანიშნულისთვის უარის თქმის ნება დაერთოთ. ამასთან

⁷¹ Ф. Леонтович, II, стр. 175; შდრ. Н. Грабовский. Ингуши, ССКГ, IX, стр. 52; Н. Харузин, Заметки..., СМЭ, III, стр. 128.

⁷² Б. Даггат, დასახ. ნაშრომი, გვ. 342.

⁷³ იქვე, გვ. 337.

⁷⁴ იქვე, გვ. 340.

⁷⁵ იქვე, გვ. 337.

ერთად კვლავ გრძელდებოდა ტრადიციის ძალაც, რაც აპირობებდა ადათობრივი წესებისა და შარიათის გავლენით შემუშავებული ნორმების გარდაქმნილი სახით მოქმედებას. ეს პირველ რიგში, შეეხება ქმრისა და მისგან გაქცეული ცოლის ეკონომიურ უფლება-მოვალეობას. 1863 წლის შემდეგაც ქმრისაგან ქალის წასვლა არ ითვლებოდა მიზანშეწონილად თუ კი მოლას მიერ შესრულებული იქნებოდა საქორწილო რიტუალი „ნაკიახი“. მხოლოდ იმის შემდეგ, როდესაც ქმარი დარწმუნდებოდა, რომ ცოლი მასთან გამჩერებელი აღარ იყო, ის ცოლს უშვებდა და ექვს თვემდე სხვაზე გათხოვებას უკრძალავდა. ამ აკრძალვით უგულვებელყოფის შემთხვევაში ქალის შშობლები ყოფილ სიძეს უბრუნებდნენ ყალიძს — 105 მანეთს, ქორწილში გაწეულ მთელ ხარჯებს. ხოლო მეორე ქმარს ევალებოდა პირველი ქმრისათვის გადაეხადა 300 მანეთი და 50 მანეთიც ჯარიმა, რადგან ექვსი თვის გასვლამდე მეორედ გათხოვება ითვლებოდა ცოლის წაგვრად⁷⁶.

თუ ქალი ზემოაღნიშნულ პირობას არ დაარღვევდა და ექვს თვეზე ადრე არ გათხოვდებოდა, მისი ოჯახიც თავისუფლდებოდა ყოველგვარი ეკონომიური ვალდებულებისაგან. პირველ ქმარს ის ყალიძს უბრუნებდა მხოლოდ იმ შემთხვევაში, როდესაც ქმარი მას დალატში დაიჭერდა⁷⁷.

იმავე დადგენილების საფუძველზე ქალი და მისი ოჯახი სასჯელს ვერ გადაურჩებოდა ვერც ისეთ შემთხვევაში, როდესაც ქალი უშიშროდ გაექცეოდა ქმარს, შემდეგ უკან დაბრუნდებოდა და ბოლოს მაინც გაექცეოდა. ასეთი საქციელით ქმრის შეურაცხმყოფელ ქალს ევალებოდა ქმრისთვის ყალიძის (105 მანეთის) უკან დაბრუნებაც და მზითველზე ხელის აღებაც. გარდა ამისა, ქალის ოჯახს გაწბილებული სიძისთვის უნდა მიეცა ორმაგი ყალიძი—210 მანეთი. ასეთივე საქციელის გამო ქალისა და მისი მეორე ქმრის მიმართ ვრცელდებოდა სასჯელის ისეთივე ნორმები, როგორსაც გავეცანით ზემოთ, ე. ი. ექვს თვეზე ადრე ქალის გათხოვების შემთხვევაში მეორე ქმრის მიერ პირველის სასარგებლოდ ორმაგი ყალიძისა და ჯარიმის სახით კიდევ 350 მანეთის გამოღება. ამასთან ერთად, 1863 წლის დადგენილების საფუძველზე შეზღუდულ იქნა პირველი ქმრის თვითნებობა, როდესაც ის განზრახ გაურბოდა ქალის ოჯახისაგან ყალიძის უკან მიღებას და ამით ის თავის ნაცოლარს იძულებულს ხდიდა გაუთხოვრად დარჩენილიყო. კაცის ამგვარ მოქმედებას ლაგამი ამოსდო რუსულმა კანონმდებლობამ, რომელიც მას აიძულებდა ნაცოლარისაგან აეღო კუ-

⁷⁶ Н. Грабовский, Ингуши, ССКГ, IX, стр. 50.

⁷⁷ Н. Харузин, დასახ. ნაშრომი, გვ. 128.

თენილი თანხა, ხოლო ქალს აძლევდა ოფიციალურ ცნობას სხვაზე გათხოვების უფლების შესახებ⁷⁸.

როგორც ვხედავთ, ახალი დადგენილების შედეგად ყალიბის მოცულობა შემცირდა და ქალის უფლებებიც რამდენადმე გაიზარდა, მაგრამ ძველი ტრადიცია თავის გამოვლინებას იმ მხრივ პოულობდა, რომ დანაშაულის ჩადენისა და დადგენილი დროის დარღვევის შემთხვევაში ცოლი არ თავისუფლდებოდა იმ ვალდებულებისაგან, რომელიც გულისხმობდა აღებული ყალიბის უკან დაბრუნებას.

ზემოხსენებული დადგენილების შედეგად გათხოვილი ქალის პრივილეგიები გაიზარდა იმ მხრივაც, რომ ქმრისაგან დაუმსახურებლად გაწამების შემთხვევაში მას უფლება მიეცა ქმრის ნებართვით გასულიყო მიეღწია დამოუკიდებლობისათვის. ამასთან ერთად ქმარი იძულებული იყო ცოლისთვის მიეცა 80 მანეთი შესანახი (თუ ეს თანხა ყალიბის სახით წინასწარ არ ჰქონდა გადახდილი), დაებრუნებინა მისთვის პირადი საკუთრება (იგულისხმება მზითვევი), ხოლო ყოველივე ამის შემდეგ ქალს ნება ეძლეოდა სხვაზე გათხოვებისა.

ჩაჩნეთ-ინგუშეთში მკვეთრად იყო გამოიჩნული გაყრალი ცოლ-ქმრის უფლებები შეიღების მიმართ. ჩვენ მიერ შეკრებილი მასალების მიხედვით, შეიღები მამასთან რჩებოდნენ და დედას არავითარ შემთხვევაში არ ჰქონია მათი წაყვანის უფლება. მამის ასეთსავე უფლებებსა და დედის სრულ უფლებობას გვაცნობენ XIX საუკუნის დამკვირვებლები⁷⁹. ამ მხრივ რამდენადმე განსხვავებულ ვითარებაზე მიუთითებენ ნ. დუბროვინი და ბ. დალგატი. როგორც ნ. დუბროვინი შენიშნავს, იმ შემთხვევაში, როდესაც გაყრის ინიციატორი იყო ქმარი და მისი ეს სურვილი არ იყო დააბუთებული, ყორანის მიხედვით ქმარს ევალებოდა ცოლისთვის მიეცა ყალიბი და პირადი ქონება, ხოლო ზოგჯერ ასე უდანაშაულოდ გაგდებულ ქალს შვილსაც აკუთვნებდნენ ხოლმე. იმ შემთხვევაში კი, როდესაც გაყრის ინიციატორი იყო ქალი, შეიღების მიკუთვნების საკითხის გადაწყვეტა მამაზე ყოფილა დამოკიდებული. ამ უკანასკნელის თანხმობით, ცოლს ზოგჯერ ეძლეოდა ქალიშვილი, ხოლო დროებით ძუძუთა ვაჟიც⁸⁰. ბ. დალგატიც აღნიშნავს, რომ ძუძუთა ან ცოლ-ქმრის გაყრის შემდეგ დაბადებული ბავშვი ვიდრე წამოიზრდებოდა, იმყოფებოდა დედასთან და მამა აძლევდა საზრდოს. მისივე ცნობით, როგორც ადათის, ისე შარიათის მიხედვით, ცოლ-ქმრის გაყრის შემთხვევაში შვილები მამასთან რჩე-

⁷⁸ Н. Грабовский, Ингуш. ССКГ, IX, стр. 51—52.

⁷⁹ Ф. Леонтович, II, стр. 99, 176; Н. Грабовский, Ингуш, ССКГ, IX, стр. 53.

⁸⁰ Н. Дубровин, დასახ. ნაშრომი, გვ. 436.

ზოდნენ. ბ. დაღვატი იქვე შენიშნავს, რომ ქმარს გაცილებული ქალი ან თავის შვილებთან რჩებოდა ანდა მამის სახლში მიდიოდა⁴¹.

ყოველივე ამის საფუძველზე შეიძლება ითქვას, რომ ტრადიციული ჩანს შვილების მიმართ მამის უფლებები, ხოლო ნ. დუბროვინისა და ბ. დაღვატის მიერ აღნიშნული გამონაკლისების არაებობა გაპირობებული იყო არა რომელიმე დადგენილი ნორმებით, არამედ კონკრეტული მდგომარეობით (ძუძუთა ბავშვის დედასთან ყოფნის საპირობება) ან მამის გადაწყვეტილებით (ცოლისთვის ქალიშვილის დათმობა). რაც შეეხება ბ. დაღვატის ცნობას იმის შესახებ, რომ ქმარს გაცილებული ცოლი ზოგჯერ თავის შვილებთან რჩებოდა, ეს გვიანდელი მოვლენა უნდა იყოს. შესაძლებელია დედას ეს უფლება მიანიჭა რუსულმა კანონმდებლობამ.

ამგვარად, 1863 წლის დადგენილების საფუძველზე მდგომარეობა რეკეთრად შეიცვალა და კანონი ქალის მხარეზე აღაპარაკდა. ასეთი ღონისძიების გატარებისას მხედველობაში იყო მიღებული ადათისა და შარიათის ნორმებიც, რომლებიც ახალი დადგენილების შემოღებამ განაგრძობდნენ არსებობას რამდენადმე შეცვლილი სახით. საოჯახო ურთიერთობის სფეროდან ეს შეიძლება ითქვას ცოლ-ქმრის გაყრასთან დაკავშირებით არსებული ურთიერთვალდებულების შესახებაც, რამდენადაც გადასახადთა სახეობა ტრადიციული ღარჩა, ხოლო მათი მოცულობა შემცირდა.

* * *

გავეცანით რა ოჯახის გაყრისა და ქონების განაწილების წესს, დაერწმუნდით იმაში, რომ რამდენიმე თაობის მომცველი ერთეულის დანაწილების შედეგად იქმნებოდა ახალი ეკონომიური უჯრედები ინდივიდუალური ოჯახების სახით, მაგრამ გაყრა სრულებითაც არ ნიშნავდა განაყრების სრულ იზოლაციას. ერთი სახლიდან გამოყოფილი ოჯახების შემდგომი ურთიერთობაც კვლავ გარკვეულ ვალდებულებათა შესრულებას ითვალისწინებდა.

როგორც ზემოთ ითქვა, მშობლების სიცოცხლეში ოჯახის გაყრა ადათით მიუღებელი იყო. ცხადია, რომ ასეთ ვითარებაში მათი დასაფლავება საერთო საოჯახო ხარჯით ხდებოდა. მაგრამ იმის შემდეგ, რაც წესად შემოვიდა მშობლების სიცოცხლეში ოჯახის გაყრა, დასაფლავების ძველი ტრადიცია მაინც ცოცხლობდა. მშობლები ცალკე ოჯახად იცხოვრებდნენ თუ რომელიმე შვილთან დამკვიდრდებოდნენ, ყველა შვილი ვალდებული იყო მონაწილეობა მიეღო მათი დასაფლა-

⁴¹ Б. Дагва т, დასახ. ნაშრომი, გვ. 337—338.

ვებისათვის საჭირო ხარჯების გამოღებაში. ასე ხდებოდა ისეთ შემთხვევაშიც კი, როდესაც მშობლებს თავისი წილი მრტანილი ჰქონდათ იმ შეილთან, რომელთან ცხოვრებასაც აპირებდნენ.

განაყარი ოჯახების ურთიერთობისათვის დამახასიათებელი იყო ეკონომიური შემწეობა კირსა და ლზინში. საყურადღებოა, რომ ინგუშეთში შეძლებული ოჯახის მიერ ღარიბობაში დახმარების ნორმებიც კი განსაზღვრული ყოფილა. შეძლებული ოჯახი ღარიბს აღედა თავისი მოსავლიდან ყოველ 10 ფუთზე 1 ფუთ მარცვლებს. ხოლო ყოველ 60 სულ ცხვარზე 1 ცხვარს. განსაკუთრებით ხშირად ხდებოდა დახმარება ჯურით. რადგანაც მთიელი ყველაზე მეტად ჭურის ნაკლებობას განიცდიდა.

განაყრები ვალდებული იყვნენ ერთმანეთს დახმარებოდნენ ყალიმისა და სისხლის საურავის გადახდის შემთხვევაშიც. როდესაც ერთი ოჯახი მოკლებული იყო ამის შესაძლებლობას. აღსანიშნავია, რომ სისხლის საურავის გადახდაში ახალ განაყრებთან ერთად შედარებით შორეული ნათესავებიც მონაწილეობდნენ და გადასახდელი თანხაც ნათესაობის ფარგლებით განისაზღვრებოდა. უახლოეს ნათესავს ევალეზობდა რვა ძროხის საფასურის გამოღება. უფრო შორეულ ნათესავს შვიდი ძროხისა და ა. შ. ყველაზე შორეული ნათესავი ოჯახს ეხმარებოდა მხოლოდ ერთი თიკნით⁸².

ურთიერთდახმარების ერთ-ერთ საშუალებას წარმოადგენდა აგრეთვე გაყარი ოჯახების კვლავ შეყრა, რაც დამოწმებულია ინგუშების ყოფაში. ოჯახებისა და გვარების შეყრილობა სხვადასხვა მიზეზით იყო გაპირობებული. გვართა შეყრილობას საფუძვლად ედო ძლიერ გვართან სუსტის მიკედლება თავდაცვის მიზნით. ამისათვის მას ევალეზობდა სათანადო წესის შესრულება — ხარის დაკვლა ძლიერი გვარის კომშთან. ამ დღიდან ის იღებდა მფარველის გვარს და უზრუნველყოფდა თავის უშიშროებას. სუსტი გვარი იღებდა იმის უფლებასაც, რომ ესარგებლნა შემფარებელი გვარის საძოვრებით, სათბებით და ტყით, ხოლო სახნავეები მათ ცალკე ჰქონდათ ეკრძო საკუთრებაში⁸³.

გვარებს-ს შეყრისა და ამასთან დაკავშირებით ხაროა დაკვლის ეს წესი მოგვაგონებს ქარ-ქვაბით შემოყრის ხევსურულ ჩვეულებას⁸⁴.

თუ ძლიერთან სუსტი გვარის მიკედლება მისი მცირერიცხოვანებითა და მტრისაგან დაჩაგვრის საშიშროებით იყო გამოწვეული.

⁸² Ф. Леонтович. II, стр. 142; Б. Далгат, დასახ. ნაშრომი, გვ. 310.

⁸³ Б. Далгат, დასახ. ნაშრომი, გვ. 312—313.


⁸⁴ რ. ხარაძე, ხევსურული ძირი და გვარი, „მომომხილელი“, II, თბილისი, 1949.

ოჯახების შეყრილობა ნაკარნახევი იყო რომელიმე მათგანის ეკონომიური სიღიწროვით.


როდესაც განაყრებს შორის ერთ-ერთ ოჯახს გაუქირდებოდა და სიდუხჭირიდან გამოსვლის საშუალება ესპობოდა, გაყრილი ოჯახები კვლავ ერთად შეიყრებოდნენ და მთელ ქონებას შეაზიარებდნენ, განურჩევლად იმისა ვის მეტი შეძლება ჰქონდა და ვის ნაკლები.


შეყრილ ოჯახებს ქონებაზე თანაბარი უფლება ენიჭებოდათ. როდესაც გარკვეული დრო გაეიდოდა, შეყრილი ოჯახები კვლავ იყრებოდნენ და ქონებას თანაბრად ინაწილებდნენ. თანაბრად იყოფოდა არა მარტო შეყრის მომენტში გაერთიანებული ქონება, არამედ ერთად ცხოვრების დროს ერთობლივი შრომით დაგროვილი დოვლათიც. ის მიწები კი, რაც ოჯახებს შეყრილობამდე ჰქონდათ შეძენილი, ოჯახების გაერთიანების მომენტში ერთიანდებოდა და შისი მოსავალიც გაყრამდე ერთობლივად მოიხმარებოდა, მაგრამ გაყრის დროს ეს ნაკვეთები კვლავ მათი მესაკუთრე ოჯახების ხელში გადადიოდა⁸⁵.


⁸⁵ Б. Д а л г а т, დასახ. ნაშრომი, გვ. 351.





სეზონი














ნ ა წ ი ლ ი მ ე ო რ ე

პანკისელი ქისტების საოჯახო ყოფა

პანკისის ხეობა წარმოადგენს კახეთის ტერიტორიის ერთ-ერთ შემადგენელ ნაწილს, რომლის მთელ სიგრძეზე მოედინება მდ. ალაზანი. ალაზნის დინების მიმართულებით, ე. ი. ჩრდილოეთიდან სამხრეთისაკენ ხეობა თანდათანობით ფართოვდება და დაბლდება. თუ მისი სათავეები მთური რელიეფით ხასიათდება, ქვედა წელი, რომელიც თავის მხრივ. ხეობის ძირითად სამოსახლო და სამეურნეო ნაწილს წარმოადგენს, საკმაოდ გაშლილი ვაკეა. ამ ხეობის მდებარეობას ზუსტად გვაცნობს და მის ლაკონიურ გეოგრაფიულ დახასიათებას იძლევა ვაშუმტი ბაგრატიონი. იგი წერს: „ხოლო მარელიას ჩრდილოთ ჳევი რომელი აღესწერეთ, მის ჳევის ჩრდილოდ კერძი არს პანკისის ჳეობა, რომლისა შორის დის ალაზანი. და აღმოსავლით აქუს პანკისის კავკასი, ამასა და თუშეთს შორისი; დასავლით მთა კახეთისა, ფშავს, თიანეთსა და ამას შორისი; ჩრდილოთ კავკასივე, ლილვსა და ამას შორისი; სამჳრით ჳევი წინთქმული და მთა მცირე, კახეთის მთილამ ჩამოსული, აღმოსავლეთად ალაზნამდე, და მერმე იქილამ ხაზი, გასული კავკასამდე. ხოლო კახეთის მთილამ ჩამოსულის მთის ზეით ერთვის ალაზანს ჳევი და გამოსდის კახეთის მთას, მოერთვის დასავლეთილამ ალაზანს. ამ ჳევს ზეით ერთვის სხვა ჳევი. გამოჲდის თუშეთსა და ამას შორისს კავკასსა, მოდის დასავლეთად. ამ ჳევიდან გარდავალს გზა თუშეთს. ამ ჳევს ზეით განიყოფის ალაზანი ორად, და ამ ორთა წყალთა შუა არს ციხე ხორჯისა ანუ მახვილი, მაგარი და შეუალი, არამედ აწ უქჳი“¹.

ალ. ჯავახიშვილის ხელმძღვანელობით შედგენილ ხუთეკისიან რუკაზე პანკისის ხეობაში ახმეტეიდან მდ. ალაზნის აყოლებით აღნიშ-

¹ ვ ა ხ უ შ ტ ი, აღწერა სამეფოსა საქართველოსა, თბილისი, 1941, გვ. 102-

წულია შემდეგი სოფლები: მატანი, მარელისი, ქორეთი, ქვემო წინუ-
ბანი. ყვარელ-წყალი. ქვემო ხალაწანი, ნაპანკისევი (შუა ხალაწანი),
დუჟასტური. დუი-სოფელი. ჯოყოლა, ომალო, ბირკიანი, ქორთაბუდე.
ბორაჯო. ჩხათანა. ტოლოშა და ბაწარა. ამათგან ჩვენთვის საინტერესოა
ქისტებით დასახლებული სოფლები: შუა ხალაწანი, დუი-სოფელი
ანუ დუისა, ჯოყოლო, ომალო, ბირკიანი, ქორთაბუდე, ბორაჯო და
ჩხათანა. უკანასკნელი სამი სოფელი მდებარეობს პანკისის ხეობის ზე-
და ვიწრო ყელში, მაგრამ იქაური მკვიდრნი ბოლო დროისათვის ბა-
რად ჩამოსახლდნენ. მთის სოფლებიდან ჩამოსული ქისტების ერთი ნა-
წილი განსახლდა დუისში, ჯოყოლოსა და ომალოში, ხოლო ნაწილმა
შექმნა ახალი დასახლება. როგორც თავის დროზე ს. ჩხენკელმა აღნიშ-
ნა² და როგორც ეს ჯერ კიდევ კარგად ახსოვთ პანკისელ მთხრობლებს,
მთიდან ჩამოსახლებულმა ქისტებმა დააარსეს სოფ. შუა ხალაწანი.
რომელიც მდებარეობს მდ. ალაზნის მარცხენა ნაპირზე. ფშავლების
სოფ. ზემო ხალაწანსა და ოსებით დასახლებულ ქვემო ხალაწანს შუა.
ასევე ახალ დასახლებას წარმოადგენს სოფ. ბირკიანი. ასეთი გადასე-
ლა-გადმოსვლის, ძველი სოფლებია მიტოვებისა და ახალი დასახლე-
ების შექმნას შემდეგ ქისტებმა საბოლოოდ თავი მოიყარეს პანკისის
ხეობის ხუთ სოფელში: დუისში, ჯოყოლოში, ომალოში, ბირკიანსა და
შუა ხალაწანში. ყველაზე დიდ დასახლებას წარმოადგენს სოფ. დუისი.
სადაც თითქმის პანკისის ხეობის ქისტური მოსახლეობის ნახევარზე
ზეტი ცხოვრობს.

გასული საუკუნის სტატისტიკური მონაცემების მიხედვითაც
დუისის მოსახლეობა ქისტებით დასახლებული სხვა დანარჩენი სოფ-
ლების მოსახლეობას უნახვევრდებოდა. ამ მხრივ პირველ ყოვლისა სა-
ყურადღებოა მ. მაჩაბლის გამოკვლევა, სადაც მოტანილია როგორც
1873 წლის კამერალური აღწერის მონაცემები, ისე საკუთარი ჩანა-
წერები.

როგორც მ. მაჩაბელი წერს, მაშინდელი ადმინისტრაციული და-
ყოფით პანკისის ხეობა შედიოდა თიანეთის მაზრაში (თბილისის
გუბერნიისაში)³. აქ მცხოვრები ქისტები გაერთიანებული იყვნენ ორ
სასოფლო საზოგადოებაში. პირველი იყო ჯოყოლოს საზოგადოება
ორი სოფლის — ჯოყოლოსა და დუისის სახით. 1873 წლის კამერალუ-

² ჩ ხ ე ნ კ ე ლ ი, ქისტების დასახლებისათვის პანკისის ხეობაში (უმა-
თავრესად ზეპირი გადმოცემებით). მსკი, ნაკ. III, ტფილისი, 1937.

³ М. М а ч а б е л и, Экономический быт государственных крестьян
Тiftonского уезда Тифлисской губернии, МИЭБГКЗК, т. V, Тифлис, 1887,
стр. 328.

რი აღწერით, ამ საზოგადოების მოსახლეობა შეადგენდა 96 კომლს (496 სულს), ხოლო მ. მაჩაბლის ჩანაწერებით 115 კომლს (653 სულს). ომალოს საზოგადოებაში (ომალო, ხორაჯა, ჩხათანა და ფშავლების სოფლები; ყვარელ-წყალი და სუბუკი) 1873 წლის კამერალურმა აღწერამ აჩვენა 81 კომლი (369 სული), ხოლო მ. მაჩაბელმა აღრიცხა 93 კომლი (456 სული)⁴.

ზემოხსენებული საზოგადოებების სტრუქტურა და მოახლეობის რიცხობრივი შემადგენლობა ოდნავ შეცვლილი სახით გამოიყურება შოგვიანო მონაცემების მიხედვით. მხედველობაში გვაქვს 1886 წლის ციფრობრივი მაჩვენებლები. რაც გამოქვეყნდა 1893 წელს. ეს მონაცემები ისეთსავე აღმინისტრაციულ სტრუქტურაზე მიგვითითებს, როგორსაც გავეცანით მ. მაჩაბლის ნაშრომიდან. განსხვავება მხოლოდ იმ მხრივ შეინიშნება, რომ ომალოს საზოგადოებაში მ. მაჩაბელი ასახელებს სოფ. ჩხათანას, რაც აღარ გვხვდება 1886 წლის აღწერილობაში.

1886 წელს ჭოყოლოს საზოგადოებაში, ე. ი. ჭოყოლოსა და დუისში ცხოვრობდა სულ 117 კომლი (751 სული), საიდანაც ჭოყოლოს მოსახლეობა შეადგენდა 32 კომლს (205 სულს), ხოლო დუისისა 35 კომლს (546 სულს). ორივე სოფელში ცხოვრობდნენ მხოლოდ ქისტები. გარდა სახელმწიფო გლეხებისა იქ არც ერთი სხვა წოდების წარმომადგენელი არ იმყოფებოდა. მკვეთრი განსხვავება შეინიშნებოდა ძირითადად სარწმუნოების მიხედვით. ჭოყოლოში 205 სულიდან მხოლოდ 18 სული იყო მაჰმადიანი სუნიტი, ხოლო 187 სული მისდევდა მართლმადიდებელ ქრისტიანობას. დუისში კი საწინააღმდეგო ვითარება სუფევდა. 546 სულიდან აქ მართლმადიდებელი იყო მხოლოდ 47 სული, ხოლო 499 სული მაჰმადიანობდა. მთელ საზოგადოებაში ქრისტიანულ სარწმუნოებას მისდევდა 234 სული, ხოლო მაჰმადიანურს 517 სული.

ომალოს სასოფლო საზოგადოებაში გაერთიანებული იყო ოთხი სოფელი: ყვარელ-წყალი, ომალო, სუბუკი და ხორაჯა, რომელთაგან ყვარელ-წყალი და სუბუკი ფშავლების სოფლები იყო. ომალოში ცხოვრობდნენ მხოლოდ მართლმადიდებელი ქისტები, სახელმწიფო გლეხები (40 კომლი, 219 სული). სარწმუნოებით ასევე მართლმადიდებელი ქრისტიანები, ხოლო სოციალურად სახელმწიფო გლეხები იყვნენ ხორაჯაში მცხოვრები ქისტები⁵ ექვსი ოჯახი (43 სული) და ქართველების ერთი ოჯახი (შვიდი სული)⁵.

⁴ М. М а ч а б е л и. დასახ. ნაშრომი, გვ. 338—339.

⁵ Свод статистических данных о населении Закавказского края. Извлеченных из посемейных списков 1886 г., Тифлис, 1893, стр. 172—173.

პანკისის ხეობის ტერიტორიაზე ქისტების დასახლებამდე მცხოვრები ქართული მოსახლეობის ისტორიული წარსულისა და ყოფაცხოვრების შესახებ რაიმეს თქმა შეუძლებელია სათანადო წყაროების უქონლობის გამო. ქართული ისტორიული წყაროებიდან პანკისის შესახებ ძალზე ძუნწი ცნობები გვხვდება „მატიანე ქართლისაში“ და „ეპითაღმწერელში“. პირველ მათგანში ხსენებულია „სტეფანოზ ვარჯანის-ძე პანკისისა ერისთავი“⁶, ხოლო მეორეში სათანადო ადგილი აქვს დათმობილი თორღვა პანკელის დროებითი აღზევებისა და შემდეგ დაღუპვის ისტორიას⁷.

ქვემოთ დავინახავთ, რომ გეოგრაფიულ აღწერილობასთან ერთად ვახუშტიმ მოგვცა მისი მეურნეობის დახასიათებაც, რაც თავის მხრივ იმის მაჩვენებელია, რომ ვახუშტისდროინდელ პანკისის ხეობაში მოსახლეობა იმყოფებოდა. სხვაგვარად წარმოდგენელი იქნებოდა რაიმე სახის მეურნეობის არსებობა, მაგრამ ვახუშტისეული აღწერილობის შემდეგ, XVIII საუკუნის დამლევისათვის ეს კუთხე მოსახლეობისაგან დაკლილა დაღესტნელი ფეოდალების მძარცველურ ლაშქრობათა შედეგად, რამაც გამოიწვია მალაღვანიოთარებული ქართული სამეურნეო დარგების მოშლაც. ამიტომ თითქმის ყველა ხალხური გადმოცემა მოგვითხრობს იმის შესახებ, რომ XIX საუკუნის პირველი მეოთხედიდან აქ ჩამოსახლებული ქისტები მკვდრებიან გაუკაცრიელებულ, ტყით დაფარულ ხეობაში.

ხალხური გადმოცემების გამოქვეყნებულ ვარიანტებს⁸ შორის დიდი შინაარსობრივი სხვაობა არ იგრძნობა. ყველა მათგანისათვის საერთო ისაა, რომ ჩაჩნეთ-ინგუშეთიდან ნახების ინტენსიური ჩამოსახლება პანკისის ხეობაში დაიწყო XIX საუკუნის 30-იანი წლებიდან, ხოლო ეს პროცესი განსაკუთრებით გაღრმავდა შამილის მოღვაწეობის ხანაში. ასეთივე სურათი გვხვატება ჩვენ მიერ შეკრებილი მასალების მიხედვითაც, რომელთა გადმოცემა ამჟამად შორს წაგვიყვანდა.

ნახებს თან მოჰქონდათ მამა-პაპური წეს-ჩვეულებები და ტრადიციები, მაგრამ ახალ სამოსახლო ტერიტორიაზე დამკვიდრების შედეგად ისინი ეცნობოდნენ ახალ გარემოპირობებს და ვითარებასაც. ქართულ მოსახლეობასთან შეზობლობა-თანაცხოვრებისა და ურთიერთ-

⁶ მათიანე ქართლისა, ქართლის ცხოვრება, ს. ყაუხჩიშვილის გამოცემა, ტ. I, თბილისი, 1955, გვ. 298.

⁷ ეპითაღმწერელი, ქართლის ცხოვრება, II, თბ., 1959, გვ. 230—231.

⁸ М. М а в а р е т и, დასახ. ნაშრომი, გვ. 328; შ ა ქ რ ი (ზაქარია გულსაშვილი), პანკისის ხეობა (ეტიმოგრაფიული შენიშვნები), გაზ. „ივერია“, 1887, №21; ს. ჩ ხ ე ნ ე ლ ი, დასახ. ნაშრომი, გვ. 230—236..

ბის შედეგად მათ შეითვისეს ქართული ენა, გვარები გაიფორმეს ქართულად, შეისწავლეს ადგილობრივი სამეურნეო პირობები, მიიღეს ქრისტიანული სარწმუნოება⁹. თან მოტანილი ნახური ტრადიციებისა და დაძვდური ქართული კულტურის ურთიერთშერწყმის ნიადაგზე ანკისის ხეობაში ჩამოყალიბდა კომპაქტურად დასახლებული ორენოვანი ეთნიკური ერთეული ქისტების სახით.

ვინაიდან ნახურ-ქართული კულტურის ელემენტების სინთეზი პანკისის ხეობაში მოხდა XIX—XX საუკუნეებში, ჩვენთვის საინტერესოა აღნიშნული პერიოდის მასალა. პანკისელი ქისტების ყოფის შესახებ სპეციალური ლიტერატურის უქონლობის გამო ერთადერთ წყაროს წარმოადგენს ჩვენ მიერ ჩაწერილი ეთნოგრაფიული მასალა. ეს მასალა ჩაგვაწერიანს იმ მთხრობლებმა, რომლებიც უშუალო მოწმენი არიან ზემოაღნიშნული ისტორიული პროცესისა, ანდა ამ პროცესის დასაწყისის იცნობენ მამა-პაპათა მონათხრობის მეშვეობით. ამის გამო აქაური მთხრობელი გვევლინება თავისი კუთხის ცოცხალ მემკვიდრედ, რომელმაც განსაკუთრებით კარგად იცის საკუთარი ოჯახისა და უშუალო წინაპრების თავგადასავალი. თითქმის ყველა მათგანი დეტალურად გვაცნობდა ოჯახის წევრთა სახელებს, სქესს, ასაკსა და რაოდენობას, ოჯახის დოვლათს, ოჯახის წევრთა ფუნქციებსა და უფლებებს. ასეთი სიზუსტის გამო პანკისის ხეობაში შეკრებილი მასალა საოჯახო ურთიერთობის შესახებ გვესახება უტყუარ პირველწყაროდ, რომელიც დამაკმაყოფილებელ პასუხს გვაძლევს ჩვენთვის საინტერესო საკითხებზე. ამ მასალებზე დაყრდნობით შევეცდებით გა-

⁹ ქისტების საკმაოდ დიდი ნაწილი რომ ქრისტიანულ რელიგიას ეზიარა, ეს დაეინახეთ ლიტერატურაში არსებული სტატისტიკური მონაცემებიდან. ქრისტიანობისადმი ქისტების მიდრეკილებისა. პანკისის ხეობაში ეკლესიის აშენებისა და ქართველებთან ქისტების ახლო ურთიერთობის შესახებ ცნობა გამოქვეყნდა გასული საუკუნის ქართულ პრესაშიც (იხ. ვახ. „ივერია“. 1888, № 24), ხოლო მ. შაჩაბელმა მიუთითა. რომ თიანეთის მაზრაში მცხოვრები მთელი ქისტები (შაისტელები) იყვნენ მამადაიანები და მცირე ნაწილმა იცოდა ქართული ენა, გამსხვავებით პანკისელი ქისტებისაგან, რომლებმაც ქისტურთან ერთად კარგად იცინ ქართული ენა და მათმა დიდმა ნაწილმა მიიღო მართლმადიდებლობა. მ შაჩაბლის ცნობით, ქრისტიანობას მისდევდა სოფ. ომალო და ჯოყოლო. ხოლო მამადაიანობას სოფ. დუისი (M. M a a e e a II. ფასახ. ნაშრომი, გვ. 238).

პანკისის ხეობაში დასახლებული ქისტების ყოფისა და კულტურის როგორც ამ კომპონენტების, ისე მათი ისტორიული წარსულის შესწავლას ბოლო ხანებში განსაკუთრებული ყურადღება მიექცა და საინტერესო შრომებიც გამოქვეყნდა (იხ. ლ. მ ა რ გ ო შ ვ ი ლ ი, ოქტომბრის შუქი პანკისის ხეობაში, ურ. „სკოლა და ცხოვრება“, 1967, № 12; მ ი ს ი ე ე, პანკისის ქისტების ისტორიისათვის, ურ. „ისტორია, საზოგადოებათმცოდნეობა, გეოგრაფია სკოლაში“, 1968, № 1).

მოვავლინოთ პანკისელი ქისტების საოჯახო ყოფისათვის დამახასიათებელი ძირითადი თავისებურებანი. ხოლო ამისათვის საჭიროდ მიგვაჩნია თანმიმდევრობით გავეცნოთ ოჯახის შემადგენლობას, მის ეკონომიურ სტრუქტურას, მმართველობის სისტემას, შრომის ორგანიზაციის ხასიათს და საკუთრების ფორმებს.



ვინაიდან პანკისელი ქისტების საოჯახო ყოფა დღემდე სპეციალური კვლევის საგანი არ ყოფილა, ოჯახის შემადგენლობის აღწერილობაც ლიტერატურაში არ მოგვეპოვება. თვით მ. მაჩაბელიც, რომელიც თიანეთის მაზრაში მცხოვრებ ქართველებთან ერთად ეხებოდა ქისტების ყოფის ზოგიერთ საკითხსაც, მხოლოდ იმ გარემოებაზე მიუთითებდა, რომ დიდი პატრიარქალური ოჯახები, რომელთა გაყრის პროცესი მიმდინარეობდა, შემორჩენილი იყო ქართულ სოფლებში¹⁰. ასეთივე ვითარება რომ ყოფილიყო დამახასიათებელი ქართველების მეზობლად მცხოვრები ქისტებისათვის, მ. მაჩაბლისთანა დაკვირვებულ მკვლევარს ეს შეუმჩნეველი არ დარჩებოდა.

ცალკეული ოჯახების შემადგენლობა ნაჩვენები არ არის არც XIX საუკუნის მეორე ნახევრის ოფიციალურ სტატისტიკაში. 1673 წლის კამერალური აღწერილობის (რომელიც მ. მაჩაბელმა გამოიყენა თავის ნაშრომში)¹¹, მ. მაჩაბლის მიერ დადგენილი ციფრობრივი მონაცემებისა¹² და 1886 წლის საკომლო სიების მიხედვით, რომელიც გამოქვეყნდა 1893 წელს¹³, პანკისელი ქისტის ოჯახში ირიცხებოდა საშუალოდ ექვსი სული. მაგრამ რაკი საშუალო მონაცემების მიხედვით შეუძლებელია რაიმე დასკვნის მიღება ოჯახის სიდიდისა თუ სტრუქტურის შესახებ. ვინაიდან სათანადო ლიტერატურული წყაროების უქონლობის შემთხვევაში ქისტების საოჯახო ყოფის შესწავლის ერთადერთ წყაროს წარმოადგენს მკითხველ-სათვის დღემდე უცნობი ეთნოგრაფიული მასალა, ოჯახის შემადგენლობის გაცნობის მიზნითაც მიემართავთ მხოლოდ ჩვენ მიერ ჩაწერილ ზოგიერთ ხალხურ გადმოცემას. ეს გადმოცემები ნათელ წარმოდგენას გვაძლევენ ოჯახის რიცხობრივ შემადგენლობასა და თაობათა რაოდენობაზე, მაგრამ აღნიშნულ საკითხზე არსებული მასალის შეფასებამდე პირველყოელისა სიტყვა მივცეთ ჩვენს მთხრობ-

¹⁰ М. Ма ча бе л и, დასახ. ნაშრომი, გვ. 345.

¹¹ იქვე, გვ. 338—339.

¹² იქვე, გვ. 338—339.

¹³ Свод статистических данных..., Тифлис, 1893, стр. 172—173.

ლებს და მათი მეშვეობით გავეცნოთ ამ გადმოცემების შინაარსს კონკრეტული მაგალითების საფუძველზე.

სოფ. შუა ხალაწანში მცხოვრები მთხრობლის, 1880 წელს დაბადებული თუთახ თუნგოს ძე ცათიაშვილის ცნობით, მისი პაპა ცათიემ, რომელიც ითვლება ამ გვარის ეპონიმად, ჩაჩნეთიდან გადმოსახლებულა და საცხოვრებლად დამკვიდრებულა მთათუშეთის სოფელ ფარსმაში. აქ მას უცხოვრია 13 წელიწადი. მისი ოჯახი ფარსმადან ჯერ არ ყოფილა წასული, რომ რაღაც საქმეზე ალვანში მყოფი ცათიემ გარდაცვლილა და იქვე დაუსაფლავებიათ, ენაიდან ერთ დღე-ღამეზე მეტხანს მიცვალებულის დაუმარხავად დატოვება ქისტებში მიუღებელი იყო, ხოლო ალვანიდან ფარსმაში გასვენება მეტ დროს მოითხოვდა. მამის გარდაცვალების შემდეგ მისი შვილები — თუნგო და ხუტი გადასახლებულან წოვათაში, სადაც გაუტარებიათ 17—18 წელიწადი, ხოლო წოვათიდან ჩამოსახლებულან სოფ. ხორაჯოში. პირველ ცოლთან, დუისელ ქალთან, თუნგოს შეჰძენია ერთი ვაჟი (ქუშაგ) და ორი ქალი (ნინო, ბაბა). პირველი ცოლის გარდაცვალების შემდეგ მას თითქმის ერთდროულად შეურთავს ორი ცოლი — დუიშვილი გეგგი (მთხრობლის დედა) და ქუშანაშვილი ქუირდი. გეგგისთან მას ჰყავდა შვიდი ვაჟი (დიბაი, ბათო, ზურაბ, აბოლაცი, გიგო, ძუიზი, თუთახ) და ერთი ქალი (ძეიფაი), ხოლო ქუირდისთან ოთხი ვაჟი (ლაზარე, ქილეი, ჩოფან, ჯარჯო) და ერთი ქალი (დათაი).

ხუტის ჰყოლია ოთხი ვაჟი (სიხო, ქაასა, უცი, ჩოფან) და სამი ქალი (ძეეთი, ქოქუშ, დიადა).

აქ წარმოდგენილი აღწერილობის მიხედვით, ორი ძმის გაუყრელ ოჯახში დამოწმდა სულ 27 აღამიანის სახელი, მაგრამ როგორც მთხრობელმა აღნიშნა, ამათგან ზოგი ადრე გარდაცვლილა, ზოგიც გათხოვილა და გაყრის დროისათვის ოჯახშიც ოც სულზე მეტი აღარ ყოფილა.

თუნგოსა და ხუტის გაყრის შემდეგ ხუტის ოჯახს უფრო დიდხანს შეუნარჩუნებია მთლიანობა, ვიდრე თუნგოს ოჯახს. მთხრობელმა ამის მიზეზად დაასახელა ის გარემოება, რომ ხუტის ოთხივე ვაჟი ერთი დედის შვილი იყო და ეს დეიძლი ძმები მამის სახლიდან დამოუკიდებლად გამოიყენენ მხოლოდ დაცოლშვილების შემდეგ. რაც შეეხება თუნგოს, მისი ოჯახის სეგმენტაციის დამაჩქარებელ ფაქტორად მთხრობელს მიაჩნია თუნგოს მრავალცოლიანობა. როგორც მთხრობელმა აღნიშნა, დედით სხვადასხვა ძმები დედების გარდაცვალებისთანავე მამას ეყრებიან და ცალკე ოჯახებად მკვიდრდებიან. თავდაპირველად მამის ოჯახს გამოჰყოფია უფროსი შვილი ქუშაგ, რომელიც თუნგოს ჰყავდა პირველ ცოლთან. ოჯახიდან მისი ცალკე გასვლა მომხდარა დედის

გარდაცვალების შემდეგ. ერთხანს ერთ ჰერკვეშ ცხოვრება გაუგრძელდებოდა თუნგოს, მის ორ ცოლს და ამ ორ ცოლთან ნაყოფი შეიღებდა. ორი ცოლიდან უფრო ადრე გარდაცვლილა ქუირდი, რის შემდეგ მისი ოთხი ვაჟიც მამას გამოჰყოფია. ძირეული ოჯახის შემადგენლობაში დარჩენილან თუნგო, მისი მეუღლე გეეგი (მთხრობლის დედა) და გეეგის შვიდი ვაჟი.

როგორც ვხედავთ, თუნგოს ოჯახის დანაწილებაში განმსაზღვრელი როლი შეასრულა დედის ხაზით სიახლოვემ, რის შედეგად ოჯახის სამ ნაწილად გაყოფა მოხდა თუნგოს სამი ცოლის შთამომავლობის ზიხედვით. თუ ერთ ოჯახად გამოვიდა ქუშაგ (პირველი ცოლის შვილი), მეორე ოჯახად შეკრულებს ვხედავთ ლაზარეს, ქილეის, ჩოფანს და ჯარჯოს (ქუირდის შვილებს), ხოლო მესამე ოჯახად წარმოგვიდგება მამასთან დარჩენილი შვიდი ვაჟი, რომლებიც მამის გარდაცვალების შემდეგ საკმაოდ დიდხანს ინარჩუნებენ ერთობას. დედ-მამის გარდაცვალების დროს მათ შორის სულ უფროსი ვაჟი დიბა, მთხრობლის ვარაუდით, 24 წლისა ყოფილა. ამ ძმების გაყრის დროისათვის კი 1880 წელს დაბადებულ მთხრობელს 38 წელი შესრულებია, ხოლო დიბას 60 წლისთვის მიუღწევია გაყრის მომენტში აბოლაი და გიგო აღარ ყოფილან ცოცხლები. ძეიზი უშვილო ყოფილა, ხოლო დიბას, ბათოს, ზურაბს და თუთახს ჰყოლიათ ორ-ორი შვილი. ამ დროისათვის თუთახს პირველი ცოლი გარდაცვლია და შეურთავს მეორე. დაანლოებით მაშინ გაყრილან მეორე ოჯახში მყოფი ძმებიც (ქუირდის ვაჟები).

საინტერესო ვითარებას ვეცნობით სხვა ოჯახების მაგალითზედაც. 1894 წელს დაბადებული უსუფ ადოს ძე მარგოშვილის ცნობით, ამ გვარის წინაპარი ხანეკი ცხოვრობდა ჩაჩნეთში, არღუნის ხეობის სოფ. გეზიხოში, სოფ. ითუმ-კალის ახლოს. ამავე სოფლის მკვიდრნი ყოფილან ხანეკის ძმები, რომელთა სახელები დავიწყებასაა მიცემული. იქვე დაუმთავრებიათ ცხოვრება ხანეკის შვილებს: დიბირქის, მიიდის და ჰამედის, რომლებსაც გაუყრელად უცხოვრიათ. მათი გარდაცვალების შემდეგ ასევე გაუყრელად ცხოვრება გაუგრძელდებოდა დიბირქის შვილს ჰაქის, ჰამედის შვილს ლაბაზას და მიიდის შვილებს: მაჰმადას, ბაჰმადას და ციყის. მშობლიურ სოფელში ყოფნის დროს ამ უკანასკნელებს ჰყავდათ თუ არა ცოლ-შვილი, ეს უცნობია. სამაგიეროდ მთხრობელმა გვაცნობა იმის შესახებ, რომ ჩაჩნეთიდან საქართველოში საცხოვრებლად სწორედ ისინი გადმოსულან და დამოუკიდებელ ოჯახებად დამკვიდრებულან. ამათგან ჩვენთვის ცნობილია მთხრობლის პაპის მაჰმადას ოჯახის შემადგენლობა.

მაჰმადი თავისი ორი შვილით (დაადა, ადო) და შვილიშვილებით ცხოვრობდა ერთ სახლში, რომლის ორი ოთახი ეკავა თვითონ მაჰმადის და მის მეუღლეს ნაის, ორი ოთახი დაადასა და მის ცოლშვილს, ხოლო ორი ოთახი ადოს და მის ცოლშვილს. ამ ოჯახის გაყრამდე დაადას ჰყავდა ერთი ვაჟი (აბაი, რომელიც იყო ერთი ვაჟის შერიფის მამა), ერთი ვასათხოვარი და ოთხი ვათხოვილი ქალი. დაადას ძმა ადო იყო ერთი ვათხოვილი ქალისა და ხუთი ვაჟის მამა. მას პირველ ცოლთან შეეძინა დობაი. დობაი დედის გარდაცვალების შემდეგ ადომ მეორე ცოლი მოეყვანა, რომელსაც ეყოლა ერთი ქალიშვილი. გერთან (დობასთან) დედინაცვლის (ადოს ამ მეორე ცოლის) მტრულმა ურთიერთობამ ადო იძულებული გახადა ეს ქალი გაეგდო და ცოლად შეერთო დეთი, რომელმაც შთამომავლობას შემატა ოთხი ვაჟი (აბაი, საი, კოსტა, უსუფ). ადოს ხუთი ვაჟიდან პირველად დაქორწინდა მათ შორის უფროსი დობაი. ერთი წლის შემდეგ ის ოჯახს გამოეყო და გამოიტანა საერთო-საოჯახო ქონების 1/5 ნაწილი. მისი ნახევარძმები განაგრძობდნენ დედ-მამასთან ერთად ყოფნას. ოჯახის გაყრამდე ამთავან უცოლო იყო უსუფი, ხოლო სხვებმა დაცოლშვილება მოასწრეს. გაყრამდე აბაის ჰყავდა ერთი ვაჟი (ნასიბ) ხოლო კოსტას ერთი ქალი (ხადიშათ). გაყრის წინ ამ ოჯახში იმყოფებოდა 11 სული.

ფაქტობრივი მასალის გამომხეურების მიზნით საჭიროდ მიგვიჩნია აქვე გავეცნოთ ღანიშაშვილების ოჯახს. როგორც ვანო მურთაზას ძე ღანიშაშვილმა (დაბად. 1890 წ.) გვაუწყა, მისი წინაპრები ცხოვრობდნენ ჩანჩეთში, პაჩაროს საზოგადოებაში. იქიდან საქართველოში გადმოსულა და წოვათაში დასახლებულა ვინმე იჩო, რომელსაც ჰყოლია ერთი შვილი მათე. იჩოს ჩამომავლობის გამრავლება მათეზე შეწყვეტილა. იჩოს ძმა ბახმადა დარჩენილა მშობლიურ სოფელში. იქვე გაუტარებიათ ცხოვრება ბახმადას შვილს ლუზას და ლუზას შვილს დავითს. დავითის შვილი ღანიში კი საქართველოში გადმოსახლებულა, მაგრამ რაკი იჩოს შტო არ გამრავლებულა, ღანიშს აქ თავი იხატესა ვებიდან არავინ დახვედრია. ამიტომ ბახმადასა და იჩოს გვარეულობის წარმომადგენელთა გენეალოგია პანკისის ხეობის სოფ. ომალოში ფაქტურად იწყება ღანიშიდან და ახალი გვარის სახელიც (ღანიშაშვილი) აქედან წარმოდგება. თუ ბახმადადან დღემდე (ე. ი. მთხრობლის შვილებამდე) ეს მოდგმა ითვლის რვა თაობას, ღანიშიდან დღემდე ღანიშაშვილების გენეალოგია მოიცავს მხოლოდ ხუთ თაობას.

მთხრობლის პაპას გიოს ჰყავდა ერთი ცოლი, ხუთი ვაჟი და ორი ქალი. ხუთი ვაჟიდან იჩო და გიგო ახალგაზრდებივე გარდაცვლილან, ხოლო ქალებიდან ანა გაუთხოვარი გარდაცვლილა და პელო ვათხოვილა. ოჯახის წევრებს შეადგენდნენ გიო, მისი მეუღლე კორდი, მურთა-

ზი მისი მეუღლით და ერთი შვილით (ვანოთი), ამა და ბიჭია. გიოს გარდაცვალების შემდეგ ერთხანს ერთად განუგრძიათ ცხოვრება მურთაზს თავისი ცოლ-შვილით, ამას ახლად მოყვანილი ცოლით (ძიი) და ბიჭიას, რომელიც მხოლოდ დანიშნული ყოფილა. 1914 წელს ისინი ორ ოჯახად გაყრილან: თავისი წილით ცალკე გამოსულა მურთაზი, ხოლო მეორე ოჯახში დარჩენილან ამა, ბიჭია და მათი დედა. ამას და ბიჭიას ვერც კი მოუსწრიათ გაყრა, რომ ბიჭია ომში დაეარგულა, ხოლო ამა უღროოდ გარდაცვლილა. ამ ოჯახს შემორჩა მხოლოდ ორი წევრი — ამას დედა კორდი და ამას ცოლი ძიი. რაც შეეხება მურთაზას და მის ორ ვაჟს (ვანოს და ნიკოს), ისინი გაყრილან 1933 წელს 15 წელიწადი ერთად ცხოვრების შემდეგ. მშობლები დარჩენილან უმცროს შვილთან — ნიკოსთან.

ჩვენთვის საინტერესო საკითხზე სათანადო მასალა დამოწმდა ავრეთვე სიხაშვილებს, ტოხოსაშვილების, ქავთარაშვილების, გუნაშაშვილებისა და სხვა ოჯახების შემადგენლობის გაცნობის შედეგად. ომალოელ სიხაშას ოთხ შვილს დაქორწინებამდე მამასთან ერთად უცხოვრიათ. დაქორწინების შემდეგ ისინი გაყრილან ორ ოჯახად. მამისეულ სახლში დარჩენილან ათანაზა და სულაბა, ხოლო მეორე ოჯახად აჰმადხა და მაზი. ცოტა ხნის შემდეგ ისინი ცალ-ცალკე დასახლებულან. ხანგრძლივად არც ცოსკარა ტოხოსაშვილსა და მის სამ შვილს (ჩილას, ხაწეს და მაჰმადს) უცხოვრიათ ერთად. ძმები იმ დროს გაყრილან, როდესაც ცოლშვილიანი ყოფილა მხოლოდ ჩილა. ამათთან შედარებით გაუყრელად უფრო დიდახანს უცხოვრიათ მუსა ქავთარაშვილის ვაჟებს. მუსას ადრე გარდაცვლია ორი ვაჟი და ერთი ქალი, ხოლო დანარჩენი ვაჟები (ქასა, მადეი, დაქა) გაყრილან მამის გარდაცვალების შემდეგ. ქავთარაშვილების მეორე ოჯახის მაგალითიდანაც ჩანს, რომ ჩაჩნეთიდან დუისში ჩამოსახლებული ალიკას შვილები — განა და დადეკა ქავთარაშვილები დუისში დაქორწინებულან და ცალ-ცალკე გასულან მამის გარდაცვალების შემდეგ, როდესაც თითოეული მათგანი ექვსი შვილის მამა ყოფილა.

ასეთსავე სურათს ვხედავთ გუნაშაშვილების ოჯახში. როგორც თოფთე დორეს ძე გუნაშაშვილმა (დაბად. 1905 წ.) გვითხრა, მისი პაპის (შუჩუნის) მამას (გუნაშას) უცხოვრია არღუნის ხეობაში სოფ. ითუმკალის ახლოს. ის იქიდან გადმოსახლებულა მთათუშეთში, გომეწრის ხეობის სოფ. ნაციხრებში. ორი ვაჟიდან ერთი უცოლო გარდაცვლილა, ხოლო მეორე ვაჟი (შუჩუნი) იქვე დაქორწინებულა. მამის გარდაცვალების შემდეგ შუჩუნი საცხოვრებლად ჩამოსულა ალვანში, ხოლო მოხუცებულობის ვაჟს დამკვიდრებულა პანკისის ხეობის სოფ. ომალოში. მას ამ დროს ჰყოლია ერთი ცოლი (მაჰქარგი), ორი გათხოვილი

ქალი და ორი ცოლშვილიანი ვაჟი (გიო და თევდორე), რომლებიც გაყრილან მამის გარდაცვალების შემდეგ.

ძირითადად ამგვარი ხასიათისაა პანკისის სეობაში ჩვენ მიერ შეკრებილი ეთნოგრაფიული მასალა ოჯახის შემადგენლობის შესახებ. ანალოგიური ვითარება გვესახება სხვა ოჯახების მიხედვითაც, რომელთა აღწერილობას შეგნებულად ავარიდეთ თავი, ვინაიდან ეს გამოწვევდა ნაშრომის გადატვირთვას ერთნაირი მნიშვნელობის მქონე ფაქტობრივი მონაცემებით. ჩვენთვის საინტერესო საკითხზე სავესებიფ დამაკმაყოფილებელ პასუხს გვაძლევს ზემოთ წარმოდგენილი მასალა, რომლის მიხედვით აშკარად ჩანს, რომ ყველა აქ აღწერილი ოჯახი აერთიანებდა ორ თაობას მშობლებისა და შვილების სახით. ეს ოჯახები ერთიმეორისაგან განსხვავდებოდნენ მხოლოდ რიცხობრივი შემადგენლობით. თუ ერთი მათგანი ითვლიდა ოც სულს, მეორეში ვხედავთ მის ნახევარს ან უფრო ნაკლებსაც კი.

ოჯახის სულადობას პირველ ყოვლისა განსაზღვრავდა ძმების რაოდენობა და მათი ერთად ყოფნის ხანგრძლივობა. თუ შვილები მშობლებს გამოეყოფოდნენ დაქორწინებისთანავე, ოჯახის წევრთა რაოდენობა მათ გაყრამდე განისაზღვრებოდა მხოლოდ მშობლებისა და შვილების რიცხვით. იმ შემთხვევაში კი, როდესაც შვილები მშობლებთან დიდხანს რჩებოდნენ საცხოვრებლად, ოჯახს ახალი წევრები ემატებოდა რძლებისა და ბავშვების სახით.

აღნიშნული ვითარება თავის მხრივ ბევრად იყო დამოკიდებული ქორწინების ხასიათზედაც. თუ კაცი მხოლოდ ერთ ცოლს შეირთავდა, მათი შვილების ერთად ყოფნაც შედარებით დიდხანს გრძელდებოდა, მაგრამ მრავალცოლიანობის შემთხვევაში შთამომავლობის მალე განცალკევება ხდებოდა დედით კუთვნილების მიხედვით. ცათიაშვილების ოჯახის მაგალითზე ნათლად დავინახეთ, რომ ძმების ერთად ცხოვრების განხანგრძლივებაში სათანადო როლი შეუსრულებია ერთ დედ-მამი-შვილობას, ხოლო ეს კავშირი რამდენადმე შეუწელებია და ერთობაც შედარებით მალე დაურღვევია დედით სხვადასხვაობას. აქ ისეთსავე ვითარებას ვხედავთ, როგორსაც ჰქონდა ადგილი ჩაჩნეთ-ინგუშეთში, სადაც მრავალცოლიანობა არაიშვიათ მოვლენას წარმოადგენდა. დედით სხვადასხვა ძმების ამგვარი ურთიერთობა იმის მაჩვენებელია, რომ ოჯახის განვითარების ყველა ეტაპზე უმნიშვნელოვანეს ფაქტორს წარმოადგენდა სისხლით ნათესაობა, მაგრამ სისხლით ნათესავეთა წრის ფარგლები აქ გაცილებით ვიწრო მასშტაბით წარმოგვიდგება, ვიდრე ამას ჰქონდა ადგილი ინგუშეთში. ეს იმით აიხსნება, რომ ინგუშეთში ინდივიდუალური ოჯახის გვერდით გადმონაშთის სახით არსებობას განაგრძობდა საოჯახო თემი, რომელიც სამ თაობაზე ნაკლებს არ

აერთიანებდა და ამდენად ის სისხლით ნათესაეთა უფრო დიდ წრესაც მოიცავდა, ხოლო პანკისელთა ოჯახებში ორ თაობაზე მეტის არსებობა არ მოწმდება.

როგორც ზემოთ აღვნიშნეთ, ამგვარი ტიპის ოჯახები პანკისის ხეობაში ერთპიჯორისაგან განსხვავდებოდნენ მხოლოდ სულადი შემადგენლობით, მაგრამ რამდენადაც ოჯახის ბუნების ერთ-ერთი მაჩვენებელია არა მისი რიცხობრივი შემადგენლობა, არამედ პირველ ყოვლისა მასში გაერთიანებულ თაობათა რაოდენობა, ხოლო პანკისელი ქისტების ოჯახებში ორ თაობაზე მეტის არსებობა. არ მოწმდება, ჩვენ საქმე გვაქვს ინდივიდუალურ ოჯახთან. რაც შეეხება სულადობის მიხედვით მათ შორის სხვაობას, ამის შესახებ შეიძლება ითქვას მხოლოდ ის, რომ ერთსა და იმავე ეთნიკურ წრეში ერთდროულად ადგილი ჰქონდა მცირერიცხოვანი და მრავალრიცხოვანი ინდივიდუალური ოჯახების თანაარსებობას. ისევე, როგორც სამი-ოთხი თაობის მომცველი დიდი ოჯახები ინგუშეთში ან საქართველოს მთიანეთში ერთმანეთისაგან განსხვავდებოდნენ რიცხობრივად, მაგრამ მრავალი თაობის ერთად ყოფნის გამო ატარებდნენ საოჯახო თემის ერთ-ერთ ძირითად ნიშანს, პანკისის ხეობაში ოჯახებს შორის სულადი შემადგენლობით განსხვავების მიუხედავად არსებობდა მხოლოდ ინდივიდუალური ოჯახი, რამდენადაც იგი მოიცავდა მარტოოდენ ორ თაობას მშობლებისა და შვილების სახით.

აქვე ისიც უნდა აღინიშნოს, რომ ქისტურად ოჯახს ეწოდება დიეძულ. პანკისის ხეობაში ეს ტერმინი ერთნაირი მნიშვნელობით გვხვდება როგორც მცირერიცხოვანი ინდივიდუალური ოჯახის, ისე ამავე ტიპის მრავალრიცხოვანი ოჯახის აღსანიშნავად, მაგრამ ვინაიდან სულადობის მიხედვით ინდივიდუალური ტიპის ოჯახებს შორის იყო განსხვავება, ამის შესაბამისად იყენებდნენ აღწერილობითი ხასიათის ტერმინებს. მცირერიცხოვანი ინდივიდუალური ოჯახის აღსანიშნავად იხმარებოდა ჯომ დიეძულ (პატარა ოჯახი), ხოლო მრავალსულიანი ინდივიდუალურ ოჯახს ერქვა ბოქქ დიეძულ (დიდი ოჯახი).

როგორც ვხედავთ, ეს სახელწოდებები იხმარებოდა რიცხობრივად მცირე და დიდი ოჯახების აღსანიშნავად. ქისტების წინაპრები კი ჯომ დიეძულ-ში გულისხმობდნენ ინდივიდუალურ ოჯახს, ხოლო ბოქქ დიეძულ-ით აღნიშნავდნენ საოჯახო თემს. საოჯახო თემის არსებობის პირობებში პირველი მათგანის პარალელურად იხმარებოდა აგრეთვე ბუიბელ ვეჟირი (გაყრილი ძმები), ხოლო ბოქქ დიეძულ-ის შესატყვისი იყო ცქენა ბეხა ვეჟირი (გაუყრელი ძმები).

ამგვარად, ადრინდელი ვითარების ამსახველი სოციალური ტერმინები, რომლებითაც აღინიშნებოდა ინდივიდუალური ოჯახისა და სა-

ოჯახო თემის სახელწოდებები, საოჯახო ურთიერთობის განვითარების გვიანდელ საფეხურზე, როდესაც საოჯახო თემი დაშლილი იყო, ქისტებმა გამოიყენეს ინდივიდუალური ტიპის იმ ოჯახების სახელწოდებად, რომლებიც ერთმანეთისაგან განსხვავდებოდნენ მხოლოდ სულადი შემადგენლობით.

* * *

ეთნოგრაფიული მასალების მიხედვით გავეცანით რა ოჯახის შემადგენლობას, ამავე მასალებზე დაყრდნობით შეიძლება გავეცნოთ ოჯახის ეკონომიურ საფუძვლებსაც. ჩვენ ხელთ არსებული კონკრეტული მასალა წარმოადგენს იმ ეთნოგრაფიულ პირველწყაროს, რომელშიაც მოცემულია XIX საუკუნის მეორე ნახევრისა და XX საუკუნის დასაწყისში მცხოვრები ოჯახების ეკონომიური მდგომარეობის სურათი, მაგრამ ვიდრე ცალკეულ ოჯახებს ამ თვალსაზრისით შევუხებოდეთ, პირველ ყოვლისა საჭიროდ მიგვაჩნია ზოგად ხაზებში გავეცნოთ პანკისის ხეობის მეურნეობრივ პირობებს, რამდენადაც მეურნეობის ამა თუ იმ დარგის განვითარება უშუალოდ იყო დაკავშირებული აქ მცხოვრები ხალხის ვინაობასა და მისი სამეურნეო კულტურის დონესთან.

როგორც ზემოთ დავინახეთ, პანკისის ხეობაში ქისტები გვიან დასახლდნენ. ადრე აქ ქართველები ცხოვრობდნენ და მალაღჯანვითარებულ მეურნეობასაც ეწეოდნენ. ამ მხრივ საგანგებო ყურადღების ღირსია ვახუშტი ბაგრატიონის ნაშრომის სათანადო ადგილი, სადაც მოცემულია პანკისის ხეობის მეურნეობის სურათი. თანახმად მისი აღწერილობისა, „კეობა პანკისისა არს ვენახოვანი, ხილიანი — დაბალნი, და მთის კერძნი, ვითარცა მთათა ადგილნი. თევზნი. — კალმახნი, ტყე ნადირიანი, მარცვალთა ნაყოფიერი, თვნიერ ბრინჯ-ბანზისა. პირუტყვი მრავალ, გარნა ღორი უმრავლეს“¹⁴.

ამ აღწერილობიდან პირველ ყოვლისა საყურადღებოა ის გარემოება, რომ ვახუშტი ერთმანეთისაგან გამოჰყოფს ხეობის მთასა და ბარს, რომელთაგან ბარი წარმოგვიდგება ვენახოვან-ხილიან ადგილად, ხოლო მთა აქ ისეთივე ნაშნებით ხასიათდებოდა, „ვითარცა მთათა ადგილნი“ საერთოდ. ვახუშტის არც იმის აღნიშვნა გამოჩენია, რომ ხეობა იყო ტყიანი და უხვმოსავლიანი, ხოლო პირუტყვის სიმრავლით ცნობილ პანკისის ხეობაში განსაკუთრებით დიდი რაოდენობით მოშენებული ჰყოლიათ ღორები.

¹⁴ ვ ა ხ უ შ ტ ი, აღწერა..., გვ. 102.

XVIII საუკუნის დიდი მეცნიერის დაკვირვებით, ასეთ სამეურნეო პირობებში უხდებოდათ ცხოვრება პანკისელ ქართველებს ქისტების აქ ჩამოსახლებამდე. ასეთსავე მრავალდარგოვან სამეურნეო გარემოში ზღბოდა ნახების აქ დამკვიდრება XIX საუკუნეში. ქართული მოსახლეობის შემცირებისა და მათ მიერ ხეობის თანდათანობით მიტოვების გამო მეურნეობის განვითარებაც აქ დაღმავლობის გზით უნდა წასულიყო, რაც, რა საკვირველია, მოსულ მოსახლეობას აღარ მისცემდა შესაძლებლობას ქართველთა სამეურნეო მემკვიდრეობიდან ყველაფერი მზამზარეულად მიეღოთ, მაგრამ ამის მიუხედავად ისინი აქ უსათუოდ ხელსაყრელ პირობებში სახლდებოდნენ და მალაღანვითარებული მეურნეობის დარგებს ითვისებდნენ ან თავიანთ მამაკაპურ ცოდნას ახალ გარემოში იმდიდრებდნენ.

ვინაიდან ქისტების დასახლება პანკისის ხეობაში დაიწყო XIX საუკუნის პირველი მეოთხედიდან, ხოლო ამ მოკლე ისტორიული პერიოდის შესახებ ზეპირი გადმოცემებიც ჭერჭერობით ცოცხლად არის შემონახული, ეთნოგრაფიული მონაცემების მიხედვით შესაძლებელი ხდება პანკისელი ქისტების მრავალდარგოვანი მეურნეობის დახაიათება. ირკვევა, რომ აქაური ქისტები მისდევდნენ და დღესაც მისდევენ მემინდვრობას, მებღეობა-მეზოსტნეობას, მესაქონლეობას და რიგ სხვა საქმიანობას. ამათგან მეურნეობის ზოგიერთი დარგი მათთვის ოდითგანვე ცნობილი იყო, ხოლო ზოგიერთ დარგს ისინი შედარებით გვიან დაეუფლნენ.

როგორც ადგილობრივ გეოგრაფიულ პირობებზე დაკვირვებამ გეჩვენა და როგორც ეს მთხრობელთა ცნობებიდანაც ნათლად ჩანს, პანკისელი ქისტების მთავარ საქმიანობას და მეურნეობის წამყვან დარგს წარმოადგენდა მიწათმოქმედება.

თიანეთის მაზრის ეკონომიური მდგომარეობის შესწავლისას ამავე დასკვნამდე მივიდა მ. მაჩაბელი. მისი შეხედულებით, თიანეთის მაზრის ბარში მეურნეობის ძირითადი დარგია მიწათმოქმედება, ხოლო მთაში — მესაქონლეობა. მ. მაჩაბელი თიანეთის მაზრის ბარს ყოფს სამ სამეურნეო რაიონად. ამათგან პირველია ერწო-თიანეთი, რომელიც ხაიათდებდა განვითარებულა მიწათმოქმედებითა და მესაქონლეობით, მეორეა თიანეთის კახეთი (ახმეტის, ბახტრიონისა და მარელის-მატანის საზოგადოებები), სადაც განსაკუთრებით დაწინაურებულ დარგებად ასახელებს მიწათმოქმედებასა და მევენახეობას, ხოლო თიანეთის მაზრის ბარში მესამე სამეურნეო რაიონად მ. მაჩაბელს მიაჩნია პანკისის ხეობა (სახელდობრ, დუისი, ჭოყოლო და ომალო), სადაც მევე-

ნახეობა-მღვინეობას არ მისდევენ, მაგრამ ამ ხეობის ძირითად დარგია მიწათმოქმედება¹⁵.

ამ მხრივ განსაკუთრებით გამოირჩევიან დუისი და ჯოყოლო, რომლებიც მღებარეობენ გაშლილ ვაკეზე მდ. ალაზნის მარჯვნივ და სხვა სოფლებთან შედარებით ვრცელსა და ნაყოფიერ ველებს ფლობენ. თანანამად მთხრობლების განმარტებისა, ეს ორი სოფელი არა თუ უზრუნველყოფილი იყო პურეულით, არამედ მოსახლეობა მარცვლეულს გასაყიდადაც კი იჭარბებდა. უსუფ მარგოშვილის ცნობით (დაბ. 1894 წ.), მის ახალგაზრდობაში 10 „სახ“ (1 „სახ“ უდრის 5 კგ-ს) ანუ კოდი (კოდში ეტეოდა 10 „სახ“, ანუ 50 კგ) ღირებულა 3 მანეთი. მარცვლეულის გამსაღებელი უახლოესი პუნქტი ყოფილა სოფ. ალვანი, სადაც ძირითადად მეცხვარეობას მისდევდნენ. იმავე მთხრობლის ცნობით, პანკისელ ქისტებს მოჰყავდათ ხორბალი, ქერი, სიმინდი და ფეტვი. დასახელებული კულტურებიდან განსაკუთრებით დიდი ყურადღება ექცეოდა სიმინდს, რომელსაც იყენებდნენ ძირითად საკვებად. შედარებით ნაკლები მოჰყავდათ ხორბალი, რომლის ფქვილს უმთავრესად იყენებდნენ სტუმრიანობის დროს. მთხრობლებს ძალიან კარგად ახსოვთ, როდესაც მათ ახალგაზრდობაში მქადს ყოველდღიურად აცხობდნენ, სოლო პურის გამოცხობა ხდებოდა კვირაში ან ორ კვირაში ერთხელ. სიმინდისა და ხორბლის სათესად განკუთვნილი ყოფილა დუისის, ჯოყოლოსა და ომალოს მიდამოები, ე. ი. დაბლობები, ხოლო ქერისა და კარტოფილისთვის ქისტებს გამოუყენებიათ პანკისის ხეობის სათავეები, რაც წარმოადგენდა ალპური საძოვრების საზღვრის ქვედა წელს. ქერისა და კარტოფილის მოსაყვანად დუის-ჯოყოლოს ეკუთვნოდა ადგილები ტ ო ლ შ ა ს ა და ო უ ბ უ კ ი ს სახელწოდებით, ხოლო ამავე მიზნით ხ ო ჯ ა ნ ა თ ი სარგებლობდნენ ომალოელ-ხალაწნელები.

როგორც ვხედავთ, პანკისელი ქისტები სახნავე-სათესად იყენებდნენ როგორც ბარში, ისე მთიან ზოლში მღებარე ადგილებს, რაც იმ გარემოებაზე მიგვიითითებს, რომ ისინი ერთნაირად იყენენ დაუფლებულნი ბარულსა და მთურ მიწათმოქმედებას. ოდითგანვე მიწათმოქმედების მცოდნე ხალხისათვის ეს ბუნებრივიადაც გვეჩვენება. აქ ჩამოსახლებამდე ხომ ნახები ჩანეთ-ინგუშეთშიაც შესანიშნავად იცნობდნენ ზემოაღნიშნულ საქმიანობას და სხვა კავკასიელ მეზობლებთან ერთად დაუფლებულნი იყვნენ მიწათმოქმედების მაღალ კულტურას. ეს განსაკუთრებით შეეხება მთურ მიწათმოქმედებას, რამდენადაც პანკისის ხეობაში ნელ-ნელა დამკვიდრებული ქისტების წინაპრები უნ-

¹⁵ М. М а ч а б е л и, დასახ. ნაშრომი, გვ. 435.

თავრესად ჩაჩნეთ-ინგუშეთის მთიანეთში სახლდებოდნენ და ინტენ-სიურად მისდევდნენ მთურ მიწათმოქმედებას.

პანკისის ხეობაში ჩამოსახლებულმა ნახებმა თან მოიტანეს მამაპაპური ემპირიული ცოდნა-გამოცდილება და ახალ სამოსახლო ტერიტორიაზე შემდგომაც განავითარეს. ისინი რომელნიც ჩაჩნეთ-ინგუშეთის ხეობების მიტოვების შემდეგ საქართველოს ტერიტორიაზე დაეცა საცხოვრებლად მთიან ადგილებს ირჩევდნენ, შეუფერხებლად აგრძელებდნენ ტრადიციულ მთურ მიწათმოქმედებას. ამ შემთხვევაში მათი სამეურნეო ცოდნა შედარებით უმნიშვნელო ცვლილებებს თუ განიცდიდა, რამდენადაც ცენტრალური კავკასიონის ხეობებში მცხოვრები ქართველები, ნახები თუ სხვა მთიელები ერთნაირ გეოგრაფიულ-სამეურნეო პირობებში იმყოფებოდნენ, ამის შესაბამისად მიწის დამუშავებასაც თითქმის ერთნაირად ეწეოდნენ და ერთმანეთთან ახლო მეზობლობის წყალობით ყოფის მთელ რიგ სხვა ელემენტებთან ერთად ერთიანობას მიწათმოქმედების კულტურასაც ახლოს ეცნობოდნენ. ამ მხრივ რამდენადმე უფრო უცხო გარემოში გრძნობდა თავს ის, ვინც ჩაჩნეთ-ინგუშეთის რომელიმე მაღალმთიანი რაიონიდან პირდაპირ დღისში ან ჯოყოლოში სახლდებოდა და ბარულ მეურნეობას ეზიარებოდა. რასაკვირველია, მეურნეობის ტრადიციული ცოდნა თან იმასაც მოჰქონდა და დასახლებისთანავე არც ივიწყებდა, მაგრამ ვინაიდან თავისი მასშტაბითა და სპეციფიკით ბარული მეურნეობა მთურისაგან განსხვავდება, ახალმოსახლეს იძულებული იყო თავისი საყოფაცხოვრებო ინტერესების შესაბამისად მამაპაპური სამეურნეო ცოდნიდან ბევრი რამ დაევიწყებინა, რიგ შემთხვევაში თან მოტანილისა და დამხვდური ცოდნა-გამოცდილების შერწყმის ვარიანტი აერჩია, ხოლო დროთა ვითარებაში თავისი მეურნეობა გარდაექმნა ახალი საყოფაცხოვრებო პირობების შესაბამისად. ასე სწავლობდა ბარად დასახლებული ქისტი ქართულ მეურნეობას, რაც თანდათანობით მრავალდარგოვანი ხდებოდა და მას ისევე ისისხლხორცებდა, როგორც ეს ოდითგანვე ჰქონდა შეთვისებულ-შეყვარებული ალაზნისპირელ ქართველს. ამ გარემოებაზე ნათელ წარმოდგენას გვაძლევს ეთნოგრაფიული მასალა.

თანახმად მთხრობლების გადმოცემისა, ჩაჩნეთ-ინგუშეთის მთიანეთიდან ჩამოსახლებულთათვის მებაღეობა-მეხოსტნეობა თავიდანვე არ ყოფილა ცნობილი. მეურნეობის ამ მნიშვნელოვანსა და მაღალკულტურულ დარგს ქისტების წინაპრები არც იმ ხეობებში მისდევდნენ, საიდანაც ისინი გადმოსახლდნენ და არც პანკისის ხეობაში დასახლებისთანავე მოჰკიდებინან. ქისტების აქ დასახლების დასაწყისში

ქართველებსაც არ ჰქონიათ ისეთი მასშტაბის მქონე მებალეობა-მე-
ბოსტნეობა, როგორც ეს შემდეგ განუვითარებიათ. მთხრობლები ამის
ძირითად მიზეზად ასახელებენ იმ გარემოებას, რომ პანკისის ხეობის
ახლო მეზობლად მდებარეობენ ხილ-ბოსტნეულითა და ვენახით მდი-
დარი კახეთის (თანამედროვე ახმეტის რაიონის) სოფლები, სადაც, რა-
საკვირველია, პანკისის ხეობის ზილეულის გატანა-გასაღებაზე ოცნებ-
აც კი წარმოუდგენელი იყო. პანკისელთა მიერ მოყვანილი ხილი ვერც
აბლომასლო მთიან კუთხეებში გასაღდებოდა, ვინაიდან მათ აქ უხვ-
დებოდათ კახური მოსავლის კონკურენცია. მხედველობაში უნდა მი-
ვიღოთ ის გარემოებაც, რომ მეზობელი მთიელები ხილზე მოთხოვნი-
ლებას იკმაყოფილებდნენ ველური ნაყოფით (პანტა, მაქალო, შინდი,
ტყემალი და ა. შ.), რაც გამორიცხავდა იქ მომგებიანი ბაზრის გაჩენის
შესაძლებლობას. რაც შეეხება ქალაქების ბაზრებს, აქაც პანკისის ხე-
ობის ხილს ვერ ექნებოდა გასავეალი, ვინაიდან ქალაქების მომარაგე-
ბა ხდებოდა უკეთესი მოსავლის მქონე აბლომასლო რაიონებიდან.
ბოლოს ისიც უნდა აღინიშნოს, რომ შორ მანძილზე მაშინდელი სატ-
რანსპორტო საშუალებებით ხილის წაღება გლეხს არაეითარ სარკებ-
ლობას არ მოუტანდა, ვინაიდან ეს მოითხოვდა დიდ დროსა და ხარჯს.

ასეთი პირობების შემყურე ქისტები არ იყო დაინტერესებული მე-
ბალეობა-მებოსტნეობით, ხოლო ხილზე თავის მოთხოვნილებას ის
აქაც ტრადიციულად იკმაყოფილებდა. თუ აქაურ ქართველებს საოჯა-
ხო მოთხოვნილებისათვის მაინც ჰქონდათ ხეხილი გაშენებული, ქის-
ტები ტყიდან ეზიდებოდნენ მაქალოს, პანტას, შინდს, კაკალს¹⁶. ქასა
მუსას ძე ქავთარაშვილის (დაბ. 1865 წ.) ცნობით, მებალეობა-მებოს-
ტნეობა ქისტებს შეუსწავლიათ ქართველებსაგან და ხილ-ბოსტნეულ-
ის მოშენებას მოჰკიდებიან მაშინ, როდესაც მთხრობელი ყოფილა 40
წლისა. ამ ცნობის მიხედვით, რასაც მუსას მეზობლებიც გვიდასტურე-
ბენ, კულტურულ მეზილეობასა და მებოსტნეობას პანკისელ ქისტებ-
ში საფუძველი ჩაჰყარია 900-იანი წლებიდან. მათივე ცნობიდან ჩანს.

¹⁶ როგორც ქისტები ჩობანი (მათე ალბუთაშვილი) წერდა, პანკისის ხეობა
ტყიან ადგილს წარმოადგენდა. მოსახლეობა აქ უხვად სარკებლობდა როგორც
შეშით, ისე სამშენებლო მასლით. ტყეში გარეული ცხოველები და ფრინველებიც
ბლომად ყოფილა, რაც ჰქმნიდა ხელსაყრელ პირობებს მონადირეობისათვის. მო-
სახლეობა ასევე უზრუნველყოფილი ყოფილა ველური ნაყოფით (მაქალო, პანტა,
ბალამწარა, თხილი, შინდი, ტყემალი, ეოლო, ესკელა, გარეული კომში, ზღმარ-
ტლი და სხვ.). ნადირ-ფრინველისა და ნაყოფის შემტობებაზე გავლენა მოუხდენია
ტყის მასივების გაკაფვას ახობის აღებისა და სამშენებლო მასალის სისტემატუ-
რი გამოზიდვის გამო (ქისტები ჩობანი, პანკისის ხეობა, ეურნ. „მოგზა-
ური“, 1904, № 3-6, გვ. 432-438).

რომ პანკისელი ქისტების მეზობელ ქართულ სოფლებშიც, სადაც მეურნეობის ეს დარგი ოდითგანვე იყო ცნობილი და დაწინაურებული, მებაღეობა-მებოსტნეობის მასშტაბი განსაკუთრებით აღნიშნული პე-
რიოდინდან გაზრდილა მისი დიდი შემოსავლით დაინტერესების გამო.

თანამედროვე პანკისის ხეობის სოფლებში ბალ-ბოსტნები გა-
წეწებული აქვთ საკარმიდამო ტერიტორიაზე. უმრავლეს შემთხვევა-
ში ბალ-ბოსტანი წარმოადგენს ეზოს გაგრძელებას და მისგან გამოყო-
ფილია ღობით. ასეთსავე ვითარებას ჰქონია ადგილი საკოლმეურნეო
ცხოვრებამდე და ოქტომბრის რევოლუციის წინა პერიოდშიც. რო-
გორც ზემოთ დავინახეთ, მებაღეობა-მებოსტნეობას აქმეტად ხანმოკ-
ლე ისტორია აქვს და მთხრობლები იმასაც მოწმის თვალთ გვიდას-
ტურებენ, რომ ბალ-ვენახს აღრიდანვე, ე. ი. 900-იანი წლებიდანვე
საკარმიდამო ფართობებზე აშენებდნენ, ის კერძო საკუთარებას წარ-
მოადგენდა და პატრონს იქვე შეძლებია მისი გაყიდვა-გასაჩუქრება,
როგორც თავისი საკუთარი სახლის, ბოსლის, წისქვილისა და მისი მი-
დამოსი.

თუ ბალ-ბოსტანი საკარმიდამო ფართობში შედიოდა და კერძო
საკუთარების ელემენტს წარმოადგენდა, ამ მხრივ არსებითად განსხვა-
ვებული ხასიათისა იყო სახნავ-სათესი ნაკვეთების, სათიბ-საძოვრები-
სა და ტყის მასივების მფლობელობა-გამოყენების წესი.

ტყე აქ სახელმწიფო საკუთარებას წარმოადგენდა, რომლით სარ-
გებლობა სათანადო ვალდებულების შესრულებას ითვალისწინებდა.
მას, ვისაც შეშის ან მასალის გამოტანა სურდა, ევალებოდა ბილეთის
აღება სათანადო კანტორიდან და ფულის გადახდა დადგენილი ღირე-
ბულების შესაბამისად. სახელმწიფოს ამ ღონისძიებისათვის მიუმარ-
თავს ხე-ტყეზე დიდი მოთხოვნილების გამო, იმის გარდა, რომ ტყი-
დან ეზიდებოდნენ შეშას, აქვე ჰკრიდნენ მასალას ხის კუთრკლის დასა-
შადებლად, კალათების მოსაწნავად, სასოფლო-სამეურნეო იარაღე-
ბისა და ტრანსპორტისათვის, სავენახე სარებისათვის და რაც მთავარია
მშენებლობისათვის. პანკისის ხეობაში იშვიათად შეხედებით ქვის ნა-
გებობას. სახლების უმრავლესობა აქ ხისაა, რომლებიც უშეწებიათ იმ-
ერელსა და რაჭველ ხელოსნებს.

ხის კურკელი ძირითადად უმზადებიან საშინაოდ, ბოლო ზოგჯერ
ბაზარზე გასატანადაც. უფრო ინტენსიურად მისდევდნენ პანკისელი
ქისტები კალათების წვნას, რაზედაც დიდი მოთხოვნილება ყოფილა
მევენახეობით განთქმულ კახეთში. აქვე დიდი რაოდენობით სალდე-
ბოდა სარები, რომლებიც ქისტებს კახელებთან ერთად კამეჩის ურმე-
ბით მიჰქონდათ. ამავე ტრანსპორტით ეზიდებოდნენ პანკისელი ქის-
ტები სახლის მშენებლობისათვის საჭირო ხის მასალას ალვანსა და თე-

ლავში. განსაკუთრებით დიდი მოთხოვნილება ყოფილა ხის მასალაზე ალვანში. ადგილზე მიტანილი 4 მეტრი სიგრძის ერთი ცალი ფიცარი ღირებულა 15 კაპიკი, მაშინ, როდესაც 1 კოდი პური ფასობდა 3 მანეთად, 1 ცხვარიც 3 მანეთი ღირებულა, ხოლო თხა 2 მანეთად ყოფილა შეფასებული. ფასების ასეთი შეფარდების პირობებში ალვანელ თუშს შეეძლო ერთი ცხვრის საფასურით ადგილზე მიტანილი 20 ცალი ფიცარი შეეძინა, რაც მისთვისაც ხელსაყრელი იყო და პანკისელი ქისტისთვისაც ეს შემოსავლის დამზადებარე წყაროს წარმოადგენდა.

კამეჩების პატრონი უმთავრესად მასალას თვითონვე ამზადებდა, მაგრამ იმ შემთხვევაში თუ ის ხელმარტო იყო და ოჯახიდან დამზადებარე მუშა არ ეყოლებოდა, ის მეზობელს დაიამხანაგებდა და შემოსავალს მას უნაწილებდა. ადგილი ჰქონია ისეთ შემთხვევასაც, როდესაც მასალას ამზადებდა ერთი ოჯახი, ხოლო ეს მასალა ალვანში ან თელავში ქირით გადაჰქონდა მას, ვისაც გამწევი ძალა ჰყავდა. ასეთი თანამშრომლობის პირობებში ხარების პატრონი მხოლოდ ტრანსპორტის ქირას იღებდა. ხარების პატრონი ქირას იღებდა აგრეთვე ალვანში გასაყიდი პურის გადატანაში, თუში მეცხვარეების მიერ მთიდან ჩამოტანილი პროდუქტების გადაზიდვაში და ა. შ.

თავდაპირველად ხეები უზიდიათ თრევით ან ორი უღელი ხარით ისე, რომ ხეებს გადებდნენ წინა და უკანა უღლებზე. ურმები აქ შემოსულა რუსეთ-იაპონიის 1905 წლის ომის შემდეგ. იუსუფ მარგოშვილისა და ბოდო ცისკარაშვილის ცნობათა თანახმად, ქისტები ურმებს ყიდულობდნენ სოფ. მატანში კახელი ოსტატებისაგან. მარტო თულები ღირებულა 3 თუმანი ანუ 10 კოდი პური. დუისში ყოფილა ურმებისა და ხის გუთნების ერთადერთი ოსტატი მადეი ალხასტას ძე ბალაკაშვილი. რომელიც 80 წლისა გარდაიცვალა 1962 წელს. შემდეგ კიდევ გამოჩენილან ურმის ძარას მკეთებლები ბიწალა და ბათირა მუცოშვილები, რომლებიც მას ამზადებდნენ თელასაგან და შემკვეთს ახდეუნებდნენ 11 მანეთს. ხის გუთნის ოსტატი ყოფილა კორნეი მუზიკაშვილი, რომლისავე მოვალეობას შეადგენდა მატანში სახნისის გუთანზე მორაგებაც. თავისი ნახელავი მას შეფასებული ჰქონია 5 მანეთად. რაც შეეხება მარხილსა და უღელს, რომელთა მასალად თელა ან იფანი გამოიყენებოდა, მათი დამზადება ყოველ ქისტს სცოდნია და საგანგებოდ ოსტატს არ მიმართავდნენ თურმე.

ზემოთ დასახელებული თითო-ოროლა ხელოსანი ამგვარი საქმიანობისათვის მხოლოდ ზამთრობით იცლიდა, ვინაიდან ისინი, ისევე როგორც მათი მეზობლები, ჩაბმული იყვნენ მეურნეობის ძირითად დარგებში — მიწათმოქმედებასა და მესაქონლეობაში. ხელოსნობა აქ იყო არა

ოჯახის ჩრენის საშუალება, არამედ მხოლოდ მეორეხარისხოვანი დამ-
ხმარე საქმიანობა. ამასთან ერთად, თუ მხედველობაში მივიღებთ ხე-
ლოსნების უმნიშვნელო რიცხვს პანკისის ხეობაში, ხელოსნობაზე რო-
გორც დამოუკიდებელ დარგზე და ოჯახის ეკონომიკაში მის მნიშვნე-
ლობაზე ლაპარაკი გაუმართლებელი იქნებოდა. ამ მხრივ შედარებით
მეტი როლი უნდა მივუკუთნოთ ხე-ტყის მასალის გასაყიდად დამზადე-
ბას და ტრანსპორტის გაქირავებას, რის შესახებაც ზემოთ გვქონდა
აღნიშნული.

ამგვარი საქმიანობა, ისევე როგორც მეფუტკრეობა, მეაბრეშუ-
მეობა, მონადირეობა და მეთევზეობა, წარმოადგენდა პანკისელთა შე-
მოსავლის დამხმარე წყაროს. ამ დამხმარე საქმიანობათა სფეროდა-
ნაც, რასაკვირველია, ყველა თანაბარი მნიშვნელობის არ იყო. თუ
მონადირეობა და მეთევზეობა მხოლოდ მოყვარულთა საქმედ ითვლე-
ბოდა და ნანადირევის ხორციით, ტყავით ან მისი საფასურით ერთეუ-
ლები სარგებლობდნენ და ამდენად მონადირეობა საყოველთაოდ გა-
ერცელებულ საქმიანობას არ წარმოადგენდა, სამაგიეროდ შედარებით
მყარ ნიადაგზე მდგარა მეფუტკრეობა და მეაბრეშუმეობა. ყოველივე
ამას თუ შევედარებთ ხე-ტყის დამუშავების საქმეს, ეს უკანასკნელი
უსათუოდ ყველა აქ დასახლებულ საქმიანობაზე მნიშვნელოვან
წყაროდ მოგვეჩვენება, რამდენადაც მასზე მოთხოვნილება საკმაოდ
დიდი იყო, ფულადი შემოსავლით დაინტერესებული მოსახლეობა
მასში მასობრივად ჩაება და ამდენად ამ საქმიანობამ სათანადო ადგი-
ლი დაიკირა ქისტების მეურნეობაში. ყოველივე ამის საფუძველზე
შეიძლება ითქვას, რომ პანკისელთა საოჯახო ყოფაში მეტყუევობა
მნიშვნელოვან ეკონომიურ ფაქტორს წარმოადგენდა, რამდენადაც
ტყიდან გამოტანილი მასალა ქისტს არა მარტო დასახლკარებას უად-
ვილებდა, არამედ ფულად შემოსავალსაც აძლევდა.

ტყესთან დაკავშირებით აქვე გვინდა შევეხოთ სახნავ-სათესი
ნაკვეთების მოპოვება-მფლობელობის საკითხსაც. საქმე იმაშია, რომ
პანკისის ხეობა ტყიანი ადგილია, რომელიც ადრე კიდევ უფრო ხშირი
ტყით ყოფილა დაფარული. ამის გამო ჩაჩნეთ-ინგუშეთიდან აქ ჩამო-
სახლებული ოჯახის უპირველეს ამოცანას, სახლის გამართვასთან ერ-
თად, შეადგენდა სახნავი ნაკვეთის ხელში ჩაგდება, რაც უმთავრესად
ხდებოდა ტყის გაჩხვება-ამოძირკვით ანუ ახოს აღების გზით. პანკისის
ხეობაში ჩვენ არ გვეგულება ისეთი ოჯახი, რომელმაც თავისი ყოფილი
ახო არ გვიჩვენოს. ისიც უნდა აღინიშნოს, რომ ყოველ ახოს შენარ-
ჩუნებული აქვს იმ პიროვნების სახელი, ვინც ის გაჯაგა (დაამუშავა).
ამის გამო პანკისის ტოპონიმიკისათვის დამახასიათებელია ისეთი სა-
ხელწოდებები, როგორიცაა ზ უ რ ა ბ ნ ა ჯ ე გ ი (ე. ი. ზურაბის ნაჯაგი,

ზურაბის მიერ გაჯაგული), ცო ს კ ა რ ა ს ა ხ ო , ბ ა ლ ა კ ა ს ა ხ ო , გ ო ო ს ნ ა ჯ ე გ ი და ა . შ .

ადგილზე ჩაწერილი მასალების მიხედვით პანკისის ხეობაში დგინდება ახოს ალების და ახოების მოხმარების სხვადასხვა პირობები. თავიანთი წინაპრების ნაამბობზე დაყრდნობით ჩვენი მთხრობლები გვაუწყებდნენ, რომ ქისტებით ამ ხეობის დასახლების დასაწყისში, ე. ი. XIX საუკუნის მეორე მეოთხედში, ახალმოსახლეს ახოს ალება შეეძლო ყოველგვარი ნებართვის გარეშე, ხოლო მის მიერ გადამუშავებული ნაკვეთი ექცეოდა მის მუდმივ პირად საკუთრებაში. აღნიშნული პერიოდისათვის ამგვარი ვითარების მიზეზად მთხრობლები, სრულიად სამართლიანად, თვლიან მოსახლეობის სიმცირეს, ე. ი. მოსახლეობასთან შედარებით დიდი სამეურნეო ტერიტორიის არსებობას, რაც არ ბაღებდა რაიმე ზომების მიღების საჭიროებას მიწებით სარგებლობის შეზღუდვის მიზნით. წინა თაობის წარმომადგენელთაგან ჩვენს მთხრობლებს იმის შესახებაც არაერთგზის მოუამენიათ, რომ პანკისის ხეობის ხელსაყრელმა სამეურნეო პირობებმა უმნიშვნელოვანესი როლი შეასრულა ნახების შემდგომ მასობრივ ჩამოსახლებაში. ვანო ლანიშაშვილის ცნობით, პანკისის ხეობაში დამკვიდრებულ ქისტებმა ჰქონდათ რა კონტაქტი თავიანთ ადრინდელ სამშობლოსთან, ისინი ნახებს აცნობდნენ პანკისის ხეობის სამეურნეო პირობებსაც, რაც ჩაჩნეთ-ინგულშეთის მაღალმთიანეთში უმიწობით შეწუხებულ ბევრ ოჯახს ხიბლავდა და მშობლიურ კუთხესა სამუდამოდ აშორებდა.

მოსახლეობის მომატებასთან დაკავშირებით პანკისის ხეობაში საკითხი დასმულა, როგორც ახოებით, ისე სხვა სამეურნეო ნაკვეთებით სარგებლობის წესებში ცვლილებების შეტანის შესახებ. ზუსტად აღნიშვნა იმისა, თუ როდიდან შეიკვალა პანკისის ხეობაში მიწათმფლობელობისა და მიწებით სარგებლობის წესები, ხალხურ წყაროებზე დაყრდნობით არ ხერხდება.

სამაგიეროდ ამავე წყაროებსა და ლიტერატურულ მონაცემებზე დაყრდნობამ მოგვცა შესაძლებლობა გავცნობოდით XIX საუკუნის ბოლოსა და XX საუკუნის დასაწყისისათვის დამახასიათებელ მდგომარეობას, რომლის მომსწრენი არიან ჩვენი მთხრობელი ან მათი მამები.

გასული საუკუნის 80-იან წლებში, როდესაც მ. მაჩაბელი სწავლობდა თიანეთის მაზრის ეკონომიურ მდგომარეობას, იქ მიმდინარეობდა სახნავე მიწების თანაბარი განაწილების პროცესი კომლების მიხედვით. იმ დროისათვის ეს პროცესი პანკისის ხეობაშიც არ ყოფილა დამთავრებული, რასაც მ. მაჩაბელი გვაცნობს სოფ. ჭოყოლოს მაგალითზე. როგორც იგი აღნიშნავს, სოფ. ჭოყოლოს საერთო მფლობელობაში იყო მოქცეული საძოვრები, გამოუსადეგარი ადგილები და

გზები. გადანაწილება შეეხო სახნავ ნაკვეთებს, გარდა ახოებისა, რომლებსაც ოჯახებს საკომლო-მემკვიდრეობით სარგებლობაში უტოვებდნენ რამდენიმე ხნით, რათა მასზე დახარჯული შრომა აენახლაურებიანათ. გადანაწილება არ შეხებია მხოლოდ იმ საკარმიდამო ფართობს, სადაც რაიმე სახის ნაგებობა იდგა. უამპირობოდ კი საკარმიდამო ფართობიც სასოფლო ფონდში გადადიოდა¹⁷. უსათუოდ ეს გარემოება ჰქონდა მხედველობაში ჩვენს მთხრობლებს, როდესაც აღნიშნავდნენ, რომ საკარმიდამო ტერიტორიაზე გაშენებული ბალ-ბოსტანი ისევე ხელშეუხებელ საოჯახო აკუთრებას წარმოადგენდა, როგორც საცხოვრებელი ან სამეურნეო ნაგებობა.

იმავე პერიოდში არსებული ვითარების შესახებ ზაქარია გული-საშვილი წერდა: „პანკისის ხეობაში ნაოხრები ყველა სოფელს თავისთვის შემოუფარგლნია. ქისტებს-კი, რადგან ხენა-თესვას არ მისდევნენ, დაუსაკუთრებიათ მარტო ეზოები და სათიბ-საძოვარი. მაგრამ, რადგან სათიბ-საძოვარსაც დასაკუთრება არ ატყვია, ამიტომ სხვა წასტანებია და ქისტები ვანზე დარჩომილან“. ავტორი იქვე შენიშნავს, რომ შემდეგ უთანხმოება ჩამოვარდნილა ქისტებსა და თუშებს შორის, როდესაც ქისტებიც უფრო ბეჭითად მოჰკიდებიან მიწათმოქმედებას და თუშების მიერ დაკავებულ ადგილებში სომინდის თესვა დაუწყიათ, ხოლო გულმოსულ თუშებს კი იქ საქონელი გაუშვიათ. ბოლოს ადმინისტრაცია ჩარეულა, თითოეული კომლისთვის ნაკვეთი საბლით მიუზომიათ და უქმყოფილებაც ამ გზით გაუნელებიათ¹⁸.

მიწებით სარგებლობის წესს კიდევ უფრო სრულად გვაცნობენ ქისტი მთხრობლები. როგორც მათ მიერ მოწოდებული ცნობებიდან ჩანს, XIX საუკუნის ბოლოსათვის მიწით სარგებლობა განსაზღვრული იყო სახელმწიფო-ადმინისტრაციული წესდებით. იუსუფ მარგომჯილის ცნობით, ვინაიდან ტყე ეკუთვნოდა სახელმწიფოს, ახოს ალების მსურველს ევალებოდა სათანადო ფასის გადახდა სახელმწიფოს სასარგებლოდ. წინააღმდეგ შემთხვევაში გლეხი ტყის გაჩეხვის უფლებას ვერ მიიღებდა. იუსუფის მოსწრებითაც და მისი შამის ახალგაზრდობის

¹⁷ М. М а ч а б е л и, დასახ. ნაშრომი, გვ. 376.

¹⁸ შ ა ქ რ ი, პანკისის ხეობა, გაზ. „ივერია“, 1887, № 21. შე ნ ი შ ვ ნ ა : თქმა იმისა, რომ ქისტები ხენა-თესვას არ მისდევნენ, გაუმართლებელია. ქისტები აქ დასახლების დღიდან მეურნეობის ამ დარგს ინტენსიურად მოეკიდნენ, მაგრამ მოსახლეობის სიმცირის გამო არ იდგა მიწის ნაკლებობის საკითხი და ამდენად მისი დასაკუთრებისათვის საგანგებო ღონისძიებებისათვის არ მიუმართათ. ისიც საგულის მია; რომ შათი აქ დამკვიდრების პირველ ხანებში უფრო შესაქონლეობა ყოფილიყო განვითარებული და სათიბ-საძოვრების დასაკუთრებაც ამ მიზეზით იყო გაპირობებული. |

დროსაც 3 ჰექტარი ფართობის გაჩეხვის უფლება გლებს უჩულებოდა 40 მანეთი, მაშინ როდესაც ერთი კოდი პური ან ერთი ცხვარი 3 მანეთად ფასობდა. თუ ამასთან ერთად ვიანგარიშებთ ახოს ალებზე დახარჯულ დროსა და უმძიმეს შრომას, ადვილად წარმოვიდგენთ თუ რა სიძნელების გადალახვა უხდებოდა ოჯახს სამეურნეო ნაკვეთის მოსაპოვებლად. მაგრამ ყოველივე ამის მიუხედავად, ახო არ წარმოადგენდა გლების მუდმივ საკუთრებას. ახოთი სარგებლობა გლებს შეეძლო მხოლოდ 15 წლამდე, რის შემდეგ ის გადადიოდა სასოფლო ფონდში. აღნიშნულ ეპოქაში ყოველ კომლს პირად სარგებლობაში გამოყოფილი ჰქონია ხუთი დღიური მიწა. რაკი 15 წლის შემდეგ ახოც სასოფლო ფონდს გადაეცემოდა, ის ექცეოდა მიწების ხელახალ გადანაწილებაში, რაც ხდებოდა ახალი ოჯახების მომატებასთან დაკავშირებით. როგორც ვხედავთ, სამეურნეო ფართობის ზრდა ხდებოდა ახოების მომატების შედეგად, ხოლო ნაკვეთების გადანაწილება წარმოებდა ოჯახების მომრავლების შესაბამისად.

ჩვენ მიერ შეკრებილი მასალების მიხედვით, ასევე კომლობრივად განაწილების წესით ხდებოდა სათიბების გამოყენებაც, რაც აქ რამდენადმე მცირე მოცულობის ნაკვეთების სახითაა წარმოდგენილი და საქონლის მთავარ საკვებად გამოიყენებოდა ჩალა და ბზე, ხოლო დამხმარე საკვებად მოიხმარებოდა ნეკერიც¹⁹. ასე, რომ საქონლის გამოკვების შესაძლებლობა და ამდენად მესაქონლეობის მასშტაბი აქ უშუალოდ მიწათმოქმედების დონით იყო გაპირობებული, რაც ერთხელ კიდევ გვიჩვენებს მიწათმოქმედების წამყვან მნიშვნელობას პანკისელთა სამეურნეო ცხოვრებაში.

ეს პირველ ყოვლისა შეეცნება ბარს, რომელიც წარმოადგენს პანკისის ხეობის უდიდესსა და ძირითად ნაწილს. რაც შეეცნება პანკისის ხეობის სათავეებს, აქ მესაქონლეობისათვის ხელსაყრელი პირობები არსებობს სათიბებისა და საძოვრების სახით, მაგრამ მთელი ხეობის მესაქონლეობისათვის დამაკმაყოფილებელ სამეურნეო ბაზას იგი არ წარმოადგენდა. ის ხელსაყრელი და საკმარისი იყო მხოლოდ იმ მონახლეობისათვის, რომელიც იმყოფებოდა ხეობის ზედა წელში საძი

¹⁹ პანკისელი ქისტები საქონლის საკვებად ნეკერსაც რომ იყენებდნენ, ეს ჩანს მ. მაჩაბლის ცნობიდანაც. როგორც ის აღნიშნავს, პანკისის ხეობის მოსახლეობას შეეძლო ფასის გადაუხდელად ვაერეკა საქონელი ტყეში იმ პირობით, თუ საღამოობით საქონელს სახლში პირეკავდნენ. იმ შემთხვევაში კი, როდესაც საქონელს ღამითაც ტყეში დატოვებდნენ, სავალდებულო იყო მეტყვეისათვის გადაეხდათ ერთ სულ მსხვილფეხა საქონელზე წელიწადში 20 კაპიკი, თხაზე — 30 კაპიკი, ღორზე — 20 კაპიკი, ხოლო 100 სულ ცხვარზე 3 მანეთი (M. M a q a d e l a, დასახ. ნაშრომი, გვ. 407).

პატარა სოფლის (ხორაჯა, ჩხატანა, ქორთაბუდე) სახით²⁰. ამის გამო მიწათმოქმედებასთან შედარებით მსხვილფუნქცია შესაქონლეობა და მეცხვარეობა იქ გაცილებით მნიშვნელოვან მეურნეობად ითვლებოდა, ვიდრე პანკისის ხეობის სამიწათმოქმედო ზოლში, ე. ი. ბარში. აქვე უნდა აღვნიშნოთ, რომ ხეობის სათავეებიდან მოსახლეობის ბარად ჩამოსვლის შემდეგ იქაური სათიბების გამოყენებაც ველარ ხერხდებოდა, ვინაიდან იქიდან თივის ჩამოტანა საკმაოდ დიდ სიძნელებთან იყო დაკავშირებული. ამიტომ მთელი ეს ადგილები ცხერის საძოვრად აქციეს, ხოლო იქიდან მოსახლეობის წამოსვლის შემდეგ ეს საძოვრები ტყის მსგავსად სახელმწიფო უწყებათა ხელში გადასულა. მაგალითისათვის შეგვიძლია დავასახელოთ მთები — ქ ი ქ ა უ რ ა დ ა დ ი დ გ ე რ დ ი, სადაც ზაფხულობით ცხვარს მიერეკებოდნენ შეძლებული მეცხვარეები და საბალახეს უხდიდნენ სათანადო სახელმწიფო უწყებას²¹.

²⁰ ამ სოფლებს ხელსაყრელი პირობები ქქონიათ იმ მხრივაც, რომ ისინი არ იხდიდნენ სახელმწიფო გადასახადებს. როგორც მ. მაჩაბელი წერს, ხორაჯასა და ჩხატანას მოსახლეობა არასოდეს არ შეუყვანიათ კამერალურ იღწერილობაში და მათგან არასოდეს არ მოუთხოვიათ რაიმე სახის ბევარ-გადასახადები (M. M a y a n d e a n, დასახ. ნაშრომი, გვ. 333).

მ. მ. მაჩაბლის ცნობით, ქიქაურას, ჩხატანას, ბარდამ-ციხისა და ნაქერალ-დიდგვარდის იალალებზე (ფურთ კალოზე, ვანჯაურაზე, ორწყერაზე) ცხვარ-ძროხას აბალახებდნენ საერთოდ ოშალოსა და ქაოლოლს საზოგადოებები, მაგრამ ეს თურმე იწვევდა ქისტებისა და თუშების შეხლა-შემხლას, ვინაიდან თუშები ქისტებს, როგორც ჩამოსახლებულებს, არ თვლიდნენ ნაქერალ-დიდგვარდის იალალებით სარგებლობის უფლების მქონედ (M. M a y a n d e a n, დასახ. ნაშრომი, გვ. 415).

ქისტი ჩობანი იძლევა რა პანკისის ხეობის სამეურნეო-გეოგრაფიულ დახასიათებას, მის სათავეებს, სადაც დასახლებული იყო სამი სოფელი (ჩხატანა, ხორეჯა, ხადორი), თელის შესაქონლეობა-მეცხვარეობის კარგ ბაზად. მისი ცნობით, თავისი ფერდობებით, ტაფობებითა და ვაკე ადგილებით მეყოვეობისათვის ჯანსაყურებით ხელსაყრელი და უსაფრთხო ყოფილა მთა დიდგვარდი, სადაც ქისტებს ზაფხულობით მიუღიოდათ ცხენები, ძროხები და ცხვრის ფარები (ქ ი ს ტ ი ჩ ო ბ ა ნ ი, პანკისის ხეობა, ეურნ. იმოგზაური, 1904, № 1—2, გვ. 106).

იმვე წერალში აღნიშნულია, რომ უფრო რთული რელიეფით ხასიათდებოდა ხორეჯის მთა, საიდანაც ზოგჯერ იჩებებოდა საქონელი. ამ ნაკლის მიუხედავად ხეობის მცხოვრებლებისათვის ეს მთა ყველაზე მარჯვეა და ზაფხულობით საბალახედ, სათიბად, ცხერისა და ძროხის საძოვარ საბინაოდ ქისტები მომეტებულ ნაწილად აქ მათი გადიან იოლად. ამ საქირებისათვის ხორეჯის მთასა აქვს შემდეგი ადგილები: თუნქოს სათიბე, გობიდას გორი, ხორეჯა, ჩხატანა, ქიქაურა ნაქერალი და დიუიანი. ხორეჯაში და ქიქაურაში მომეტებულ ნაწილად ცხერის ბინებია, რადგანაც ეს ადგილები გვერდელიც არი და ცოტა მოშორებოდაც; ხოლო ნაქერალში და დიუიანში ძროხის ბინებია (ი ქ ვ ე, გვ. 107).

სათიბებისა და საძოვრების გამოყენების ზემოთ აღწერილი წესი არც XX საუკუნის დასაწყისში შეცვლილა. ის ამ სახეს ინარჩუნებდა საბჭოთა წყობილების დამყარებამდე. სამაგიეროდ, 1905 წლიდან სახელმწიფო ხელისუფლებას მოსახლეობისათვის ნება დაუტოვას უსასყიდლო გაჯაგვისა და ახოზე მუდმივი საკუთრებისა. ამავე ეპოქიდან შეუცვლიათ სასოფლო ნაკვეთების გადანაწილების წესიც. ვანო ლანიშაშვილის ცნობით, ყოველ სასოფლო საზოგადოებას სოფლის კაცებისათვის („იუხრთუო ჰალხერჩინ ნაახ“-სოფლისაგან არჩეული ხალხი) დაუვალეზიათ, რათა ყოველ 2-3 წელიწადში ერთხელ თოკით გადაეზომათ და ქუდზე (ე. ი. ოჯახის წევრ მამაკაცთა რაოდენობის მიხედვით) გადაენაწილებინათ არსებული სახნავი ნაკვეთები. XIX საუკუნის მეორე ნახევარში მოქმედი წესისაგან განსხვავებით, როდესაც ოჯახს (განურჩევლად მისი სულადი შემადგენლობისა) პირად სარგებლობაში ეძლეოდა ხუთი დღიური მიწა, ხოლო ახოს გამოყენება შესაძლებელი იყო მარტოდენ 15 წლით, XX საუკუნის დასაწყისიდან ახო მიიჩნეეს ოჯახის ხელშეუხებელ საკუთრებად, ხოლო მიწების პერიოდულ გადანაწილებას საფუძვლად დაუდეს ოჯახის ქუდოანთა რაოდენობა, რაც უკვე რამდენადმე ამსუბუქებდა მრავალსულიანი ოჯახის მდგომარეობას.

ზემოთ განხილული ეთნოგრაფიული მასალების საფუძველზე ჩვენ ზოგადად ვავეცანით სახნავი ნაკვეთებით, სათიბებით, საძოვრებითა და ტყით სარგებლობის წესებს პანკისის ხეობაში და დავინახეთ თითოეული მათგანის როლი ქისტების საოჯახო მეურნეობაში. დავინახეთ ისიც, რომ საქონლის ძირითად აკვევებ ბაზას წარმოადგენდა სახნავ-სათესი ტერიტორია, რამდენადაც სათიბების ნაკლებობის გამო ზამთრის პერიოდში პირუტყვს აკმევედნენ ჩალას, ბზეს, შვრიას და ფეტვს. ფეტვისა და შვრიის სათესად ქისტები იყენებდნენ რამდენიმე წლით ხმარების შედეგად გამოფიტულ ახოს²² ან იჯარით აღებულ ნაკვეთს. მიწის იჯარით აღება აქ ხდებოდა მოსავლითა შუაზე გაყოფის პირობით. ამგვარ გარიგებას ადგილი ჰქონდა ისეთ შემთხვევაში, როდესაც გამწვევი ძალის უკმარობის გამო ოჯახი იძულებული იყო მიწა დასამუშავებლად მიეცა მუშა საქონლით უზრუნველყოფილი ოჯახისათვის. ყოველივე ეს იმ გარემოებაზე მიგვითითებს, რომ ოჯახის ეკონომიური შესაძლებლობა ძირითადად დამოკიდებული იყო სახნავი ნაკვეთების მოცულობაზე და მუშა საქონლის რაოდენობაზე, რამდენადაც შესაქონ-

²² ქისტების დაკვირვებით, ახოს მოსავლიანობა თანდათანობით მცირდებოდა. თუ 1 დღიური ახლაგატეხილი ახო იძლეოდა 20—25 კოდ პურს, 14—16 წლის ძველ ახოზე შესაძლებელი ყოფილა 6—10 კოდის მოყვანა.

ლეობის განვითარებასაც აპირობებდა საკვები ბაზა, ხოლო ამ ბაზის დამუშავების შესაძლებლობას განსაზღვრავდა გამწვევი ძალა.

ამგვარ სამეურნეო პირობებში განსაკუთრებით ჰირდა ბევრი საკვების შთანთქმელი კამეჩის შენახვა, რთ გამო მის მომრავლებაზე ქისტები თავს იკავებდნენ. ისინი უფრო მეტად ზრუნავდნენ ხარ-პროხის შენახვაზე, ხოლო კამეჩების პატრონი იძულებული იყო შეემცილებინა ძროხების რიცხვი. ასეთ ვარაუდს ირჩევდა ფურკამეჩების მყოლი ოჯახი, რამდენადაც ფურკამეჩი ერთდროულად წარმოადგენდა როგორც მეწველ, ისე მუშა საქონელს. ყოველივე ეს და ამჟამთან ერთად საოჯახო მეურნეობის სრული სურათი ნათლად ჩანს ცალკეული ოჯახების შესახებ ჩვენ მიერ პანკისელ ქისტებთან ჩაწერილი მასალებიდან, რომლის გაცნობის მიზნით ქვემოთ შევხებით ზოგიერთ კონკრეტულ მაგალითს.

საკითხის ნათელსაყოფად აქ შეიძლება პირველ რიგში გავეცნოთ ცათიაშვილების ზემოთ აღწერილი ოჯახის ეკონომიურ მდგომარეობას. როგორც ჩვენი ჩანაწერებიდან ჩანს, თუშეთში ყოფნის დროს ამ ოჯახის მთავარ დოვლათს შეადგენდა საქონელი, რომლის რაოდენობის ჩვენება მთხრობელმა ვერ შეძლო. სამაგიეროდ, ჩვენთვის ცნობილია ოჯახის შემდეგდროინდელი ეკონომიური პირობები. როდესაც თუნგო ცათიაშვილის შვიდი ვაჟი სოფ. ხორეჯაში იმყოფებოდა, მათ ქონებას შეადგენდა ერთი ორსართულიანი მიწური სახლი, უღელი ხარით სახნავი ხუთი-ექვსი დღიური მიწა, ოთხი ხარი, ცხრა ცხენი, 25-მდე ძროხა, დეკეული, მოზვერი, ხბო, ხუთი ვირი, 1500 ცხვარი და თხა და აქ დასახელებული მსხვილფეხა საქონლისთვის საკმარისი თივის მოსათიბი ადგილი მთაში. ცხვარს, ცხენებსა და ვირებს ზამთრობით მიერეკებოდნენ ადრე შირაქისა და აზერბაიჯანის ველებზე, ხოლო შემდეგ ჩაჩნეთის საზამთრო საძოვრებზე, რომელთან დაკავშირებას ახერხებდნენ შატილ-არდოტ-მითხოს გზითა და არღუნის ხეობის გავლით.

მარგოშვილების 11-სულიანი ოჯახი ცხოვრობდა ექვსოთახიან ხის სახლში, რომელსაც გვერდზე მიშენებული ჰქონია ბოსელიც. ისევე, როგორც სხვა დანარჩენი ოჯახები, მარგოშვილებიც სარგებლობდნენ სახელმწიფო ტყითა და სასოფლო საძოვრებით. სათიბები მათ არ ჰქონიათ, რის გამო საქონლის საკვებად იყენებდნენ ჩალას; ბზეს, შვრიას, ფეტვასა და ნეკერს. სხვადასხვა დროს მათ ექვს ადვალას გაუჩეხიათ ახო. თითოეული ნაკვეთი მისი მოპოვებიდან 15 წლის თავზე წელ-წელა სასოფლო ფონდში ჩაუბარებიათ. ამასთან ერთად მარგოშვილები ამუშავებდნენ სოფლისაგან გამოყოფილ ხუთდღიურ სახნავს. შემდეგ სოფელ დუისს სოფ. მატანში უყიდია ჩოლოყაშვილის მამული, რომლის განაწილების შედეგად ყოველ კომლს შეხვედრია

ოთხი დღიური. ამ დღიდან მარგოშვილების ოჯახი ხნავდა ცხრა დღიურ-სა და ახოებს. პირუტყვიდან მათ ჰყავდათ: ორი ცხენი, ორი კამეჩი, ექვსი ხარი, რვა ძროხა, 22 დეკეული, მოზვერი და ხბო, 100 ცხვარი და თხა, 100-მდე ქათამი და ინდაური.

ტობოსაშვილების ზემოხსენებულ ოჯახს ჰქონია ხის სამოთახიანი სახლი გომურით, სასოფლო ფონდიდან გამოყოფილი ხუთი დღიური სახნავი, 12 დღიური ახო და ორი დღიური იჯარით სანახევროდ აღებული ადგილი ფეტვის სათესად. ახოებიდან ზოგიერთ მოძველებულსა და გამოფიტულ ნაკვეთს იყენებდნენ სათიბად, ხოლო ორი დღიურის ადგილს შვრიის სათესად. პირუტყვიდან ჰყოლიათ ორი ცხენი, ოთხი ხარი და ექვსი ძროხა. მეზობლების საქონელთან ერთად ზაფხულობით მათ საქონელი გაშვებული ჰყოლიათ მთა ნაქერალას საძოვრებზე. შემოდგომაზე ტყეში თოვლის მოსვლამდე, ხოლო ზამთარში ამყოფებდნენ ბაგურ კვებაზე.

სოფ. ჯოყოლოში ფიცხალა ბორჩაშვილისა და მისი ორი ვაჟის (ზუგო, ხასა) დოვლათს შეადგენდა ათლიურამდე სახნავი მიწა ახოებითურთ, ორი ცხენი, ოთხი კამეჩი, რვა უღელი ხარი, ათი ძროხა და 300-მდე ცხვარი და თხა.

სოფ. დუისში მცხოვრებ განა და დადეკა ქვეთარაშვილების გაყრამდე, როდესაც თითოეულ ძმას ექვსი შვილი ჰყავდა, ოჯახს ჰქონია ოროთახიანი ხის სახლი გომურითა და საბძელით, სასოფლო ფონდიდან მიზომილი ხუთი დღიური სახნავი, რომელთან ერთად ისინი ხნავდნენ ახოებსა და ბატონისაგან იჯარით აღებულ ნაკვეთებს. პირუტყვის რაოდენობა განისაზღვრებოდა ერთი ცხენით, ორი უღელი კამეჩით, სამი უღელი ხარით, ათი სული ძროხითა და მოზარდით.

სოფ. ჯოყოლოში დავით ციკარაშვილსა და მის ხუთ შვილს (ბოლეი, ლანიშა, ცოსკარა, ბაქა, აჭო) გაყრამდე უცხოვრობდა ოთხოთახიან ფიცრულში, რომელსაც მიშენებული ჰქონია გომური და საქათმე. გარდა ამ ნაგებობებისა მათ ჰქონიათ წისქვილი, რომელსაც ოჯახის საჭიროებისათვისაც იყენებდნენ და მეზობლებზედაც აჭირავებდნენ მინდის (ბუალ) აღების პირობით (ათი კგ-ის დაფქვაზე იღებდნენ ერთ ჯამ ფქვილს). ამვე ოჯახს პირველს გაუხსნია დუქანი სოფ. ჯოყოლოში, სადაც ყიდდნენ ფარჩას, მარილს, შაქარს. . . ეს სავაჭრო საქონელი მოჰქონდათ თბილისიდან, ხოლო გამყიდველად დაყენებული ჰყოლიათ სომეხი დახლიდარი. ამ ოჯახში საკმაო ადგილი ეკირა აგრეთვე ფშაური ფარდაგების ქსოვასა და ქუდების კერვას. ფარდაგებით თავიანთი ბინა ჰქონიათ დამშვენებული, ხოლო ქუდებს ყიდდნენ თელავსა და ალავერდში. ოჯახის ქონებას შეადგენდა აგრეთვე

ორი უღელი კამეჩი, ორი ცხენი, 16 ხარი, 15 ძროხა და მოზარდი, 500-მდე სული ცხვარი და თხა.

სოფ. ომალოში ქისტო იმედაშვილის ოჯახის საარსებო საშუალებას წარმოადგენდა რეადლიური სახნავ-სათიბი ადგილი ახობებითურთ, 30 ცხენი, 15 ძროხა და 600 ცხვარი. ცხენებსა და ცხვარს ზამთრობით მიერეკებოდნენ შირაქში, ხოლო ძროხებს ბაგურ კვებაზე ამყოფებდნენ. საქონლისთვის საზამთროდ 'საქირო საქვების უკმარობის გამო ისინი მარაგს ყიდულობდნენ მცირე საქონლის, მაგრამ შედარებით მეტი სამეურნეო ნაკვეთების მქონე მეზობლებისაგან.

აქვე სოფელში ქისტოს ძმის — მათეს ოჯახის დოვლათს შეადგენდა რეადლიური სახნავ-სათიბი ადგილი, 30-მდე მსხვილფეხა საქონელი, 250—300 ცხვარი. ამ ოჯახის შემოსავლის წყაროს წარმოადგენდა აგრეთვე ორი წისქვილი. ვანო ღანიშაშვილის ცნობით, ერთი კასრის (10 კგ-ის) დაფქვაზე პატრონი მინდის სახით იღებდა ერთ ჯამ (300—400 ჯ) ფქვილს.

კონკრეტული მაგალითებიდან აქვე გვინდა მოვიხსენიოთ ალხანაშვილების ოჯახი, რომლის ეკონომიური დონე სხვადასხვა დროსა და სხვადასხვა ადგილზე ყოფნისას სხვადასხვაგვარი რყო. ქარუმა ღანიშის ძე ალხანაშვილის (დაბ. 1907 წ.) ცნობით, მის პაპას, მამას და სამ ბიძას გაუყრელად უცხოვრიათ სოფ. ჩხატანაში. ერთ სახლში თითოეულ ძმას ჰქონია თითო ოთახი. პური ოჯახს საკმარისი ვერ მოჰყავდა და მას ყიდულობდა დღისში ან ჯოყოლოში მსხვილფეხა საქონელი ცოტა ჰყოლიათ, ხოლო მათი ცხვრის ფარა 3000 სულს ითვლიდა თურმე. ცხვარს ზაფხულობით ადგილობრივ მთებში აბალახებდნენ, ხოლო ზამთრობით მიერეკებოდნენ შირაქსა და შირვანში.

მამა-ბიძების გარდაცვალების შემდეგ ქარუმა და მისი სამი ბიძაშვილი სოფ. ჩხატანადან ბარად ჩამოსულან და სოფ. ომალოში ცალ-ცალკე ოჯახებად დასახლებულან. აქ მათი სამეურნეო პირობები არსებითად შეცვლილა, რაც განსაკუთრებით ნათლად გამოიხატა მეცხვარეობის შემცირებაში. ამ ცვლილების დასაწახად საკმარისია გავეცნოთ ქარუმას ოჯახის ქონებას. ომალოში დამკვიდრებისას მის დოვლათს შეადგენდა ერთი ხის სახლი, ხუთი დღიური სასოფლო ფონდიდან მიზომილი მიწა, რამდენიმე დღიურის აბო, ერთი ცხენი, ერთი ხარი, სამი ძროხა, და 30-მდე სული ცხვარი. შემდეგ მას საკარმიდამო ფართობზე ბალ-ბოსტანიც გაუშენებია.

ანალოგიური ხასიათის ფაქტებს ჩვენ აქ აღარ შევეხებით. ცალკეული ოჯახების შესახებ წარმოდგენილი მასალები საკმარისი უნდა იყოს იმის საილუსტრაციოდ, რაც ჩვენ დავინახეთ პანკისელი ქისტების სამეურნეო ყოფის ზოგადი მიმოხილვისას. ორივე ამ სახის მასალა

იმ გარემოებაზე მიგვიითივებს, რომ ქისტების ტრადიციულ საქმიანობას მათი აქ დასახლების დღიდან წარმოადგენდა მიწათმოქმედება და მესაქონლეობა, ხოლო სხვა სახის საარსებო წყაროების ზრდა შემდგომში ხდებოდა ქართველებისაგან შეთვისებული მებაღეობა-მემოსტნეობით და რიგი დამხმარე საქმიანობით, რომელთა შესახებაც ზემოთ უკვე ითქვა. კონკრეტული მონაცემების მიხედვით ერთბელ კიდეც დასტურდება ზემონათქვამი იმის შესახებაც, რომ მეურნეობის ამ ძირითადი დარგებიდან წამყვანი ადგილი ეჭირა მიწათმოქმედებას, როგორც ზედაც დამოკიდებული იყო მესაქონლეობის განვითარებაც. ამის მტკიცების საფუძველს გვაძლევს ის გარემოება, რომ აღწერილი ოჯახების უმრავლესობიდან საქონელიც იმას ჰყავდა მეტი, რომელიც მეტ სამეურნეო ტერიტორიას ამუშავებდა. ამგვარი შეფარდების დარღვევა პანკისას ხეობის ბარში იშვიათად ხდებოდა, როდესაც ზოგერთი ოჯახი საქონელს დიდი რაოდენობით მოაშენებდა და მის გამოსაკვებად იყენებდა საზამთრო საძოვრებს, საკუთარ რესურსებს და მეზობლებისაგან შესყიდულ ჩალა-თივას.

როდესაც აღნიშნავთ მიწათმოქმედების წამყვან როლს პანკისელთა მეურნეობაში, მხედველობაში გვაქვს ხეობის ბარი, რომელიც წარმოადგენდა და, მით უფრო დღეს წარმოადგენს, ქისტების კომპაქტურ სამოსახლო და სამეურნეო ტერიტორიას. ამის გარდა, როგორც ზემოთ იყო აღნიშნული, გასულ საუკუნეში მოსახლეობის მცირე ნაწილი ბინადრობდა ხეობის სათავეებშიც, რომელიც ხასიათდება მთური სამეურნეო პირობებით. ამის გამო აქ უკვე მეურნეობის დარგებს შორის ბარისაგან განსხვავებულ შეფარდებას ქონდა ადგილი. მეურნეობის წამყვან დარგს აქ წარმოადგენდა მესაქონლეობა, განსაკუთრებით მეცხვარეობა, რომლის განვითარებას ხელს უწყობდა ფართო საძოვრების არსებობა. ამ ვითარებაზე მიგვიითივებენ ნებრობლები აღნიშნული ადგილების ზოგადი დახასიათებისას და იგივე მდგომარეობა რელიეფური სიციხადით მოწმდება ზემოთ აღწერილი ზოგიერთი ოჯახის მიხედვითაც. როგორც წესი, მთაში ცხოვრებას დროს ოჯახი გადაგებულია მესაქონლეობაზე, ხოლო იმავე ოჯახის ან მისი განაყოფის ბარად ჩამოსახლებისთანავე მათი სამეურნეო პირობები და ეკონომიური მდგომარეობა არსებითად იცვლება. ეს კარგად დავინახეთ ალხანაშვილების მაგალითზე, რომლებიც ჩხატანაძის ომალოში დასახლების შემდეგ მინიმუმამდე ამცირებენ ცხვრის რაოდენობას და აქტიურად ებმებიან ბარულ მეურნეობაში. ცათიაშვილების მაგალითიდანაც აშკარაა, რომ ჭერ თუშეთში, ხოლო შემდეგ სოფ. ხორეჯოში ცხოვრებისას მათი უმთავრესი საქმიანობა და ძირითადი საარსებო საშუალება იყო მესაქონლეობა.

ძირითადად ამგვარი სახისა იყო პანკისელი ქისტების საოჯახო მეურნეობა XIX საუკუნის მეორე ნახევრისა და XX საუკუნის დასაწყისის ეთნოგრაფიული მასალების მიხედვით. მართალია, საქონლის საკმაოდ დიდი რაოდენობა ჰყავდა ბარად მცხოვრებ ზოგიერთ ოჯახსაც, მაგრამ ამგვარი გამონაკლისების მიხედვით ზოგადი სურათის წარმოდგენა შეუძლებელია. პანკისელი ქისტების უმრავლესობას ჰყოლია 20, 30, 50 და უფრო იშვიათად 100 სული ცხვარი, რომლის გამოკვებას ახერხებდნენ ადგილობრივ ოჯახები ტყეში ფარეხს აკეთებდნენ და მსხვილფეხა საქონელთან ერთად თავიანთ ცხვარაჲც ნეკერით კვებავდნენ. რაც შეეხება თითო-ოროლა ოჯახს, რომელსაც 100 სულზე მეტი ცხვარი ჰყავდა, ისინი ზამთრობით შირაქში, აზერბაიჯანის ველებზე ან ჩაჩნეთის მინდვრებზე მიდიოდნენ. ასეთ მთა-ბარობაში განსაკუთრებით გაწაფული ყოფილან პანკისის ხეობის სათავეებში მცხოვრები ისეთი ოჯახები, როგორსაც გავეცანით ცათიაშვილებისა და ალხანაშვილების მაგალითზე.

განხილული მასალებიდან ნათლად ჩანს, რომ შეძლებული მეცხვარეები, ისევე როგორც სხვებზე მეტი მსხვილფეხა საქონლისა და სამეურნეო ნაკვეთების მფლობელი ოჯახები, პანკისის ხეობაში მოსახლეობის უმნიშვნელო პროცენტს შეადგენდნენ. მთხრობლების ჩვენებათა მიხედვით, ბარად საშუალო შეძლების მქონე ოჯახის დოვლათს შეადგენდა ყველასათვის ერთნაირად კუთვნილი ხუთი დღიური მიწა, დაახლოებით ამდენივე ახო, ერთი-ორი ცხენი, უღელი ხარი, ხუთი ძროხა, 30-მდე ცხვარი და ოროთახიანი ფიცრული თავისი სამეურნეო სათავსოებითა და გომურით. რაც შეეხება ხეობის ზედა წელს, აქ საშუალო ოჯახის ქონებაში შედიოდა: ერთი სახლი ორი ოთახითა და ბოსლით, ორი-სამი დღიური სახნავი, ათამდე ძროხა, 150-200 ცხვარი, უღელი ხარი, ორი-სამი ცხენი და ამ მსხველფეხა საქონლისთვის აკმარისი თივის სათიბი ადგილები.

ყოველგვრე ამის გათვალისწინების შემდეგ შეიძლება ითქვას. რომ ოჯახის არსებობა პანკისის ხეობაში ემყარებოდა მრავალდარგოვან მეურნეობას, რომელთაგან მიწათმოქმედებას წამყვანი ადგილი ეჭირა დასახლების ძირითად რაიონში (ბარში), ხოლო მთის შედარებით მცირერიცხოვან მოსახლეობაში ძირითად საქმიანობას წარმოადგენდა მესაქონლეობა. მეურნეობის წამყვან დარგებთან ერთად ოჯახის ეკონომიკაში მნიშვნელოვან როლს ასრულებდა შედარებით გვიან დაწინაურებული მებაღეობა-მეზოსტენობა, ხე-ტყის დამუშავება, ტრანსპორტის გაჭირავება და ბოლოს ზოგიერთი ოჯახის შემოსავლის დამატებით წყაროდ გვესახება მინდი (საწისქვილო ქირა), შინამრეწველობა (ქულების კერვა) და ვაჭრობა (ღუქნის გახსნა).

აღნიშნული ვითარება პანკისის ხეობა, ქისტთა სამეურნეო ყოფა-ში არსებითად შეიცვალა საქართველოში საბჭოთა ხელისუფლების დამყარების დღიდან. თანამედროვე ქისტების საოჯახო მეურნეობა აწყობილია საკოლმეურნეო წესდების შესაბამისად.



როგორც ზემოთ დავინახეთ, პანკისელი ქისტების ყოფისათვის დამახასიათებელი იყო ინდივიდუალურ ოჯახებად ცხოვრების წესი. ასეთი ოჯახები აქ ერთმანეთისაგან განსხვავდებოდნენ მხოლოდ იმ მხრივ. რომ ზოგი მათგანი იყო მცირერიცხოვანი და ზოგიც მრავალრიცხოვანი. ოჯახის სულად შემადგენლობაზე კი რამდენადმე იყო დამოკიდებული მისი მმართველობისა და შრომის ორგანიზაციის ხასიათი. თუ ოჯახი შედგებოდა მხოლოდ მშობლებისა და მცირეწლოვანი შვილებისაგან, ბუნებრივია ოჯახის ხელმძღვანელობაც და შრომაც მხოლოდ მშობლებს ეკისრებოდათ, ვიდრე ბავშვები წამოიზრდებოდნენ და ისინიც რაიმე სახის საქმიანობას შეძლებდნენ. ისეთ შემთხვევაში კი, როდესაც მშობლები და მათი სრულწლოვანი შვილები ამ უკანასკნელთა დაცოლშილებამდე ან დაცოლშილებიდან კიდევ რამდენიმე წლით მაინც ერთ ჭერქვეშ იცხოვრებდნენ, მათ შორის ფუნქციების განაწილების შესაძლებლობაც იქმნებოდა და ოჯახის მმართველობის სფეროშიც უფროს-უმცროსობის პრინციპი შედარებით გამოკვეთილ სახეს ღებულობდა.

ოჯახის წევრთა შორის ფუნქციების განაწილება აქ არ იყო და არც შეიძლებოდა ყოფილიყო ისეთი, როგორსაც ჰქონდა ადგილი საოჯახო თემის შიგნით, მაგრამ ვინაიდან მრავალსულიან ინდივიდუალურ ოჯახშიც ადამიანების უფლება-მოვალეობათა ნორმები გამიჯნული იყო სქესობრივ-ასაკობრივი ნიშნით, ხოლო ეს ნიშანი განააკუთრებით დამახასიათებელი იყო დიდი ოჯახისათვის, უნდა ვიფიქროთ, რომ ქისტის ინდივიდუალურ ოჯახს ეს ტრადიცია უანდერძა დიდმა ოჯახმა.

იმისათვის რომ დავინახოთ პანკისელი ქისტების საოჯახო ყოფის ეს მხარე, საჭიროდ მიგვაჩნია გავეცნოთ ფაქტობრივ მასალას ზოგიერთი ოჯახის შაგალითზე. პირველ რიგში, აქ შეიძლება დავასახელოთ ცათიაშვილების მრავალსულიანი ოჯახი, რომლის შემადგენლობასაც ზემოთ გავეცანით.

მაშინ როდესაც თუნგო, ხუტი და მათი მამა ცათიეშ თუშეთში გაუყრელად ცხოვრობდნენ, ოჯახს მეთაურობდა²³ ცათიეშ. მისი გარ-

²³ ოჯახის ხელმძღვანელს ქისტურად ეწოდება წ ი ი ნ და ა ნ უ წ ე ნ და . უსუფ მარგოშვილის განმარტებით. წენდა სიტუეასიტყვით ნიშნავს სახლის მამას.

დაცვალების შემდეგ ოჯახს სათავეში ჩასდგომია უფროსი შვილი თუნგო. თუნგოსა და ხუტის მრავალსულიანი ოჯახის გაყრის შემდეგ თითოეული მათგანი საკუთარი ოჯახის ხელმძღვანელი გახდა, მაგრამ იმის შემდეგ, რაც თუნგოს შთამომავლობა სამად გაიყო, თუნგო დარჩა ძირეული ოჯახი მეთაურად, ქუშაგი ცალკე გამოვიდა, ხოლო ქუირდის ოთხი ვაჟის დამოუკიდებლად გამოყოფილი ოჯახის ხელმძღვანელობა წილად ხვდა ამ ოთხ ძმას შორის უფროსს ლაზარეს.

თუნგოს გარდაცვალების შემდეგ ერთად მყოფი შვიდი ძმის (გეგის შვილების) ოჯახს სათავეში მოექცა არა სულ უფროსი ძმა დიბა. არამედ მისი მომდევნო ძმა ბათუ, როგორც უფრო ენერგიული და უნარიანი კაცი. ამ ოჯახის დიპლასისად იმყოფებოდა ბათუს შეუღლებული აჩეი, რომელსაც საამისო მომზადებაც ჰქონია და ყველა სხვა რძალზე აღრე მოყვანილიც ყოფილა.

კათიაშვილების ოჯახში კარგად იყო დაყენებული შრომის ორგანიზაციის საქმე, რაც ნათლად ჩანს ერთად მცხოვრები შვიდი ძმის მაგალითზე. იმასთან ერთად, რომ საჭირო შემთხვევაში ისინი კო-

ასევე სახლის მამის ანუ ოჯახის უფროსის აღმნიშვნელია წიონდა. ოჯახის უფროსის აღსანიშნავად იხმარებოდა აგრეთვე წიონ ვოქუხ სახლის უფროსი, ოჯახის უფროსი). ამ უკანასკნელ სახელწოდებაში იგულისხმებოდა ოჯახის უხუცესი წევრი, რომელიც შეიძლება არც ყოფილიყო ოჯახის ფაქტიური ხელმძღვანელი.

იმავე მთხრობლის ცნობით, ქისტურად დიასახლისს ერქვა წენანა ანუ წინანა, რაც სიტყვასიტყვით ქართულად გამოდის სახლის დედა.

როგორც ვხედავთ, ყველა ზემოხსენებულ შემთხვევაში სოციალური ტერმინის შინაარსის განმსაზღვრელია სახლის ან კერის სახელწოდება, რამდენადაც ქისტურად სახლს (და ოთახსაც) ეწოდება წა, ხოლო კერას (რუცეცხლი) ვრქვა წე. ქისტური წა და წე ისეთივე მნიშვნელობის ტერმინებად გვესახება, როგორც ქართული სახლი და კერა. თუ ქართულში სახლი საცხოვრებელ ნაგებობასთან და ოჯახის სამყოფ ოთახთან ერთად ოჯახის ან უფრო დიდი სოციალური ერთეულის აღსანიშნავადაც გამოიყენებოდა (იხ. ი. ე. ქანაბიძე, ქართული სამართლის ისტორია, I, თბილისი, 1928, გვ. 141—142, 147—148; მისივე, მასალები ქართველი ერის მატერიალური კულტურის ისტორიისათვის, I, თბილისი, 1946, გვ. 9, 13, 22, 25; ს. ქანაშია, შრომები, I, თბილისი, 1949, გვ. 131—133), ქისტურშიც წა (სახლი) და წე (კერა) ასევე ოჯახის აღმნიშვნელ ცნებებს წარმოადგენდნენ. ამიტომაც, რომ ოჯახის უფროსისა და დიასახლისის ქისტური სახელწოდებებიც უშუალოდ დაკავშირებულია ზემოხსენებულ ტერმინებთან.

ეინაიდან ოჯახის უფროსისა და დიასახლისის ქისტურ სახელწოდებაში განმსაზღვრელი მნიშვნელობის მქონე იყო სახლის ან კერის სახელწოდება, შესაძლებელია ვიფიქროთ, რომ ოჯახის აღრინდელი სახელწოდებაც ყოფილიყო წა და არა დიეძულ, ისევე, როგორც ასეთივე სიძველის მანიშნებელია ქართული ტერმინი სახლი.

ლექტიურად საქმიანობდნენ, თითოეულმა მათგანმა იცოდა თავისი ძირითადი მოვალეობა, რომელზედაც პასუხისმგებლობა უშუალოდ მას ეკისრებოდა. სულ უფროსი ძმა დიბა ითვლებოდა შინაკაცად (წეერსაე)²⁴, რომელიც ძირითადად ჩაბმული იყო მიწათმოქმედებაში და მისდევდა მკვდლობასაც. ასევე შინაკაცი იყო ბათუ, რომელსაც ევალეობოდა საქონლის მოვლა-პატრონობა, ხოლო მესამე ძმა ზურაბი იყო სარქალი²⁵. მასთან ერთად ცხვარს მწყემსავდნენ ძუიზი და თუთახ. რაც შეეხება აბოლასა და გიგოს, მათ შესახებ მთხრობელს აღარაფერი უთქვამს, ვინაიდან ისინი შედარებით ადრე გარდაცვლილან და მათ აღარ დასცალდათ ხანგრძლივი მონაწილეობა ძმებთან ერთობლივ შრომა-საქმიანობაში.

უფროს-უმცროსობისა და უნარის მიხედვით იყო განაწილებული ფუნქციები მარგოშვილების ოჯახის წევრებს შორისაც. როდესაც დაადა და ადო ერთად ცხოვრობდნენ, ოჯახს ხელმძღვანელობდა მათი მამა მამადა. ამათი გაყრის შემდეგ ერთი ოჯახის მეთაური გახდა დაადა, ხოლო მეორისა ადო. ადოს მეუღლე იყო დიასახლისი. რაც შეეხება ოჯახის წევრთა ძირითად პერსონალურ მოვალეობას, ადო ჩაბმული იყო მიწათმოქმედებაში, მისი უფროსი ვაჟი დიბა, რომელიც დაქორწინების შემდეგ ცალკე დაბინავდა, მეცხვარეობას მისდევდა, კოსტასაქონელს პატრონობდა, აპა ცხენებს უვლიდა და ბოჩოლებს მწყემსავდა, ხოლო ძმებს შორის ყველაზე უმცროსი უსუფი ასრულებდა საუმცროსო საქმეს — მინდვრად მომუშავე ძმებს საკმელ-სასმელით ამარაგებდა.

როგორც ზემოთ ითქვა, კოსკარა ტობოსაშვილისა და მისი სამი ვაჟის ერთად ყოფნა გაგრძელდა მხოლოდ კოსკარას შვილების დაქორწინ-

²⁴ შინაწიურნობაში ჩაბმული კაცის აღსანიშნავად ქისტურში წევრსაგის პარალელურად იხმარებოდა აგრეთვე წიინ ლულუჯ დიირგ (სიტყვისიტყვით: სახლის საქმის გამკეთებელი). ორივე ეს სახელწოდება დაკავშირებულია სახლის ან კერის ქისტურ სახელწოდებასთან, ისევე, როგორც ეს დაეინახეთ ოჯახის უფროსისა და დიასახლისის შვილებს. ქისტური წეერსაეგ ისევე ნათლად გამოხატავს შინაწიურნობაში ჩაბმული კაცის ფუნქციას, როგორც ქართული შინაკაცი.

²⁵ უსუფ მარგოშვილის განმარტებით, მწყემსების ხელმძღვანელად გამოყოფილ ყველაზე გამოცდილსა და მეცხვარეობის მკოდნე პირს ჩაჩნურად ერქვა ძუი ვოჯუხ (მწყემსების უფროსი) ანდა ნაქდარ ვოჯუხ (ბინის უფროსი). მთხრობლისავე ჩვენებით, ქისტებმა ეს სახელწოდება შეითვისეს ქართულიდან და თავიანთ შეტყუელებაშიც სარქალს ხმარობენ. საერთოდ კი უფროსი მწყემსის აღმნიშვნელი ეს სახელწოდება ქართულში შემოვიდა სპარსულიდან. სპარსული სარქალ ნიშნავს „უფროსს“, „ხელმძღვანელს“ (იხ. ქართული ენის განმარტებითი ლექსიკონი, VI, თბილისი, 1960, გვ. 788).

ნებამდე. ამ ხნის განმავლობაში ოჯახს მეთაურობდა ცოსკარა, ხოლო დიასახლისობდა მისი მეუღლე, რომლის გარდაცვალების შემდეგ დიასახლისობა წილად ხედა უფროსი შვილის ჩილას ცოლს. სხვა შესაძლებლობა არც არსებობდა. ვინაიდან ცოსკარას მეუღლის გარდაცვალები შემდეგ ოჯახში ერთადერთი ქალი იყო ჩილას ცოლი. რაც შეეხება მამაკაცთა საქმიანობას, ოჯახის გაყრამდე ცოსკარას მუშაობაზე ხელი აუღია დაუძღურების გამო. როგორც მისმა შვილმა ხაწემ გვითხრა, ის ქამისა და მეზობლებთან მუსაიფის მეტს ველარაფერს აკეთებდა და ოჯახს ფაქტიურად ხელმძღვანელობდა ჩილა. მისსავე ჰერსონალურ მოვალეობას შეადგენდა საქონლის მოვლა-პატრონობა. საქონლის მოვლაში ჩილას ეხმარებოდა უმცროსი ძმა მაჰმადი, რომელიც ძირითადად ხენა-თესვას ეწეოდა. საშუალო ძმა ხაწე ვაჭრობას მისდევდა, ხოლო სახლში ყოფნის დროს სასოფლო-სამეურნეო საქმიანობაშიც მონაწილეობდა.

ტოხოსაშვილების ოჯახთან შედარებით უფრო დიდხანს ერთად მცხოვრები ქავთარაშვილების ოჯახის მეთაური თავდაპირველად იყო ძუსა, რომლის გარდაცვალებიდან ერთხანს გაუყრელად მყოფი მისი შვილებიდან ეს მოვალეობა გადავიდა უფროსი შვილის ქასას ხელში. ქასა ითვლებოდა შინაკაცად და მიწათმოქმედებას მისდევდა, ხოლო მისი ძმები — დაქა და გიო ცხვარში დადიოდნენ. თავის ცხვართან ერთად ისინი მწყემსავდნენ სხვების ცხვარსაც სამწყემსოს აღების პირობით.

თუ ტოხოსაშვილების ოჯახში მამის ფუნქციები შვილის ხელში გადავიდა მამის გარდაცვალების შემდეგ, სამაგიეროდ სოფ. ჟოყოლოში მცხოვრები ცოსკარაშვილების ოჯახში ეს მოხდა მამის სიცოცხლეში მისივე ინიციატივით. როდესაც დავითის უფროსი შვილი ბოლგი დაეაყვაცდა, ოჯახის უფროსობა დავითს მისთვის გადაუბარებია, დიასახლისი იყო დავითის მეუღლე საათა, ხოლო მისი გარდაცვალების შემდეგ ეს საქმე დააეალეს ბოლგის ცოლს. ოჯახის დანარჩენი წევრებიდან ბოლგის მომდევნო ძმა ლანიშა იყო გუთნის დედა, ლანიშას უმცროსი ცოსკარა საქონელს უვლიდა, დაქა და აკო ცხვარში დადიოდნენ, ხოლო ხუთი შვილის მამა დავითი წისკვილს პატრონობდა და მინდს იღებდა.

ვინაიდან ეს ოჯახი ძმების დაქორწინების შემდეგ გაიყარა და ხუთ ძმასთან ერთად ხუთი რძალიც ერთ ჰერკვეშ იმყოფებოდა, ქალების შრომაც ორგანიზებულ ხასიათს ატარებდა. მათი საერთო ხელმძღვანელი იყო ბოლგის მეუღლე, როგორც დიასახლისი, რომელსაც ამავე დროს ევალებოდა პროდუქტების ხარჯვა. დანარჩენი რძლები მორიგეობით აცხობდნენ პურს, ზიდავდნენ წყალს, დადიოდ-

ნენ წისქვილში, იცადნენ სისუფთავეს და ა. შ. ყველა მათგანის მოკალებას შეადგენდა მამაკაცების მოვლა, ბავშვების აღზრდა, კერვა და ქსოვა. ქსოვილსა და ტანსაცმელს ამზადებდნენ საშინაოდ, ხოლო ამასთან ერთად კერავდნენ ქულებს და ყიდდნენ ალავერდსა და აელაუში. ქულების შესაძენად პანკისის ხეობაში უვლათ აკრეთვე თბილისელ სომხებს²⁶.

ზემოთ განხილული ფაქტობრივი მონაცემების საფუძველზე შეიძლება: ითქვას, რომ ოჯახის მართვისა და შრომის ორგანიზაციის საქმეში გარკვეული მნიშვნელობა ენიჭებოდა როგორც ადამიანის სქესსა და ასაკს, ისე მის უნარს. ჩვენ აქ გავიმეორებთ ზემოთქმულს იმის შესახებ, რომ აღნიშნული ვითარება ძირითადად დამახასიათებელი იყო ქისტის მრავალსულიანი ოჯახისათვის, რომელმაც სქესობრივ-ასაკობრივი ნიშნით მართვის ტრადიცია შემკვიდრებით მიიღო დიდი ოჯახისაგან. ამ ნიშნის გარეშე შეუძლებელიც იქნებოდა ამგვარი ოჯახის არსებობა, ვინაიდან ხანმოკლე ღროით მაინც ერთ ქერქვეშ უზღებოდათ ცხოვრება სხვადასხვა წლოვანებისა და სქესის ადამიანებს. რომელთა დასაქმება უნდა მომხდარიყო მათი შესაძლებლობისა და საოჯახო ინტერესების დაცვის შესაბამისად, ხოლო ამ მხრივ მოსალოდნელი შედეგები ბევრად იყო დამოკიდებული ოჯახის უფროსის გადაწყვეტილებაზე. ყოველივე ამის გამო ოჯახის უფროსად ყოფნა გაპირობებული იყო არა მარტო მისი ხნოვანებით, არამედ ხელმძღვანელობის უნარითაც. რაც დავინახეთ ზემოთ განხილული მაგალითებიდანაც. ოჯახის მართვაში ასაკის უგულვებლყოფას ადგილი ჰქონია ისეთ შემთხვევაში, როდესაც ხნიერ კაცს დაკარგული ჰქონდა ხელმძღვანელობის უნარი²⁷. საერთოდ კი ოჯახში ადამიანის პრიორიტეტის უმნიშვნელოვანეს წინაპირობას წარმოადგენდა წლოვანება, რის შესახებ მითითებულია გასული საუკუნის ლიტერატურაშიც. როგორც მ. მაჩაბელი წერს, თიანეთის მაზრაში, სადაც ქართველებთან ერთად შედიოდნენ პანკისელი და მაისტელი ქისტებიც, ოჯახის მართვა მინ-

²⁶ ზაქარია გულისაშვილსაც შენიშნული აქვს, რომ ქისტი ქალი მძავე შრომით იყო დატვირთული. ის მუშაობდა მინდვრად, კერავდა ტანსაცმელს, თელავდა ნაბლებს, ამზადებდა ქულებს საშინაოდ თუ გასაყიდად. ზ. გულისაშვილის ჩვენებით, ქალი კახეთში ყოველ წელს ყიდდა 5—6 თუმნის ქულებს (შ ა ქ რ ო, პანკისის ხეობა, ვახ. „ივერია“, 1887, № 21).

²⁷ ქისტური ოჯახის მმართველობის ამგვარი ორგანიზაციის შესახებ შენიშნული იყო XIX საუკუნის პრესაში: „ქისტური ოჯახი მამათ-მთავრულია, სადაც უფროსს დიდი მნიშვნელობა აქვს. მაგრამ უფროსობა აქ ერთს არ ეკუთვნის, არამედ უფრო საოჯახო რჩევას, რომელიც ზოგჯერ წლოვანებით უფროსს უნიკობის გამო საოჯახო სარჩოს მოვლას ჩამოართმევს და უმცროსს ჩააბარებს ხოლმე“ (შ ა ქ რ ო, პანკისის ხეობა, ვახ. „ივერია“, 1887, № 21).

ღობილი კქონდათ უფროს წარმომადგენლებს — დედ-მამას ან პაპასა და ბებიას. ოჯახის უფროსი მამაკაცის ხელმძღვანელობით მუშაობდნენ მინდვრად, უვლიდნენ საქონელს, მისდევდნენ ვაჭრობას, ის როგორც ოჯახის წარმომადგენელი, ითვლებოდა პასუხისმგებელ პირად სოფლის საზოგადოებაში. მისი გარდაცვალების შემდეგ ოჯახს სათავეში უღვებოდა უფროსი ძმა. საქალებო მეურნეობის ორგანიზატორი იყო ხნიერი დედაკაცი, უმთავრეს შემთხვევაში ოჯახის უფროსის მეუღლე. ოჯახის უფროსისა და დიასახლისის ძალაუფლება ძალაში იყო ოჯახის გაყრამდე²⁸.

ოჯახის წევრთა უფლება-მოვალეობის სფეროში რომ ასაკს განსაკუთრებული მნიშვნელობა ენიჭებოდა, ეს ვლინდებოდა თვით ოჯახის ხელმძღვანელად ხნით უმცროსი კაცის გამოყოფის ქისტურ ჩვეულებაში. როგორც ზემოთ განხილული ეთნოგრაფიული მასალიდან დავინახეთ, ეს ხდებოდა ოჯახის ყოფილი მმართველის ინიციატივით. რაც ხნით უფროსის პრიორიტეტის არსებობის მაჩვენებელია. მისი გადაწყვეტილება გამომდინარეობდა ოჯახის ეკონომიურ კეთილდღეობის ინტერესებიდან, ხოლო რამდენადაც ეს გადაწყვეტილება შეურყეველი იყო, ამდენად სრული საფუძველი გვაქვს აღვნიშნოთ, რომ ხნით უფროსი კაცის პრიორიტეტი დაცული იყო იმის შემდეგაც, რაც ის ხელმძღვანელობას თავს ანებებდა.

ქისტის ოჯახში მოხუცი რაც არ უნდა დაუძლვრებული ყოფილიყო, ოჯახის ახალგაზრდა ხელმძღვანელი თავს უფლებას არ აძლევდა მასთან დათათბირების გარეშე გადაეწყვიტა რაიმე საკითხი. მით უფრო დაუშვებლად ითვლებოდა მისდამი უყურადღებობა ოჯახის სხვა წევრების მხრიდან. ისევე როგორც სხვა კავკასიელი მთაულეების, პანკისელ ქისტთა საოჯახო ურთიერთობის ერთ-ერთ ყველასთვის ადვილად დასანახ თავისებურებას წარმოადგენდა მოხუცისადმი უალრესად დიდი პატივისცემა და მოკრძალება. მას განსაკუთრებით დიდ ანგარიშს უწევდნენ მეზობლებთან ურთიერთობის (სამოყვროთუ სამტრო საქმეების მოწესრიგების) სფეროში. ქისტური ეტიკეტი პოითხოვდა ფაქიზად ყოფილიყო დაცული უფროს-უმცროსობის მამაპაპური ჩვეულება როგორც ოჯახში, ისე საზოგადოებაში. ქისტის თვალში საზოგადოების უღირს წევრად ითვლებოდა ის ახალგაზრდა. რომელიც მოხუცებთან ახლოა დაჯდებოდა, მათ პატივს არ სცემდა ფეხზე ადგომითა და მოკრძალებით, არ მოერიდებოდა მათთან ზედმეტ ლაპარაკს და ა. შ.

²⁸ М. М а ч а б е л и, დასახ. ნაშრომი, გვ. 397—398.

განსაკუთრებით დიდ თავხედობად და ადამიანობრივ ნორმების უხეშ ხელყოფად ეთვლებოდათ ოჯახის ახალგაზრდა წევრებს მოხუცის სკამზე დაჯდომა. სხვა კავკასიელი მთიელების მსგავსად, ქისტებშიც მოხუცის საპატიო მდგომარეობის ატრიბუტს წარმოადგენდა ჩუქურთმით დამშვენებული ზურგიანი სავარძელი, რომლის მნიშვნელობაზე აქ სიტყვას აღარ გავაგრძელებთ და მხოლოდ იმის აღნიშვნას დავეჭვრებით, რომ ქისტის ოჯახში ამგვარ სკამზე ჯდებოდა უხუცესი კაცი, სულ ერთია ის ხელმძღვანელობდა ოჯახს თუ არა. ოჯახის ახალგაზრდა ხელმძღვანელი ამ სკამზე ჯდომის უფლებით არ სარგებლობდა. ამას ის მიაღწევდა მხოლოდ მოხუცის გარდაცვალების შემდეგ. აღნიშნული წესი იმ გარემოებაზე ძირითადი იყო, რომ ზურგიან სავარძელზე ჯდომის უფლება დაკავშირებული იყო ასაკთან, ხოლო ეს ფაქტორი თავის მხრივ იმის მაჩვენებელი უნდა იყოს, რომ ქისტების წინაპრებში ოჯახს მართავდა უსათუოდ უხუცესი კაცი, რომლის უფლებრივ ატრიბუტსაც საგანგებოდ მისთვის ვანკუთვნილი სკამი წარმოადგენდა. დროთა ვითარებაში ქისტების საოჯახო ყოფა შეიცვალა, მათი წინაპრებისათვის ადრე ცხოვილი საოჯახო თემი მოისპო და ოჯახის მმართველობის სისტემაშიც ასაკობრივ პრინციპს ბზარი გაუჩნდა. მაგრამ რაკი მოხუცისადმი თავისუფანისცემა ძალაში დარჩა, ხოლო წარსულში ოჯახს უსათუოდ უხუცესი მეთაურობდა და ზურგიანი სავარძელიც მას ეკუთვნოდა, შემდეგში, როდესაც ოჯახის ხელმძღვანელად ხნით უმცროსი კაცის დანიშვნაც დასაშვებად იქნა მიჩნეული, ეს უკანასკნელი მოგვევლინა ოჯახის პრაქტიკულ მეთაურად, ხოლო უხუცესი კაცი დარჩა ტრადიციის მედროშედ. ასეთი მდგომარეობის კაცს, რასაკვირველია, ვერ შეჰკადრებდნენ იმ სკამის წართმევას, რომელიც ითვლებოდა მამაპაპური ტრადიციების სიმბოლოსა, ოჯახის სინდისისა და უხუცესისადმი პატივისცემის ემბლემადა.

უხუცესის სავარძელი იდგა კერის ან ბუხრის მარჯვნივ. იმავე მხარეზე მუთაქებზე ისხდნენ დანარჩენი მამაკაცები. რაც შეეხება ქალებსა და ბავშვებს, ისინი გათბობის მიზნით მამაკაცებისაგან ზურგშექცევით სხდებოდნენ მუთაქებსა და ნაბღებზე.

სქესისა და ასაკის შესაბამისად ხდებოდა ქისტის ოჯახში პურის ჭამაც. ამ შემთხვევაშიც კაცები ცალკე ჭამდნენ, ხოლო ბავშვები და ქალები ცალკე. ასეთსავე წესს იცავდნენ სტუმრიანობის დროსაც. ოჯახს რომ ცოლ-ქმარნი სტუმრებოდნენ, კაცს კაცებთან მიუჩენდნენ ადგილს, ხოლო მის მეუღლეს ქალებთან. თუ ოჯახს მხოლოდ მამაკაცები ესტუმრებოდნენ, ქალები გადიოდნენ მეორე ოთახში და

თავისთვის იქ გააბურებდნენ ბუხარს. როგორც ოჯახის წევრთა შორის, ისე სტუმრიანობის შემთხვევაში მოხუცს ყველაზე საპატიო ადგილს უთმობდნენ.

ქისტების საოჯახო წესრიგი და სტუმრების მიღების ჩვეულება სრულ მსგავსებას ამჟღავნებს ჩაჩნებისა და ინგუშების შესაბამის წეს-ჩვეულებებთან, რასაც ჩვენ უკვე გავეცანით. ამიტომ შესაძლებლად მიგვაჩნია აღნიშნულ საკითხზე ზემონათქვამით დავკმაყოფილდეთ და მხოლოდ იმ გარემოებაზე მივიუთითოთ, რომ ქისტების საოჯახო ყოფაში ამასთან ერთად დადასტურდა ზოგიერთი ისეთი ჩვეულებაც, რომელიც განსხვავდებოდა როგორც ნახების მამაპაპურა. ისე მთიელი ქართველების ჩვეულებისაგან. ამ მხრივ საყურადღებოა თუნდაც საუფროსო სკამზე ჯდომის უფლება. როგორც ზემოთ აღვნიშნეთ, სახლში მოხუცის ყოფნის დროს ამ სკამზე არაფერი არ ბედავდა დაჯდომას, მაგრამ აქვე უნდა ითქვას, რომ მისი სხვაგან წასვლის შემთხვევაში ამ სკამზე დაჯდომა არა თუ კაცებს, არამედ ქალებსაც არ ეკრძალებოდათ, მაშინ, როდესაც ქართველი მთიელები და მთიელი ნახები საუფროსო სავარძელთან ქალის ახლო მიკარებასაც კი დაუშვებლად მიიჩნევდნენ.

ქისტის ოჯახში არსებული ასეთი დიდი შეზღუდვების შემსუბუქებაში შესაძლებელია სათანადო როლი შეასრულა ბარელ ქართველთა ყოფის გავლენამ. მართალია, ქისტები დღემდე ინარჩუნებდნენ ნახებიდან მოტანილ მამაპაპურ წეს-ჩვეულებებს, მაგრამ ქართულ გარემოში რაქდენიმე ოცეული წლის განმავლობაში ცხოვრების შედეგად მათ ბევრი ქართული ჩვეულებაც შეითვისეს. ყოფითი ელემენტების ასეთი სინთეზის შედეგად მათ ცხოვრებაში დამკვიდრდა ზოგიერთი ისეთი ტრადიცია, რომლის ფორმირება შეიძლებოდა მომხდარიყო მხოლოდ სამოსახლო ტერიტორიის და ეთნიკური გარემოს გამოცვლის პირობებში. ქისტის ოჯახში დანერგილ ერთ-ერთ ასეთ მოვლენად მიგვაჩნია ჩვეულება, რომლის მიხედვით ქისტის ქალს შეეძლო დამჯდარიყო უხუცესის სკამზე ისეთ შემთხვევაში, როდესაც უხუცესი სახლში არ იმყოფებოდა. ქიტი ქალის ამ უფლების მოპოვებაში გარკვეული როლი უნდა შეესრულებინა მეზობლად მცხოვრები კახელებისადმი მიმბაძველობას, რომელთათვისაც დამახასიათებელი არ იყო ისეთი ტრადიციული შეზღუდვები მამაკაცებისა და დედაკაცების უფლებრივი ურთიერთობის სფეროში, როგორსაც ჰქონდა ადგილი ქართველი მთიელების, ინგუშების თუ ჩაჩნების ცხოვრებაში. ასევე ბარელი ქართველების გავლენის შედეგი უნდა იყოს ისიც, რომ ქისტებში ურვადი გაცილებით მცირე ღირებულებისა იყო და ბევრად უმნიშვნელო როლს ასრუ-

ლებდა საქორწინო ურთიერთობის სფეროში, ვიდრე ამას ადგილი ჰქონდა ჩაჩნეთ-ინგუშეთში. ამგვარც მოვლენები, რომლებიც დამახასიათებელი იყო არა მარტო საოჯახო ყოფისათვის, არამედ საერთოდ ქისტების საზოგადოებრივი ცხოვრებისათვის, ქართულ ნიდაგზე ისევე განვიცილებდნენ გარდაქმნასა და გარემოპირობების შესაფერისად განვითარებას, როგორც მეურნეობის ფორმები.

ოჯახის უფროსი მამაკაცებისადმი პატივისცემა ქალთა მხრიდან გამოიხატებოდა აგრეთვე ჩვეულებაში, რომელიც ითვალისწინებდა ურთიერთშორის უმძრახობას. ამ წესის დაცვა, პირველ რიგში მოეთხოვებოდა პატარძალს, რომელიც ერთ-ორ წლამდე ხმას ვერ ამოიღებდა ვერც მამამთილთან და ვერც სხვა ხნიერ კაცებთან. ერთი წლით თავზე მამათილი რძალს სთხოვდა დალაპარაკებოდა და საჩუქრად ძროხას პირდებოდა. მამამთილი თავის დაპირებას ასრულებდა და რძალიც მასთან ლაპარაკს იწყებდა.

უფროს მამაკაცებთან რძლის დამოკიდებულებას ქისტურად ერქვა წ ე კ ა ა ბ ა რ, რაც ნიშნავს სახელის მალვას.

აღნიშნულ ჩვეულებასთან ერთად, რომელიც არაფრით არ განსხვავდებოდა ქართველ და კავკასიელ მთიელთა ყოფაში არსებული ასეთივე ჩვეულებებისაგან, ქისტებში წესად იყო მიღებული აგრეთვე ცოლ-ქმარს შორის სახელის მალვა სხვების თანდასწრებით. ისევე როგორც ქართველ და სხვა კავკასიელ მთიელთა ცხოვრებაში, ქისტებშიც ცოლ-ქმარნი ერთმეორეს დაელაპარაკებოდნენ მხოლოდ მარტოდ დარჩენის შემთხვევაში.

ბოლოს ისიც უნდა აღინიშნოს, რომ უხუცესი კაცის ხელმძღვანელობით სრულდებოდა საოჯახო რიტუალიც. ქისტის ოჯახში საკულტო ადგილს წარმოადგენდა კერა ან ბუხარი, ე. ი. ის ადგილი, სადაც ცეცხლი ენთო. ქისტები, იაევე როგორც მათი წინაპრები (ჩაჩნები და ინგუშები) თუ მეზობელი ქართველები, ცეცხლისა და კერის მადლზე ფიცულობდნენ, ხოლო ყველაზე წმინდა საგნად თვლიდნენ საკიდელს,²⁹ რომელზედაც ზელი ჰქონდა გავლებული უხუცესს

²⁹ საკიდელისადმი ხალხის ამგვარი დამოკიდებულება შეუმჩნეველი არ დარჩენია ზაქარია გულისაშვილს, რომელმაც შაქროს ფსევდონიმით გამოქვეყნებულ ზემოხსენებულ წერილში აღნიშნა: „მეტად საპატიო ნივთია ქისტებში საკიდელი, რომელსაც ისინი „მაგანს“ ეძახიან. თავი აღარ გამოეყოფა კარში იმ ოჯახის წევრს, რომელიც ან გაქვიდის, ან როგორმე მოაშორებს თავი. ნთ ოჯახს საკიდელს. ბოლო დროსაც კი, როდესაც ქისტებმაც გაყრა შემოიღეს, საკიდელს მაინც ძველ ოჯახში არჩენენ“ (შ ა ქ რ ო, პანკისის ხეობა, ვაზ. „ივერია“, 1867, № 21).

როგორც აქედან ჩანს, საკიდელი ითვლებოდა ოჯახის ერთობის ემბლემად. ამ ცნობიდან ისიც საყურადღებოა, რომ ოჯახის გაყრა ბოლო დროს შემოღებულ წესადაა აღიარებული. ეს კი იმის მაჩვენებელია, რომ ამ წესის შემოღებამდე ქისტები გაუყრელად ცხოვრობდნენ.

მნიშვნელოვანი ლოცვის წარმოთქმის მომენტში. აღნიშნული წესი სრულდებოდა როგორც ქრისტიანული სარწმუნოების არსებობის პერიოდში, ისე მაჰმადიანობის გავრცელების შემდეგ. ცეცხლის კულტონი დაკავშირებულ საოჯახო რიტუალზე არც ერთ ამ რელიგიას გავლენა არ მოუხდენია, რამდენადაც ცეცხლისადმი თაყვანისცემა ორივე ამ რელიგიის წინამორბედი წარმართული სარწმუნოებიდან მომდინარეობდა და ის ისევე ხანგრძლივად ინარჩუნებდა არსებობას, როგორც სხვა რომელიმე წინაქრისტიანული თუ წინამაჰმადიანური ტრადიცია.

დაახლოებით ასეთი ატმოსფერო სუფევდა ქისტის ოჯახის მმართველობისა და შრომის ორგანიზაციის სფეროში, რასაც ჩვენ ძირითადად გავეცანით მრავალსულიანი ინდივიდუალური ოჯახების მიხედვით. უფროს-უმცროსობის ტრადიცია ასევე ახასიათებდა მცირერიცხოვან ინდივიდუალურ ოჯახს, ოღონდ იმ განსხვავებით, რომ მრავალსულიანი ოჯახში ადამიანების მიმაგრება სხვადასხვა საქმეზე ხერხდებოდა. მაგრამ მცირერიცხოვან ოჯახში, მშრომელთა უკმარობის პირობებში, შრომის დანაწილება შეუძლებელი იყო, რისთვისაც საოჯახო ტვირთის ზიდვა ძალაუვნებურად ცოლსა და ქმარს უწევდათ. ასეთ ვითარებაში ერთადერთ გამოსავალს წარმოადგენდა კოლექტიური შრომის გამოყენება, რაც ხორციელდებოდა ხელმარტო ოჯახების შემხანაგებით მეურნეობის ამა თუ იმ სფეროში. ხშირ შემთხვევაში ასეთივე ოჯახები განიცდიდნენ მუშა საქონლის ნაკლებობასაც. მიწის მოსახნავად კი აქ იყენებდნენ სამ-ოთხ უღელ ხარს, რომელთა ერთად შებმა შესაძლებელი იყო თითო-ოროლა ხარის პატრონი ოჯახების მიერ გამწვევი ძალის გაერთიანებით. ბუნებრივია რომ ასეთ ვითარებაში ხდებოდა მუშახელის ერთობლივი შრომაც და ნაკვეთების მორიგეობით დამუშავება. კვირა დღეს ისინი ხარებს ახმარებდნენ სრულიად უხარო ოჯახებსაც.

ხენა-თესვაში ხარების დაზიარებასთან ერთად ხელმარტო ოჯახები ერთობლივად მონაწილეობდნენ სხვა ისეთი ხასიათის სამუშაოებშიც, რომელიც გამწვევ ძალას არ საჭიროებდა.

ხელმარტო მეზობლების ასეთ შეთანხმებულ შრომას, რაც წარმოადგენდა თავის გატანის ერთადერთ რეალური საშუალებას, პანკისის ხეობაში ერქვა გელნაცვლივ მუშაობა ანუ კელმონაცვლეობა. ამის შესატყვისი ქისტური ტერმინის არსებობის დადასტურება ადგილზე ვერ მოხერხდა. როგორც ჩანს, ურთიერთდამარების ეს წესი და მისი სახელწოდება ქისტებმა შეითვისეს ქართველებისაგან. ისიც საფიქრებელია, რომ აღწერილი ჩვეულების აღმნიშვნელი ქისტური სახელწოდება ადრე არსებულოყო და დავიწყებას იყოს მიცემული.

ოჯახის გაყრისა და ქონების განაწილების ქისტური წესის შესახებ ლიტერატურაში სათანადო ცნობები არ მოგვეპოვება. ამ საკითხს გაკვირვებით შევხვდებით მხოლოდ მ. მაჩაბელი. როგორც მან აღნიშნა, თიანეთის მაზრაში მცხოვრები თუშებისა და ხევსურების მსგავსად ქისტები (იგულისხმებიან როგორც პანკისელი, ისე მისტიელი ქისტები — ვ. ი.) ოჯახის გაყრის დროს ყოველგვარი სახის ქონებას ყოფდნენ ძმებზე. გასათხოვარ დებს არაფერს არ აკუთვნებდნენ. გათხოვებისას მათ ეძლეოდათ მხოლოდ ორ-ორი კაბა. ოჯახის გაყრამდეც მის წევრებს პირად საკუთრებაში ჰქონდათ მარტოოდენ ტანსაცმელი და იარაღი. კერძო საკუთრების უფლებით ოჯახის არც ერთი წევრი არ სარგებლობდა³⁰.

ლიტერატურული წყაროების ასეთი სიმწირის პირობებში განსაკუთრებული მნიშვნელობა ენიჭება სხვადასხვა ეთნოგრაფიულ მასალას, რომელზე დაყრდნობითაც შევეცდებით დასმული საკითხის გაშუქებას შეძლებისდაგვარად.

როგორც ქისტური ოჯახის შემადგენლობის გაცნობისას დავინახეთ, რამდენიმე თაობის ერთ ჰერქვეშ ცხოვრების წესე აქ არ არსებობდა. ოჯახები ერთმანეთისაგან განსხვავდებოდნენ მხოლოდ სულადი შემადგენლობით, რამდენადაც ინდივიდუალური ოჯახი ერთ შემთხვევაში იყო მცირერიცხოვანი, ხოლო მეორე შემთხვევაში მრავალრიცხოვანი.

აღნიშნული ვითარება რამდენადმე აპირობებდა გაყრის ხასიათსაც. როდესაც ერთ ჰერქვეშ იმყოფებოდნენ დედით სხვადასხვა ძმები, დედით კუთვნილების მიხედვით ოჯახის დაყოფაც უფრო ადრე ხდებოდა. დედით და მამით ღვიძლი ძმების ერთად ყოფნა კი შეიძლებოდა შედარებით დიდხანს გაგრძელებულიყო.

ოჯახის გაყრის ხასიათი დამოკიდებული იყო აგრეთვე მის სულად შემადგენლობაზე. თუ ოჯახის წევრებს შეადგენდნენ მხოლოდ მშობლები და მათი ორი ცოლშვილიანი ვაჟი, ასეთ ვითარებაში შესაძლებელი იყო ოჯახის გაყრა ერთდროულად მომხდარიყო, ვინაიდან ორი ძმის ცალ-ცალკე დასახლებისა და რომელიმე შვილთან მშობლების დარჩენის ან მათი ცალკე გამოყოფის შემდეგ ოჯახის სეგმენტაციის პროცესი მთავრდებოდა. ამ მხრივ შედარებით განსხვავებული იყო მდგომარეობა იმ ოჯახში, რომლის შემადგენლობაშიც იმყოფებოდა მრავალი სხვადასხვა ასაკის მქონე ძმა. ამგვარი ოჯახის დანაწილება

³⁰ M. M a c h a b e l i, დასახ. ნაშრომი, გვ. 396—398.

ზოგჯერ ერთდროულად არ ხდებოდა და ადგილი ჰქონია ძმების სხვადასხვა დროს გამოყოფას. ჩვეულებისამებრ ეს პროცესი იწყებოდა უფროსი ძმის გამოსვლით, რის შემდეგ შესაძლებელი იყო ასაკის შესაბამისად ასეთივე ნაბიჯი გადაედგათ მომდევნო ძმებს. ზოგიერთ შემთხვევაში კი უფროსი ძმის გამოყოფის შემდეგ სხვების თანდათანობით სხვადასხვა დროს გამოცალკეების პროცესს კი არ ჰქონია ადგილი, არამედ დანარჩენი ძმები ერთად ცხოვრებას უანაგრძობდნენ მანამდე, სანამ ყველა მათგანი არ დაცოლშვილდებოდა და მხოლოდ ამის შემდეგ ერთდროულად იყრებოდნენ.

ყველა ზემოხსენებულ ვითარებაში ქონების მიღების სრული უფლებით სარგებლობდა ყველა ასაკისა და მდგომარეობის მქონე ძმა. ის რასაც წილი (ქოთჯ და აყ — წილი) ერქვა და რომელიც წარმოადგენდა ოჯახის ძირითად დოვლათს (წიინ ბოხამ — ოჯახის დოვლათი), იყოფოდა იმდენ თანაბარ ნაწილად, რამდენი ძმაც ოჯახში იმყოფებოდა. ოჯახი ნელ-ნელა გაიყრებოდა თუ ერთბაშად, სულერთია, ქონება ძმების რაოდენობის მიხედვით განაწილდებოდა. ოთხი ძმიდან რომ ერთი ცალკე გამოსულიყო, ხოლო დანარჩენი კიდევ ერთად დარჩენილიყვნენ, გაყრილი ძმა გაიტანდა ქონების $\frac{1}{4}$ ნაწილს, ხოლო დანარჩენი რჩებოდა გაუყრელ ძმებს, რომელთა სახელზედაც წილები პირველი ძმის გაყრის მომენტში უკვე გაპიროვნებული იყო და თითოეულ მათგანს კუთვნილი წილის გატანა ნებისმიერ დროს შეეძლო. სწორედ ასე მოიქცნენ მარგოშვილები, როდესაც ერთად მცხოვრები ხუთი ძმიდან სხვებზე ადრე გამოყოფილმა დიბამ გაიტანა საერთო ქონების $\frac{1}{5}$ ნაწილი, ხოლო დანარჩენი ქონება ერთგვარად მის ნახევარძმებს, რომლებიც რამდენიმე ხნის შემდეგ გაიყარნენ და მათ ყველაფერი ოთხად გაინაწილეს.

ვინაიდან ყველა სახეობის ქონების თანასწორად გაყოფა ვერ ხერხდებოდა, ძმები ქონების შეფარდება-შეზღვევის პირობით აღწევდნენ შეთანხმებას, ისევე როგორც ეს ხდებოდა ჩაჩნეთ-ინგუშეთში და ყველა სხვა ხალხში, სადაც კი ქონების გაყოფაში თანასწორუფლებიანობის პრინციპი იყო დაცული. სახლი რომ ყველა ძმისთვის არ ყოფილიყო საკმარისი, მის ღირებულებას შეავსებდნენ სხვა სახის ქონებით, ისევე, როგორც უტხენოდ დარჩენილ ძმას ცხენის ნაცვლად მისცემდნენ სხვა სახის პირუტყვს, ნივთს ან ფულს. მარგოშვილების ოჯახშიც მომხადარა ამგვარი შეთანხმება. ოჯახს გაყარამდე ჰქონია სულ ოთხი ოთახი, რომელიც გაიყოფოდა მხოლოდ ოთხ ძმაზე. ამის გამოცალკე გამოყოფილ დიბას სახლის წილი მისცეს სხვა ქონების სახით. ხოლო ოთხ ოთახში დარჩნენ მისი ძმები, რომლებმაც გაყრის შემდეგ ეს ბინა ოთხად გაინაწილეს.

ძმებს შორის თანასწორუფლებიანობის პრინციპი დაედო საფუძვლად ქვეთარაშვილებს შორის ქონების გაყოფასაც. თავდაპირველად ოჯახს გამოეყო მადეი და გაიტანა ქონების $\frac{1}{3}$ ნაწილი, ხოლო შემდეგ გაიყარნენ ქასა და დაქა, რომლებმაც გაინაწილეს დარჩენილი ქონება: ძმებმა სულ გაყვეს 10—12-დღიური მიწა, ორი ცხენი, ოთხი ხარი, ოთხი ძროხა და 200-მდე ცხეარი. რაც შეეხება ნაგებობებს, გომური წილად ხვდა მადეის, ხოლო ოროთახიანი ხის სახლი ერთად დარჩენილ ძმებს, რომლებმაც ეს ბინაც გაყრის შემდეგ შუაზე გაიყვეს.

ქონების გაყოფის საფუძველს რომ წარმოადგენდა არა სულადობა, არამედ მოწილის (დეეხყუა — მოწილე) უფლება, ამის საილუსტრაციოდ აქვე შეიძლება დავასახელოთ ხოლაგაშვილების ოჯახი, რომლის შემადგენლობაშიც შედიოდნენ ძმები ბეწინა და ქურაყა თავიანთი ცოლ-შვილით. ამ ოჯახის გაყრამდე ბეწინა დათვმა მოკლა და მისი სამი ვაჟი (ალხასტა, მუზიკა, ბქრთიშა) გაზარდა ქურაყამ. ალხასტასა და მუზიკას დაქორწინების შემდეგ ოჯახი გაიყარა და ქონება გაყვეს ორ თანაბარ ნაწილად. აქედან ქონების ნახევარი წილად ხვდა ქურაყას, ხოლო ნახევარი მის სამ ძმისწულს, ვინაიდან მოწილედ ითვლებოდა მათ: გარდაცვლილი მამა ბეწინა. შემდეგ გაიყარნენ ბეწინას შვილებიც, რომელთაგან პირველად ცალკე გამოვიდა ალხასტა ქონების $\frac{1}{3}$ წილით. უცოლო ბერთიშა დაქორწინებამდე ცხოვრობდა მუზიკასთან ერთად, ხოლო ცოლის შერთვის შემდეგ ისიც ცალკე დასახლდა ასევე $\frac{1}{3}$ წილით.

ქონების განაწილების ზემოაღნიშნულ წესში შეინიშნება ნახტარი დიდი ოჯახისათვის დამახასიათებელი ზოგიერთი იმ თავისებურების ანარეკლი, რომელიც ჩვენთვის ცნობილი გახდა ჩაჩნეთ-ინგუშეთის მთიანეთში წარმოებულა კვლევა-ძიების შედეგად. მხედველობაში გვაქვს ადამიანის შრომითი დამსახურებისა და სულადობის უგულებელყოფა, რასაც ადგილი ჰქონდა დიდი ოჯახის გაყრისას და რასაც ჯერ კიდევ არ იფიქვებდნენ ნახების შთამომავალი პანკისელი ქისტები ისეთ ვითარებაშიც კი, როდესაც გაუყრელად ცხოვრების წესი აქ უკვე გარდასულ ისტორიულ მოვლენათა სფეროს განეკუთვნებოდა.

სხვა კონკრეტული მონაცემების მიხედვითაც აშკარად ჩანს, რომ ყველა ძმა ქონების მიღების ერთნაირი უფლებით სარგებლობდა, ვინდაც რომ მათ შორის ერთი ყოფილიყო მრავალშვილიანი, ხოლო სხვა მარტოოდენ ერთი შვილის მამა. ძმებს შორის ქონების განაწილებაში მათი შვილების რაოდენობა არავითარ როლს არ ასრულებდა, მაგრამ ძმების გაყრის მომენტში მხედველობაში მიიღებოდა, ერთი

მხრივ. უცოლო ძმის მდგომარეობა. ხოლო. მეორე მხრივ, რომელინე
ძმის მრავალყოლიანობა. ორივე ეს მომენტი დაკავშირებული იყო
სათანადო ხარჯების გამოღებასთან, სახელდობრ ურვადის³¹ გადახდის
წესთან. რასაც არ შეიძლებოდა ანგარიში არ გასწეოდა განაყართა მი-
ერ ქონების განაწილების დროს.

ნახების საოჯახო ყოფისადმი მიძღვნილ გამოკვლევაში საგან-
გებოდ განვიხილეთ ურვადის გადახდის წესი და დაერწმუნდით, რომ
მას განსაკუთრებული მნიშვნელობა ენიჭებოდა სამოყვრო ურთიერ-
ობის სფეროში. იქვე ისღუკე ვუჩვენეთ, რომ ურვადის მოცულობა და
მნიშვნელობა ჩაჩნეთ-ინგუშეთში საგრძნობლად შემცირდა XIX სა-
უკუნის მეორე ნახევარში რუსეთის ხელისუფლების აქტიური ჩარე-
ვისა და საგანგებო დადგენილებათა შემუშავების საფუძველზე. ასეთ
ლონისძიებათა გატარების პერიოდში ხდებოდა სწორედ ჩაჩნეთ-ინ-
გუშეთიდან ნახების ჩამოსახლება და პანკისის ხეობაში ქისტური
ეთნოგრაფიული ჯგუფის ფორმირება ქართული ენისა და კულტურის
გარემოცვაში. მოსულ მოსახლეობას, ყოფისა და კულტურის მრავ-
ალ თავისებურებასთან ერთად, თან გადმოჰყვება სცილდითი ქორწინე-
ბის წესიც, რომლის არსებობას ყოველი მთხრობელი უყოყმანოდ
ადასტურებს.

საქართველოს ტერიტორიაზე ნახების დასახლების დროისათ-
ვის ურვადის გადახდით ქორწინების წესი ქართველ ხალხში თითქ-
მის დავიწყებას იყო მიცემული. XIX საუკუნეში ამ ჩვეულებას აღ-
მოსაღწეოთ საქართველოს მთიელთაგან მხოლოდ მოხვევები მისდევ-

³¹ ქართულად საუბრის დროს ქისტა მთხრობლები ურვადის აღსანიშნავად
იყენებენ ქართულიდან მათ შეტყუვლებაში შესულ გამოთქმას — უ რ ბ ე თ ი ს.
ქისტურად კი, როგორც ეს მათვე განმარტეს, ურვადს ეწოდება არა ურბეთი,
არამედ უ რ დ ი. მათვე ცნობით; ზუსტად ასეთავეა მისი სახელწოდება ინგუშუ-
რად, ხოლო ჩაჩნურად მას ეწოდება უ რ დ უ.

ვ. აბაევს განმარტებით, ჩაჩნური უ რ დ უ და ქართული უ რ ვ ა თ ი
უნდა მომდინარეობდეს ოსური სიტყვიდან irad || ærw.æd (irvad). იმის დასაბუთო-
ცებლად, რომ სხვა კავკასიელმა ხალხებმა ეს სიტყვა ოსურიდან ისესხეს, ვ. აბაევს
მოჰყავს შემდეგი დასაბუთება: 1. სცილდითი ქორწინების წესი უძველესი დროიდანვე
იყო დამახასიათებელი ინდოევროპელი ხალხებისათვის; ოსთა წინაპრებიც პირვე-
ლად კავკასიაში არ უნდა გასცნობოდნენ ამ ჩვეულებას, 2. ქართულ ურვათსა და
ჩაჩნურ ურდუს სხვა კავკასიურ ენებში არ მოეძებნება შესატყვისი, რის გამო შე-
უძლებელია მისი ახსნა კავკასიურ ენათა შედარებითი გრამატიკის მიხედვით,
3. სახელწოდება ურვათი გვხვდება მხოლოდ ოსების მეზობელი მოხვევების და-
ლექტში (В. А. Г а с е в, Историко-этимологический словарь осетинского
языка, I, М.-Л., 1958, стр.546—547; შდრ. | მ. | ქ ა ნ დ რ ო ნ ი კ ა შ ვ ი ლ ი.
ნარკვევები ირანულ-ქართული ენობრივი ურთიერთობიდან, I. თბილისი, 1966,
გვ. 110).

დენე³², ხოლო დასავლეთ საქართველოში ეს წესი შეზღუდული იყო სვანთა შორის³³. რაც შეეხება პანკისის ხეობის ირგვლივ მცხოვრებ ქართველებს, ქისტებს, ჩამოსახლების დროისათვის მათთვის ურვადის გადახდის წესი უცნობი იყო. ასეთ ეთნიკურ გარემოში დასახლებულმა ნაებმა ურვადს იმდენი პნაშენებლად კი ვერ შეუნარჩუნეს, რამდენიც ჰქონდა მას ჩაჩნეთ-ინგუშეთში რუსულ ადმინისტრაციულ ღონისძიებათა გატარების შემდეგ. ეს იქიდან ჩანს, რომ XIX საუკუნის მეორე ნახევარში ურვადის გადაუხდელად ქორწინება ჩაჩნეთ-ინგუშეთში ყოველად წარმოუვლვეწელიყო, მაშინ როდესაც იმავე ეპოქაში პანკისელი ქისტები ხშირ შემთხვევაში ურვადის გადაუხდელად ქორწინდებოდნენ. ქიპტი მთხრობლების განმარტებით, ასეთ ვითარებას აპირობებდა ურვადზე საკუთრების ხასიათი. მართალია ურვადი ქალის მამისთვის უნდა ჩაებარებინათ, მაგრამ ფაქტურად ეს თანხა მთლიანად ქალს ხმარდებოდა. ურვადით ქალი იზადებდა მზითვეს ტანსაცმლის, საოჯახო ნივთებისა და ქსოვილების სახით.

ვიწიდან სასიძოს მინატანი სასიამაროს ოჯახიდან ქალს მხითვევის სახით მაინც სიძის ოჯახს უბრუნდებოდა, სიამარი მის მიღებაზე აქტიურობას არ იჩენდა. სიძის მიმართ ის თავის უფლებას იცენებდა პირობის შეუსრულებლობის შემთხვევაში. თუ ქალს განზრახული ჰქონდა რაიმეს წინასწარ შექენა. საქმრო ვალდებული იყო სიამარისთვის ურვადი ჩაებარებინა ქორწილის გადახდაშივე. წინააღმდეგ შემთხვევაში სასიამაროს უფლება ჰქონდა ქალის გაყოლებაზე უარი ეთქვა. ისეთ შემთხვევაშიც, როდესაც წინასწარი შეთანხმება ითვალისწინებდა ურვადის გადაუხდელად ქორწინებას იმ პირობით, რომ ქალი ამ თანხას ქმრის ოჯახში მოიხმარდა, მაგრამ ქმარი წინააღმდეგობას გაუწევდა, სიამარს შეეძლო სიძისათვის პირობის შესრულება მოეთხოვა. მამის დახმარებით ქალი ურვადს ეპატრონებოდა და თავის განზრახვას ამ გზით ახორციელებდა.

ქისტებში რომ ურვადი ქალის პირად საკუთრებად ითვლებოდა. ეს გამოხატულებას პოულობდა ცოლ-ქმრის გაყრის მოპენტშიც. ქმარს რომ ცოლი გაეგდო, ვალდებული იყო მისთვის გაეტანებინა ის ქონება, რაც ქალმა ურვადის საფასურით შეიძინა. იმ შემთხვევაში კი თუ კაცს ურვადი ქორწილის დროს არ ჰქონდა გადახდილი და მან

³² ვ. ი თ ო ნ ი შ ე ი ლ ი, ქართველ მთელთა საოჯახო ურთიერთობის ისტორიიდან, თბ., 1960, გვ. 202—232; მ ი ს ი ე ე, ერთი ძველი საქორწინო წესჩვეულების შესახებ ხევში (ურვადი), საქართველოს სსრ მეცნ. აკად. მოამბე, ტ. XXIII, № 1, 1959, გვ. 121—128.

³³ რ. ხ ა რ ა ძ ე, დიდი ოჯახის გადმონაშთები სვანეთში, თბ., 1937, გვ. 87—98.

ქალსაც არ მისცა საურვადე თანხით რაიმეს შექმნის შესაძლებლობა, იგი ვალდებული იყო ურვადი სიმამრისათვის ჩაებარებინა. სიმამრი კიდევ რომ აღარ ყოფილიყო ცოცხალი და ცოლ-ქმრის განშორება მომხდარიყო მათი ხანდაზმულობის ასაკში, ქმარი მაინც ვერ გაინთავისუფლებდა თავს ამ ვალდებულებისაგან და ის იძულებული იყო დაწუნებული ცოლისთვის მიეცა კუთვნილი თანხა. ეს კი, როგორც მთხრობელთა ცნობებიდან ჩანს, შეადგენდა ზოგჯერ ხუთ-შვიდ ძროხას, ზოგჯერ ათ ძროხას, ზოგჯერ 10—20 თუმანს, ბოლო დროს ხუთ თუმანს და ა. შ. ზაქარია გულისაშვილის ცნობით, „ცოლს ქისტი ყიდულობს, ანუ, როგორც თითონვე ამბობენ, აძლევს „ურვადს“. პანკისში ხუთის თუმნიდგან თორმეტ თუმნამდე აძლევენ“³⁴. მისი გადახდა შესაძლებელი იყო გინდ ფულად, გინდ მარცვლეულის მიტანით, გინდ საქონლის მირეკვით და გინდაც იარაღისა და სპილენძეულის სახით.

როგორც ვხედავთ, ურვადზე მომთხოვნელობა პანკისის ხეობაში ისეთი მკაცრი არ იყო, როგორც ჩაჩნეთ-ინგუშეთში და არც მისი გადახდა იყო დაკავშირებული რაიმე სიძნელეებთან, რამდენადაც ეს თანხა ვაჟის ოჯახიდან მხოლოდ დროებით გადიოდა ან მისი გატანა არც კი ხდებოდა, იინაიდან ურვადის ფაქტიურ მესაყუთრეს ქალი წარმოადგენდა. აღნიშნული ვითარების შექმნაში, როგორც ამას მთხრობლებიც სამართლიანად აღიარებენ, ვადამწყვეტი როლი შეასრულეს ქისტების ირგვლივ მცხოვრებმა ქართველებმა, რომლებიც ზემოაღნიშნულ ჩვეულებას უარყოფით მოვლენად თვლიდნენ, მაგრამ ასეთ გარემოპირობებში, ქართული გავლენის ატმოსფეროში, ქისტებმა, ბევრ სხვა მამაპაპურ ჩვეულებასთან ერთად, დაკნინებული მდგომარეობით დიდხანს შეინარჩუნეს სყიდვითი ქორწინების წესიც.

ვინაიდან ურვადის გადახდა მაინც სავალდებულო წესად იყო მიჩნეული, ოჯახის გაყრის დროს უცოლო ძმას სრულ წილთან ერთად დამატებით ეძლეოდა საქონელი ან ფული ურვადისა და საქორწილო ხარჯების გადასახდელად, იმავე უფლებით, რა უფლებითაც იყო გაწეული ამგვარი ხარჯები ყველა დაქორწინებული ძმისთვის მათი ერთად ცხოვრების პერიოდში. თანასწორუფლებიანობის პრინციპი მოითხოვდა, რათა უცოლო ძმა ან გაყრამდე დაექორწინებინათ და ზემოხსენებული ხარჯი საერთო ქონებიდან გაეღოთ, ანდა ქონების განაწილების დროს მისთვის ეს დოვლათი წილთან ერთად გამოეყოთ. პანკისის ხეობის ქისტთა ყოფაში ეს იმდენად მიღებული წესი იყო,

³⁴ შ ა ჯ რ ო, პანკისის ხეობა, ვაზ. „ივერია“, 1887, № 21.

რომ მის შესახებ კონკრეტული ფაქტების დამოწმებაც კი ზედმეტად მიმაჩნია.

საოჯახო ქონების განაწილებისას ერთ-ერთ მნიშვნელოვან ფაქტორს წარმოადგენდა აგრეთვე ის, თუ რომელი ძმა რამდენჯერ იყო დაქორწინებული, რამდენადაც ამასთან იყო დაკავშირებული სათანადო ხარჯების გაღება გაუყრელი ძმების საერთო დოვლათიდან, რომლის თანაბარი განაწილებით ყველა მათგანი იყო დაინტერესებული.

ნახების საოჯახო ყოფისადმი მიძღვნილ ზემოხსენებულ ნაშრომში ურვადის არსებობასთან ერთად იმის შესახებაც არის ნათქვამი, რომ მრავალკოლიანობა ჩაჩნეთ-ინგუშეთში უმთავრესად ვრცელდება მაჰმადიანური სარწმუნოების დანერგვის შედეგად. იქვე ისიც არის აღნიშნული, რომ ეს მოვლენა ძირითადად შეინიშნებოდა შეძლებულ ფენებში, ვინაიდან ქორწინება უშუალოდ იყო დაკავშირებული ყალიბის გადახდის წესთან, რომლის რამდენჯერმე გაღების თავი არ ჰქონიათ ღარიბ მეთემეებს. ნახების საოჯახო ყოფის შესწავლის საფუძველზე გამოირკვა ისიც, რომ მრავალკოლიანობის შესაძლებლობა გამორიცხული იყო ღიდი ოჯახის ფარგლებში, რამდენადაც ოჯახის წევრის ასეთი ნაბიჯი ეწინააღმდეგებოდა ოჯახის საერთო ეკონომიურ ინტერესებს³⁵.

მაშინ როდესაც ჩაჩნეთ-ინგუშეთში საოჯახო ურთიერთობის ამგვარი ნორმები არსებობდა, როდესაც ადათს შარიათი უტევდა და ეს უკანასკნელი ხშირ შემთხვევაში თავის გამარჯვებას ზეიმობდა, პანკისელი ქისტების წინაპრები ჩაჩნეთ-ინგუშეთის მთიანეთში ცხოვრობდნენ. რასაკვირველია, მათთვის ცნობილი იყო მრავალკოლიანობის იქ არსებული წესიც, რომელიც მათ სცილდითი ქორწინების ჩვეულებასთან ერთად მოიტანეს და პანკისის ხეობაში თავიანთ შთამომავლობასაც უანდერძეს. მაგრამ იმის მიუხედავად, რომ პანკისის ხეობაში ადგილი ჰქონდა მრავალკოლიანობის შემთხვევებს, ქისტების ღრმა რწმენით, რასაც ჩვენ გავეცანით მთხრობელთა ერთსულოვანი აღიარებით, ადათის მიხედვით ნორმალურად მიჩნეული იყო მხოლოდ ერთი ცოლის შერთვა. ასევე ნორმალურად ითვლებოდა ქორწინება დაქვრივების ან უშვილობის ნიადაგზე ცოლთან გაყრის შემდეგ, მაგრამ ერთდროულად რამდენიმე ცოლის შერთვას ქისტები გაუმართლებელ მოვლენად მიიჩნევენ. მთხრობლები იმის შესახებაც მიგვითითებენ, რომ პანკისის ხეობაში ადათით მიღებული მრავალკოლიანობა დანერგა ისლამმა XIX საუკუნის ბოლო ხა-

³⁵ იხ. ამ წიგნის გვ. 103—106.

ნებსი. მანამდე კი, როდესაც ქისტების დიდი ნაწილი ქრისტიანობას მასდევდნენ, ქორწინებაც ქრისტიანული წესების შესაბამისად ეწყობოდა და ნაკლებად შეიმჩნეოდა ნახებიდან გადმოყოლილი მრავალყოლიანობისადმი მიღრევილება.

მრავალყოლიანობისადმი ქისტების ამგვარი დამოკიდებულება. რასაკვირველია, ქართული ყოფისა და სარწმუნოების გავლენის შედეგითაა, მაგრამ უფრო მეტად ამის მიზეზი საძიებელია თვით ქისტების ძველ ტრადიციაში. ვინაიდან საოჯახო თემის სტრუქტურა გამორიცხავდა მრავალყოლიანობის შესაძლებლობას და ეს უკანასკნელი ამ ტიპის ოჯახისთვის შეუთავსებელი მოვლენა იყო, ხოლო ქისტების წინაპრებისათვის ოჯახის ეს ფორმა ყოფის ერთ-ერთ ნიშანდობლივ კომპონენტს წარმოადგენდა. ტრადიციული საოჯახო ნორმების საწინააღმდეგო მოვლენათა მიმართ ხალხი კვლავ უარყოფითად იყო განწყობილი მაშინაც, როდესაც დიდი ოჯახი აღარ არსებობდა. ყოფითი მოვლენებისადმი ამგვარ დამოკიდებულებაში შეინიშნება ერთი მხრივ მამაპაპური ადათისადმი პატივისცემა, ხოლო მეორე მხრივ. ადათის საწინააღმდეგო ახალი რელიგიური ნორმებისადმი პროტესტი, რამაც საკმაოდ ნათელი გამოხატულება პოვა ოჯახის ეკონომიური ურთიერთობის სფეროში.

როგორც ჩვენ მიერ შეკრებილი მასალებიდან ჩანს, ურვადის გადახდა და საქორწილო ხარჯების გასტუმრება ქისტებს დასაშვებად მიაჩნდათ მხოლოდ ერთხელ. ვისაც ერთზე მეტი ცოლის შერთვსურდა, ოჯახის გაყრის დროს ის უნდა შერიგებოდა ერთცოლიან ძმაზე ნაკლები ქონების მიღებას. ერთზე მეტი ცოლის შერთვაში საერთო სახსრებიდან გაღებული თანხა ქონების განაწილების მომენტიში ექვითებოდა მრავალყოლიან ძმას და როგორც მას, ისე მის დანარჩენ ძმებს ეს თანხა თანაბრად უნაწილდებოდათ. ასე მოქცეულან, მაგალითად, ცათიაშვილები. როდესაც თუნგო და ხუტი გაიყარნენ, ყველაფერი შუაზე გაიყვეს, შემდეგ თუნგოს წილი ქონებიდან გამოყვეს ორი ურვადისა და ორი საქორწილო ხარჯისათვის კუთვნილი დოვლათი, ვინაიდან ძმასთან გაყრამდე თუნგო სამჯერ დაქორწინდა და სამჯერვე საერთო სახსრებიდან გაიღო ხარჯი, და ეს თანხაც ისევე შუაზე იქნა გაყოფილი, როგორც საერთო დოვლათი.

ანალოგიური მოვლენა განმეორდა თუნგოს შთამომავლობის ცხოვრებაშიც. თუნგოს ოჯახის დანაწილება, როგორც ამის შესახებ ზემოთ აღვნიშნეთ, მოხდა სამ ოჯახად დედით ღვიძლი ძმების მახედვით. ერთ ოჯახად გავიდა თუნგოს უფროსი ვაჟი ქუშაგი, მეორე ოჯახს შეადგენდა ოთხი ვაჟი (ლაზარე, ქილეი, ჩოფანი, ჯარჯო, რო-

მელთა დედა იყო ქუირდი), ხოლო მესამე ოჯახის შემადგენლობაში დარჩნენ თუნგო და მისი შვიდი ვაჟი (დიბა, ბათო, ზურაბი, აბოლა, გიგო, ძუიზი, თუთახი, რომელთა დედა იყო გეგგი). შემდეგში ცალ-ცალკე გაიყარნენ ყველა აქ დასახლებული ძმები. შეიძძმიანი ოჯახის გაყარისას გარდაცვლილი იყო ორი ძმა და მათა მამა თუნგო. დარჩენილმა ხუთმა ძმამ ყველა სახის ქონება ხუთ თანაბარ ნაწილად გაყო. ერთ-ერთი ამ მოწილის — თუთახ ცათიაშვილის ცნობით, ყველა მოწილე კუთვნილ დოვლათს დაჭერდა. მათივე საერთო შეთანხმებით, ყველაზე ხნიერი ძმისთვის (დიბასთვის) უჩუქებიათ ცხენი. ხოლო თვით თუთახისთვის დაუქავებიათ ერთი საურკადე და საქორწილო თანხა და ის ყველა ძმაზე გაუნაწილებიათ, ვინაიდან ოჯახის გაყარამდე თუთახს მეორე ცოლიც ჰყავდა მოყვანილი.

ურვადის გადახდის ზემოთ აღწერილი წესი აშკარად მიგვითითებს იმ გარემოებაზე, რომ მამაკაცი ადათის მიხედვით კანონზომიერ მოვლენად ითვლებოდა ერთცოლიანობა, რომლის დაცვისა და მრავალცოლიანობის შეზღუდვის მიზნით ქისტებმა მიმართეს ეკონომიური ბრძოლის გზას, რაც გამოიხატა სუიციდითა ქორწინების ხასიათისადმი დამოკიდებულებაში. ამასთან ერთად, ურვადის გადახდის ამ წესის მეშვეობით დატული იყო გაყარის პრეტენდენტთა ეკონომიური თანასწორუფლებიანობა. ძმების ამ უფლების დარღვევას არც ასაკის მიხედვით ჰქონია ადგილი, ვინაიდან საუფროსოს მიცემის სავალდებულო წესი ქისტებში არ არსებობდა. უფროსისთვის პატივისცემის მიზნით რაიმე სახის ზედმეტი ქონების გამოყოფა შეიძლებოდა მხოლოდ ძმების ერთსულოვანი შეთანხმების საფუძველზე. ასევე ძმების თანხმობის შემთხვევაში შეიძლებოდა უფროსისთვის ნიუცა წილის არჩევის შესაძლებლობა, რაც არც თუ ისე დიდი უპირატესობის მაჩვენებელი იყო. ამ უკანასკნელ ღონისძიებას მიმართავენ უმთავრესად მაშინ, როდესაც ერთ წილად ჩაგდებული იყო სახლი. ხოლო მეორე წილად სახლის ღირებულება. ამით უფროს ძმას პატივში დარჩენის შესაძლებლობას უქმნიდნენ და მისდამი პატივისცემას გამოიხატავდნენ.

ძმებს შორის ქონების გაყოფის დროს ქისტის ოჯახში ყოველთვის იდგა მშობლების საკითხიც, ვინაიდან ოჯახის გაყრა აქ ხდებოდა მშობლების გარდაცვალებამდე. ასეთ ვითარებაში მშობლებს უფლება ჰქონდათ საერთო ქონებიდან იმდენივე მიეღოთ, რამდენიც თითოეულ შეიღს. მამა ისეთსავე მოწილეს წარმოადგენდა, როგორც მისი ყველა ვაჟი. თავისი კუთვნილი წილით მშობლებს შეეძლოთ ან ცალკე გამოსვლა, ან რომელიმე შვილთან დარჩენა. ისინი უმთავრესად რჩებოდნენ ყველაზე უმცროს ვაჟთან.

წილთან ერთად მშობლებს უფლება ჰქონდათ, ოჯახის შესაძლებლობის მიხედვით, თავისთვის გაეყვანათ რამდენიმე სული პირუტყვი, რაც გათვალისწინებული იყო მათი დამარხვით ხარჯებისათვის. ამ დანიშნულების მქონე დოვლათის აღსანიშნავად პანკრისის ხეობაში მტკიცედაა ფეხმოკიდებული ქართული სახელწოდება სამარხი, რომლის ქისტური შესატყვისია საყიე.

თუ მშობლები თავისი კუთვნილი წილთა და სამარხით რომელიმე შვილთან მივიდოდნენ მასთან სამუდამოდ ცხოვრების სურვილით, ამ შვილს ევალებოდა როგორც მათი მოვლა-პატრონობა, ისე თავისი ხარჯით დამარხვა. ასეთ შემთხვევაში სხვა შვილებს არავითარი მოვალეობა არ ეკისრებოდათ. ისეთ ვითარებაში კი, როდესაც მშობლები წილის მიღებაზე უარს იტყოდნენ, მხოლოდ სამარხის გამოყოფას დაჭერდებოდნენ და რომელიმე შვილთან ცხოვრებას გადაწყვეტდნენ, მაშინ მათ შენახვაში ყველა შვილი მონაწილეობდა, ხოლო სამარხის გაღება იმ შვილს ევალებოდა, რომელთანაც მშობლები იმყოფებოდნენ. უმთავრესად კი მშობლების დამარხვის ხარჯსაც ყველა შვილი ერთობლივად ეწეოდა და ამით თავიანთ ძმას მდგომარეობას უმსუბუქებდნენ. ხარჯის გაწევა სავალდებულო იყო ორჯერ, გარდაცვალების შემს, რასაც ეწოდება ჰალხარმართ (წინა ქელეხი) და წლისთავზე, რასაც ჰქვია შოკაჩარ (წლისთავი). თუ ოჯახს ჰქონდა შეძლება, მამის ქელეხების მოთავეების შემდეგ მართავდნენ დოლსაც, რაც არ ეწყობოდა დედის გარდაცვალების შემთხვევაში, ვინაიდან ქალის სახელზე დოლი გამართვა საერთოდ მიუღებელი იყო.

ქისტებში დადასტურდა ისეთი შემთხვევებიც, როდესაც მამა საცხოვრებლად რჩებოდა ერთ შვილთან, ხოლო დედა მეორესთან, მაგრამ ასეთი რამ უფრო იშვიათად ხდებოდა და უმთავრესად მშობლების საბოლოო ადგილსამყოფელს წარმოადგენდა მათი უმცროსი ვაჟის ბინა. ასევე იშვიათად აცხადებდნენ პრეტენზიას მშობლები წილზე და ისინი ჭერდებოდნენ მხოლოდ სამარხს: მთხრობლების განმარტებით მშობლების ასეთი გადაწყვეტილება ხალხში მოწონებას იმსახურებდა, ხოლო ვინც თავის უფლებებს გამოიყენებდა და წილს გაიტანდა, ის საზოგადოების გულისწყრომას იმსახურებდა განსაკუთრებით მაშინ, როდესაც მშობლებს რომელიმე შვილთან დარჩენა ჰქონდათ განზრახული. ქისტები არ გმობდნენ მშობლების მიერ წილის გატანას მხოლოდ მაშინ, როდესაც მათ გადაწყვეტილი ჰქონდათ შვილებისაგან დამოუკიდებლად ყოფნა.

როგორც ვხედავთ, მშობლებისათვის წილის მიცემა კანონიერად ითვლებოდა, მაგრამ ყოფაში მოქმედი ამგვარი უფლებისადმი ქისტე-

ბი უარყოფით თვალსაზრისს ამქლავნებდნენ. არსებულ კანონს ისინი აშკარად არ ებრძოდნენ და თითქოს მას იყენებდნენ კიდეც, მაგრამ მას მოსაწონ ჩვეულებად არ თვლიდნენ. ერთი და იგივე მოვლენისადმი ამგვარი დამოკიდებულების მიზეზი საძიებელია თვით ქისტების ყოფის სპეციფიკაში. ამ შემთხვევაშიც გასათვალისწინებელია მათი ცხოვრების პირობები და შარიათის გავლენით მომხდარი ცვლილებები სოციალური ურთიერთობის სფეროში. ჩვენ აქ კვლავ შეგვიძლია დავიმოწმოთ ნახების საოჯახო ყოფის შესახებ არსებული ზემოხსენებული გამოკვლევა, სადაც დადგენილი გვაქვს, რომ დიდ ოჯახებად ცხოვრების პირობებში მშობლების სიცოცხლეში ოჯახის გაყრა მიუღებელი იყო და თუ ეს მოხდებოდა მშობლები მოწილებად მაინც არ ითვლებოდნენ. იქვე გარკვეული გვაქვს, რომ მშობლების სიცოცხლეში ერთობის მოშლა და მშობლებისათვის წილის მიკუთვნებას წესი ნახებში გვიან დამკვიდრდა და მისი გავრცელება უმთავრესად შარიათის მოძღვრებამ განაპირობა³⁶.

პანკისის ხეობისავე ნახების ლტოლვა ისეთ ვითარებაში ხდებოდა, როდესაც ჩაჩნეთ-ინგუშეთში გააფთრებული ბრძოლა წარმოებდა ადათსა და შარიათს შორის. უსათუოდ ამ ბრძოლის ანარეკლი უნდა იყოს ასახული მამის წილისადმი არსებულ ქისტურ შეხედულებაში. ადათისა და შარიათის ურთიერთშეჯახების ასპარეზზე შექმნილი მამის ეს ახალი უფლებრივი ნორმები პანკისელი ქისტების წინაპრებმა თავიანთ ახალ სამოსახლოში ისევე მოიტანეს და დანერგეს, როგორც ურვადის გადაზღვის წესი, მრავალცოლიანობა და ყოფის სხვა ელემენტები. ამასთან ერთად, მათი მეხსიერებიდან ჯერ კიდევ აღმოუჩნვრილი არ იყო ხალხური ადათ-წესების ცოდნა. რიგიახვა წესების გარდა ხალხმა ისიც კარგად იცოდა, რომ ადათის მიხედვით მშობლებისთვის წილის მიცემა მიუღებელი იყო. წინაპართა ამგვარი წესებისადმი პატივისცემა ასაზრდოებდა ქისტებზე კეთილგანწყობილ დამოკიდებულებას იმ პირებისადმი, რომლებიც ახლადშექმნილ უფლებას პროტესტს უცხადებდნენ წილის მიღებაზე უარის საშუალებით და თავისი მოქმედებით ხელს უწყობდნენ მამაპაპური ტრადიციის გახანგრძლივებას. მაშასადამე, მამისეული წილისადმი უარყოფითი დამოკიდებულება ისევე ძველი საოჯახო ურთიერთობისათვის დამახასიათებელი ტრადიციების გამოვლინებით ან ამ ტრადიციების შესახებ არსებული ხალხური ცოდნის შემონახულობით შეიძლება აიხსნას, როგორც ძმებს შორის ქონების თანასწორად გაყოფის წესი თუ მრავალცოლიანობა შესახებ არსებული შეხედულება.

³⁶ ამ წიგნის გვ. 108—112.

საოჯახო ქონების განაწილების მომენტშივე ხდებოდა კუთვნი-
ლი დოვლათის გამოყოფა დედათა სქესის წარმომადგენელთათვის. ამ
შემთხვევაშიც მოქმედებაში იყო როგორც ადათის, ისე შარიათის
ნორმები ისევე და ისევე ქისტების ყოფაში მათი თანაარსებობის გამო.

ადათისა და შარიათის მიხედვით გასაზნოვარი ქალის ბედი სხვა-
დასხვაგვარად წყდებოდა. ადათის თანახმად, ქალი არ სარგებლობდა
არც ძმებთან ერთად წილის მიღების და არც მშობლების ქონებაზე
მემკვიდრეობის უფლებით. მშობლებს რომ ვაჟი არ დარჩენოდათ,
მათ ქონებას ეპატრონებოდნენ არა ქალები, არამედ მათი ბი-
ძაშვილი ვაჟები, ისევე როგორც ეს ხდებოდა სხვა კავკასიელი ხალ-
ხების ყოფაში, სადაც კი ქონებაზე ქალის მემკვიდრეობის უფლება
არ არსებობდა.

ადათთან შედარებით ქალისათვის უფრო ხელსაყრელ პირობებს
ქნადა შარიათი, რომლის მიხედვით, საოჯახო ქონების განაწილები-
სას ქალს ეძლეოდა ძმისთვის კუთვნილი წილის $\frac{1}{3}$. ძმის უყოლობის
შემთხვევაში კი შარიათი მემკვიდრეობის უფლებას ანიჭებდა ქალს.
რომელსაც შეეძლო მშობლების ქონებიდან $\frac{1}{3}$ თითონ მოენმარა, ხო-
ლო $\frac{2}{3}$ მშობლების ქელეხებსა და დოღში უნდა დაეხარჯა. მისსავე
მოვალეობას შეადგენდა მამის ტანსაცმლის გარიგება ნათესავეებში,
ისევე როგორც ამას აკეთებდა ცოლი ქმრის გარდაცვალების შემ-
დეგ, ვინაიდან გარდაცვლილი კაცის ტანსაცმლის სახლში დატოვება
მიუღებელი იყო.

როდესაც ქალს ძმები ჰყავდა, ოჯახის გაყრის დროს იმ ისტუ-
ბული იყო შერიგებოდა გადაწყვეტილებას ადათის შესაბამისად, ვი-
ნაიდან ძმებს შორის ქონების განაწილება ადათის მიხედვით ხდებო-
და. მამის ოჯახიდან მისთვის განკუთვნილი იყო მხოლოდ თავისი ტან-
საცმელი, პირადი ნივთები (იგულისხმება ხელსაქმის იარაღები), ლო-
გინი და ერთი ძროხა ან ხუთი ცხვარი. თუ ქალი ვერ გათხოვდებოდა,
ამ ქონებით ის რჩებოდა რომელიმე ძმასთან და ძმის ოჯახის სასარ-
გებლოდ შრომობდა, ხოლო დაავადყოფების შემთხვევაში მისი შე-
ნახვა ძმის მოვალეობას შეადგენდა. თუ ქალი გათხოვდებოდა, ზე-
ნოხსენებული ქონება მისთვის იყო მზითვევი. ამასთან ერთად, როგორც
ამის შესახებ ზემოთ უკვე აღვნიშნეთ, მის პირად საკუთრებას წარმო-
ადგენდა აგრეთვე ურვალი, რითაც ის თავისთვის სასურველ ნივთებს
იძენდა ქმართან მისვლამდე ან ქმართან მისვლის შემდეგ. ქონების იმ ნა-
წილს, რომელსაც ქალი ატანდნენ მამის ოჯახიდან ლოგინის, პირადი
ნივთების, ტანსაცმლისა და პირუტყვის სახით, ქისტურად ერქვა დ ე ე ნ-
წ ე რ (სიტყვასიტყვით: მამის სახლიდან) ან დ ე ე ნ წ ი ე რ ი ე რ
ჰ უ მ (მამის სახლიდან მიტანილი რაიმე). ქალის იმ ქონებას კი, რო-

მელსაც ის იძენდა ქმრის ურვადით, ქისტურად ეწოდებოდა ნუს
კულ ფაართალ (სიტყუასიტყუით: პატარძლის ავეჯი, პატარძლის
ნივთები).

დვენწერის სახით ქმრის ოჯახში მიყვანილი ძროხის ან ხუთი
ცხვრის ნამატი გადადიოდა ოჯახის საერთო საკუთრებაში (თუ კი ოჯახ-
ში ცოლ-ქმრის გარდა სხვა ვინმეც იმყოფებოდა) ან მასთან ერთად
ჯერ მიაი ქმრის, ხოლო შემდეგ ქმრისა და შვილების საკუთრებაშიც
(როდესაც ოჯახი მხოლოდ ცოლ-ქმრისა და მათი შვილებისაგან შედგე-
ბოდა). რაც შეეხება საკუთრივ დვენწერის თავნს (ე. ი. ერთ
პროხას ან ხუთ ცხვარს), ის უკვდავად და მასთან ერთად ნივთიერი
ქონება წარმოადგენდა ქალის ხელშეუხებელ საკუთრებას ნორმალური
ურთიერთობის პირობებში. ამიტომ, როდესაც გაყრის მომენტში ოჯახი
ქონებას ანაწილებდა, დვენწერის ნამატი სხვა საოჯახო ქონებასთან
ერთად მოწილეებზე იყოფოდა, ხოლო დვენწერ და ნუსკულ ფაარ-
თალ განაწილების გარეშე რძლისავე პირად საკუთრებად რჩებოდა.

ნივთიერი ქონება და დვენწერის თავნი ქალის საკუთრებად ითვ-
ლებოდა ისეთ ვითარებაშიც კი, როდესაც მას ქმარი სახლიდან დაი-
თხოვდა. უშვილობის მიზეზითაც რომ დაეწუნებინა ქმარს ცოლი,
ქმარი ვალდებული იყო დასახელებული ქონება მისთვის უკან გაეტა-
ნებინა. ქალს უკან არ მიჰქონდა მხოლოდ მის მიერ ქმრის ნათესავე-
ბისთვის მირთმეული საჩუქრები, ვინაიდან კონფლიქტის დროს სა-
ერთოდ საჩუქრების საკითხი არ დგებოდა. თუ ქმარი მოისურვებდა
უდანაშაულოდ გაგდებული ცოლის შემორიგებას, ის ვალდებული იყო
სიმამრისთვის ხელმეორედ გადაეხადა ურვადი, რითაც კაცი არავი-
თარ ზარალში არ ვარდებოდა, ვინაიდან ქისტებში არსებული წესის
მიხედვით, როგორც ეს ზემოთ დავინახეთ, აღნიშნული თანხა ქმრის
ოჯახიდან მხოლოდ დროებით შეიძლება გადასულიყო; მისი ღი-
რებულება ქალს სხვა სახის ქონებით ისევ ქმრის სახლში ჰოპქონდა.

ნუსკულ ფაართალსა და დვენწერს ქმარი უკან არ ატანდა მძი-
მე დანაშაულის მიზეზით დაწუნებულ ცოლს. ასეთივე უფლებით სარ-
გებლობდა ქმარი უმიზეზოდ სახლიდან გაქცეული ცოლის მიმართ.
თავისი ნებით ქმარ-შვილის მიმტოვებელი ქალი არა მარტო აღნიშ-
ნულ ქონებაზე იღებდა ხელს, არამედ მას ქმარ-შვილის სასარგებ-
ლოდ ჯარიმის (ცაიოშონ) გადახდაც ეკისრებოდა. იუსუფ
მარგოშვილის ცნობით, ცაიოშონ (ჯარიმა) შეადგენდა ათ ძროხას ან მის
ღირებულებას (ნივთების ან ფულის სახით), ხოლო ქასა ქავთარაშვი-
ლის (დაბ. 1865 წ.) ცნობით, ქმრის ოჯახიდან თვითნებურად წა-
სული ქალის მამის ოჯახი ვალდებული იყო დაწუნებული ქმრისთ-
ვის გადაეხადა 30 ძროხა ან მისი ღირებულება, ე. ი. იმდენი, რამდენ-

ნადაც იყო შეფასებული ქალის სისხლი. წინააღმდეგ შემთხვევაში შეურაცხყოფილ ქმრეულთ შეეძლოთ ქალის ოჯახიდან სისხლი აეღოთ, ე. ი. მოეკლათ ქალის ახლო ნათესავი ვაჟი, ვინაიდან ქალის მოკვლით შურისძიება ქისტებში მიუღებელი იყო.

საფიქრებელია, რომ ერთმანეთისაგან განსხვავებული ეს ორი ცნობა ეხებოდეს სხვადასხვა ეპოქაში არსებულ ვითარებას, რომელთაგან სიძველის სუნი უდის მეორეს, როგორც მამაპაპური ჩვეულების დაცვის მიზნით მოქმედს, უფრო მკაცრი სასჯელის აღმნიშვნელს, მაგრამ ორივე ეს ცნობა ერთნაირად მიგვიითებებს იმაზე, რომ ქალის ეკონომიური უფლებები განსაზღვრული იყო მათი ყოფაქცევითაც. მორალური ნორმების დაურღვევლობის პირობებში კი ნუსკულ ფაართალ და დეენწერ (დეენწერიდან მხოლოდ პირუტყვის თავნი) წარმოადგენდა ქალის ხელშეუხებელ პირად საკუთრებას ოჯახის გაყრამდეც, ოჯახის გაყრის შემდეგაც და ცოლ-ქმრის დაცილების შემთხვევაშიც. ცოლ-ქმრის ერთად შებერებისა და ცოლის გარდაცვალების შემდეგ მისი ეს ქონება შვილებს რჩებოდათ.

ქალის გამზითვების ქისტურ წესს თუ შევეუდარებთ ჩაჩნეთ-ინგუშეთში არსებულ ანალოგიურ ჩვეულებას, მათ შორის თითქმის ერთსა და იმავე ვითარებას დავინახავთ, ვინაიდან XIX საუკუნის მეორე ნახევარში როგორც ჩაჩნეთ-ინგუშეთში, ისე პანკისის ხეობაში მზითვეის მომზადების ძირითად საფუძველს წარმოადგენდა საქმროს მიერ მიტანილი ურვალი. ურვალიდან მზითვეის მომზადების წესი პანკისის ხეობაში ისევე გვიანდელია, როგორც ჩაჩნეთ-ინგუშეთში. ეს წესი, როგორც ნახების საოჯახო ყოფის შესახებ არსებული ლიტერატურული წყაროებიდან ვიცით, გასული საუკუნის 60-იან წლებში იქნა შემუშავებული ყალიბის შემციარების მიზნით მიღებულ სათანადო დადგენილების საფუძველზე³⁷. ქისტების ცხოვრებაშიც აღნიშნული წესი გადმონერგილი ჩანს ჩაჩნეთ-ინგუშეთიდან იმათი მეშვეობით, რომლებიც ხსენებულ ეპოქაში საცხოვრებლად გადმოვიდნენ პანკისის ხეობაში. უფრო ადრე ნახები მზითვეს თითქმის არ იცნობდნენ, ვინაიდან ურვალიდან მისი მომზადების წესის შემოღებამდე მამის ოჯახიდან ქალს შეეძლო წაეღო მხოლოდ თავისი ტანსაცმელი და ერთი ხელი ლოგინი. თავიანთ ადრინდელ სამშობლოში თუ პანკისის ხეობაში ჩამოსახლების დასაწყისში ეს ეტაპი განვლილი ჰქონდათ ქისტებსაც. მზითვეი ნახების ყოფაში ისეთივე უმნიშვნელო

³⁷ ამ წიგნის გვ. 121—124.

ქონებას წარმოადგენდა, როგორც ქართველ მთიელებში³⁸ და აქ ის საოჯახო და საქორწინო ურთიერთობის ისევე გვიანდელი საუკუნური-სათვის ჩანს დამახასიათებელი, როგორც სხვაგან³⁹.

ასევე ზოგადკავასიურ მოვლენად გამოიყურება ქალისთვის პირუტყვის მიცემის წესი. საკუთრივ ქისტების ეს ჩვეულება ჰგავს როგორც ქალისთვის ძროხის გატანების ინგუშურ წესს, ისე ქართულ⁴⁰, სათავნოს. როგორც ინგუშების საოჯახო უოფის ამ მომენტზე მსჯელობისას აღნიშნეთ, ინგუშეთში მასალა არ შემოინახა ხსენებული საკითხის გასარკვევად. რაც შეეხება პანკისის ხეობას, აქ დადასტურდა სათანადო ნორმების არსებობა იმის შესახებ, თუ დეენწერიდან რა იყო ქალის ხელშეუხებელი საკუთრება და რა გადადიოდა საერთო საოჯახო საკუთრებაში. განსხვავებით ქართლ-კახეთისაგან, სადაც სათავნოს თავნიც და ნამატიც ქალის პირად საკუთრებად ითვლებოდა⁴⁰, განსხვავებით აგრეთვე ხევისაგან, სადაც სათავნო გადადიოდა საერთო საოჯახო საკუთრებაში და ის კარგავდა პერსონალური საკუთრების ხასიათს⁴¹, პანკისის ხეობაში დეენწერის თავნი რჩებოდა ქალის პირად საკუთრებაში, ხოლო ნამატი გადადიოდა საერთო საოჯახო მოხმარებაში. აღნიშნული ვითარება ასახავს საოჯახო საკუთრებისა და ოჯახის განვითარების სხვადასხვა 'აფეხურს. იქ, სადაც სათავნო მხოლოდ პირად საკუთრებას წარმოადგენდა, ოჯახში გაღრმავებული იყო კერძომესაკუთრული ტენდენცია (ქართლ-კახეთში). იქ, სადაც სათავნო ექცეოდა საერთო საოჯახო დოვლათის შემადგენლობაში, ოჯახი შედარებით მტკიცედ ინარჩუნებდა ქონებაზე საზოგადო საკუთრების ტრადიციას (ხევში), ხოლო პანკისის ხეობაში დადგენილი ვითარება ანარეკლი უნდა იყოს საოჯახო ურთიერთობის ისეთი საფეხურისა, როდესაც ერთიმეორეს ეჯახებოდნენ კერძო და საზოგადო საკუთრების ინტერესები. ქალის საკუთრებაში ძროხის ან ხუთი ცხვრის ბოლომდე დატოვება მანიშნებელია ოჯახის შიგნით კერძომესაკუთრული მომენტის გაჩენისა, ხოლო საოჯახო საკუთრე-

³⁸ რ. ხარაძე, დიდი ოჯახის გაღმონაშთები სვანეთში, გვ. 103; ვ. ითონიშვილი, ქართველ მთიელთა საოჯახო ურთიერთობის ისტორიიდან, გვ. 233—237.

³⁹ М. Косвек, Семейная община и патронимия, Москва, 1963, стр. 60; Н. Кисляков, Семья и брак у таджиков, М.-Л., 1959, стр. 136—180; Р. Харадзе, Грузинская семейная община, II, стр. 54.

⁴⁰ Р. Харадзе, Грузинская семейная община, I, стр. 55, 56, 63, 97; მისივე, Грузинская семейная община, II, стр. 51 და შემდეგ.

⁴¹ ვ. ითონიშვილი, ქართველ მთიელთა საოჯახო ურთიერთობის ისტორიიდან, გვ. 235.

ბაში ნაშატიის გადასვლის წესი ოჯახში საზოგადო საკუთრების პენარჩუნებისათვის ბრძოლის გამომსახველია. ამ ორი მომენტის თანა-
არსებობა გაჩენილი უნდა იყოს ოჯახის ფორმათა განვითარების გარდა-
შავალ საფეხურზე, როდესაც საზოგადო საკუთრებაზე დაფუძნე-
ბული საოჯახო თემის რღვევის შედეგად გამარჯვების საწინააღმდეგო იხრე-
ბოდა კერძო საკუთრებაზე დამყარებული ინდივიდუალური ოჯახის
სასარგებლოდ. პანკისის სეობაში არსებული ოჯახი საოჯახო ურთი-
ერთობის განვითარების ამ საფეხურს დიდად იყო დაშორებული და
ყველა ზემოთ განხილული ძირითადი ნიშნების მიხედვით ის ინდივი-
დუალური ტიპის ოჯახს წარმოადგენდა, მაგრამ საკუთრების ძველი
ფორმა ტრადიციის სახით ასეთი ოჯახის არსებობის პირობებ-
შიაც ინახავდა თავს ჩვენთვის ცნობილ რიგ სხვა მოვლენებთან
ერთად.

საოჯახო ქონების ვანაწილებისას ასევე ხელშეუხებელი იყო ქვრი-
ვის ნუსკულ ფაართალ და დეენწერ. თუ ქვრივი ქმრის ოჯახიდან წავი-
დოდა, ამ ქონების წაღების უფლება მას ჰქონდა, ოღონდ დეენწერის
ნამატიდან ის ვერაფერს ვერ მოითხოვდა. წასვლა კი დასაშვები ყოფი-
ლა დაქვრივებიდან ერთი წლის თავზე. ამის შემდეგ მას გათხოვებაც
არ ეკრძალებოდა, მაგრამ თუ ის არ შეასრულებდა ერთწლიანი გლო-
ვის წესს, ერთი წლის გასვლამდე მიატოვებდა გარდაცვლილი ქმრის
ოჯახს და მითუმეტეს თუ მისი წასვლა დაკავშირებული იყო გათხოვე-
ბასთან, წესის დამრღვევ ქვრივს ბჭეები (ტ ი ე ლ ხ ბ) და მოწ-
მეები (თ ი ე შ ა შ) დააჯარიმებდნენ ათი ძროხით, ან მისი ღირებუ-
ლებით.

თუ ქვრივი ქმრის ოჯახიდან არც მამის სახლში წავიდოდა და
არც გათხოვდებოდა, ოჯახის გაყრისას ის ღებულობდა ქმრის წილს
სრულად განურჩევლად იმისა ის შვილებიანი იქნებოდა თუ უშვილო.
ამასთან ერთად, მას მახლები, ქმრის ნათესავეები და მეზობლები
დახმარებას უწევდნენ პურით, შემით, საკლავითა და ფიზიკუ-
რი შრომით, რასაც ეწოდებოდა ლ ა ა დ ა რ (შველა ან ბ ე ლ-
ხ ბ ი (ულამი)).

ქვრივის მიმართ სხვაგვარი დამოკიდებულება, შეკრებილი მასა-
ლების მიხედვით, თითქოს არ ჩანს. მთხრობლები უარყოფით პასუხს
გვაძლევენ მახლზე ქვრივი რძლის გათხოვების შესაძლებლობის შესახებ.
ზოგიერთი იმ უკიდურესობამდეც კი მივიდა, რომ ეს წესი ჩაჩნე-
ბისა და ინგუშებისთვისაც უცხო მოვლენად გამოაცხადა. ასეთ განმარ-
ტებას საფუძვლად უდევს მთხრობლის სუბიექტური შეხედულება „სა-
მარცხენო ჩვეულებათა“ დავალვის მიზნით. ზოგიერთი მთხრობელი კი
კონკრეტულ ფაქტებსაც გვისახელებდა, მაგრამ ისევ იმ თვალსაზრი-

სით. თითქოს ასეთი მოვლენების საფუძველი იყო ცალკეულ პირთა უნებისყოფობითა და წინდაუხედაობით გამოწვეული შეცდომა.

ლევირატის გადმონაშთებისადმი ქისტების ამგვარი დამოკიდებულება უნდა აიხსნას მათი დიდხანს ცხოვრებით ქართულ გარემოცვაში. მართალია, ნახები საერთოდ მისდევდნენ ლევირატის ჩვეულებას და ეს ქისტების ყოფაშიც უსათუოდ არსებობდა, მაგრამ ვინაიდან მათი აქ დასახლება ხდებოდა მაშინ, როდესაც ქართულ მოსახლეობაში ეს ჩვეულება უკვე დავიწყებას იყო მიცემული, ქისტებმაც მას თანდათანობით ზურგი შეაქციეს. ჩაჩნეთ-ინგუშეთში კი მის დიდხანს არსებობას ხელი შეუწყო შარიათის გავრცელებამ. შარიათს პანკისის ხეობაშიც შეიძლებოდა ამ მხრივ სათანადო როლი შეესრულებინა, მაგრამ მას აქ წინ გადაეღობა ქრისტიანული იდეოლოგია, რომელსაც ქისტები უკვე ნაზიარები იყვნენ. მართალია, მაჰმადიანობას შემდეგ ყველა პანკისელი დაუბრუნდა, მაგრამ შარიათმა ველარ შეძლო ყველა მივიწყებული ჩვეულების აღდგენა. ერთ-ერთ ასეთ ჩვეულებას წარმოადგენდა ლევირატი, რომლის მოშლაში გადამწყვეტი როლი შეასრულა ქართული მოსახლეობის ყოფისა და სულიერი კულტურის გავლენამ და რომლის ფეხზე დაყენება ასეთ გარემოში ყოველად შეუძლებელი იყო.



ყოველივე ზემოთქმულის შემდეგ შეიძლება დაეასკვნათ, რომ პანკისელი ქისტები არ მისდევდნენ დიდ ოჯახებად ცხოვრების წესს. მაგრამ სათანადო მასალის შესწავლამ გვიჩვენა ისიც, რომ ინდივიდუალურ ოჯახში, განსაკუთრებით ამ ტიპის მრავალსულიან ოჯახში, თავს ინახავდა ზოგიერთი ისეთი ჩვეულება, რომელიც ნიშანდობლივი იყო საოჯახო თემისათვის. ოჯახის ადრინდელი ფორმისათვის დამახასიათებელი ტრადიციების შემონახულობა განსაკუთრებით შეინიშნებოდა ოჯახის მმართველობის სტრუქტურაში და საოჯახო საკუთრების ხასიათში. აღნიშნული ვითარება იმის მანიშნებელია, რომ პანკისელი ქისტების წინაპრები თავიანთ სამშობლოში (ჩაჩნეთ-ინგუშეთში) ცხოვრობდნენ არა მარტო ინდივიდუალურ ოჯახებად, არამედ გაუყრელადაც და მისდევდნენ მის შესაბამის წეს-ჩვეულებებს, რომელთაგან შთამომავლობამ ბევრი რამ მემკვიდრეობით მიიღო და ახალ საცხოვრებელ გარემოშიც შეინარჩუნა.

აღნიშნულ გარემოებასთან დაკავშირებით ბუნებრივია აქვე დაისვას საკითხი იმის შესახებ, თუ რატომ არ დადასტურდა დიდ ოჯახებად ცხოვრების წესი პანკისელი ქისტების ყოფაში მაშინ, როდესაც საო-

ჯახო თემი გადმონაშთური ფორმით არსებობდა იმდროინდელ ჩაჩნეთ-ინგუშეთშიც, საიდანაც ქისტები მოდიოდნენ, და საქართველოშიც, სადაც ისინი საცხოვრებლად მკვიდრდებოდნენ.

საქმე იმაშია, რომ საქართველოში ქისტების ჩამოსახლება მიმდინარეობდა მაშინ, როდესაც გადმონაშთური ფორმით შემორჩენილი საოჯახო თემი თავისი არსებობის დღეებს ითვლიდა. ეს პროცესი დამახასიათებელი იყო როგორც ჩაჩნეთ-ინგუშეთისათვის, ისე საქართველოსათვის. ამიტომ სამშობლოდან გადმოხვეწილ ქისტებს აღარც იქიდან მოყვებოდათ გაუყრელად ცხოვრების მყარი ტრადიცია და საამისო მდგომარეობა აღარც საქართველოში უხვდებოდათ.

XIX საუკუნის მეორე ნახევარში, როდესაც კაპიტალისტური ურთიერთობა ვითარდებოდა და როდესაც საოჯახო თემის შენარჩუნების საფუძვლები მოშლილი იყო, ასეთ პირობებში აყრილსა და ახალ საცხოვრისში დამკვიდრებულ ქისტებს აღარ შეეძლოთ სოციალური ურთიერთობის განვითარების გეზი შეეცვალათ. ისინი ძალაუვნებურად ინდივიდუალურ ოჯახებად სახლდებოდნენ და ზურგს აქცევდნენ მამაპაპური ცხოვრების მომაკვდავ წესს.

ნ ა შ ი ლ ი მ ე ს ა მ ე

(ო ს ე ბ ი ს ს ა ო ჯ ა ნ ო ყ ო ფ ა

ა ი რ ვ ე ლ ი თ ა ვ ი

ო ჯ ა ხ ი ს შ ე მ ა დ გ ე ნ ლ ო ბ ა

ოჯახის შემადგენლობის შესახებ ჩრდილო და სამხრეთ ოსეთის მთიანეთში შეკრებილი ეთნოგრაფიული მასალა გვაცნობს XIX საუკუნისა და XX საუკუნის დასაწყისის ვითარებას. ირკვევა, რომ ხსენებულ ეპოქაში ინდივიდუალური ოჯახის გვერდით ოსეთში გადმონათული ფორმით არსებობდა საოჯახო თემი, რომელიც წარმოადგენდა რამდენიმე თაობისა და რამდენიმე ათეული სულის მომცველ ერთეულს. ამგვარი ტიპის ოჯახის შემადგენლობის შესახებ ფაქტობრივი მონაცემები დადგენილი გვაქვს ქურთათის, ალაგირის, თრუსოს, ქსნისა და ორივე ლიახვის ხეობებში.

ქურთათის ხეობის სოფლებში მთხრობელთა გადმოცემებზე დაყრდნობით აღვწერეთ რამდენიმე დიდი ოჯახი, რომელთაგან სანიმუშოდ შეიძლება გავეცნოთ ზოგიერთ მათგანს. ასეთი ოჯახის ყოფილი წევრის ვანო ალექსის ძე დულაევის (103 წლისა) ცნობით, სოფ. ლაცში გაუყრელად უცხოვრია ოთხ თაობას. ოჯახის ხელმძღვანელები ყოფილან პირველი თაობის წარმომადგენლები — იშპან და მისი მეუღლე დაუხანი. მეორე თაობას შეადგენდნენ იშპანის შვილები: სოსლანბეგ, სიმონ, ალექსი და ხაშაქო. მესამე თაობაში შედიოდნენ სოსიკ, იალბიედიყო (სოსლანბეგის შვილები); შაშ, მიშა (სიმონის შვილები); ასლანბეგ, აშლანყო, ვანო, ვასილ (ალექსის შვილები); ბებოლ, შოლტანბეგ, შოლტან (ხაშაქოს შვილები). მეოთხე თაობის წარმომადგენლებად გვევლინებიან ასლანბეგ ალექსის ძის შვილები: ანზორ, მურთაზ, გიორგი და ახსარბეგ.

რძლებისა და ქალების ჩათვლით, რომელთა სახელები აქ მოხსენებული არ არის, გაყრის მომენტში ოჯახში ირიცხებოდა 30 სული.

ასევე ოთხი თაობისაგან შედგებოდა ანდიეების ოჯახი სოფ. ანდიათი ყაუში: ამ ოჯახის მეოთხე თაობის წევრმა ყაიყუთო ყუბადის ძე ანდიევმა (დაბად. 1885 წ.) პირველი თაობის წარმომადგენლად დაგვისახელა ბრნას და მისი მეუღლე; მეორე თაობისა მათი შვილები: მასკა, ბიშო და თოთრაზ; მესამე თაობიდან მასკას შვილები (ყუბადი და ხუთი ქალი), ბიშოს შვილები (ეამე, შოშლანბეგ, ბეჩერ. თოთრაზ) და თოთრაზის შვილები (ჩოფან, გაბა, ალექსანდრე), ხოლო მეოთხე თაობიდან ყუბადის შვილები (ყაიყუთო, ჯანქო), ეაბეს შვილები (თება. გრიშა, კოშტან, აშახმათ), ჩოფანის შვილები (ბათრაზ, ინალყ), გაბას შვილები (შოკორყო, ელბუზუყო) და ალექსანდრეს შვილები (მულქა, პეტრე).

გაყრის წინ ოთხ თაობას აერთიანებდა თოხტიეების ოჯახი სოფ. ბარზიყაუში, რომლის უფროს თაობას შეადგენდნენ ძმები ვარიყან და ხათუ (ტყუპნი). მეორე თაობის წარმომადგენლები იყვნენ ვარიყანის შვილები (გუში, ფიში, გამშერ, კოტორ. ბათარ, ზალეკ) და ხათუს შვიდი ვაჟი, რომელთაგან მთხრობელმა ხაზბატარ ბესლანის ძე თოხტიევმა (დაბად. 1902 წ.) გაიხსენა მხოლოდ ორი ძმის სახელი (ბიბო, დოზი). მესამე თაობას ეკუთვნოდნენ ვარიყანისა და ხათუს შვილიშვილები, ხოლო მეოთხეს ვარიყანისა და ხათუს შვილიშვილის შვილები. ადგილზე აღრიცხული სახელების რაოდენობა 60-ზე მეტია, მაგრამ გათხოვილი ქალებისა და გაყრამდე გარდაცვლილთა გამოკლებით ოჯახში მისი დაყოფის დროს ირიცხებოდა 47 სული.

იმავე სოფელში დიდ ოჯახებად უცხოვრიათ გურიეებს, რომელთაგან თავდაპირველად ერთად ყოფილან ძმები ფეფე, ბატი და გისო თავიანთი შემადგენლობით. შემდეგში თითოეული მათგანის მოდგმა ცალკე ოჯახად გამოსულა, რომელთაგან ფეფეს ოჯახის შემადგენლობის აღწერა შესაძლებელი გახდა და გამოირკვა, რომ გაუყრელად ამ ოჯახის ცხოვრება გაგრძელდა ხუთ თაობამდე. ე. ი. იმის შემდეგაც, რაც პირველი და მეორე თაობის წარმომადგენლები (ფეფე და დუდარი) გარდაცვლილან. დუდარის შვილები: ხასასყო, თაუსულტან და ზანბეგ ქმნიდნენ მესამე თაობას, ხოლო ამ უკანასკნელთა შთამომავლობის სახით ოჯახში იმყოფებოდა მეოთხე და მეხუთე თაობა, რომელთა სახელებს აქ აღარ ჩამოვთვლით. აღვნიშნავთ მხოლოდ იმას, რომ მეხუთე თაობას მიღწეული ოჯახი, რომელიც 15 საქორწინო წყვილს აერთიანებდა, თავდაპირველად გაყრილა სამ დიდ ოჯახად ხასასყოს, თაუსულტანისა და ზანბეგის შთამომავლობის მიხედვით. როგორც თაუსულტანის შვილიშვილმა შავხალ გურიევმა (დაბად. 1885 წ.) გვაცნობა, საკუთრივ მათი ოჯახი თაუსულტანის მეთაურო-

ბით გაყრის წინ ითვლიდა 33 სულს. შემდეგში ეს ოჯახი ექვსად გაყრილა.

სოფ. ხიდიკუსში სიტოხოვების 35-სულიანი ოჯახი სამ თაობას მოიცავდა, რომელსაც ხელმძღვანელობდა მურზაბეგ. მისი რვა ვაჟიდან (გაბიშ, ასლანიკო, ბისო, თოთარბეგ, გუზარი, საველი, არსენ და ?) არსენისა და სახელუცნობი სულ უმცროსი ძმის გარდა, ყველა ცოლ-შვილიანი ყოფილა. თუ ისინი შეადგენდნენ მეორე თაობას, მესამე თაობას ავსებდნენ მათი შვილები: გაბრიელი, თოთი, გრაშა (გაბიშის შვილები); ალექსანდრე, სოზრიყო, თოთარაზ (ასლანიკოს შვილები); თემურბულათ, ბუსკა, გიორგი (ბისოს შვილები); ძამბულათ, ქამბოლათ (თოთარბეგის შვილები), ზანტემირ გუზარის ძე და კოლია საველის ძე.

ასეთივე ტაბისა იყო თებრეეების ოჯახი სოფ. ლაცში, რომელიც სამ თაობას აერთიანებდა და 25 სულს მოიცავდა, ოთხი თაობისა და 16 სულის მომცველი გოჭიეების ოჯახი სოფ. ხიდიკუსში. მარზაგანოეების ოჯახი სოფ. ხარისკინში, რომელიც ოთხი თაობისა და 70 სულისაგან შედგებოდა, ზიტრეების ოჯახი ხუთი თაობით სოფ. ციმიტში, კულოების ოჯახი ოთხი თაობით სოფ. ქალათში და სხვ.

აქ დასახლებული ოჯახების ცხოვრება ემთხვევა XIX საუკუნის მეორე ნახევარსა და XX საუკუნის დასაწყისს. რაც იმის მაჩვენებელია, რომ გაუყრელად ცხოვრების წესი ჩრდილო ოსეთის მთიანეთში ყოფის ერთ-ერთ დამახასიათებელ კომპონენტს წარმოადგენდა. ამავე გარემოებაზე მიგვიჩივებს ის მაშალაც, რომელიც გვაცნობს ქსნის ხეობაში ქართველების მეზობლად მცხოვრები ოსების საოჯახო ყოფას. ამ მხრივ განსაკუთრებით საყურადღებოა საკუთრივ ქსნის ხეობის ზედა წელი, ცხრაძმის ხეობა, ქარჩოსის ხეობა, ჟამური და ჭურთის ხეობა.

ოჯახის შემადგენლობაზე წარმოდგენის შესაქმნელად სამაგალითოდ შეიძლება დავასახელოთ თენდაც ჭურთის ხეობაში მდებარე სოფელი ჩანგათყარი, სადაც ამაჟამად დრიაეების გვარის სამი ოჯახი ცხოვრობს. მიშა ვანოს ძე დრიაეის (დაბად. 1890 წ.) ცნობით, ახლო წარსულში აქ ამ გვარის 12 კომლი ყოფილა, რომელთაგან ცხრა სსვავან გადასახლებულა. ჩვენთვის საყურადღებოა ის გარემოება, რომ 12 კომლი წარმოქმნილა ერთი საოჯახო თემის სეგმენტაციის საფუძველზე. ერთად ცხოვრების ტრადიცია ცოცხლობდა მთხრობლის ახალგაზრდობაშიც. ის თვითონ არის მომსწრე იმისა, როდესაც მისი მამა ვანო და ვანოს ძმა სანდრო სიბერემდე ერთად ცხოვრობდნენ. მათი გაყრის მომენტისათვის ვანოს ჰყოლია სამი,

ხოლო სანდროს ხუთი ცოლშვილიანი შვილი, რითაც დასტურდება სამი თაობის ერთ ქერქვეშ ყოფნის ფაქტი.

რამდენიმე თაობის გაუყრელად ცხოვრების ფაქტები მთხრობლებს კარგად ახსოვთ სოფ. ჩიგოიანში, რომელიც მდებარეობს ქარხონის ხეობის სიღრმეში და დასახლებულია ოსებით. ჩიგოიანში მოწოდება სამი პატრონიმიული ერთეულის არსებობა, რომელთაგან ერთს ერქვა ძე ბისათა და აერთიანებდა ძებისოვებს. ჩიგოეების გვარი კი იყოფოდა ორ პატრონიმიად, რომელთაგან ერთის სახელწოდება იყო გაძალათა (ეპონიმი გაძალა), ხოლო მეორისა — ხგხათა (ეპონიმი ხგხა). თითოეული ამ პატრონიმიის ფარგლებში XX საუკუნის დასაწყისში კიდევ იყო შემორჩენილი ზოგიერთი გაუყრელი ოჯახი. ჩიგოეების ერთ-ერთი ასეთი ოჯახი შედგებოდა 21 სულისაგან და აერთიანებდა სამ თაობას. ოჯახის უფროსის ტეტისა გარდაცვალებამდე გაუყრელად უცხოვრიათ მის შვილებს: ხახას, ჭირგოლს და იაკობს, რომელთაგან ხახას ჰყოლია ოთხი შვილი (ადამა, თაბი, სოსიკა, პაულე), ჭირგოლს — ორი (ალექსი, ნიკოლა), ხოლო იაკობს სამი, რომლებიც კახეთში გადასახლებულან (ამათი სახელები ვერ დავადგინეთ). ძებისოვების ერთ-ერთი ოჯახი, რომელსაც ჭერძაალ, ხოლო მისი სიკვდილის შემდეგ მისი შვილი ხამირზა მეთაურობდა, გაყრილა მაშინ, როდესაც ძაალ გარდაცვლილი იყო, მეხუთე თაობა ფეხს იდგამდა და ერთ ქერქვეშ 22 სული ცხოვრობდა. ამ ოჯახში პირველი თაობის წარმომადგენელი იყო ძაალ, მისი შემცვლელი შვილი ხამირზა ჰეორე თაობას ეკუთვნოდა, ხამირზას შვილები (მალხაზ, ნიკო, ტატო) მესამე თაობას, მეოთხე თაობის წევრებად გვევლინებიან მალხაზის შვილები (ლადიმერ, ჩერქეზ, გუძი, დანოზ), კოლა ნიკოს ძე და ტატოს შვილები (ლაფერ, ფირუზ, გენო). ხოლო მეხუთე თაობის წარმომადგენელი იყო ვასო ლადიმერის ძე.

ასეთივე შემადგენლობის ოჯახები აღეწერეთ ქსნის ხეობის შუა ზოლშიც, სახელდობრ, იკოთ-ლენინგორის მომიჯნავე სოფლებში. მაქსიმე კონსტანტინეს ძე ტიგიევის (დაბად. 1900 წ.) ცნობით, სოფ. ქაშაში სამ თაობამდე გაუყრელად უცხოვრია მათ ოჯახს, რომელიც ითვლიდა 18 სულს. უფროსი თაობის წარმომადგენლები იყვნენ ძმები ქუცა და ხიხი. ქუცას შვილი იყო დათიკო, რომელსაც ჰყავდა ოთხი ვაჟი და ორი ქალი. ხიხის ჰყავდა კონსტანტინე და შაქრო, გაყრის წინ კონსტანტინეს ჰყოლია კოლა, მაქსიმე, ვასო, მიხა და არტემა, ხოლო შაქროს — ორი შვილი.

სოფ. ახალდაბაში გაუყრელად უცხოვრიათ ბიძაშვილებს — ხათა და არჩუანა კიბილოვებს. არჩუანა უშვილო ყოფილა, ხოლო ხათას ჰყავდა სამი შვილი (სანდრო, მირმანა, ხაბი), სამივე ცოლშვი-

ლიანი. გაყრის მომენტში (1920 წელს) ოჯახში ირიცხებოდა 28 სული. სოფ. შორბედანში ქასოშვილების ოჯახი გაყრის წინ ითვლიდა 54 სულს. ლაფერ იოსების ძე ქასოშვილის ცნობით, ამ ოჯახში პდგარა 12 აყვანი, ხოლო სამი თაობა მისი ძირითადი წევრებით ასე წარმოგვიდგება: პირველი თაობა: ლექსა და მისი ძმა ბიძინა. მეორე თაობა: ვანკა, იოსება, მინა (ლექსას შვილები); კოტე, პავლე, სოლო-პონა, ყარაშანა, ნიკო (ბიძინას შვილები); შუამე თაობა: ანდრო, მარტია, პეტრო (ვანკას შვილები); იაგორა, ციცი (მინას შვილები); გიძი-ლა, საბა, იაკობა (პავლეს შვილები).

ოჯახის შემადგენლობის დასაღგენად საყურადღებოა სოფ. ზემო როკაში (დიდი ლიახვის სათავეები) ჩაწერილი მასალა ჭიქაევების შესახებ. გაბილა ანდის ძე ჭიქაევის (დაბ. 1876 წ.) ცნობით. ზემო როკაში ჭიქაევი მხოლოდ ერთი კომლია, რომელიც გადმოსახლებულა სოფელ ჯომალიდან არახელსაყრელი სამეურნეო პირობების გამო. ჯომალში ყოფნის დროს, დაახლოებით 1906 წლამდე, ჭიქაევების ოჯახი, რომლის ერთ-ერთ ნაწილსაც წარმოადგენდა როკაში ჩამოსახლებული ოჯახი, 47 სულისაგან შემდგარ გაუყრელ ერთეულს შეადგენდა. მისი პირველი თაობის წარმომადგენლები იყვნენ ძმები ანდი და ნიკო თავიანთი ცოლებით. მეორე თაობას შეადგენდნენ ანდისა და ნიკოს შვილები და ჩძლები. ანდის ჰყავდა ექვსი შვილი: გაბილა. ეასო, გრიგოლ, კოლა, სერგო და ძოცუა, ხოლო ნიკოს ხუთი შვილი: საჩინო, გიორგი, ვალოდია, აქიმ, ივანე. ყველა მათგანი გაყრამდევე ყოფილა დაცოლშვილებული. ამის მიხედვით გამოდის, რომ მეორე თაობის შემადგენლობაში გაერთიანებული იყო 11 მამაკაცი და 11 ღედაკაცი (ჩძლები). ამათთან ერთად მთხრობელს მხედველობაში ჰყავდა მეორე თაობის წარმომადგენელთა შთამომავლობა, რომელთა სახელების ჩამოთვლა მან ვერ შეძლო, მაგრამ აღნიშნა, რომ გაყრის წინ ოჯახი აერთიანებდა 47 სულს. მას არც იმის თქმა დაეიწყებია, რომ ოჯახიდან გამოდიოდა 10-12 მთიბელი, რაც ერთხელ კიდევ მიგვიითიბებს ოჯახის სიდიდეზე.

ამგვარი ოჯახის არსებობის მაჩვენებელია აგრეთვე სოფ. ქვემო როკაში ფიქსირებული მასალა. კოლა პავლეს ძე პლიევის (დაბად. 1901 წ.) გადმოცემით, ქურთათის ხეობის სოფ. კორაში (ჩრდილო ოსეთი) გაუყრელად უცხოვრია ოთხ ძმას, რომელთაგან მთხრობელმა სამი ძმის სახელი (ბებელ, ესე, ყებელ) გაიხსენა. მათ ერთხანს კვლავ ერთ დიდ ოჯახად უცხოვრიათ ზემო როკაში, ხოლო შემდეგ ოთხად გაყრილან და სხვადასხვა ადგილას დასახლებულან. თითოეული მათგანის შთამომავლობას შეუქმნია პატრონიმული უბანი. ამათ-

ვან ცნობილია, მაგალითად, შუა როკაში ეს იანთ უბანი, სადაც ცხოვრობდნენ ესეს შთამომავლები. ერთ-ერთ ქედზე დღემდე დგას ცალ მხარეზე ჩამონგრეული კოშკი ირგვლივ არსებული ნასახლარებით, რომელსაც ეწოდება ყონიათა (ყებელისა და მისი მოღგმის სამოსახლო) და ა. შ.

იმავე მთხრობელმა გაგვაცნო დიდხანს გაუყრელად მცხოვრები ოჯახის შემადგენლობა, რომლის ერთ-ერთი წევრიც თითონ იყო. ეს ოჯახი შედგება სამი თაობისაგან.

პირველი თაობის წარმომადგენლები იყვნენ გაცა და მისი მეუღლე. მათი შვილები (პავლე, გუძა და პეტრე) შეადგენდნენ მეორე თაობას. რაც შეეხება მესამე თაობას, ამაში გაერთიანებული იყვნენ პავლეს შვილი კოლა, გუძას შვილები (იასონ, გრაფ, ყასფოლ) და პეტრეს შვილები (ბაგრატ, დავით, ეფიმ, გიგო). მთხრობელს აქ აღარ დაუსახელებია მცირეწლოვანი ბავშვები (ე. ი. მესამე თაობის წევრთა შვილები), რომელთა სახით ოჯახში ფეხს იდგამდა და იზრდებოდა მეოთხე, თაობა.

ოჯახის შემადგენლობის შესწავლისათვის საინტერესოა გადმოცემა თომაეებისა და ძერანოვების შესახებ, რომელიც სოფ. ზემო როკაში ჩაგვაწერინა 1898 წელს დაბადებულმა თოთირ ნიკოლოზის ძე თომაემა, ხოლო შუა როკაში 1891 წელს დაბადებულმა ნესტორ გიორგის ძე ძერანოვმა.

როგორც გადმოცემიდან ჩანს, თომა და ძერან ყოფილან ძმები, რომლებსაც თავდაპირველად უცხოვრიათ ჩრდილო ოსეთში, ქურთათის ხეობის სოფ. კორაში. მთხრობლის ცნობით, ისინი ყოფილან უზდენები¹ და ქურთათის თემში საკმაოდ დიდი პრივილეგიებით

¹ მთხრობლების მიერ ამ ტერმინის ხმარება შემთხვევითი არ არის. „უზდენი“ („უზდან“) ოსურად ნიშნავს „ეტილშობილს“. ასეთი „ეტილშობილი გერები“ („უზდან შიგვავ“), რომლებიც თავისი სოციალური მდგომარეობით (ქონებით, ძალაუფლებით) რიგით მეთემებზე მაღლა იდგნენ და ფეოდალობისაკენ მიისწრაფვოდნენ, ოსეთის მთიანეთის ყველა ძირითად ხეობასა და საზოგადოებაში იმყოფებოდნენ. როგორც ოსეთის ისტორიიდანაა ცნობილი, სოციალური დიფერენციაციის მხარე ეს ხეობები ერთმანეთისაგან განსხვავდებოდნენ. გვიანი შუა საუკუნეების თავჯერსა და დღევანდელი ფეოდალიზაციის პროცესში უფრო გამოკვეთილი სახე მიიღო, ეიღვე ქურთათისა და ალაგირის ხეობებში (იხ. История Северного Кавказа АССР, Москва, 1959, стр. 92—100), მაგრამ ერთდროვანი საზოგადოება არც ამ ხეობებში ყოფილა და სოფლის თემის შიგნით სოციალური დიფერენციაციის პროცესი მათთვისაც იყო დამახასიათებელი. ქურთათის ხეობის იმ გვართა რიგებში, რომლებიც სოფლის თემის ჩრველეს და ფეოდალური ურთიერთობის განვითარების პირობებში თავისი ძლიერებითა და უფლებებით რიგით მეთემებზე მაღლა დგე-

სარგებლობდნენ, მაგრამ რაღაცა მიზეზის გამო კორადან გადმოსახლებულან საქართველოში და დამკვიდრებულან ზემო როკაში, რომელიც მაშინ არ ყოფილა დასახლებული. თუ ამ გადმოცემას დაეჭვრება, ეს მომხდარა სამი საუკუნის წინათ. აქ მათ აუშენებიათ ხუთსართულიანი კოშკი და ციხე-სახლი. ეს კოშკი დღემდე შემონახულია მის ირგვლივ არსებული საბლების ნანგრევებით. ბოლო დროს მას დაატარონებია რუსეთის ჯარის ოფიცერი მახამათ თომაევი, რომელიც რუსების წინააღმდეგ აჯანყდა 1850 წელს.

ამ კოშკის აშენებისა და კოშკთან მდგარ ციხე-სახლში რამდენიმე ხანს ცხოვრების შემდეგ თომა და ძერანი გაყრილან. ვრცელ ტერიტორიაზე ცხოვრების გამო მათ გასაყოფი არაფერი, ჰქონიათ, თომა დარჩენილა იქვე, ხოლო ძერანი მის ქვემოთ ჩამოსახლებულა. ისინი, აქაც ცდილან უზღენობის შენარჩუნებას, მაგრამ მიზნისათვის მიუღწევია თომას, ვინაიდან ის გამხდარა მაჩაბლების მოურავი. ამასთან ერთად, თომას, შთამომავლობას საქორწინო კავშირი შეუნარჩუნებია ქურთათის ხეობის უზღენურ გვარებთან, რასაც დიდი როლი უთამაშია მათი პრივილეგიის დაცვაში. ძერანის შთამომავლობას ვერც მაჩაბლებთან კავშირი მოუხერხებიათ და ვერც საქორწინო ურთიერთობის გაგრძელება თავიანთ ადრინდელ მეზობლებთან. რის გამო ისინი მაჩაბლების მოღალენი გამხდარან. მაჩაბლები ცდილან თომაეების დაბეგვრასაც, ერთხანს ეს განუხორციელებიათ, მაგრამ მათი დამორჩილება ბოლოს მაინც ვერ მოუხერხებიათ. მთხრობლებს ამის ერთ-ერთ მიზეზად ისიც მიაჩნიათ, რომ თომას შთამომავლობა გამოირჩეოდა ეპეკაციობითა და სიმრავლით. ძირითად ფაქტორად კი მაინც თვლიან მაჩაბლებთან მათ დაახლოებას და ქურთათის ხეობის უზღენებთან საქორწინო კავშირს. როგორც მთხრობელმა აღნიშნა, ჩრდილო ოსეთიდან გადმოსახლებული კაცი, ის გინდ უზღენიც რომ ყოფილიყო, ახალ სამოსახლო თემში (ამ შემთხვევაში დიდი ლიახვის სათავეებში) გლეხის უფლებით მკვიდრდებოდა და ის ამ მდგომარეობაში რჩებოდა, თუ კი ვერ მონახავდა საიმედო სოციალურ საყრდენს თავისი უფლებრივი მდგომარეობის გასაზრდელად. ე. ი. კავშირს ქართველ თავადაზნაურობასთან. აღნიშნული ვითარება ნაშლად გამოვლინდა თომაეებისა და ძერანოების მაგალოზე, რომლებიც, თავდაპირველად ერთნაირი სოციალური მდგომარეობის მიუხედავად, საქართველო-

ბოდნენ, იყოფებოდნენ თომაეები და ძერანოები. მათი ასეთი პრივილეგიური მდგომარეობა ჰქონდათ მხედველობაში მთხრობლებს. როდესაც ამ გვარებს უზღენები უწოდეს.

ში დამკვიდრების დღიდან განსხვავებულ მდგომარეობაში აღმოჩნდნენ. ამან თავისი გამოხატულება პოვა კოშკების სიმრავლესა და თავდაპირველი კოშკის დასაყუთრებაში. მთხრობლების გადმოცემით. თომას და ძერანის მიერ აშენებული ხუთსართულიანი კოშკის თომას ხელში მოქცევა განაპირობა თომას მიერ თავიდანვე მოპოვებულმა პრიორიტეტმა. მათივე განმარტებით, შემდგომში თომას შთამომავლობის გაძლიერებას მათ მიერ უზდენობის შენარჩუნებასთან ერთად, საფუძვლად დაედო გამრავლება და მეტი კოშკების აშენება. ბოლო დროისათვის თომაეეების სახელზე ყოფილა ექვსი კოშკი, ხოლო ძერანოეებს ჰქონიათ სამი.

ოჯახის შემადგენლობის გასარკვევად გადმოცემიდან განსაკუთრებით საყურადღებოა ის მასალა, რომელიც შეეხება თომაეეებისა და ძერანოეების პატრონიმიულ ერთეულებს. თომაეეების ძველ პატრონიმიულ გაერთიანებებად მთხრობლებმა დაგვისახელეს თომათა, ბუძითა და ცარანთა, ხოლო შემდგომ წარმონაქმნებად გვესახება დოხწყუყოთა, ალხასთა და მახამათა, რომლებიც არსებობას ინარჩუნებდნენ XIX საუკუნეში. რაც შეეხება ძერანოეებს, მათი ნათესაური გაერთიანებებიდან აღსანიშნავია ბოლათა, ბურათა და გაგკოთა.

თითოეულ პატრონიმიას, რომელიც აერთიანებდა რამდენიმე დიდსა და პატარა ოჯახს, ჰქონდა თითო კოშკი. შავალითად, გაგკოთაში შედიოდა ექვსი ოჯახი. რაც შეეხება პატრონიმიის სახელწოდებას, როგორც ყველგან, აქაც მას საფუძვლად უძევს პიროვნების (ეპონიმის) სახელი. ძერანოეების პატრონიმიებში ასეთ ეპონიმებად გვესახებიან ბოლა, ბური და გაგკო, ხოლო თომაეეებში ასეთებად გვევლინებიან თომა, ბუძი, ცარან (ძველი ფენა); დოხწყუყო ალხასთ, მახამედ (ახალი ფენა).

რამდენადაც ჩვენთვის პირველ ყოვლისა საინტერესოა ოჯახის შემადგენლობის ცოდნა კონკრეტული მონაცემების საფუძველზე, აქვე გვინდა შევნიშნოთ, რომ მახამედი იყო თომაეეების ერთ-ერთი იმ დიდი ოჯახის მეთაური, რომელშიც შედიოდა ოთხი თაობა. თუ მახამედი და მისი მუდლლე პირველი თაობის წარმომადგენლები იყვნენ, მათი შვილები — კებო და ტურა თავიანთი ცოლებით ეკუთვნოდნენ მეორე თაობას. მესამე თაობის სახით ოჯახში იყვნენ კებოს შვილი გრაგოლი და ტურას შვილები (ნიკოლოზ, ივანე, მიშა, ილას). მეორე თაობიდან კი აღსანიშნავია ნიკოლოზის შვილები (თოთირ, ვიორგა, ბაგრატი), ივანეს შვილები (რუთენ, ბათირ,?) და მიშას შვილები (ფედერ და ვაზბი). ოჯახის გაყრის მომენტში ილასი უცოლო ყოფილა. ოჯახის გაყრამდე გარდაცვლილან პირველი თაობის წარ-

პომადგენლები; აგრეთვე ქებო, ტურა და ტურას შვილი ნიკოლოზი. თუ ამ პირებს ოჯახის საერთო რაოდენობას გამოვაცლებთ, მაგრამ სამაგიეროდ დაუმატებთ რძლებსა და ქალებს, რომლებიც აქ არ ჩამოგვითვლია, დავრწმუნდებით, რომ ეს ოჯახი დიდი იყო არა მარტო თაობათა რაოდენობით, არამედ რიცხოვრებით შემადგენლობითაც.

ოჯახის შემადგენლობის შესწავლისათვის საინტერესო მასალა მოგვაწოდეს სოფ. ზემო ზღუბირში. გიგო ალიკის ძე ხანიკიევისა (დაბად. 1883 წ.) და ხიკოლოზ გიორგის ძე ჭათიევის (დაბად. 1913 წ.) ცნობით, აქ 1920 წლამდე გაუყრელად უცხოვრია ხანიკიევის ერთ-ერთ ოჯახს, რომელსაც ჭერ ხელმძღვანელობდა დალისტან (ზღუბირელი ხანიკიევის მეოთხე თაობის წარმომადგენელი; ეპონიმის სახელა?, ამის შემდეგ მოდიან დაკო→დარი→დალისტან→ალიკ→გიგო→სოსლან→ჰამად), ხოლო შემდეგ მისი უფროსი შვილი ალიკ. ალიკთან ერთად ცხოვრობდნენ მისი ძმები: გის, ხადო, გაბიე და ბიმბოლ ალიკს გაყრამდე ჰყავდა ოთხი ვაჟი (დანელ, ლადო, მუხტარ, გიგო) და ოთხი ქალი, გის—სამი ვაჟი (ნიკა, სერგი, ვასკა) და სამი ქალი, გაბიეს—ოთხი ვაჟი (სამსონ, კოლა, შამილ. ასჯრ) და სამი ქალი, ხოლო ბიმბოლს—ორი ვაჟი (აბდულ, ?) და ოთხი ქალი. ოჯახში გაყრამდე ფეხი აიდგა მეოთხე თაობამაც. ესენი არიან ლადი ალიკას ძის შვილები (სიმონიკა და ჭოკა), მუხტარ ალიკას ძის შვილები (ურუნმაჯი, რუსლან და ორი ქალი) და გიგო ალიკას ძის შვილები (კოსტა, ლევან, სერჯი, ვასალ, სოსლან, ჭავერ და ერთი ქალი). გარდა ამისა, გის ჰყოლია სამი შვილიშვილი, ხოლო გაბიეს 15 შვილიშვილი.

სოფ. ედისში ჩაწერილი მასალებას მიხედვით, ერთად ცხოვრობდნენ ბაი ბეგიზოვი, მისი ოთხი ვაჟი (ძიგა, დრის, ვანო და ქამის) თავიანთი ცოლებითა და შვილებით. ეს ოჯახი ნელ-ნელა დაყოფილა მისი წევრების სხვადასხვა ადგილას გადასახლების გამო. ამავე სოფელში დაგვისახელეს ძესოვების ოჯახი, რომელთაც აერთიანებდა სამი ძმის შვილებსა და შვილიშვილებს და რომლიდანაც გამოდიოდა 12 მთიბელი.

გაუყრელად ცხოვრების ტრადიცია ჩვენს ეპოქამდე იყო შემონახული სოფ. შუა ერმანში (ერმანი ლიპავის ხეობის სათავეებში ყველაზე მალე მდებარეობს. ზღვის დონიდან ის 2240 მეტრზეა), რაც კარგად ჩანს ფარნიეების ოჯახის მაგალითზე. აქ ერთად უცხოვრიათ ძმებს: ციკვა, დიმიტრი და ამბროზი ფარნიეებს. ციკვა და ამბროზი დაიღუპნენ პირველ მსოფლიო ომში. ამბროზის შვილი არ დარჩენია. სამაგიეროდ ციკვას დარჩა ერთი შვილი ნიკალა. ასეთი მდგომარეობის გამო, მამაკაცებიდან ოჯახს შემორჩნენ დიმიტრი და მისი ძმისწული

ნიკალა. გაყრამდე დიმიტრის ჰყავდა ორი ვაჟი (ფილია, ილო) და ოთხი ქალი, ხოლო ნიკალას ორი ვაჟი (აგობე, ბეჩიზა) და სამი ქალი. გაყრამდე (1958 წელს გაიყარნენ) დიმიტრის ვაჟებიდან ფილიას შესძენია სამი ბიჭი (მაირბეგ, ურიზმაგ, ხაჭუმარი) და სამი ქალი. სულ ოჯახი ითვლიდა 22 სულს, მაგრამ აქ საყურადღებოა არა იმდენად ოჯახის რიცხოვნობა, არამედ პირველ ყოვლისა ის, რომ ოჯახი საბჭოთა ხელისუფლების პირობებშიც ინარჩუნებდა გაუყრელად ცხოვრების მამაკაპურ ტრადიციას.

დიდი ლიახვის ხეობაში ჩაწერილ მასალას, რომლის მცირე ნაწილიც ზემოთ წარმოვადგინეთ რამდენიმე ოჯახის მაგალითზე, თავისი შინაარსითა და მნიშვნელობით ეხმაურება პატარა ლიახვის ხეობაში მცხოვრები ოსების შესახებ შეკრებილი ფაქტობრივი მონაცემები. ერთი-ორი საილუსტრაციო ფაქტის გადმოცემის მიზნით აქ შეიძლება გავეცნოთ ბოლოთავეების ოჯახს სოფ. შუაცხვირში. რომელსაც მეტათურობდნენ იბა და მისი მეუღლე. მეორე თაობას შეადგენდნენ მათი შვილები: ჯიბრაილ, ტატე, როსებ და გასი. მესამე თაობის წევრებად გვესახებიან ჯიბრაილის შვილები (იასე, ბარძიმ, მუთი), როსებას შვილები (ნიკა, გიორგი) და გასის შვილი სიკო. ტატეს ხუთი ქალი ჰყავდა. გაყრის მომენტისათვის ოჯახში იწყებოდა მეოთხე თაობის განვითარებაც, რამდენადაც იასეს (ჯიბრაილის ვაჟს) ჰყავდა ერთი ვაჟი და ორი ქალი. მესამე თაობის დანარჩენი წევრებიდან ცოცხალი იყო მხოლოდ ბარძიმ ჯიბრაილის ძე.

1920 წელს გაყრილა ბოლოთავეების მეორე ოჯახი, რომელიც შედგებოდა 30 სულისაგან და მოიცავდა ოთხ თაობას. თუ პირველ თაობას ეკუთვნოდნენ თედო და მისი მეუღლე მელი, მათი შვილები: გიგო, ქარუმა, თასულ, ვაზნო (დაბად. 1869 წ.). მიტა და ოთხი ქალი იყვნენ მეორე თაობის წევრები. მესამე თაობას შეადგენდნენ: გიგოს შვილი შაქრო, ქარუმას შვილები (ილიკო, გივარგა, ალექსი და ორი ქალი), თასულას შვილები (ლენტო, ნიკალა, მელექო, მიშა და ორი ქალი), ვაზნოს შვილები (რადეი, გრიშა, ერეკლე და სამი ქალი) და მიტას შვილი (?), რომელიც ომში დაიკარგა. მეოთხე თაობიდან აღსანიშნავია ილიკო ქარუმას ძის ერთი ბიჭი და შაქრო გიგოს ძის ერთი ქალი. მესამე თაობის დანარჩენი წევრები უცოლ-შვილონი იყვნენ.

პატარა ლიახვის ხეობის ოსთა შორის დიდ ოჯახებად ცხოვრების წესს დიდხანს ინარჩუნებდნენ აგრეთვე ჩოჩიელები, ვალიელები, ქუნდუხოვები და მრავალი სხვა, მაგრამ ადგილის სიმცირის გამო მათ შესახებ აქ სიტყვას აღარ გავაგრძელებთ. ამავე მიზეზით გვერდს უვლით თრუსოს ხეობის მასალების დაწვრილებით განხილვას და ვკან-

ძირითადად ასეთი ხასიათისაა სავლელ ეთნოგრაფიული მასალა. რომელიც გვაცნობს გადმონაშთური ფორმით შემორჩენილი საოჯახო თემის შემადგენლობას. ჩვენ მიერ შეკრებილ მასალასთან ერთად საყურადღებოა რევოლუციამდელი და საბჭოთა ლიტერატურა, რომელიც მეტ-ნაკლები სისრულისა და მნიშვნელობის მქონე ცნობებს გვაწვდის ოჯახის შემადგენლობაზე. ამ მხრივ აღსანიშნავია ერთი მხრივ, სხვადასხვა დროის სტატისტიკური მონაცემები, რითაც ვეცნობით ამა თუ იმ სოფლის კომლთა რაოდენობას და სულადობას. ხოლო. მეორე მხრივ, ოსი, რუსი და უცხოელი ავტორების ცნობები. სტატისტიკურ მასალებში არ არის მოცემული ცალკეული ოჯახების აღწერილობა, მაგრამ რამდენადაც სოფლის კომლთა და სულთა რიც-

сравнительном освещении. I, Москва, 1886, стр. 72—74; К. Хетагуров, Быт горных осетин, Сталинград, 1939, стр. 5—11; И. Кануков, В осетинском ауле, ССКГ, вып. VIII, Тифлис, 1875, стр. 2—3; Н. Дмитриев, Переход через Рокский и Мамисонский перевалы, СМОМПК, вып. XX, Тифлис, 1894, стр. 20—21; К. Ган, По долинам Чорока, Уруха и Ардона, СМОМПК, вып. XXV, Тифлис, 1898, отд. I, стр. 29—30; А. Росскова, В горах и ущельях Куртатин и истоков реки Терека, ЗКОИРГО. кн. XVI, 1894, стр. 326, 350; Ф. Красильников, Кавказ и его обитатели, Москва, 1919, стр. 29; Г. Чурсин, Осетины, Тифлис, стр. 15—20; А. Кавказов, Жилище северо-кавказских горцев, жур. «Советский Северный Кавказ», 1930, № 2; Е. Пчелина, Дом и усадьба нагорной полосы Юго-Осетии, УЗИЭНКНВ, II, Москва, 1930; Л. Семениов, Археологические разыскания в Северной Осетии, ИСОНИИ, XII, Орджоникидзе, 1948, стр. 211 და შმდ.; Г. Кокиев, Боевые башни и градительные стены Горной Осетии, ИЮОНИИК, II, Сталинград, 1935; М. Илин, Древнейшие типы жилищ Закавказья, СИИТА, V, Москва, 1946, стр. 20—21; Н. Такоева, Из истории осетинского горного жилища, СЭ, 1952, № 3; С. Крингер, Архитектура горных селений Северной Осетии, АН, Москва, 1953, № 3; И. Теплицкий, Н. Цагаев, Памятники материальной культуры Северной Осетии, Орджоникидзе, 1963; А. Магомедов, Культура и быт осетинского крестьянства, Орджоникидзе, 1963, стр. 87—112; Л. Чибиров, Основные типы жилищ дореволюционной Юго-Осетии, ИЮОНИИ, XI, Цхинвали, 1962; მისივე, Очаг осетинского жилища, მსე, XII—XIII, თბილისი, 1963; Б. Тотров, Семья и семейный быт крестьян Юго-Осетии в конце XIX — начале XX вв, Тбилиси, 1963, მანქანაზე დაბეჭდილი, გვ. 150—165, ინახება საქართველოს სსრ მეცნიერებათა აკადემიის ივ. ჯავახიშვილის სახ. ისტორიის, არქეოლოგიისა და ეთნოგრაფიის ინსტიტუტის ბიბლიოთეკაში; Б. Калоев, Осетины (историко-этнографическое исследование), Москва, 1967, стр. 130—142: და სხვა.

სვის მიხედვით ოჯახის საშუალო ზომის დადგენა მინც ხერხდება, ასეთი ხასიათის მონაცემების გათვალისწინებაც საჭიროდ მიგვაჩნია.

XIX საუკუნის სტატისტიკური მასალებიდან საყურადღებოა ოსეთის სასულიერო კომისიის მიერ 1852 წელს ჩატარებული აღწერა, რომლიც გაცნობის მიზნით შეიძლება დავასახელოთ ოსებით დასახლებული ზოგიერთი სოფელი. ქსნის ხეობის სოფ. ჯანგათკარში აღრიცხულია ცხრა კომლი (72 სული), ხოლო სოფ. დორეთკარში შვიდი კომლი (49 სული). თრუსოს ხეობის სოფლებიდან აბანოში უცხოვრია 21 კომლს (178 სულს), დესში რვა კომლს (64 სულს), ბურმასიკში ორ კომლს (23 სულს), ქარათყაევში 11 კომლს (99 სულს). დიდი ლიახვის ხეობის სოფ. ჯავაში ნაჩვენებია 16 კომლი (159 სული), თლიში 17 კომლი (136 სული), ედისში 19 კომლი (133 სული); პატარა ლიახვის ხეობის სოფ. ქვემო ვანათში აღრიცხულია 17 კომლი (182 სული), შუა ვანათში რვა კომლი (76 სული), ქვემო ვანათში რვა კომლი (71 სული), აწრისხევში 16 კომლი (132 სული) და ა. შ.⁶ ასეთი მონაცემების მიხედვით სოფ. ჯანგათკარში ერთ კომლზე საშუალოდ მოდის რვა სული, დორეთკარში შვიდი სული, დესში რვა სული, ბურმასიკში 11 სულზე მეტი, ქარათყაევში ცხრა სული, ჯავაში ათი სული, თლიში რვა სული, ედისში შვიდი სული, ქვემო ვანათში ათ სულზე მეტი, შუა ვანათში ცხრა სულზე მეტი, ზემო ვანათში ცხრა სული, ხოლო აწრისხევში რვა სულზე მეტი.

დაახლოებით ასეთივე სურათი გვეხატება 1886 წლის საკომლო სიების მიხედვით. იმდროისათვის ქსნის ხეობის სოფ. ჯანგათკარში ოჯახში საშუალოდ იმყოფებოდა 11 სულზე მეტი (10 კომლი, 118 სული), დორეთკარში ოჯახის საშუალო სიდიდე აღწევდა ცხრა სულს (ექვსი კომლი, 54 სული), ქურთაში ერთ ოჯახზე მოდიოდა 12 სული (შვიდი კომლი, 84 სული) და ა. შ.⁷

5. ნიკიფოროვის გამონაგარიშებით, XIX საუკუნის 70-იან წლებში ოსის ოჯახში საშუალოდ ცხოვრობდა 7,44 სული, მაშინ, როდესაც ქართელის (იჯულისხმება ქართლელი — ვ. ი.) ოჯახი შედგებოდა საშუალოდ 5,85 სულისაგან, ხევსურისა — 4,98, ფშავლისა — 5,42, მოხევისა — 7,36, გუდამაყრელისა — 7,86, მთიულისა — 7,22, ინგუშისა — 6,51, ხოლო სომხისა — 5,83 სულისაგან⁸.

⁶ История Юго-Осетии в документах и материалах (составитель И. Ц х о в е б о в), II, Сталинир, 1960, стр. 91—99.

⁷ Свод статистических данных о населении Закавказского края, извлеченных из посемейных списков 1886 г. Тифлис, 1893. ამ წიგნს პავინციო არა იქვს და გეერდს ამიტომ ვერ ვუთითებთ.

⁸ Н. Н и к и ф о р о в, Экономический быт государственных крестьян Душетского уезда, Тифлисскіи губернии, МИЭБГКЗК, т. V, ч. II, Тифлис, 1887, стр. 11.

იმდროინდელი ოსეთის (ჩოჩისა და ბარის) სტატისტიკური მონაცემების მიხედვით ე. მაქსიმოვსაც აღნიშნული აქვს, რომ ოსის ოჯახი საშუალოდ შედგებოდა 7,8 სულისაგან, მაშინ, როდესაც ყაზახის ოჯახში საშუალოდ 5,8 სული მოდიოდა. ასეთი მაჩვენებლების საფუძველზე ე. მაქსიმოვი დაასკვნის, რომ სხვებთან შედარებით ოსები ნაკლებად იჩენდნენ გაყრისაკენ მიდრეკილებას, რაც მისი დაკვირვებით, იქადასაც კარგად ჩანს, რომ ერთი გვარის მჭონე რამდენიმე ოჯახი ერთ სახლში ცხოვრობდა, ხოლო ახალშეუღლებულთათვის ამ სახლის ირგვლივ აშენებდნენ ახალ სახლებს⁹.

როგორც ვხედავთ, ე. მაქსიმოვმა ოსთა ყოფაში დაინახა გაუყრელად ცხოვრებისადმი მიდრეკილება და ციფრობრივ მონაცემებთან ერთად დასახლების ფორმაზე დაკვირვებით დაადგინა რამდენიმე საქორწინო წყვილის ერთად ცხოვრების წესი საოჯახო ურთიერთობის ისეთ საფეხურზე, როდესაც გადმონაშთური ფორმით XIX საუკუნეში არსებული დიდი ოჯახი იშლებოდა და ერთი სახლიდან გამოყოფილი ოჯახებმა იქვე დასახლებით იქმნებოდა პატრონიმიული უბანი. ზემოთ მოყვანილი სხვა ციფრობრივი მონაცემებიც აშკარად მიგვითითებენ იმაზე, რომ ოსების საოჯახო ყოფისათვის დამახასიათებელი იყო მრავალსულიანობა. ამ მხრივ ოსის ოჯახი უფრო ანლოს იდგა მოხვევის, გუდამაყრელისა და მთიულის ოჯახთან, რაც სრულიად ბუნებრივად გვეჩვენება, ვინაიდან როგორც ოსები, ისე აქ დასახლებული ქართველი მთიელები ხსენებულ ეპოქაში ჭერ კიდევ ინარჩუნებდნენ გაუყრელად ცხოვრების წესს, რამაც უსათუოდ განსაზღვრა ოჯახის საშუალო მაჩვენებლების სიდიდეც.

თუ სტატისტიკური მასალებით შესაძლებელია გავეცნოთ ოჯახის საშუალო სიდიდეს, სამაგიეროდ ცალკეული ავტორები უფრო ნათელ წარმოდგენას გვაძლევენ ეთნოგრაფიული მონაცემების მიხედვით. ამ საკითხით დაინტერესებულ XIX საუკუნის ოს ავტორთაგან აქ შეიძლება დავასახელოთ კ. ხეთაგუროვი, ს. კოკიევი და ა. ცალაგოვი.

თავის მშობლიურ ნარის თემში პირადი დაკვირვების საფუძველზე კ. ხეთაგუროვმა მიუთითა რამდენიმე თაობის გაუყრელად ცხოვრების წესზე და ოსეთის წარსულისათვის დამახასიათებელ მოვლენად წარმოგვისახა 25—30-სულიანი ოჯახის ხშირად არსებობა¹⁰.

⁹ Е. Максимов и Г. Вертепов, Туземцы Северного Кавказа, Владикавказ, 1892, стр. 22. უ ე ნ ი შ ე ნ ა : ამ წიგნში დაბეჭდილია 3 ნაშრომი: «Осетинь», «Кабардинцы» и «Ингуши». ამათგან პირველი და მეორე ეკუთვნის ე. მაქსიმოვს, ხოლო მესამე — გ. ვერტეპოვს.

¹⁰ К. Хетагуров, Быт горных осетин, стр. 29.

ანეთვე ტიპის 40 და მეტსულიანი ოჯახების არსებობა დაამოწმა ს. კოკიევმა ოსეთის მთიანეთში¹¹, ხოლო ბარელ ოსებში გაუყრელად ცხოვრების ტრადიციის შენარჩუნებაზე მიუთითა ა. ცალაგომა¹².

ოსების ყოფით დაინტერესებულ ოსეთში მყოფ უცხო დამკვირვებელთაგან პირველ რიგში შეიძლება დაეასახელოთ შტედერი, რომელმაც 1781 წელს აღნიშნა კომპლექსით გამაგრებულ ქვის ნაგებობებში მცხოვრები ხალხმრავალი ოჯახების არსებობა¹³.

ოსეთის სხვადასხვა კუთხეში რომ ოჯახი აერთიანებდა უახლოესი ნათესავების რამდენიმე თაობას და მასში ირიცხებოდა 20, 40, 60 და თვით 100 სულიც კი, ს. კოკიევის ნაშრომზე დაყრდნობითა და პირადი დაკვირვების საფუძველზე ეს თავის რამდენიმე ცნობილ გამოკვლევებაში აღნიშნა მ. კოვალევსკიმ¹⁴.

მამასთან ცოლშვილიანი შვილების გაუყრელად ცხოვრებისა და რამდენიმე თაობის ერთად ყოფნის წესი ოსეთში ნახეს და აღწერეს სხვა დამკვირვებლებმაც¹⁵, ხოლო ქურთათის ხეობის მაგალითზე მთიელი ოსების პატრიარქალური ყოფის ერთ-ერთ ძირითად ნიშნად ა. როსიკოვამ მიიჩნია დიდ ოჯახებად ცხოვრების წესი. იმ გარემოებას, რომ მისი იქ ყოფნის დროს ზოგიერთ ოჯახში ცხოვრობდა 30—40 სული, მთხრობლების ჩვენების საფუძველზე მკვლევარი ხსნის სახანავი ადგილების ნაკლებობით, რომლის დაქუცმაცება ოჯახების გაყრის შემთხვევაში ახალ გამოყოფილ ოჯახს სულ დიდი ნახევარ დესეტინაზე დასვამდა¹⁶. ა. როსიკოვას აქვე მოჰყავს ციფრები ქურთათის ხეობის სოფლებში მცხოვრები კომლების რაოდენობისა და სულადობის შესახებ; რაც წარმოდგენას გვაძლევს ოჯახის საშუალო შემადგენლობაზე. სოფ. ზიდიკუსში უცხოვრია 68 ოჯახს (703 სულს),

¹¹ С. К о к и е в, Записки о быте осетин. СМЭ, I, Москва, 1885, стр. 77.

¹² А. Ц а л л а г о в, Селение Гизель (или Кизилка), СМОМПК, вып. XVI, отд. I, Тбилиси, 1893, стр. 8.

¹³ Осетины во II половине XVIII века по наблюдениям путешественника Штедера, Орджоникидзе, 1940, стр. 29.

¹⁴ М. К о в а л е в с к и й, Современный обычай и древний закон, I 1886, стр. 68, 99, 100, 310; II, 1886, стр. 25—26; მ ი ს ი ე ვ, Поземельные и сословные отношения у горцев Северного Кавказа, РМ, СПб., 1883, кн. XII, стр. 139.

¹⁵ В. П ф а ф, Материалы для древней истории осетин, ССКГ, вып. IV, Тифлис, 1870, стр. 10; მ ი ს ი ე ვ, Народная право осетин, ССК, I, Тифлис, 1871, стр. 189; К. Г я н, Поездка к верховьям большой Лиахви и Ксанки (летом 1903 г.), СМОМПК, вып. XXXV, отд. I, Тифлис, 1905, стр. 263.

¹⁶ А. Р о с с е н к о в а, დასახ. ნაშრომი, გვ. 318.

ბარსკინში 18 ოჯახს (170 სულს), ძივგისში 25 ოჯახს (362 სულს). დალაგყაუში 54 ოჯახს (536 სულს), გუთიათყაუში ცხრა ოჯახს (79 სულს) და ა. შ.¹⁷ აღნიშნული მონაცემების მიხედვით საშუალოდ სოფ. ხიდიკუსში ერთ ოჯახზე მოდის ათ სულზე მეტი, ხარისკინში ცხრა სულზე მეტი, ძივგისში 14 სულზე მეტი, დალაგყაუში ცხრა სულზე მეტი, ხოლო გუთიათყაუში რვა სულზე მეტი. ასეთი მაჩვენებლები იმის სასარგებლოდ ლაპარაკობს, რომ მთიელი ოსები XIX საუკუნის მიწურულში კვლავ გაუყრელად ცხოვრების წესს მისდევდნენ.

ოსეთის მთიანეთში 30. და მეტი სულის მომცველი დიდი ოჯახების არსებობაზე მიუთითა და ა. როსიკოვას მსგავსად ასეთი ოჯახების გაუყრელობის მიზეზად ვიწრო ეკონომიური პირობები და გაყარის შემთხვევაში გაღარიბების შიში დაასახელა ა. სკაჩკოვმა¹⁸.

რიგ სხვა საკითხებთან ერთად ოსთა საოჯახო ურთიერთობის შესწავლისადმი ინტერესი კიდევ უფრო გაცხოველდა საბჭოთა ხელისუფლების პირობებში. პირველ რიგში აქ შეიძლება დავასახელოთ გ. ჩურსინი, რომელმაც სამხრეთ ოსეთის ეთნოგრაფიისადმი მიძღვნილ გამოკვლევაში მიუთითა გაუყრელად ცხოვრების ტრადიციის დიდხანს შემონახულობაზე და ბევრი ისეთი ოჯახი დაასახელა, რომელთა სულადობა აღწევდა 20, 26, 30, 64 თუ 80 სულს, ხოლო თაობათა რაოდენობა 3—4-ს¹⁹.

ლიახვის ხეობაში 1931 წ. მუშაობის შედეგად ასეთსავე დანკვანამდე მივიდა მ. კოსვენი. რომელიც ოსთა წარსულისათვის დამახასიათებელ მომენტად თელის ისეთი სახლმეურნეობის არსებობას, რა-მელიც 100-მდე სულს ითვლიდა, ხოლო XX საუკუნის დასაწყისისათვის მთიელ ოსთა ყოფაში შემონახული ყოფილა 50-60 სულიანი ოჯახები²⁰.

სამხრეთ ოსეთის მთასა და ბარში XX საუკუნის დასაწყისამდე დიდ ოჯახებად ცხოვრების წესს ხედავს ზ. ვანევეი, რომელმაც აღწერა რამდენიმე ისეთი ოჯახი, რომელიც მოიცავდა 3-4 თაობას და აერთიანებდა რამდენიმე ათეულ სულს. მისი დაკვირვებით, გაუყრელად ცხოვრების ტრადიცია განსაკუთრებით დიდხანს ყოფილა შემონახული მთასა და მთისძირა ზოლში, ხოლო შედარებით ნაკლებად ბარად.

¹⁷ А. Россикова, *დასახ. ნაშრომი*, გვ. 312, 316, 321, 323, 326.

¹⁸ А. Скачков, *Опыт статистического исследования горного уюла*, ТВ, 1905, № 219.

¹⁹ Г. Чурсин, *Осетины*, Тифлис, 1925, стр. 37.

²⁰ М. Косвен, *Из истории родового строя в Юго-Осетии, Этнография и история Кавказа*, Москва, 1961, стр. 5—6.

ამის დასამტკიცებლად მკვლევარი ცალკეული ოჯახების აღწერილობასთან ერთად იმოწმებს სასოფლო საბჭოების საკომლო დავთრებს²¹.

ოჯახის შემადგენლობის შესახებ კიდევ უფრო უხვი და მნიშვნელოვანი კონკრეტული მასალა აქვს შეკრებილი და გენეალოგიური სქემების სახით ჩამოყალიბებული ბ. ტოტროვის თავის საკანდიდატო დისერტაციაში²², ხოლო ჩრდილო ოსეთის ეთნოგრაფიულ მასალაზე დაყრდნობით ა. მაგომეტოვს აღნიშნული აქვს, რომ XX საუკუნის დასაწყისისათვის ოჯახის გაბატონებულ ფორმას წარმოადგენდა პატარა ოჯახი, მაგრამ საბჭოთა ხელისუფლების დამყარებამდე ამასთან ერთად შემონახული იყო 30-40 და მეტსულიანი დიდი ოჯახები. ა. მაგომეტოვის სამართლიანი შეხედულებით, ასეთი ტიპის ოჯახი წარმოადგენდა პატრიარქალური საოჯახო თემის გადმონაშთურ ფორმას²³.

ზემოხსენებულ საკითხს შეეხო აგრეთვე ბ. კალოევი, რომელმაც ლიტერატურულ მონაცემებზე, თავის მიერ შეკრებილ ეთნოგრაფიულ მასალებსა და საარქივო წყაროებზე დაყრდნობით აღნიშნა, რომ XX საუკუნის დასაწყისამდე საოჯახო თემი გადმონაშთური ფორმით ოსეთში ფართოდ იყო გავრცელებული. მისივე მტკიცებით, თვით XIX საუკუნის პირველ ნახევარში, მთიდან ბარში ოსების გადასახლებამდე, ოჯახის ძირითად ფორმას წარმოადგენდა საოჯახო თემი ანუ დიდი ოჯახი. XIX საუკუნის მეორე ნახევრიდან გაბატონებულ მდგომარეობას იკაეებს ინდივიდუალური ოჯახი, ხოლო დიდი ოჯახი არსებობას ინარჩუნებს გადმონაშთის სახით. ბ. კალოევს საარქივო მასალების საფუძველზე გაუყრელად ცხოვრების ფაქტები დადგენილი აქვს XX საუკუნის დასაწყისშიაც²⁴.

ოსეთში გაუყრელად ცხოვრების ტრადიციის დიდხანს შემონახულობის მაჩვენებელია ახალი დროის სტატისტიკური მონაცემებიც. 1917 წლის აღწერით ჩრდილო ოსეთში 11 და მეტსულიანი ოჯახების რიცხვი შეადგენდა მოსახლეობის 14,6 პროცენტს. შემდეგში ასეთი ოჯახების რიცხვმა იკლო, მაგრამ 1926 წლის აღწერით მათი რაოდენობა მაინც აღწევდა 1532-ს მაშინ, როდესაც შედარებით მცირე-რიცხოვანი ოჯახი ყოფილა 27367²⁵.

²¹ З. Ванеев, Из истории родового быта в Юго-Осетии, Тбилиси, 1955, стр. 201—204.

²² Б. Тотров, დასახ. ნაშრომი, გვ. 150—165.

²³ А. Магомедов, დასახ. ნაშრომი, გვ. 133.

²⁴ Б. Калоев, დასახ. ნაშრომი, გვ. 175 და შმდ.

²⁵ Статистический справочник Северо-Осетинской авт. обл.; Владикавказ, 1927, стр. 60—62.

ამგვარად, როგორც ჩვენ მიერ ოსეთის მთიანეთში შეკრებილ რეზოლუციურ დოკუმენტში მასალების, ისე დღემდე გამოქვეყნებული ლიტერატურისა და სტატისტიკური მონაცემების მიხედვით აშკარაა, რომ ინდივიდუალური ოჯახის გვერდით XIX საუკუნეში არსებობდა ისეთი ოჯახიც, რომელიც აერთიანებდა უახლოესი ნათესავების რამდენიმე თაობას და რამდენიმე ათეულ სულს. ასეთი შემადგენლობის ოჯახები წარმოადგენდა საოჯახო თემის გადმონაშთურ ფორმას, რომლის ბუნებას შესწავლისათვის ოსურ მასალას უაღრესად დიდი მნიშვნელობა ენიჭება.

მეორე თავი

ოჯახის ეკონომიური საფუძვლები

მეურნეობის დარგებს ოსეთში განვითარების ისეთივე გრძელი გზა აქვს განვლილი, როგორც ოსების მატერიალურსა და სულიერ კულტურას, ენას და ისტორიას. მეურნეობის განვითარების დონე ოსეთში ისევე ცვალებადი იყო, როგორც ქვეყნის სახელმწიფოებრივი მდგომარეობა. თუ მონღოლების გამოჩენამდე ოსთა წინაპრების საარსებო საშუალებას მთურთან ერთად ბარული მეურნეობაც წარმოადგენდა ცრულ ტერიტორიაზე მათი განსახლების გამო, მონღოლების შემოსევების შედეგად მდგომარეობა არსებითად შეიცვალა. ოსების ისტორიის შემდგომი განვითარება მიმდინარეობდა ცენტრალური კავკასიის მთიანეთში, სადაც ხალხის ძირითად საარსებო საშუალებას ოდითვანვე წარმოადგენდა მესაქონლეობა და მთური მიწათმოქმედება, ხოლო სხვადასხვა ისტორიულ ხანაში დამხმარე წყაროს სახით მეტ-ნაკლები მნიშვნელობა ენიჭებოდა მონადირეობას, მეთევზეობას, შინამრეწველობას, საშოვარზე სიარულსა და ვაჭრობას.

XIX საუკუნის დასაწყისამდე, ე. ი. რუსეთის იმპერიის ფარგლებში კავკასიის მოქცევამდე, ოსები ცხოვრობდნენ ცენტრალური კავკასიონის ჩრდილო და სამხრეთ ხეობებში. ჩრდილო კავკასიის ბარში, ელადიკავკაზისა და მოზდოკის მიდამოებში ოსების მასობრივი დასახლება დაიწყო XIX საუკუნის 20-იანი წლებიდან, იმის შემდეგ, რაც რუსეთის ხელისუფლებამ ამ ტერიტორიაზე ხელი ააღებინა ყაბარღულ ფეოდალებს და ის სახელმწიფო მიწებად გამოაცხადა¹.

¹ Б. С х и т с к и й, Очерки по истории осетинского народа с древнейших времен до 1867 года, ИСОНИИ, т. XI, Дзауджикау, 1947, стр. 149—152; История Северо-Осетинской АССР, Москва, 1959, стр. 162 და შპდ.

ბარად დასახლების შედეგად ოსების სამეურნეო პირობები რამდენადმე გაუმჯობესდა. მთაში მიწების ნაკლებობით შევიწროებულ ოჯახებს შესაძლებლობა მიეცათ ახალ სამოსახლო გარემოში მოჰკიდებოდნენ ფართო მასშტაბის მიწათმოქმედებას და მეურნეობის ეს დარგი გამოეყენებინათ მესაქონლეობის განვითარების ბაზადაც. მთიდან მოსახლეობის ნაწილის ბარად ჩამოსახლება მთაში დარჩენილთა მდგომარეობასაც ამსუბუქებდა, რამდენადაც შეთხლებული მოსახლეობის ხელში გადადიოდა წასულთა ადგილ-მამულები, მაგრამ ოსეთის მთიანეთში არასოდეს არ შექმნილა ისეთი მდგომარეობა, რომ მოსახლეობა სამეურნეო ნაკვეთებით ყოფილიყო დაკმაყოფილებული. სახნავ-სათესი ადგილების უქმარობა ოსეთის მთიანეთში, ისევე როგორც კავკასიის მთიანეთში საერთოდ, წარმოადგენდა რევოლუციამდელი ყოფის ერთ-ერთ ყველაზე მტკივნეულ საკითხს. მთაში ამ მხრივ შედარებით ხელსაყრელი პირობები არსებობდა მესაქონლეობისათვის, რომლის დიდი მასშტაბით განვითარებასაც ხეობებისა თუ სოფლების მიხედვით მეტ-ნაკლებად გააჩნდა ხელშემშლელი მიზეზები, მაგრამ მიწათმოქმედებასთან შედარებით მესაქონლეობის ხვედრითი წონა შედარებით დიდი იყო და ამდენად წამყვანი ადგილიც მას ეკირა. ეს ნათლად ჩანს როგორც ლიტერატურიდან, რასაც ქვემოთ გზადაგზა გავეცნობით, ისე ჩვენ მიერ შეკრებილი მასალიდან, რომელიც ასახავს XIX საუკუნის მეორე ნახევრისა და XX საუკუნის დასაწყისის ვითარებას.

იმისათვის, რომ შეკრებილი ეთნოგრაფიული მასალის მეშვეობით წარმოდგენა ვიქონიოთ მთიელი ოსების სამეურნეო პირობებზე, საჭიროდ მიგვაჩნია მივმართოთ ზოგიერთ კონკრეტულ მაგალითს. ამ მიზნით შეიძლება დავასახელოთ ქურთათის ხეობის სოფ. ლაცში 1967 წლის 24 ივნისს მთხრობლის (მამსურ ძამბოლათის ძე თებიევი, დაბ. 1913 წ.) გადმოცემაზე დაყრდნობით აღწერილი თებიევიების 25-სულიანი ოჯახი (სამი თაობა ერთად), რომლის დოკლათსაც შეადგენდა: ორსართულიანი სახლი, ხუთი-ექვსი დღიური სახნავი, სამი ცხენი (ერთი სამგზავრო, ორი მუშა), ექვსი ხარი, რვა ძროხა და 1000 ცხვარი.

სოფ. ლაცში იმავე დღეს 103 წლის მთხრობელმა ვანო ალექსიანე დულაევმა გვაცნობა, რომ მათ ოჯახს, რომლის შემადგენლობასაც ზემოთ გავუცანით, გააჩნდა ერთი სახლი, შვიდი დღის სახნავი, ერთი საურმე და ერთი სამგზავრო ცხენი, ოთხი ხარი, ხუთი მეწველი ძროხა, 25 სული მოზარდი (ხბო, დეკეული, მოზვერი), 400 სული ცხვარი და თხა.

სოფ. ანდიათიყაუში გაუყრელად მცხოვრები ანდიევეების ქონებას შეადგენდა ოთხი დღის სახნავი საქერე ადგილი, უღელი ხარი, ორი სამგზავრო ცხენი, 20 სული ძროხა და მოზარდი, 500 სული ცხვარი და თხა.

სოფ. ხიდიკუსში ოთხ თაობამდე გაუყრელად მცხოვრები გოჯაევეების 16-სულიანი ოჯახის საკუთრებაში იყო ერთი ორსართულიანი სასლი, 11 დღიური სახნავი, წყვილი ხარი, სამი მოზვერი, ოთხი-ხუთი ძროხა, 15 ცხვარი და 80 თხა.

სოფ. ურიყაუში 1967 წ. 26 იენის ჩაწერილი მასალის მიხედვით (ნებრობელი სოზრიკო ალექსის ძე სიტოხოვი, დაბ. 1902 წ.), სოფ. ხიდიკუსში ცხოვრებისას სიტოხოვების ოჯახს ჰქონდა ერთი ორსართულიანი სახლი (პირველი სართული წარმოადგენდა ბოსელს; მეორე იყო — ხ ა მ ა რ - ი, კ ა ბ ი ც ა ე ნ ე და ოთხი უ ა თ (ოთახი), რომელთაგან ოთახი იყო სასტუმრო-უ ა ზ ა გ დ ო ნ), ოთხი-ხუთი დღის სახნავი და დაახლოებით ორი ჰექტარი სათიბი. საძოვარი და ტყე იყო სასოფლო. პირუტყვიდან ოჯახს ჰყავდა სამი ცხენი, ორი წყვილი ხარი, ხუთი-ექვსი მეწველი ძროხა, ორი მოზვერი, ორი დეკეული, ხუთი თხა და 200 ცხვარი. მსხვილფეხა საქონელს ადგილობრივ კვებადნენ, ხოლო ცხვარს ზამთრობით მიერეკებოდნენ ბარად სიმინდის ყანებში.

სოფ. ხარისკინში მარზაგანოვების ოჯახის (ოთხი თაობა, 70 სული) ქონებას შეადგენდა ჯერ ორი ჰექტარი სახნავი, ორი ჰექტარი სათიბი, სამი ცხენი, ორი ხარი და ოთხი ძროხა, ხოლო როდესაც ოჯახში ახალი თაობები წამოიზარდნენ, ეკონომიური დონეც აწეულა. გაყარის დროისათვის გაუყვიათ ერთი ორსართულიანი სახლი, 15 დღიური მიწა, ორი ჰექტარი სათიბი, შვიდი ცხენი, ექვსი ხარი, 25 ძროხა და მოზარდი და 400 თხა და ცხვარი.

გურიევეების ზემოთ აღწერილი ოჯახი გაყრამდე ცხოვრობდა ორსართულიან სახლში, რომელიც აშენებული ყოფილა 200 წლის წინათ. მის ქვედა სართულზე ყოფილა ხამარი და კაბიცი, ხოლო ზედა სართული დაყოფილი ყოფილა უათ-ებად. ოჯახის გამრავლების შედეგად ეზოში აუშენებიათ კიდევ 15 უათი. ეზოშივე მდგარა იზოლირებული სასტუმრო (უაზანგდონ) ღუმელით, მაგიდითა და საწოლით გაწყობილი. ოჯახს ჰქონია აგრეთვე წისქვილი და საკმარისი სახნავი. როგორც სოლომონ ქასფოლათის ძე გურიევეა (დაბ. 1885 წ.) თქვა, ისინი სიპინდს ყიდულობდნენ მხოლოდ საარაყედ. რაც შეეხება პირუტყვს, ამ მხრივაც ოჯახი შეძლებულად გამოიყურებოდა. გაყარის დროს მათ გაუყვიათ ორი სამგზავრო ცხენი, 12 ხარი, 20 ძროხა და მოზარდი და 2000 ცხვარი და თხა.

სოფ. ციმიტში ზეტიელების ოჯახის დოვლათს შეადგენდა ერთი ერთსართულიანი ხმაირი თავისი კაბიციო. ეზოში შვიდი უათი, 15 დღიური სახნავე, ორი ჰექტარი სათიბი, ორი ცხენი, ოთხი ხარი, ორი მოზვერი, ოთხი ძროხა და ათი ცხვარი.

ამ რამდენიმე მაგალითის მიხედვით, რაც საერთოდ დამახასიათებელი მოვლენის კონკრეტულ გამოსახულებას წარმოადგენს, აშკარად ჩანს, რომ ქურთათის ხეობის მკვიდრნი მწვავედ განიცდიდნენ სამეურნეო ნაკვეთების სიმციარეს და უფრო მეტად მუყაითობდნენ მესაქონლეობას მისთვის შედარებით ხელსაყრელი პირობების გამო. ცალკეული ოჯახების აღწერილობიდან ისიც ნათლად შეიმჩნევა, რომ მათ შორის ეკონომიურ განსხვავებას ჰქონდა ადგილი. ამასთან ერთად არც იმის უგულებელყოფა შეიძლება, რომ ერთ ოჯახს შედარებით მეტი სახნავე ჰქონდა მეორეზე, მეორეს მეტი საქონელი ჰყავდა მესამეზე და ა. შ., მაგრამ მთელი ხეობისათვის, ისევე, როგორც ჩრდილო ოსეთის სხვა ხეობებისათვის დამახასიათებელ თავისებურებას წარმოადგენდა მესაქონლეობის უფრო დიდი ხვედრითი წონა მიწათმოქმედებასთან შედარებით.

მიუხედავად იმისა, რომ მთიელი ოსები მაქსიმალურად იყენებდნენ და ამუშავებდნენ მიწის ყოველ ნაკვეთს, დიდი შრომის ფასად ქმნიდნენ ხელოვნურ ტერასებს, მიმართავდნენ ახოს აღების სისტემას, ანოყიერებდნენ და ქვიპაგან ასუფთავებდნენ სახნავ ადგილებს, პურეულით უზრუნველყოფის ამოცანა მთის პირობებში გადაუჭრელი იყო. ეს განსაკუთრებით შეეხება ხეობების სათავეებს, სადაც სოფლები გაშენებული იყო ალპურ სათიბ-საძოვრებზე. ქურთათის ხეობაში ასეთი იყო ხილაკის თემი, რომლის ნასოფლარებსა და მიდამოებზე დაკვირვებამ გვიჩვენა, რომ ქერის სათესი ადგილები მეტად ცოტა იყო, ხოლო სათიბ-საძოვრებით უზრუნველყოფილი მოსახლეობა მისდევდა უმთავრესად მესაქონლეობას, უპირატესად მეცხვარეობას. ყაიყუთო ანდიევის (82 წ.) ცნობით (13.VII.67 წ.), XIX საუკუნის მიწურულში ხილაკის თემს, რომლის მოსახლეობა ხსენებულ ეპოქაში 40-მდე კომლს ითვლიდა, ჰყოლია 9000 სული ცხვარი, რაც მეცხვარეობის დიდი მასშტაბის მაჩვენებელია.

სახარბიელო მდგომარეობაში არც ხეობის ქვედა წელის მოსახლეობა იყო. ხილაკის თემთან შედარებით სოფ. ხიდიკუსის. ლაციის თუ ბარზიყაუს მცხოვრებთ მეტი ფართობის დამუშავების შესაძლებლობა ჰქონდათ და მოსავლისათვის კლიმატური პირობებიც უკეთესი იყო, ვიდრე ალპურ ზოლში, მაგრამ იქ, სადაც 300 გრამ ზორცზე მისატანებლად 100 გრამი პური ეძლეოდათ (როგორც ეს მოსწრებულად შენიშნა ხაზბატარ თოხტიევა სოფ. ბარზიყაუში 1967 წლის 30 ივნისს),

ყოვლად შეუძლებელია არ დავინახოთ. მესაქონლეობის უპირატესობა მიწათმოქმედებასთან შედარებით. ასევე პურეულის დიდი ნაკლებობის მაჩვენებელი უნდა იყოს ის გარემოებაც, რომ ჭირსა თუ ლხინში ოსურ სუფრაზე ხორცისა და ხაბიზგინების (ხაქაპურის მსგავსი ნამცხვარი) ხორავთან პურის ნამცეცსაც ვერ ნახავდით. მთიელი ოსების ყოფაში ეს შეიმჩნევა დღესაც, რაც ტრადიციის გამოვლინებით აიხსნება.

1 XIX საუკუნის მეორე ნახევრისა და XX საუკუნის დასაწყისის ეთნოგრაფიული მასალები იმაზე მიგვითითებენ, რომ პურეულით მომარაგების მიზნით, მთიელი ოსები ბარად მიეშურებოდნენ, სადაც გასაყიდად მიერეკებოდნენ საქონელს ან მიჰქონდათ პროდუქტები. ამასთან ერთად ისინი სეზონურ სამუშაოებშიც მონაწილეობდნენ საფასურში პურის აღების პირობით, ხოლო ზოგიერთები მიწას იჯარითაც იღებდნენ². გარჩევის ეს უკანასკნელი წესი მთიელს ბარის მეურნეობასთან აახლოებდა და მთიდან ბარში მოსახლეობის ლტოლვის პროცესს აღრმავებდა.

ჩრდილო ოსეთში ჩვენ მიერ შეკრებილ მასალებთან ერთად საკურადღებო არსებული ლიტერატურაც, რომელშიაც მეტ-ნაკლები მისრულითაა მოცემული ან რომელიმე ხეობის ანდა მთელი ჩრდილო ოსეთის მთიანეთის მეურნეობის დახასიათება. ქრონოლოგიის პრინციპს თუ დავიცავთ და გავითვალისწინებთ ლიტერატურის მეცნიერულ ღირებულებასაც, აქ პირველ რიგში, უნდა მოვიხსენიოთ ვახუშტის ნაშრომი, რომელშიაც ვკითხულობთ: „არამედ ნაყოფიერება ამ ქვეყნისა არს მცირედი, ვინათგან არააიძე მარცვალნი ნაყოფიერებენ თვნიერ ხორბლისა, ქრთილისა და შვრივისა, სიცივის, გვიან გაზაფხულისა და ადრე შემოდგომისათვის. გარნა ამასაც ვერ სთესვენ მრავლად, უმიწობისა და კლდოვანობის გამო. გარნა, რა იგი დასთესონ, ფრიალ ნაყოფიერებს და მრავლად, და უკმთუ მოვიდეს სეტყვა, რომელი ხშირობს მათ შინა, მოყმდებიან ძლიერად. კვალად არააიძე მოვალს, და არა უწყყიან მტილისანი ანუ წალკოტნი და ხილნი, გარნა ვიეთთამე ადგილთა იპოვების კოწახური, კლდის მერსენი, უელი და ასკილი. პირუტყენი არიან ცხოვარნი უდუმო-კუდიანი და მომცრო, ძროხა, ცხენი, თხა, ღორი, არამედ არა მრავლად, გარნა არიან ფრიალ გემოიანნი სხვათა ადგილებ-

² ოსეთის ბარში მოიჭარადრეები იყვნენ მსხვილი მიწათმფლობელები და ეახათა „სტარშინები“, რომლებიც მთიელებს დიდ ექსპლუატაციას უწყევდნენ, მაგრამ უმიწობით შეწუხებული ოჯახები სხვა გამოსავალს ვერ ხედავდნენ და ძალაუხერხად მათ უვარდებოდნენ ხელში (იხ. История Северо-Осетинской АССР, стр. 204—205).

თავან უმეტეს. და ვინადგან აქუთ საძოვარნი და სათიბნი მცირედ, ამისთჳს ვერ ინახვენ ცხოვართა, თჳნიერ კ, მ და რ კიდე, ეგრეთვე ცხენთა და ძროხათა ი, კ და მ და უფროსი არღარა“³.

ვახუშტის ისიც აღნიშნული აქვს, რომ ოსები იშენებდნენ ქათმებს და ყოლიათ ფუტყარი „არა ეგდენ მრავლად“⁴.

ვახუშტისეული აღწერილობიდან ვასაგებია, რომ ოსეთის მთიანეთში არსებობდა მეურნეობის ორი ძირითადი დარგი — მიწათმოქმედება და მესაქონლეობა და ორივე მათგანის განვითარების მასშტაბი შეზღუდული იყო. მიწათმოქმედების ფარგლებს ავიწროებდა სახანავ-სათესად ვარგისი ადგილების ნაკლებობა და შკაცური კლიმატური პირობები. მესაქონლეობის გაფართოების დამაბრკოლებელ მიზეზად კი ვახუშტის მიაჩნდა სათიბ-საძოვრების სიმცირე.

როდესაც ვახუშტი სათიბ-საძოვრების ნაკლებობას და ამ მიზეზით მესაქონლეობის შეზღუდულობას აღნიშნავს, ჩანს მხედველობაში აქვს არახელსაყრელი მდგომარეობა მეცხვარეობისათვის, ე. ი. ფართო საზამთრო საძოვრების უქონლობა, ურომლისოდაც დიდი მასშტაბის მეცხვარეობა წარმოუდგენელია. ეტყობა, ოსები XVIII საუკუნეში ცხვარს უმთავრესად ბაგურ კეებაზე ამყოფებდნენ და ბარის საზამთრო საძოვრებს სრული შესაძლებლობით ვერ იყენებდნენ, თორემ 20, 40 თუ 100 ცხვრის შენახვას ყველა ოჯახი არ დასჭერდებოდა. მსხვილფეხა მესაქონლეობისათვის კი ვახუშტი შედარებით ხელსაყრელ პირობებს გვაუცნობს, რამდენადაც ოჯახს შესაძლებლობა ჰქონია ჰყოლოდა 10, 20, 40 ცხენი და ძროხა. ასეთი შეფარდება უსათუოდ იმის მაჩვენებელია, რომ XVIII საუკუნის ოსეთში გაცილებით დაწინაურებული იყო მსხვილფეხა მესაქონლეობა მეცხვარეობასთან შედარებით, ე. ი. მეცხოველეობის ის დარგი, რომლის განვითარება საზამთრო საძოვრების უქონლობის ან გამოუყენებლობის პირობებში უფრო მოსახერხებელი იყო, ვიდრე მეცხვარეობისა. მაშასადამე, საკვები ბაზით შეზღუდულობა, რომელსაც ვახუშტი მიიჩნევს მეცხოველეობის გაფართოების დამაბრკოლებელ მიზეზად, პირველ რიგში ეხება მეცხვარეობას, რომელიც განვითარების მაღალ დონეს აღწევს XIX საუკუნიდან, როდესაც მთიელ ოსებსაც მიეცათ საზამთრო საძოვრებით სარგებლობის შესაძლებლობა, საძოვრებისა, რომელიც რუსეთთან ოსეთის დაკავშირებამდე ყაბარდოელ ფეოდალთა მფლობელობაში იყო..

ვახუშტი არაფერს ამბობს იმის შესახებ თუ მეურნეობის რომელი დარგი იყო წამყვანი, მაგრამ იქ, სადაც ოჯახზე საშუალოდ საქონ-

³ ვ ა ხ უ შ ტ ი, აღწერა... გვ. 108.

⁴ ი ქ ე ე, აღწერა... გვ. 109.

ლის ზემოხსენებული რიცხვი მოდიოდა, ხოლო უმიწობისა, კლდოვანობისა და სეტყვიანობა-სიცივის პირობებში მიწათმოქმედება ძალზე ღირებულ გამოიყურებოდა, უფლება გვაქვს მიწათმოქმედებასთან შედარებით მეურნეობის სფეროში უპირატესობა მივიანიჭოთ მესაქონლეობას.

XVIII საუკუნის მკვლევართაგან ოსეთის მთიანეთში ასეთ სურათს ხედავს გიულდენშტედტი. მისი დაკვირვებით, ოსების „მეურნეობა და შინაური წყობილება ჩერქეზულისა და აფხაზურისაგან არაფრით არ განსხვავდება“⁵. ხოლო იმისათვის, რომ ზუსტად გავიგოთ ავტორის აზრი ოსების სამეურნეო პირობების შესახებ, აქვე საჭიროდ მიგვიჩნია მისი დამოწმება აფხაზებისა და ჩერქეზების შესახებ. მისი ცნობით, აფხაზები „უმთავრესად მესაქონლეობას მისდევენ. მათი მიწათმოქმედება შემოიფარგლება მხოლოდ ღომის მოყვანით, მალლა მთებში კი სთესენ ცოტა საგაზაფხულო ბორბალს და ქერს“⁶. რაც შეეხება ჩერქეზებს, „მეურნეობიდან ყველაზე მეტად გავრცელებულია მესაქონლეობა, პირველ რიგში კი მეცხეაჩრეობა“⁷. მაშასადამე, გიულდენშტედტის აზრით, XVIII საუკუნის მიწურულში მთიელი ოსები მისდევდნენ მიწათმოქმედებასა და მესაქონლეობას, რომელთაგან მესაქონლეობას წამყვანი ადგილი სჭერია.

ჩრდილო ოსეთის მთიანეთში, რომ მოსახლეობა ძალზე ვიწრო ეკონომიურ პირობებში იმყოფებოდა, მაგრამ არსებული დარგებიდან შედარებით ხელსაყრელი პირობები არსებობდა მესაქონლეობისთვის, რომ დიდი შრომის ფასად მიწის მაქსიმალურად გამოყენების მიუხედავად ადგილობრივი მოსავალი მოსახლეობას ნახევარ წლამდეც არ ჰყოფნიდა და იძულებული იყო პურეულით ბარიდან მომარაგებულიყო, რომ მიწა მთაში მეტისმეტად ძვირი ღირდა, ხოლო პურეულის შეძენის წყაროს საქონელი ან მისი პროდუქტია წარმოადგენდა და, რომ ყოველივე ამის გამო მესაქონლეობის ხედვითი წონა მთიელის ეკონომიკაში მეტი იყო ვიდრე მიწათმოქმედებისა, ამის შესახებ წერდა ყველა ავტორი⁸, რომელიც კი მთიელი ოსების სამეურნეო ყოფას გა-

⁵ გიულდენშტედტის მოგზაურობა საქართველოში, II, გვ. 61.

⁶ იქვე, გვ. 51.

⁷ იქვე, გვ. 55.

⁸ J. Klaproth, Reise in den Kaukasus und nach Georgien unternommen in den Jahren 1807 und 1808, B. Hall und Berlin, 1812—1814, S. 613, 614; K. Koch, Reise durch Russland nach dem Kaukasischen Isthmus in den Jahren 1836, 1837 und 1838, B. I, Stuttgart und Tübingen, 1842—1843, S. 111; П. Зубов, Картина Кавказского края, III, СПб., 1835, стр. 150; Н. Дубровин, I, стр. 287—288; П. Гаврилов, Устройство поземельного быта горских племен Северного Кавказа, ССКГ, II, Тифлис, 1869, стр. 27; Е. Максимова, Осетины, ТС, Владикавказ, 1892, выл. II, кн. II, стр. 25—

ეცნო XIX საუკუნეში თუ XX საუკუნის დასაწყისში. იგივე აზრია გატარებული ოსეთის ისტორიის შესახებ არსებული შემაჯამებელი ხასიათის შრომებში. როგორც ყობანური კულტურის, ისე ნართების ეპოსის მიხედვით შემუშავდა შეხედულება იმის შესახებ, რომ შორეულ წარსულშიაც ოსეთის მთიანეთში მესაქონლეობა წამყვან მეურნეობას წარმოადგენდა⁹. ველზე ცხოვრებისას ოსების ძირითად საქმიანობად ითვლებოდა მიწათმოქმედება. ხოლო შუა საუკუნეებიდან კი, როდესაც ისტორიული ქართველების შედეგად ისინი მთებში იხიზნებიან, მეურნეობის უმთავრეს დარგად კვლავ მესაქონლეობა იქცა¹⁰. ისტორიკოსები ასეთსავე ვითარებას ხედავენ გვიან შუა საუკუნეებში¹¹.

ყოველივე ეს იმ გარემოებაზე მიგვითითებს, რომ მეურნეობის ამა თუ იმ დარგის დაწინაურება ოსეთში, ისევე როგორც ყველგან, ვაპრობებული იყო ხალხის ისტორიული მდგომარეობით და სამეურნეო ბაზის მასშტაბით. ოსი ხალხის ისტორია და კულტურა კი ძირითადად ყალიბდებოდა ხეობებით დასერილ მთიანეთში, სადაც მათ შექმნეს ადგილობრივი პირობებისათვის შესაფერისი მეურნეობის მაღალგანვითარებული ფორმები — მთური მიწათმოქმედება და მესაქონლეობა ამ უკანასკნელის უპირატესობით.

* * *

ოსების ეკონომიური, კულტურული და პოლიტიკური ცხოვრება ვითარდებოდა არა მარტო ცენტრალური კავკასიონის ჩრდილო კალ-

30, 31; Н. З е й д л и ц. Поездка в Нагорную Осетию, ИКОИРГО, II, Тифлис, 1894, стр. 117; И. А к и н ф и е в, Поездка в Осетию на Ардон и в Сванетию, ЗКОИРГО, кн. XVI, Тифлис, 1894, стр. 88; А. Р о с с и к о в а, დასახ. ნაშრომი, გვ. 312, 315, 318, 323, 324, 340; К. Г а н, დასახ. ნაშრომი, გვ. 32; Ф. К р а с и л ь и н к о в, დასახ. ნაშრომი, გვ. 34; Б. С к и т с к и й, Хрестоматия по истории Осетии, ч. I, Дзауджикау, 1919, стр. 62; А. М а г о м е т о в, დასახ. ნაშრომი, გვ. 11—12, 27—28; М. Б л и е в, Осетия в первой трети XIX века, Орджоникидзе, 1964, стр. 3, 13—14; Б. К а л о е в, Осетины, Народы Кавказа, I, стр. 300; მ ი ს ი ე ე, Осетины, Москва, 1967, стр. 65 და შმდ.

⁹ Б. С к и т с к и й, Очерки по истории осетинского народа..., стр. 15, 47; История Северо-Осетинской АССР, стр. 21, 27; Е. К р у п н о в, Древняя история Северного Кавказа. Москва, 1960, стр. 301—311.

¹⁰ Г. К о х н е в, Очерки по истории Осетии, I, Владикавказ, 1926, стр. 63.

¹¹ Б. С к и т с к и й, დასახ. ნაშრომი, გვ. 74; История Северо-Осетинской АССР, стр. 88.

თებზე, არამედ ქართლის მთიანეთშიც, სადაც მათი დასახლება დაიწყო XIII საუკუნის 90-იანი წლებიდან.

მიუხედავად იმისა, რომ ქართლის ტერიტორიაზე ოსთა ჩამოსახლების საკითხს მრავალი მკვლევარი შეეხო და მრავალმა მათგანმა ამ ისტორიული პროცესის თარიღად ადრინდელი ხანა მიიჩნია¹², შემდგომი სპეციალური კვლევის შედეგად შემუშავდა მეცნიერულად დასაბუთებული აზრი იმის შესახებ, რომ ქართლისაკენ ოსების ლტოლვა განაპირობა, ერთი მხრივ მონღოლთა ექსპანსიამ, მეორე მხრივ, ოსეთის ფეოდალურ წრეებს შორის წარმოებულმა ბრძოლამ, ხოლო მესამე მხრივ გარედან მოწოდებული ძალებისადმი გავერანებული ქართლის წინააღმდეგობის უუნარობამ და ამ ძალებისადმი მონღოლთა მხარდაჭერამ ქართლში თავისი ძალაუფლების განმტკიცების მიზნით¹³.

საქართველოში შემოხიზნული ოსები საცხოვრებლად დამკვიდრდნენ დიდი და პატარა ლიახვის, ქსნის, თერგისა და არაგვის ხეობათა სათავეებში. ეს ადგილები სამეურნეო პირობებით თითქმის ისეთივეა, როგორც ქურთათის, თაგაურის, ალაგირის, თუ დიგორის მთიანეთი. მათ შორის განსხვავება ძირითადად შეინიშნება მკვნარეული საფარით (ზოგი ადგილი ტყიანია, ზოგიც შიშველი), ან მეტ-ნაკლებად ხელსაყრელი კლიმატური პირობებით. არსებითად, რაკი ამიერ და იმიერკავკასი-

¹² В. П ф а ф, Материалы для древней истории Осетии, ССКГ, Тифлис, IV, стр. 31, 1870; V, стр. 23, 1871; შ ი ს ი ე ვ, Путешествие по ущельям Северной Осетии, ССК, I, Тифлис, 1871, стр. 144; Д. Л а в р о в, Заметки об Осетии и осетинах. СМОМПК, III, Тифлис, 1883, стр. 200; Г. Ч у р с и н, Осетины, стр. 13; Л. М е л и к с е т - Б е к о в, К археологии и этнологии Туальской Осии. Сб. «Юго-Осетия», I, Тифлис, 1924, стр. 271; Е. П ч е л н а, Археологические данные по Юго-Осетии. Сб. «Юго-Осетия», I., 1924, стр. 238; გ. ა ხ ვ ლ ე დ ი ა ნ ი, ოსური ენის ისტორიისათვის, თსუშ, V, 1925, გვ. 319; შ ი ს ი ე ვ, ისტორიული ცნობა დვალეთისა და დვალეების შესახებ, ენობის მოამბე, X, თბილისი, 1941; Г. К о к н е в, Очерки по истории Осетии, I, Владикавказ, 1926, стр. 22, 99; З. В а н е е в, К вопросу о времени заселения Юго-Осетии, ИЮНИИК. III, Сталинир, 1936, შ ი ს ი ე ვ, Народное предание о происхождении осетии, Сталинир, 1956; Б. С к и т с к и й, Очерки по истории осетинского народа, стр. 139.

¹³ მთებში ოსთა შემოსახლების საკითხი მონღოლების შემოსევის ხანას დაუკავშირავს ვ ა ხ ლ ე დ ი ა ნ ი (აღწერა..., გვ. 107), ხოლო შენდგ ეს დასაბუთებს თანამედროვე ისტორიკოსებმა: ნ. ბ ე რ ძ ე ნ ი შ ე ი ლ ი, საქართველოს ისტორიის საკითხები, II, თბილისი, 1965, გვ. 60—61; დ. გ ე რ ი ტ ი შ ე ი ლ ი, დვალთა ენობისა და ოსთა ჩამოსახლების საკითხისათვის, „შემომხილველი“, I, თბილისი, 1949, გვ. 109—121; შ ი ს ი ე ვ, ნარკვევები საქართველოს ისტორიიდან, I, თბილისი, 1962, გვ. 264—277; გ. თ ო გ ო შ ე ი ლ ი, საქართველო-ოსეთის ურთიერთობის ისტორიიდან, სტალინირი, 1958, გვ. 171 და შმდ..

ონის ეს ხეობები ერთ ზოლშია მოქცეული და მსგავსი სამეურნეო პირობებით ხასიათდება. ჩრდილო ოსეთიდან საქართველოს მთიანეთში გადმოსახლებულ ოსს შესაძლებლობა ჰქონდა ახალ სამოსახლოში იგივე საქმიანობა განეგრძო, როგორც ეწეოდა ის მამა-პაპათა ადგილსამყოფელში და იგივე მეურნეობა განეციოთარებინა, რომელსაც ის მოკიდებული იყო თავის სამშობლოში. საქართველოში შემოხიზნული ოსების მამა-პაპათა საქმიანობა კი, როგორც ამის შესახებ ზემოთ უკვე ითქვა, ჩრდილო ოსეთის მთიანეთში იყო მიწათმოქმედება და მესაქონლეობა. მეურნეობის ეს ორი დარგი წარმოადგენდა ქართლის მთიანეთში მცხოვრები ოსების ძირითად საარსებო საშუალებასაც. ეს პირველყოვლისა შეეხება ზემოხსენებულ ხეობათა სათავეების მკვიდრთ, რომლებიც ქართლის ბარში თანდათანობით ჩასახლებამდე წინაპართა საქმიანობას არ ღალატობენ და ქართულ ბარულ მეურნეობას მხოლოდ ბარად დასახლებულნი ეცნობიან.

ქართლის მთიანეთში რომ ოსები მთურ მიწათმოქმედებასა და მესაქონლეობას მისდევდნენ და რომ ალპურ ზოლში მეურნეობის წამყვანი დარგი მესაქონლეობა იყო, ეს შეიძლება დავინახოთ ცალკეულ ხეობათა შესახებ არსებული სათანადო მონაცემების საფუძველზე. ერთ-ერთ ასეთ სამეურნეო მიკრორაიონს წარმოადგენდა ქსნის ხეობის სათავეები, რომელიც მოს ქვედა წელთან და რიგ სხვა მომიჯნავე ხეობებთან ერთად შედიოდა ქსნის საერისთავოში. ამ ტიპურ ქართულ ფეოდალურ ერთეულში — სათავადოში გაერთიანებული იყო 11 ხეობა 240 სოფლით. სათანადო წყაროების შესწავლის საფუძველზე დ. გვრიტიშვილმა დაადგინა ამ ხეობათა და სოფელთა სახელწოდებები და რიგ შემთხვევაში ამა თუ იმ სოფლის მცხოვრებთა რაოდენობაც¹⁴. ამ ხეობებიდან (ქსნის, ცხრაძმის, ქარჩოხის, ჟამურის, კურთის, ალევის, საფერშეთის, ქლოთ-ქვიტკირის, ლეხურის — ისრაოლისა და მეჭუდის ხეობებიანად, გვერდის ძირის, პატარა ლიახვის) ჩვენთვის განსაკუთრებით საყურადღებოა საკუთრივ ქსნის ხეობის ზედა წელი, ცხრაძმის ხეობა, ქარჩოხის ხეობა, ჟამურის ხეობა და კურთის ხეობა, რომლებიც ერთიმეორის მეზობლად მდებარეობენ, მსგავსი სამეურნეო-გეოგრაფიული თავისებურებით ხასიათდებიან და ქსნის სათავეების რკალში ექცევიან.

ქსნის ხეობა სათავიდან ბოლომდე საკმაოდ გრძელია და ხასიათდება მრავალფეროვანი და მრავალდარგოვანი მეურნეობით. როგორც ვახუშტი წერს, მდ. ქსანი „ოძის ზეით, ბაზალეთისა და ალევის მთის

¹⁴ დ. გ ვ რ ი ტ ი შ ვ ი ლ ი, ფეოდალური საქართველოს სოციალური ურთიერთობის ისტორიიდან, თბილისი, 1955, გვ. 77—83.

დასავლით, დის და გამოსდის ქნოლოს ეამურის საშუალს კავკასს. ქარჩოხამდინ დის აღმოსავლეთად, ქარჩოხს ქვევით, სამკრით, გაივლის მუხრანს და მიერთვის მტკვარს“... ზებეყურის მთა... „ჩამოადგების ცხვირად ქანს დასავლიდამ და აღმოსავლეთილდამ აღვევის მთის ცხვირი, და დააეწროვებს ქანსა კლდითა. ამ კლდეს ქვეით მტკვრამდე ქსანი არს ვენახოვანი, ხილიანი, მოსავლიანი, ვითარცა სხვანი აღესწერეთ, და ამ კლდეს ზეით იწრო და მკიდრო, უვენახო, უხილო, მწირი. ვითარცა სხვანი მთის ალაგნი მოსავლით, ტყიან-კლდიანობითა“¹⁵.

ვახუშტისავე დახასიათებით, ქარჩოხის, ეამურის და ცხრაძმის ხეობები არიან „ესე მოსავლიანი, მთის ალაგთაებრი“¹⁶, ე. ი. ბარისაგან განსხვავებული.

როგორც ვხედავთ, ვახუშტი ერთმანეთისაგან მკვეთრად განასხვავებს ქსნის ხეობების სამეურნეო პირობებს მისი მთისა და ბარის მიხედვით.

დაახლოებით ასეთივე დახასიათებაა ქსნის ხეობისა ქართულ პერიოდიკაში. ე. ცხვედაძე ეამურელთა სიღარიბის მთავარ მიზეზად თვლიდა მიწის უნაყოფობას და მოსავლის უკმარობას, ხოლო მესაქონლეობის სფეროში ხელშემშლელ გარემოებად მიიჩნევდა მთებიდან საქონლის გადმოვარდნის შემთხვევებს¹⁷. ქსნის ხეობის მეურნეობრივ პირობებს ეხება ერთი ხელმოუწერელი წერილიც, სადაც აღნიშნულია: „ქსნის ხეობის მკვიდრნი მისდევენ ხვნა-თესვასა და აგრეთვე საქონლის მოშენებას, უფრო ცხვრისას. ხეობის ქვედა ნაწილში აშენებენ ვენახებსაც, ასე, რომ ღვინის მოყვანასა და ბაღოსობასაც თვალსაჩინი ადგილი უჭირავს ხეობის ეკონომიურს ცხოვრებაში. ბოსტნეულობა სულ არ არის. ვაჭრობას მისდევენ მარტო ახალგორელი სომხები“¹⁸.

რუსულ ეთნოგრაფიულ ლიტერატურაშიც აღნიშნულია, რომ ქსნის ხეობის დაბლობში ბალ-ვენახიცაა, ხოლო მთის ზოლში, რომელიც მიწის სიმცირითა და მოუსავლიანობით ხასიათდება, მთავარი როლი ეკუთვნის მესაქონლეობას, რაც მამაკაცთა ძირითად საქმიანობად ითვლება¹⁹.

¹⁵ ვ ა ხ უ შ ტ ი, იღწერა..., გვ. 66.

¹⁶ ი ქ ვ ე, გვ. 66.

¹⁷ ე. ც ხ ვ ე დ ა ძ ე, ეამურის (ქსნის სათავე). ვახ. „ივერია“, 1886, № 181.

¹⁸ ქსნის ხეობა, ვახ. „ივერია“, 1890, № 197.

¹⁹ К. Ш а л н о в, Описание Ксанского участка, Душетского уезда, Тифлисской губернии, ЗКОИРГО, кн. XVI, Тифлис, 1894, стр. 249, 255; К. Г а н, Поездка к верховьям Большой Лиахвы и Ксанки (летом 1903 г.), СМОМПК, вып. XXXV, отд. I, Тифлис, 1905, стр. 261—262.

ადრე გამოთქმულ შეხედულებათა სისწორეს მხარს უჭერენ საბ-
ქოთა მკვლევრებიც. ეთნოგრაფიული მუშაობის საფუძველზე გ. ჩი-
ტაიამ აღნიშნა რომ „ქსნის ხეობაში მოცემული იყო ბუნებრივ პირო-
ბებთან შეფარდებული ჭამი სახის მეურნეობა: ბარული (ლუწინგორამ-
დე), მთის ძირის (დაახლოებით ლარგვისამდე) და მთის ზოლისა (ლარ-
გვისს ზევით)“²⁰. გ. ჩიტაიას იქვე მითითებული აქვს, რომ მესამე ზო-
ლი არის ტიპური მთა, სადაც დადასტურდა ახოს ალების წესიც.
„უმთავრესად აქ ითვისება ქერი, დიკა, ჭოი და ახალთესლი. ერთ წე-
ლიწადს დასვენებულ მიწას უწოდებენ „ყამირს“, ხოლო ორს —
„ახალტეხილს“. საყანე მიწები აქ უმთავრესად ფერდობებზეა. საყა-
ნე მიწები მწირია და მეტად მძიმე საჭურჭლად იმის გამოც, რომ ჟერ-
დობის რელიეფი უსწორმასწოროა. ეს მხარე ტიპურიც მთის ზოლია,
სადაც წამყვანი როლი მეურნეობაში მესაქონლეობას ეკუთვნის, ამი-
ტომ მიწისმოქმედება აქ მეორე რიგის მეურნეობაა“²¹.

ვახუშტის ცნობებზე თუ სხვა მონაცემებზე დაყრდნობით დ. გვრი-
ტიშვილიც იმ დასკვნამდე მივიდა, რომ „ქსნის საერისთავოს მთიან
ზოლში მემინდვრეობა ნაკლებად იყო განვითარებული, აქ ის მხო-
ლოდ დამხმარე ხასიათს ატარებდა. ზოლო მეურნეობის ძირითად
დარგს მესაქონლეობა წარმოადგენდა“²².

ქსნის ხეობის შუა და ქვემო წელზე ოსების დასახლება ქართვე-
ლების მეზობლად გვიან მოხდა. როგორც ადგილზე გამოკითხვამ და
გენეალოგიების დადგენამ გვიჩვენა, XIX საუკუნის მეორე ნახევრამ-
დე მაინც ოსები მხოლოდ ქსნის სათავეებში—ყამურ-ქარჩოხისა და ქურ-
თის ხეობებში ცხოვრობდნენ. ქსნის დინების მიმართულებით ჩამოწე-
ულმა მოსახლეობამ ქართული მოსახლეობის გავლენით შეითვისა მე-
ურნეობის იმ დარგების (ბარული მიწათმოქმედება, მებოსტნეობა, მე-
ზაღეობა) ცოდნა, რომლის განვითარების შესაძლებლობას ის მოკლე-
ბული იყო ტიპურ მთურ გარემოში. მთიელი ოსების, ისევე როგორც
იმევე ხეობებში მათ მეზობლად მცხოვრები მთიელი ქართველების
ჯავშირი ბართან ძირითადად გამოიხატებოდა ისევე მესაქონლეობის
სფეროში ამ უკანასკნელის განვითარების მიზნით. როგორც მთხრო-
ბლები გადმოგვცემენ, მთიელები ცხვარს აზამთარებდნენ ქართლის ბარ-
ში, უმთავრესად ამილახვრების ადგილებში. რაც ჩანს სათანადო დო-

²⁰ გ. ჩ ი ტ ა ი ა, ქსნური მთის გუთანი, ენიშის მოამბე, V—VI, თბილისი, 1940, გვ. 486.

²¹ ი ქ ვ ე, გვ. 484.

²² დ. გ ვ რ ი ტ ი შ ვ ი ლ ი, დასახ. ნაშრომი, გვ. 151.

„უმენტლანაც“²³. ბარად საზამთრო საძოვრების აღება კი ნაკარნახევი იყო მეცხვარეობის საკმაოდ დიდი მასშტაბით, რაც კარგად ჩანს ჩვენ მიერ შეკრებილი მასალებიდანაც. მაგალითად, ჭურთის ხეობის სოფ. ჯანგათკარში მცხოვრები დრიავეების ოჯახს ერთ სახლთან, 15 დღიურ სახნავთან, ხუთ-ექვს ცხენთან, 15-მდე ხართან და ათამდე სულ ძროხასთან ერთად ჰყავდათ 1500-მდე თხა და ცხვარი. ასევე, სოფ. ჩოგოიანში ძებისოვების ოჯახის ქონებას შეადგენდა ერთი ერდოიანი სახლი თავისი კალოთი, ერთი წისქვილი, 12 დღიური სახნავი, სამი ცხენი, რვა ხარი, შვიდი მეწველი ძროხა, რვა მოზარდი და 600 სული თხა და ცხვარი.

ასეთ ოჯახებთან ერთად, რომელთა რიცხვი შედარებით ნაკლები იყო, იყვნენ ისეთებიც, რომელთაც ნაკლები რაოდენობით ჰყავდათ ცხვარი, მაგრამ საკმარისი იყო ოჯახს ორ ათეულ სულზე მეტი ჰყოლოდა, რომ მას უკვე ეფიქრა ბართან კავშირზე, ვინაიდან ბაგურ კვებაზე დიდი რაოდენობით ცხვრის შენახვა ყოველად შეუძლებელი იყო. ამიტომ ის ოჯახი, რომელიც ბართან კონტაქტის გარეშე შეეცდებოდა თავისი მეურნეობის გაძლოლას, ძალაუვნებურად უნდა დასჯერებოდა მხოლოდ მთურ მიწათმოქმედებას, მსხვილფეხა მესაქონლეობას და ათიოდე ცხვრის შენახვას. XIX საუკუნის მეორე ნახევრიდან კი, როდესაც მეცხვარეობას სასაქონლო მნიშვნელობა მიენიჭა, ქანის ხეობის სათავეებში ოსებმა და ქართველებმა მთიულებთან, გულამაყრელებთან, მოხვევებთან და თრუსოელ ოსებთან ერთად გზა გაიკაფეს ჩრდილო კავკასიის ვრცელი საზამთრო საძოვრებისაკენ და მთურ მიწათმოქმედებას, რომელიც მძიმე შრომას მოითხოვდა, მაგრამ მოსავალი მიანიც ვერ აკმაყოფილებდა მოსახლეობის მოთხოვნილებას, თანდათანობით შეაჭკიეს ზურგი. პურეულის შესაძენად ქსნის ხეობის მთიელები ბარად მაშინაც ჩამოდიოდნენ, როდესაც სახნავ ადგილებს მთლიანად ამუშავებდნენ, მაგრამ იმის შემდეგ, რაც სახნავი ფერდობების ნაწილი გასაძოვრეს და მოსავალი ადგილობრივ შემცირდა, პურეულის მყიდველთა რიცხვმა მთიელების სახით ბარის რაოდენობსა და ბაზრებზე კიდევ უფრო იმატა. თუ ადრე მთიელები პუ-

²³ ეტყობა, რომ ქსნისხეველი მეცხვარეები სამეურნეო ნაკვეთებში თავისუფლად უშვებდნენ ცხვარს, აფუქებიანებდნენ ვენახებსა და ნათესებს, ხოლო ზოგიერთი მწვემსი ქვევრებსაც თხრიდა. 1783 წ. 10 ნოემბრით დათარიღებულ მიმართვაში უფლისწული გიორგი მათ აფრთხილებს, რომ არ დააზიანონ ყანები და ვენახები და არ ამოუარონ ქვევრები. იქვე აღნიშნულია, რომ ასეთი დანაშაულის გამოვლენების შემთხვევაში მეცხვარეებს ჩამოერთმევათ ამილახვრების ადგილებით სარგებლობის უფლება (იხ. История Осетии в документах и материалах, I, Цхинвали, 1962, стр. 150, составители: Г. Тогошвили и И. Цховребов).

რით მომარაგების მიზნით სამუშაოდ მიდიოდნენ სამიწათმოქმედო რაიონებში ან მიწას იჯარითაც იღებდნენ, მეცხვარეობის ზრდის შედეგად ბარელებთან ამგვარი ურთიერთობისადმი მიდრეკილება შენედა და პურეულის შექმნის წყაროდ იქცა მეცხვარეობის ნაქარბი პროდუქტთა ცხვრის ნამატის, მისი მატყლისა და რძის პროდუქტების სახით, რაც ბაზარზე ფულად იყიდებოდა ან ნატურალური გაცვლის საგნად გამოიყენებოდა.

ამგვარად, ოჯახის ეკონომიურ საფუძველს ქსნის ხეობის სათავეებში წარმოადგენდა მთური მიწათმოქმედება და მესაქონლეობა, რომლიდანაც XIX საუკუნის მეორე ნახევარში განსაკუთრებით დაწინაურდა მეცხვარეობა. ასეთივე ნიშნებით ხასიათდება ამავე მიკრორაიონში ბცხოვრები ქართველების საოჯახო მეურნეობა, რასაც მონოგრაფიის მეორე წიგნში შევხებით ქსნის ხეობის ქვლდა წელზე თუ ცენტრალური კავკასიის მთიანეთში მცხოვრები ქართველების საოჯახო ყოფის შესწავლასთან დაკავშირებით. იქვე გავეცნობით ქსნის ხეველთა მეურნეობის სხვა მხარეებსაც (მაგალითად, ცხავატელთა მექურჭლეობას)²⁴, რაც მხოლოდ ამ ხეობის ქართული მოსახლეობის ყოფისათვის იყო დამახასიათებელი.



ერთ-ერთი ის კუთხე, რომელიც კომპაქტურადაა დასახლებული სხვადასხვა ეპოქაში შემოხიზნული ოსებით და რომელიც ცენტრალური კავკასიის მთიანეთში ალპური მეურნეობის ტიპურ მიკრორაიონს წარმოადგენს, არის თრუსოს ხეობა. ის მოიცავს მდ. თერგის სათავეებს და თავის მხრივ რამდენიმე პატარა ხეობადაა განტოტებული. თანამედროვე ადმინისტრაციული დაყოფით თრუსოს ხეობა ორი ნასოფლო საბჭოს — თრუსოსა და კობის სასოფლო საბჭოების სახით შედის ყაზბეგის რაიონის ფარგლებში. ისტორიულად კი ის დვალეთს ეკუთვნოდა და კავკასიელი ტომით — დვალეებით იყო დასახლებული²⁵.

თრუსოს ხეობაში ყველაზე დაბალი დასახლება, რომელიც ქვემოლან ხეობის კარებში მდებარეობს (სოფ. ოქროყანა), ზღვის დონიდან 2000-მდე მეტრ სიმაღლეზეა. აქედან სოფ. დესამდე, ხეობის აყოლებით, სიმაღლე თანდათანობით მატულობს, რაც აშკარად იმ გა-

²⁴ ლ. ბოკოროვილი, ქსნის ხეობაში მივლინების მოკლე ანგარიში, ვენიკის მოამბე, IV, ტფლისი, 1939, გვ. 292.

²⁵ ე. ა. ხუტო, აღწერა..., გვ. 107, 115, 116; В. Гамреклиш. Двадцать и Двадцатия в I—XV вв. н. э., Тбилиси, 1961.

რემოებაზე მიგვივითებებს, რომ აქ მიწათმოქმედებისათვის სახარბიელო პირობები არ არსებობდა. თრუსოს ხეობის ხავერდოვანი სათიბები და ნოყიერი ბალახით შემოსილი საძოვრები კი მესაქონლეობის განვითარებისათვის ხელსაყრელ პირობებს ქმნიან. ამიტომ, რომ დღეს ეს ხეობა ყაზბევის რაიონის მეცხვარეობის ერთ-ერთ ყველაზე უფრო მნიშვნელოვან სამეურნეო ბაზას წარმოადგენს. რასაკვირველია, ის ასეთივე იყო ისტორიულადაც. ამიტომ ოსეთის სამეურნეო პირობების ვახუშტისეული დახასიათება, სადაც სათიბ-საძოვრების ნაკლებობა აღინიშნება, თრუსოს ხეობის მიმართ შეიძლება გამოვიყენოთ ამ ნომენტის გათვალისწინებით. რაც შეეხება ვახუშტის ცნობას იმის შესახებ, რომ XVIII საუკუნეში ოსები უფრო მეტად მსხვილფეხა საქონელს მუყაითობდნენ და ცხვარს კი შედარებით მცირე რაოდენობით იშენებდნენ, ეს თრუსოს ხეობის მიმართაც შეიძლება ითქვას. როგორც სოფ. შავარდენში მცხოვრებმა ბესო ძამბოლათის ძე საპიემა (დაბად. 1897 წ.) 1958 წლის 7 ივლისს გვითხრა, მისი მამა-პაპის დროს თრუსოელი ოსები განსაკუთრებულ ყურადღებას აქცევდნენ მიწის დამუშავებას და მოუხნავად არ ტოვებდნენ სათესად ვარგის არც ერთ მტკაველ ადგილს. კარტოფილის თესვა აქ XIX საუკუნის მიწურულშიღა შემოუღიათ და მთელი ნათესები სჭერებია ქერსა და ქერ-სვილს, მაგრამ მოსახლეობა ნახევარი წლის მარაგის შესაძენად მაინც დაზამთრებამდე ჩრდილო კავკასიაში ან ქართლ-კახეთში მიეშურებოდა.

იმავე მთხრობლის ცნობით, მისი პაპისდროინდელი მოსახლეობა ცხვარს სხვაგან არ მიერეკებოდა და მას მსხვილფეხა საქონელთან ერთად ზამთრობითაც ჩალა-თივით კვებავდნენ. ასეთ პირობებში კი შესაძლებელი ყოფილა მცირე რაოდენობის ცხვრის შენახვა, ვინაიდან აქაური გრძელი ზამთრის პერიოდში საკვების გაწვდენა ძალზე ჭირდა. ცხვარი მოუმრავლებიათ მხოლოდ იმის შემდეგ, რაც თრუსოელი ოსები ჩრდილო კავკასიის საზამთრო საძოვრებზე გასულან. ეს კი მოხდა მხოლოდ XIX საუკუნის მეორე ნახევარში, რაც იმ გარემოებაზე მიგვივითებებს, რომ XIX საუკუნის პირველ ნახევარში თრუსოს ხეობის მცხოვრებნი მეცხოველეობიდან უფრო მეტად მსხვილფეხა მესაქონლეობას მისდევდნენ, ე. ი. იმყოფებოდნენ იმ დონეზე, როგორც ვახუშტიმ გვიჩვენა ოსეთის მთიანეთის დახასიათებისას. ეს რომ ასე იყო, ნათლად ჩანს ნ. ჭილაშვილის ცნობებიდანაც. 1827 წელს ღინანსთა მინისტრის დავალებით შედგენილ მიმოხილვაში, რომელშიც მოცემულია აღმოსავლეთ საქართველოს მთიანეთის ერთი ნაწილის (ხევი, თრუსო, მთიულეთი, გულამაყარი) მეურნეობის დახასიათება, ნ. ჭილაშვილი წერს, რომ თრუსოს ხეობაში, მხოლოდ ქერის მცირედ მოსაყვას იღებენ და ზემოთ ჩამოთვლილი სხვა კუთხეების მკვიდრთა

მსგავსად თრუსოელნიც პურს ყოველწლიურად ყიდულობენ საქარ-
თველოს სხვადასხვა კუთხეებსა და ჩრდილო კავკასიაში (ნაზრანში).
სამაგიეროდ მათ აქვთ კარგი და ვრცელი სათიბები. რაც შეეხება მეც-
ხოველეობას, ამის შესახებ ნ. ჭილაშვილი აღნიშნავს, რომ თრუსოელ-
ნი ზამთარ-ზაფხულის განმავლობაში ადგილზე ინახავენ საქონელს²⁶.

როგორც ვხედავთ, ნ. ჭილაშვილის აღწერილობაც იმის სასარგებ-
ლოდ მეტყველებს, რომ 1820—30-იანი წლებისათვის საზამთრო სა-
წოვრებზე თრუსოელი არ გადიოდნენ და ზამთარ-ზაფხულის განმავ-
ლობაში ცხვარ-ძროხას ადგილობრივი რესურსებით ინახავდნენ, რაც
მეცხვარეობის დიდი მასშტაბით განვითარების შესაძლებლობას არ იძ-
ლეოდა.

მდგომარეობა არსებითად შეიცვალა XIX საუკუნის მეორე ნახევ-
რიდან, როდესაც თრუსოელებმაც მოხვედრებთან, მთიულეტთან და გუ-
დამაყარლებთან ერთად მთა-ბარობას მოჰკიდეს ხელი და ცხვრის გამ-
რავლება დაიხსნეს მიზნად. ჩრდილო კავკასიის ველებზე გასვლის შემ-
დეგ თრუსოს ხეობაში მეცხვარეობამ დაიჭირა პირველი ადგილი მეურ-
ნეობის სფეროში, რაზედაც მეტყველებს ციფრობრივი მონაცემებიც.
მაგალითად, სოფ. აბანოში, სადაც 1873 წელს 23 კომლი (170 სული) ცხ-
ვარობდა, საკარმიდამო ფართობი იყო 1,5 დესეტინა, სახნავი 18
დესეტინა, სათიბი 27,50 დესეტინა, ხოლო საძოვარი და უევარგისი ად-
ვილები 1200 დესეტინა. სოფელს ჰყავდა სულ 72 სული მუშა და ბერ-
წი საქონელი, 28 მეწველი ძროხა, 12 ცხენი, 70 ღორი და 945 თხა და
ცხვარი. სოფ. გიშარაში კი, სადაც 20 ოჯახი (140 სული) იყო, საკარ-
მიდამო შეადგენდა 1 დეს. სახნავი 34 დეს. სათიბი 36 დეს. საძოვარი და
უევარგისი ადგილები 1200 დესეტინას. სოფელს ჰყავდა 46 მუშა და
ბერწი საქონელი, 13 მეწველი, 10 ცხენი, 60 ღორი და 790 თხა და
ცხვარი²⁷.

ცხრილი, რომლიდანაც სანიმუშოდ დავიმოწმეთ თრუსოს ხეობის
ორი სოფლის მონაცემები, XIX საუკუნის მეორე ნახევარში მეცხვა-
რეობის აღმავლობაზე მიგვიჩვენებს. აქ მოცემული სურათი არსებითად
განსხვავდება იმ ვითარებისაგან, რომელიც გავააცნეს ჩვენმა მთხრობ-
ლებმა XIX საუკუნის მეორე ნახევარში, ხოლო ნ. ჭილაშვილმა XIX
საუკუნის პირველ მეოთხედში.

²⁶ Записка Н. С. Ч и л я е в а о горских народах по Военно-Гру-
зинской дороге 1827 года. АКАК, VII, Тифлис, 1878, стр. 349.

²⁷ Н. Н и к и ф о р о в, Экономический быт государственных крестьян
Душетского уезда Тифлянской губернии, МИЭБГКЗК, т. V, ч. II, Тифлис,
1887, стр. 59—60.

მაშასადამე, ლიტერატურული მონაცემებისა და მთხრობელთა ცნობების მიხედვით აშკარაა, რომ თრუსოელთა საოჯახო მეურნეობა XVIII საუკუნეში ემყარებოდა მთურ მიწათმოქმედებასა და მესაქონლეობას ისეთ პირობებში, როდესაც საქონლის რაოდენობას განსაზღვრავდა ბაგურ კვებაზე მისი შენახვის შესაძლებლობა. დაახლოებით ასეთივე მდგომარეობა შეიმჩნევა XIX საუკუნის პირველ ნახევარში, ხოლო მისი მეორე ნახევრიდან ვითარდება მეცხვარეობა.

თრუსოს ხეობაში, ისევე როგორც მის ახლო მეზობელ ხევში, XIX საუკუნის მეორე ნახევრამდე თუ მეურნეობის ორი ძირითადი დარგიდან — მიწათმოქმედებიდან და მესაქონლეობიდან წამყვანი ადგილი ამ უკანასკნელს ეჭირა მსხვილფეხა მესაქონლეობის უპირატესობით. XIX საუკუნის მეორე ნახევარში მსხვილფეხა მესაქონლეობას პირველობა წაართვა მეცხვარეობამ.

მიწათმოქმედებასთან შედარებით მეცხოველეობის დიდი ხვედრითი წონის სასარგებლოდ ლაპარაკობს საცხოვრებელი და სამეურნეო ნაგებობის კომპლექსიც, რომელიც დაგეგმარებულია მესაქონლეობის განვითარების ინტერესების შესაბამისად. ამიტომაც, რომ ნაგებობის კონსტრუქციაში საცხოვრებელ ფართთან ერთად მთავარი ადგილი ეთმობა საქონლის სადგომებს, მისი საკვების შესანახ კუთხეს, პროდუქტების დასამუშავებელ და დასაცავ სათავსოებს. საცხოვრებელი და სამეურნეო ნაგებობების კომპლექსი თრუსოს ხეობაში მაღალგანვითარებული მესაქონლეობის ერთ-ერთი მაჩვენებელთაგანია²⁸.

* *

როგორც ზემოთ აღვნიშნეთ, ქართლის მთიანეთში ოსების დასახლება დაიწყო XIII საუკუნის 90-იან წლებიდან. მათი აქ ჩამოსახლებადამკვიდრების პროცესი გაგრძელდა შემდგომ საუკუნეებშიც, რასაც დ. გერტიშვილი შემდეგნაირად წარმოგვიჩაახაეს: „1. შეიარაღებული ოსთა დიდი ჯგუფები თავს ესხმიან ქართველებით დასახლებულ ხეობებს, ძალით იკავებენ ამ ადგილებს და თვითონ სახლდებიან; ჩამოსახლების ეს სახე XIII—XIV საუკუნეებში უნდა ყოფილიყო. 2. ესა თუ ის ქართველი თავადი ან მეფე წინასწარი შეთანხმებით ოსთა დიდ ჯგუფებს თავის მიწაწყალზე ასახლებს. ეს სახე შედარებით მოგვიანო ხანისაა. 3. ეკონომიური პირობებით შევიწროვებული ოსი გლეხი იძულებულია ნებით ეყმოს ქართველ თავადს. ამ სახემ შემდეგში ხიზნობის ხასიათი მიიღო“²⁹.

²⁸ ვ. ოთონიშვილი, საცხოვრებელი ნაგებობანი თრუსოს ხეობაში, კვ. I.

²⁹ დ. გერტიშვილი, დვალთა ენაობისა და ოსთა ჩამოსახლების საკითხისათვის, შიმშილილევი, I, 1949, გვ. 119.

ის ხეობები, სადაც ემიგრირებული ოსების დასახლება მოხდა, ეკუთვნოდნენ ქსნისა და არაგვის საერისთავოებსა და სამაჩაბლოს. თრუსოს ხეობა და არაგვის სათავეები, სადაც ქართველებთან ერთად ოსებიც ცხოვრობდნენ, შედიოდა ხან არაგვისა და ხანაც ქსნის საერისთავოს ფარგლებში³⁰, ქსნის ხეობა მის სათავეებში მდებარე ხეობებითურთ (ქართულ-ოსური მოსახლეობით) და ლიახვის ხეობა (ასევე ქართულ-ოსურა მოსახლეობით) ეკუთვნოდა ქსნის საერისთავოს³¹, ხოლო დიდი ლიახვის ხეობა, რომლის სათავეებში ოსები ყველა სხვა ხეობაზე უფრო კომპაქტურად სახლდებოდნენ, სამაჩაბლოში შედიოდა. ყოველივე ეს კი იმ გარემოების მაჩვენებელია, რომ საქართველოს ტერატორიაზე დასახლებული ოსები ისეთ-სავე სოციალურ გარემოში ექცეოდნენ, როგორშიაც იმყოფებოდნენ ზემოაღნიშნულ ფეოდალურ ერთეულებში მცხოვრები ქართველი გლეხები³². საერისთავოს თუ სამაჩაბლოს მიწა-წყალზე დასახლებული ოსი ისეთსავე ყმა გლეხს წარმოადგენდა, როგორსაც მის მეზობლად მცხოვრები ქართველი გლეხი. ბუნებრივია, რომ მიწაც მის საკუთრებას არ შეადგენდა და სამეურნეო ნაკვეთით სარგებლობა გულისხმობდა ფეოდალის წინაშე გარკვეულ ვალდებულებას, რაც ბეგარა-გადასახადებში გამოიხატებოდა. ასეთი ურთიერთობა განსაკუთრებით გამოკვეთილ სახეს ღებულობს გვიანფეოდალურ ხანაში, ე. ი. იმ ეტაპზე, როდესაც ოსთა ჩამოსახლებამ ხიზნობის ხასიათი მიიღო.

უნდა აღინიშნოს, რომ გლეხის ვალდებულების განმსაზღვრელი უმნიშვნელოვანესი ფაქტორი იყო მისი სამეურნეო პირობები. ამის შესაბამისად ერთმანეთისაგან განსხვავდებოდა მთიელი და ბარელი გლეხის გადასახადის სახეობა და ნორმები. თუ, მაგალითად, ბარელი გლეხი, რომლის ცხოვრების ძირითად წყაროს მიწათმოქმედება წარმოადგენდა, იხდიდა კოდის პურს, მთიელი, რომლის არსებობა უმთავრესად მესაქონლეობაზე იყო დამოკიდებული, გადასახადს ისტუმრებლად საქონლით. ამ ვითარებას დ. გვრიტიშვილი გვაცნობს სათანადო დოკუმენტებით. 1771 წელს დავით ერისთავს ერეკლე მეორისათვის თხოვნით მიუმართავს, რათა პურისა და ღვინის ნაცვლად მთიელთათვის სხვა სახის გადასახადი დაეწესებინა, ხოლო ერეკლეს უბრძანებია: „ბატონო სახლთუხუცესო დავით და მდივანბეგო, მერე ქსნის ერისთავის მთის კაცსთ, რომელთაც კოდის პური წინაპართ ჩვენს პაპების ღროს არ

³⁰ დ. გვრიტიშვილი. ფეოდალური საქართველოს სოციალური ურთიერთობის ისტორიიდან, გვ. 69, 97.

³¹ იქვე, გვ. 55 და შმდ.

³² დაწვრილებით იხ. დ. გვრიტიშვილის წიგნის (ფეოდალური საქართველოს სოციალური ურთიერთობის ისტორიიდან) სათანადო თავები.

ზღვებით, უღებს არც ახლა ჩვენ ვითხოვთ და, რომელთაც კაცს კოდის პურა სდებიან, იმათ უნდა მოგვეცინ, მთის კაცს გარდა³³. დ. გვრიტი-შვილი ამავე ნაშრომში მიუთითებს, რომ მთის „მცხოვრებნი ვალდებული იყვნენ გადაეხადათ წელიწადში კომლზე ორი ცხვარი, ერთი ზატკანი, და ერთი თოხლი, გარდა ამისა სამ წელიწადში—საჩუქარი კომლზედა ერთი ხარი“³⁴.

მდგომარეობა არც ერეკლეს მიერ საერისთავოს გაუქმებისა და სუფლისწულოდ მისი გარდაქმნის შემდეგ (1777 წ.) შეცვლილა. უფლისწულ იულონს, თუ მაგალითად სოფ. ქვრივში თითოეული საკომლოდან ეძლეოდა წელიწადში პირუტყვის ზემოსხსენებული რაოდენობა³⁵, სოფ. ჯანათში მისთვის ყოველი საკომლოდან განკუთვნილი ყოფილა 10 კოდი (კოდი—4 ფუთი) ხორბალი და ქერი და ორი ცხვარი, ერთი ცხვარი ღირებულა 80 კაპიკი³⁶.

ამ ორი დოკუმენტის ურთიერთშედარების საფუძველზედაც ნათლად ჩანს, რომ გლეხის ვალდებულებას განსაზღვრავდა მეურნეობის პროფილი. მთაში გადახდა ხდებოდა საქონლით, რადგან იქ მეურნეობის წამყვანი დარგი იყო მესაქონლეობა, ხოლო იქ სადაც მესაქონლეობას მიწათმოქმედება უსწრებდა, გადასახადშიც მარცვლეულს მთავარი ადგილი ეკირა.

საქართველოში ასევე მეურნეობის პროფილის მიხედვით ხდებოდა სურსათის გაწერაც, რაც გათვალისწინებული იყო ქარის სარჩოდ. პურის სახით მისი გადახდა ყველას ევალებოდა, გარდა ოსებისა და სხვა მთიელებისა, რომელთაც მიწების სიმციროს გამო უფლება ჰქონიათ ოს გადაეხადათ სხვა საშუალებებით (საქონლით, ფულით ან რაიმე ნაწარმით)³⁷.

1824 წელს გენერალ ერმოლოვისადმი ხოვენის რაპორტიდანაც აშკარად შეინიშნება, რომ მაჩაბლებს უფრო მრავალფეროვანი ბეგარა-გადასახადებით ემსახურებოდნენ ლიახვის ხეობის ქვედა წელის მცხოვრებნი, ხოლო მთიელი ოსების ვალდებულებას შეადგენდა მხოლოდ საქონლის გადახდა³⁸. რაც აგრეთვე მეურნეობის წამყვანი დარგების მიხედვით მოვალეობის განსაზღვრულობის მაჩვენებელია.

³³ დ. გვრიტიშვილი, დასახ. ნაშრომი, გვ. 150.

³⁴ იქვე, გვ. 225.

³⁵ История Осетии в документах и материалах. I, стр. 308.

³⁶ იქვე, გვ. 311.

³⁷ АКАК, II, стр. 7; История Осетии в документах и материалах, I, стр. 309.

³⁸ АКАК. т. VI, ч. I, стр. 689; История Юго-Осетии в документах и материалах, II, Сталингр, 1960, стр. 144—145; შდრ. Г. Кохнев, Очерки по истории Осетии, стр. 102—103.

ამგვარი დოკუმენტების ანალიზის საფუძველზე ე. აბაევის სპეციალურ ნაშრომში აღნიშნულია, რომ გადასახადის ხასიათს სამხრეთ ოსეთში აპირობებდა ე. წ. ვერტიკალური ზონალობა: ბარად არსებობდა სამი სახეობის ფეოდალური რენტა—ნატურალური, ფულადი და საბატონო ბეგარა. თითქმის ასეთივე მდგომარეობა შეინიშნება მთისძირა ზოლში, ოღონდ იმ განსხვავებით, რომ საბატონო მიწების სიმცირის გამო საბატონო ბეგარაც ნაკლები იყო. მთიანეთში კი, სადაც უმთავრეს დარჯს წარმოადგენდა მესაქონლეობა და სადაც მემამულეებს შედწევა უჭირდათ, კარბობდა ნატურალური (საქონლით) ბეგარა³⁹.

საგადასახადო სისტემაში მეურნეობის პროფილს ყურადღება ექცეოდა მომდევნო პერიოდშიც და გადასახადის ხასიათისა და ნორმების მიხედვით ყოველთვის შეინიშნებოდა ის დიდი განსხვავება, რომლითაც ხასიათდებოდა სამიწათმოქმედო ზოლი და მესაქონლეობის განვითარებისათვის ხელსაყრელი პირობების მქონე მთიანეთი⁴⁰.

აქ ზიტიყვას აღარ გავაგრძელებთ იმის შესახებ, რომ მთისა და ბარის მეურნეობრივ სხვაობას კარგად ხედავდნენ ფეოდალური წრის წარმომადგენლები და მშრომელთა ექსპლოატაციას ეწეოდნენ მათი საწეურნეო პირობების შესაბამისად. აღვნიშნავთ, მხოლოდ იმას, რომ ლიანჯის ხეობების სამეურნეო პირობების შესახებ, ზემოთ განხილულ დოკუმენტებთან ერთად, ანალოგიური ხასიათის ცნობებია ასახული აქ მყოფი მოგზაურების ნაწერებშიც. რევოლუციამდელ ავტორებს ორივე ლაახვის სათაუვებში მეურნეობის წამყვან დარჯად მიაჩნდათ მესაქონლეობა⁴¹, ისევე როგორც იგივე აზრია გაღრმავებული და ახალი მონაცემების საფუძველზე დასაბუთებული საბჭოთა მკვლევარების შრომებში. თუ ლინჯისტი ვასილ აბაევი მესაქონლეობასთან დაკავშირებული ლექსიკის შესწავლის საფუძველზე იმ დასკვნამდე მივიდა, რომ მესაქონლეობა ოსეთის მთიანეთში იყო მეურნეობის ყველა სხვა დარ-

³⁹ В. Д. Абасев, Экономическое развитие Юго-Осетии в феодально-крепостную эпоху (1800—1864 гг.), ИЮОНИИ, АН ГССР, вып. VII, Сталинир, 1955, стр. 39 და შპლ.

⁴⁰ В. Д. Абасев, Экономическое развитие Юго-Осетии в период капитализма (1864—1917—1921 гг.), ч. II, Тбилиси, 1956, стр. 25, 26, 54.

⁴¹ Легкобытов, Обзорение российских владений за Кавказом, в статистическом, этнографическом, топографическом и финансовом отношениях, СПб., 1836, стр. 167; А. Яновский, Осетия, «Обзорение российских владений за Кавказом», ч. II, СПб., 1836, стр. 208; Н. Дмитриев, Переход через Рокский и Мампсонский перевалы, СМОМПК, вып. XX, Тифлис, 1894, стр. 5, 29; К. Ган, Поездка к верховьям Большой Шахвы и Ксанги, стр. 261—262.

გებზე უფრო ძველი და განვითარებული დარკი⁴², სამხრეთ ოსეთის მთიანეთში მიწათმოქმედებასთან შედარებით მესაქონლეობის წამყვანი როლი ისტორიული მონაცემების მიხედვით დაინახეს ზ. ვანევემა⁴³ და ვ. დ. აბაევმა⁴⁴. ხოლო ეთნოგრაფიული ძიების შედეგად ასეთსავე დასკვნამდე მივიდნენ მ. კოსენი⁴⁵, ს. აბაევი⁴⁶, ზ. გაგლოევა⁴⁷ და ბ. ტოტროვი.⁴⁸

დიდი და პატარა ლიახვის ხეობებში მცხოვრებ ოსთა საოჯახო მეურნეობასა და ეკონომიკაზე სათანადო წარმოდგენას გვაძლევს ჩვენ მიერ ჩაწერილი მასალები ცალკეული ოჯახების შესახებ, მაგრამ ვიდრე ამ მასალებს გავეცნობოდეთ, საქიროდ მიგვაჩნია წინასწარ ორიოდე სიტყვით აღვნიშნოთ, რომ ეთნოგრაფიული ძიებით ხელმოასწდომ ჰერიოდში, ე. ი. XIX საუკუნის მეორე ნახევარსა და XX საუკუნის დასაწყისში სახნავი ნაკეთები და სათიბები საოჯახო საკუთრებაში იყო მოქცეული.

მართალია, ორივე ლიახვის ხეობის სათავეებში ოსები ცხოვრობდნენ საბატონო თუ საუფლისწულო მიწებზე, მიწა მემამულის საკუთრებას წარმოადგენდა და ამდენად შესაძლებელია ვიძსჯელოთ გლახების მიერ ამ მიწებით სარგებლობის წესებზე და არა მიწათმფლობელობაზე, მაგრამ ბრძოლის შედეგად გლახები ზოგჯერ მიწებსაც ისაკუთრებდნენ⁴⁹. მთელი ოსები მებატონეებს ჯერ კიდევ საგლებო რეფორმამდე ბევრად ადრე ებრძოდნენ ეკონომიური დამოუკიდებლობისათვის და ხშირ შემთხვევაში შედეგსაც აღწევდნენ. 1849 წლის დოკუმენტიდან ჩანს, რომ დიდი ლიახვის სათავეებში (როკაში, ჯომალში...) მაჩაბლები კომლზე იღებდნენ წელიწადში 3 მანეთს, შემდეგ ეს გადასახადი გაუნახვევრებიან და ბოლოს გლახებს ამაზეც უარი უთქვამთ.

⁴² В. И. Абаев, Осетинский язык и фольклор, М.-Л., 1949, стр. 58—59.

⁴³ З. Ванети, Социально-экономическое положение крестьян Юго-Осетии накануне революции, ИЮОНИИ, т. III, Сталинир, 1933, стр. 221—254.

⁴⁴ В. Д. Абаев, Экономическое развитие Юго-Осетии в феодально-крепостную эпоху, стр. 96—97; მისივე, Экономическое развитие Юго-Осетии в период капитализма, стр. 86—88.

⁴⁵ М. Косвен, Этнография и история Кавказа, Москва, 1961, стр. 5.

⁴⁶ С. Абаев, Кормовая база Юго-Осетии, Сталинир, 1956, стр. 45.

⁴⁷ З. Гаглоева, Скотоводство в прошлом у осетин, მსგ, XII—XIII, თბილისი, 1963, გვ. 271—279.

⁴⁸ Б. Тотров, დასახ. ნაშრომი, გვ. 74—76, 119, 165 და ა. შ.

⁴⁹ З. Ванеев, Из истории родового строя в Юго-Осетии, Тбилиси, 1955, стр. 126.

რისთვისაც მთავრობას დასჭირდა სათანადო ღონისძიების მიღება⁵⁰. უსათუოდ დიდი ბრძოლის შედეგად მიიღწიეს გლეხებმა იმასაც, რომ სენატს მიეღო გადაწყვეტილება, რათა მიწაზე გადასახადი ყოფილიყო მხოლოდ მოსავლის 1/10, რის შესახებაც აღნიშნულია 1851 წლის საბუთში⁵¹.

ამეთ ვითარებაში და განსაკუთრებით რეფორმის შემდგომ პერიოდში ლიხვის ხეობებში გლეხი არსებითად მიწის ფაქტიური მესაკუთრე გახდა, რასაკვირველია, შედარებით უმნიშვნელო გადასახადის გაღების პირობით. როგორც ჩანს, ეს ჰქონდა მხედველობაში მ. კოსვენა, როდესაც წერდა, რომ, თანამედროვეთა ხსოვნით, მიწები იყო საოჯახო-საკუთრებაში. მისივე დაკვირვებით, სამხრეთ ოსეთის მთიელთა ყოფილათვის დამახასიათებელი იყო სახნავ-სათიბებზე პატრონიძეული საკუთრებინ წესიც, საძოვარი სოფელს ეკუთვნოდა, ხოლო ზოგიერთ ადგილს სოფელი კოლექტიურადაც ამუშავებდა⁵². ამავე საკითხზე ჩვენ მიერ წაწერილი მასალებიც გვიჩვენებენ, რომ ტყე და საძოვარი იყო სასოფლო, რომლითაც ყველა ოჯახი თანაბარი უფლებით სარგებლობდა. მოწმდება ისეთი ვითარებაც, როდესაც ტყე ეკუთვნოდა რომელიმე პატრონიძის, ხოლო უმთავრესად ის წარმოადგენდა ჭერ სამაჩაბლო, ხოლო შემდეგ სახელმწიფო საკუთრებას.

მთხრობლებს ახსოვთ, როდესაც შეშით სარგებლობის გამო ოჯახი სახელმწიფოს სასარგებლოდ იხდიდა 30—40 კაპიკს, ხოლო ტყიდან ნასალის გამოტანა დასაშვებად ითვლებოდა მხოლოდ ბილეთის ყიდვის შემდეგ⁵³. არც დიდი და არც პატარა ლიხვის ხეობაში არ დადასტურდა ტყისა და საძოვრის ოჯახებზე დაყოფის შემთხვევა.

ზოგიერთ სოფელში სახნავი ადგილი არსებობდა სალოცავის (ხატის) სახელზეც. მაგალითად, სოფ. ზემო ზღუბირში ოქროს ხატის (სწზღირინ ძეარ) სახელზე სოფელს ჰქონდა „ძმბირ“-ით (ხის გუთნით). სახნავი ორი დღიური ნაკვეთი, რომლის მოხვნა-დათესვა ევალებოდა ზღუბირელ ქაბუეებს, ხოლო ღომეა — ქალიშვილებს. 5 იენისს, რო-

⁵⁰ История Юго-Осетии в документах и материалах, II, стр. 183—184.

⁵¹ იქვე, გვ. 186—187.

⁵² М. Косвен, დასახ. ნაშრომი, გვ. 12.

⁵³ როგორც 1853 წლის დოკუმენტიდან ჩანს, მაჩაბლების ნებართვის გარეშე ტყიდან მასალის გამოტანა არ შეიძლებოდა. მაჩაბლებთან შეთანხმებისა და სათანადო ფასის დაწესების შემდეგ კი რუსეთის ხელისუფალთაგან ოსებმა მიიღეს უფლება მოეკრათ როგორც შინ მოსახმარი, ისე გასაყიდი შეშა და სამასლე ხეები. ეტყობა რომ ხსენებულ ეპოქაში ტყეზე მფლობელობის უფლებით კვლავ მაჩაბლები სარგებლობდნენ, მაგრამ ეს უფლება სახელმწიფოს ხელში გადადიოდა (История Юго-Осетии в документах и материалах, II, стр. 201).

დესაც დღეობა იმართებოდა, აქ აღებული მოსავლით სოფელი ხარშავდა ლუდს. თითქმის ყველა კომლი აქ დღეობაზე კლავდა ხბოს ან ბატკანს. ამ სახნავი ადგილიდან აღებულ ჩაღას და ბზეს აძლევდნენ სოფლის ღარიბებს, ხოლო თუ რომელიმე ზღუბირელი უბედური შემთხვევით დაწარალდებოდა, სოფლის გადაწყვეტილებით ამ ყანის მოსავალი დახმარების სახით მთლიანად მას ეძლეოდა.

თუ ზემო ზღუბირში ხატის სახელზე არსებობდა სასოფლო ნაკვეთი, ზოგიერთ სოფელში სახატო მიწის მფლობელი ყოფილა არა საზოგადოება სოფლის სახით, არამედ მხოლოდ ერთი ოჯახი. ასეთი ვითარება დადასტურდა სოფ. ედისში, სადაც ბეგიზოეების ერთ-ერთ ოჯახს სალოცავ „ქალაჩი ძუარ“-ის ახლოს ჰქონდა სახნავი ნაკვეთი, რომლის მოსავლით ისინი ადუღებდნენ ლუდს (სხვა რაიმესთვის ამ ყანის მოსავალს არ გამოიყენებდნენ). მეზობლებსაც პატივებდნენ და ამ ხატის სახელზე საღვთოს მართავდნენ.

მიწათმფლობელობისა და მიწებით სარგებლობის ეს წესი, რასაც გაკვირვებთ, დამახასიათებელია სოფლის თემის სტრუქტურისათვის, რაც ოსთა ყოფის ერთ-ერთ ნიშანდობლივ კომპონენტს წარმოადგენდა, როგორც ჩრდილო ოსეთის მთიანეთში, ისე ლიახვის, ქსნის თუ თრუსოს ხეობებში, იმის მიუხედავად, რომ ისინი ცხოვრობდნენ მემამულეთა მიწებზე ფეოდალურ გარემოცვაში. ისევე როგორც საქართველოსა და ჩრდილო კავკასიის მთიანეთის საზოგადოებრივი ყოფისათვის დამახასიათებელი იყო თემური წყობის დაშლისა და ადრე-ფეოდალური ურთიერთობის განვითარებამ პროცესი⁴, ოსეთის მთიან-

⁴ ნ. ხიზანაშვილი. ეთნოგრაფიული ნაწერები, თბილისი, 1940, გვ. 162, 166, 167; რ. ხარაძე, სახალხო მმართველობის სისტემა სვანეთში, მსგ, VI, თბ., 1953; მისივე, თემური მმართველობის გადმონათობი ხევში, ისტორიის ინსტიტუტის შრომები, ტ. IV, ნაკ. II, თბ., 1959; მისივე, ტერიტორიულ-მეზობლური გავრთიანება სვანეთში, მსგ, XII—XIII, 1963; მისივე, სოფლის თემი ბალყარეთში, მსგ, XI, 1960; მისივე, К вопросу о территориально-общинных объединениях у грузин-горцев, КСИЭ, ХХІХ, М., 1958; მისივე, Характер сельской общины грузин-горцев по этнографическим материалам, М., 1964 (Доклад на VII международном конгрессе антропологов и этнографов в Москве); მისივე, Грузинская семейная община, I, 1960, II, 1961; მისივე, Некоторые стороны сельско-общинного быта горных ингушей, КЭС, II, Тбилиси, 1968; რ. ხარაძე და ალ. რობაქიძე, სვანეთის სოფელი ძველად, თბ., 1964; რ. ხარაძე, და ალ. რობაქიძე, მთიულეთის სოფელი ძველად, თბ., 1965; ალ. რობაქიძე მეფუტკრეობის ისტორიისათვის (შესავალი), თბ., 1960; მისივე, ბესარიონ ნიქარაძე (იხ. ბ. ნიქარაძის ისტორიულ-ეთნოგრაფიული წერილები, I, თბ., 1962); მისივე, დასახლების ფორმა ბალყარეთში, მსგ, XI, მსგ, XII—

ნეთშიც ფეოდალიზმი ყალიბდებოდა უშუალოდ თემური წყობის რღვევის ნიადაგზე. ფეოდალთა მიწებზე მსხდომი ოსები ქართლის მთიანეთში ინარჩუნებდნენ თემური ყოფის იმ ძირითად ნიშნებს, რაც მათ ჩრდილო ოსეთის მთიანეთიდან შემეკვიდრეობით ვადმოპყვათ. ამას ხელი შეუწყო იმ გარემოებამაც, რომ ოსების დასახლება ხდებოდა ქართლის მთიანეთში ასეთივე საზოგადოებრივი ყოფის მქონე ქართველების ნებობლად, ქართველებისა, რომლებიც განვითარებულ ფეოდალურ ქვეყანაში ფეოდალიზმს თემური საზოგადოებრივი ყოფის შენარჩუნებისათვის ბრძოლით უპირისპირდებოდნენ.

ოსური სასოფლო თემის სტრუქტურაზე თავის დროზე იქნება ნათქვამი სპეციალურ ნაშრომში, რომელსაც ალ. რომაქიძე ამზადებს, ხოლო ჩვენი კვლევის ძირითად ობიექტს, რომ არ დავცილდეთ, საჭიროდ მოგვაჩნია ნაწილობრივად მაინც გავეცნოთ ჩვენ მიერ შეკრებილ მასალებს ოჯახის ეკონომიური საფუძვლების შესახებ წინა თავში აღნიშნული ზოგიერთი ოჯახის მაგალითზე.

სოფ. ჯომალში ცხოვრებისას ჩიქაეეების დიდი ოჯახის ქონებას შეადგენდა ორი სახლი (ერთი ორსართულიანი და ერთიც ერთსართულიანი), ერთი იზოლირებული უაზგდოგ (სასტუმრო), სამი უღელი: ხარით სახნავი ათი დღიური მიწა, რომელზედაც მოყავდათ 160 მეკოლი¹⁵ ქერი, 300 მეკოლის სათიბი, ოთხი ცხენი, 22 ხარი, 24 ძროხა, 24 მოზარდი (ხბო, მოზვერი, დეკეული) და 400 თხა და ცხვარი. ოჯახის შემოსავლის მნიშვნელოვან წყაროს წარმოადგენდა აგრეთვე ხარებით ვაჭრობა და გასაყიდი ხის მასალის დამზადება. რაც შეეხება ტყუასა და საძოვარს, ეს სასოფლო იყო და ჩიქაეეებიც სხვების თანაბარი უფლებებით სარგებლობდნენ.

ასევე სასოფლო საძოვრებით სარგებლობდა სოფ. ქვემო როკაში პლიეეების ერთ-ერთი ოჯახი (ოთხი ძმა: ნიკო, საჩინო, ვასიკო, ნიკოლა), რომლის პირად საკუთრებაში იყო ერთი სახლი, ერთი წისქვილი. 12 დღის სახნავი ერთი უღლით, 200 წერის სათიბი, ექვსი ცხენი, რვა

XIII. კეკ, I; მისიეე. К вопросу о формах поселения в Сванети, КСИЭ. XXIX. მისიეე. Жизнь и поселения горных ингушей, КЭС, II.

¹⁵ მეკოლი წარმოადგენდა პურეულსა და თივის საზომ-საზონ ერთეულს. თანხმად მთხრობლების განმარტებისა, ერთი მეკოლი თივა იწონის 12—13 ფუტს, ხოლო პურეულის ერთ მეკოლში შედის 140 ძნა. კარგი მოსავლის დროს ერთი მეკოლი იძლევა ერთ კოდ (4 ფუტ) ქერს.

ლიახვის ხეობაში მცხოვრები ოსები თივისა და ძნის რაოდენობის ჩვენების მიზნით მეკოლის ნაცულად ზოგჯერ ხმარობენ წერიის, რაც მათ ქართულად უნდა შეეთვისებინათ. საბას განმარტებით, წერიული არის ყანის ნაკრფო შეკონილი (იბ. „სიტყვის კონა“. თბილისი. 1949, გვ. 446).

სარი, რვა მოზარდი, 14 ძროხა, ოთხი ღორი და 100 ცხვარი. ჰქონიათ აგრეთვე დუქანი, რომელშიაც 1915 წელს ყოფილა დაახლოებით 30 000 მანეთის საქონელი.

მიწათმოქმედებისა და მესაქონლეობის შეფარდების მხრივ საყურადღებოა კებო და ტურა თომაევეების ოჯახი, რომელსაც ჰქონდა 15 დღიური სახნავი, ხოლო პირუტყვის სახით სამი ცხენი, ოთხი ხარი, ექვსი ღორი, 11 სული ძროხა და მოზარდი და 60 სული ცხვარი.

დიდი ღიახვის ხეობაში ჩაწერილ ამ რიგის მასალებთან ერთად პატარა ღიახვის ხეობიდან სამაგალითოდ შეიძლება დავასახელოთ ბოლოთაეების გაუყრელი ოჯახი, რომელსაც სამეურნეო ბაზა ჰქონდა მთაშიცა და ბარშიც. ოჯახის ძირითად საცხოვრებელს წარმოადგენდა მთის სოფელი შუაცხვირი, სადაც მათ ჰქონდათ ერთსართულიანი ჭვინის სახლი, ხოლო დამხმარე სამეურნეო ბაზა იყო ბარის ჩოფელი ფრინევი, სადაც აუგიათ ყავრით დახურული ხის სახლი. ოჯახს ჰყოლია ოთხი ცხენი, 40 სულამდე მსხვილფეხა საქონელი და 120-მდე სული ცხვარი. მეწველ საქონელსა და ცხვარს ზამთრობით კვებავდნენ შუაცხვირში, ხოლო ბერწსა და მუშა საქონელს ფრინევიში აკმევდნენ ბხესა და ჩალას. ზაფხულობით ცხვარს აბალახებდნენ ტირძნისში, სადაც საბალახეს უხდიდნენ ვინმე დოგუზოვს.

ბოლოთაეებს მხოლოდ ქერი მოჰყავდათ, და, თუ სეტყვა არ გაანადგურებდა, ექვს თვემდე ძლივს ჰყოფნიდათ. როგორც სხვები, ისინიც იძულებულნი იყვნენ დასჯერებოდნენ მხოლოდ ორდღიურ ნადელს, რომელზედაც დაწესებული ყოფილა 12 მანეთი საადგილმამულო გადასახადი. ვისაც კუთვნილ ნადელზე მეტი აღმოაჩნდებოდა. კომისია მას ჩამოაპკირდა და გაასაძოვრებდა. ასეთი მდგომარეობის გამო ბოლოთაეები თუ მათი მეზობლები იჯარით იღებდნენ ფალავანდიშვილების ადგილებს, ხოლო თუ ამ გზითაც ვერ დაიკმაყოფილებდნენ პურზე მოთხოვნილებას, მარცვლეულს ბარად ყიდულობდნენ საქონლის პროდუქციის ან საკლავის საფასურით.

დაახლოებით ასეთსავე პირობებში უხდებოდა ცხოვრება ბოლოთაეების მეორე ოჯახს, რომელიც გაყრის მომენტში (1902 წ.) 30 სულს ითვლიდა და ოთხ თაობას მოიცავდა. შუაცხვირში მათ ჰქონიათ ბანით დახურული ქვის ერთსართულიანი სახლი, ცალკე დადგმული ბოსელი და საცხვრე, გაყრის წინ აქვე აუშენებიათ მეორე სახლიც. ხოლო ბარის სოფ. მულრისში შეუქმნიათ ყავრით დახურული ერთი ოთახი და ბოსელი. ნაგებობებიდან აღსანიშნავია აგრეთვე წისქვილი. რომელიც სოფ. შუაცხვირში რამდენიმე ოჯახთან საზიაროდ ჰქონიათ.

სოფ. შუაცხვირში ოჯახის საკუთრებას შეადგენდა ორხელათი სახნავი ხუთი დღიური საქვრე, 200 მეკოლი თივის სათიბი, ხოლო ტყე და

საძოვარი აქ სასოფლო იყო. მოსავლის უკმარობის გამო მულრისში ჟალავანდიშვილებისაგან იჯარით აუღიათ სამი დესეტინა, რომლის მოსავლის 1/3 ბარდებოდათ შემამულეებს, ხოლო 2/3 მიჰქონდათ ბოლოთავეებს⁵⁶. შემდეგში ბოლოთავეებს ფალავანდიშვილებისაგან ჯერ 10 თუმნად უყიდიათ ორი დესეტინა, ხოლო ბოლოს კიდევ 15 მანეთად ერთი დესეტინა მიწა.

ოჯახს გაყარამდე ჰყავდა ხუთი ცხენი, 13 ხარი, 19 ძროხა და 330 ცხვარი. ცხვარს მთელი წლის განმავლობაში ინახავდნენ სათიბ-საძოვრებით მდიდარ შუაცხვირში, მსხვილფეხა საქონელს ზაფხულობით ამცოფებდნენ შუაცხვირში, ხოლო ზამთრობით მსხვილფეხა საქონლის ნახევარს კვებავდნენ შუაცხვირში და ნახევარსაც მულრისში.

სხვა ოჯახების ეკონომიური მდგომარეობიდანაც აშკარად ჩანს, რომ დიდი და პატარა ლიახვის ხეობათა სათავეებში მიწათმოქმედება ვერ აკმაყოფილებდა მინიმალურ მოთხოვნილებას პურზე⁵⁷, რის გამო ერთნა მიწას იჯარით იღებდნენ, მეორენი ხორბლეულს ყიდულობდნენ ქართლში. შესამენი იმავე ქართლის ბარში სამუშაოდ მიდიოდნენ შრომის საზღაურად პურის მიღების მიზნით და სხვა. ქართლის სამიწათმოქ-

⁵⁶ როგორც ვ. აბაევის ნაშრომში აღნიშნულია, კულაის ან შემამულის მიერ გლეხის ექსპლუატაციის ეს წესი, რომელსაც ეწოდებოდა ხაძძონ. საყოველთაოდ იყო გავრცელებული სამხრეთ ოსეთში (В. Д. Абаяв, Экономическое развитие Юго-Осетии в период капитализма, стр. 62—63).

ბ. ტორტოეს დაუდგენია გარიგების (ხაძძონცხ) შემდეგი წესი: ოჯახი იღებდა რა ნაკეთს სამი წლის ვალით, ვალდებული იყო მიწა გაეპატოვებინა, ხოლო ყოველწლიურად პატრონისთვის ჩაებარებინა მოსავლის 1/3. ჩალა რჩებოდა მოიჯარადრეს. ზოგიერთ საფელში კი (მაგალათად ქოშალში) მიწის პატრონი ღებულობდა მოსავლის ნახევარს. სათიბის იჯარით ვაცემის შემთხვევაში პატრონს ეძლეოდა თივის მარაგის 1/5 ან თითო ძირ თევზე 20 კაპ.

სოფ. ზემო რიკაში ჩვენ ჩაგვაუწინეს, რომ სამი წლით მიწის იჯარით აღება შეიძლებოდა იმ პირობით, თუ ამღები მას გააპატოვებდა და ყოველწლიურად პატრონს ჩაებარებდა მოსავლის 1/3-ს. თუ არ გააპატოვებდა, მას შეეძლო მიწა აეღო მხოლოდ 1 წლით და პატრონისათვის მიეცა 1/3. ანალოგიური ვითარება გავვაცნეს სოფ. ზემო ზღუბირში, მხოლოდ იმ განსხვავებით, რომ მოსავალი შუაზე იყოფოდა. გარიგების ამ წესს, მიუხედავად დამოწმებული ვარიანტებისა, მთხრობლებმა უწოდეს ხაძძონ. იჯარის ოსური სახელწოდება ამის მაჩვენებელია, რომ ექსპლუატაციის ეს ფორმა მთიელი ოსების ყოფაში მტკიცედ იყო შეხმოკიდებული.

⁵⁷ მთიელი ოსები რომ სახნავი მიწების დიდ ნაკლებობას განიცდიდნენ, ეთნოგრაფიულ მასალებთან ერთად ეს მტკიცდება იფიკალური სტატისტიკური მონაცემებითაც. სათანადო წყაროზე (Сборник статистических данных о землевладениях и способах хозяйства в пяти губерниях Закавказского края, Тифлис, 1899) დაყრდნობით ვ. აბაევი აღნიშნავს, რომ ხსენებულ ეპოქაში ედრისის საზოგადოებაში (ედრისი, ბრიტათი, ზემო და ქვემო კაბუსთა, ქალამქარი, ხობი, ზემო და ქვემო ერშანი) კომლზე საშუალოდ მოდიოდა ორი დესეტინა მიწა, სოფ.

მედო რაიონებთან განსაკუთრებით მკიდრო კონტაქტს ამყარებდნენ სატარა ლიახვის ხეობის მკვიდრნი, ხოლო დიდი ლიახვის ხეობის სათავეებში მცხოვრებნი, რომელნიც ამ მხრივ კიდევ უფრო მძიმე პირობებში იმყოფებოდნენ, ჩრდილო ოსეთშიაც გადადიოდნენ, საიდანაც საპალნით დიდი გაჭირვებით გადმოჰქონდათ უმთავრესად სიმინდი⁸⁸.

დიდი ლიახვის ხეობის სათავეებში მცხოვრებთა საოჯახო მეურნეობაში მნიშვნელოვანი ადგილი ექირა ხე-ტყით სარგებლობას. ადგილობრივი ხელოსნები აგრძელებდნენ რა ხის დამუშავების⁸⁹ მამაპაპურ

თლისა და შიპრანში საშუალოდ ოჯახი ფლობდა ერთ დესეტინას, მსხლების საზოგადოებიდან სოფ. აბანოში სრულებით არ იყო სახნავი, ხოლო სოფ. ზალდაში კომლზე მოდიოდა ორი დესეტინა. ვ. აბაევის დაანგარიშებით, ლიახვისა და ქსნის ხეობებში ოჯახს საშუალოდ ჰქონდა 1-2 დესეტინა სახნავი (В. Д. Абаев, Экономическое развитие Юго-Осетии в период капитализма, стр. 25—26).

XIX საუკუნის 90-იან წლებში შედგენილი დოკუმენტაციიდან აშკარად ჩანს, რომ დიდი ლიახვის სათავეები (სოფ. ზღუბირისა და სბის მაგალითზე) მკაცრი კლიმატური პირობების გამო მიწათმოქმედებისათვის არახელსაყრელ ზოლს წარმოადგენდა, ისევე, როგორც დიდ სიმაღლეზე მდებარეობის გამო ხევთან ერთად ასევე მწირი იყო ოსებით დასახლებული თრუსოს ხეობა (იხ. И. Антелява, Государственные крестьяне Грузии в XIX веке, т. II, Тбилиси, 1962, стр. 236, 244, 245).

მიწათმოქმედების განვითარების მხრივ მთის სოფლებში ასევე არასახარბიელო ვითარება შეინიშნება 1917 წლის მონაცემების მიხედვითაც. საკმარისია აღინიშნოს, რომ როკის საზოგადოებაში კომლზე საშუალოდ მოდიოდა 0,91 დესეტინა სახნავი, მაშინ, როდესაც ყორნისის საზოგადოებაში ოჯახი საშუალოდ ფლობდა 4,11 დესეტინას. მთისა და ბარის სოფლებს შორის მკვეთრი განსხვავება იგრძნობოდა იმ მხრივაც, რომ მთიელები საესებით არ იცნობდნენ მეზაღეობას, მაშინ, როდესაც ბარელთათვის ეს იყო ერთ-ერთი მთავარი საკმინანობა. მართალია, მეზაღეობას ძირითადად ქართველები მისდევდნენ და ბარად დასახლებული ოსები დიდი ხალხით არ ეწაფებოდნენ მას (В. Абаев, დასახ. ნაშრომი, გვ. 86—88), მაგრამ ამ მაღალ სამეურნეო კულტურას ქართველების ზეგავლენით ბოლო დროს ოსებიც ეზიარნენ და დღეს ინტენსიურად ავითარებენ.

⁸⁸ იმის შესახებ თუ რა სიძნელეებთან იყო დაკავშირებული ჩრდილო ოსეთიდან პურის გადმოტანა და ზოგჯერ როგორი ტრაგიკული შედეგებით მთავრდებოდა გაჭირვებული აღამიანების ცხოვრება თოვლით დაფარული მთების გადალახვისას, მოგვითხრობს წარმოშობით ედისელი მწერალი ეუძაგ ძესოვი (Кудзаш, Дзесов, За хлебом. იხ. კრებულში, Осетинская проза, Тбилиси, 1958, стр. 179—192).

⁸⁹ აღმოსავლეთ საქართველოში, ძირითადად ბორჯომის ხეობის მაგალითზე, ხის დამუშავების ხალხური წესები შესწავლილი აქვს გ. გასიტაშვილს (იხ. გ. გასიტაშვილი, ხის დამუშავების ხალხური წესები, თბილისი, 1962). ეს საკითხი მანვე შეისწავლა თუშეთშიც (გ. გასიტაშვილი, ხის დამუშავების ხალხური წესები თუშეთში, იხ. კრებული — თუშეთის ეთნოგრაფიული შესწავლისათვის, თბილისი, 1967).

ტრადიციებს, საშინაოდ ამზადებდნენ კასრებსა და დგამ-ჭურჭელს. აშენებდნენ ხის სახლებს, ხოლო ვასაყიდად ამზადებდნენ ჯამებს, კოვზებს, საჭამილებსა და საწყლე ჭურჭელს. ხის ჭურჭელი ვასაყიდად მიჰქონდათ უმთავრესად ხევსა და თრუსოს ხეობაში.

შემოსავლის თვალსაზრისით განსაკუთრებული მნიშვნელობა ჰქონია სამშენებლო მასალას, რომლის დამზადება ითვალისწინებდა ტყით სარგებლობის რეჟიმის მკაცრად დაცვას. როგორც წესი, საწვავად ხმარობდნენ მასალად უვარგის მრუდე ხეებს და ტოტებს, ხოლო სამასალე ხეებს იყენებდნენ როგორც სახლის მშენებლობაში, ისე ვასაყიდად. მასზე დიდი მოთხოვნილება ყოფილა როგორც ქართლის სოფლებში და ქ. თბილისში, ისე თრუსოს ხეობასა და ჩრდილო ოსეთში. შემოსავლით დაინტერესებული ოსი მოიჭარადრეები ლიახვის სათავეებიდან ხეებს აცურებდნენ მდ. ლიახვით, ჯავაში კრავდნენ ტივებად და აცურებდნენ ქ. გორამდე. გორში ოსებისაგან ხეებს ყიდულობდნენ ქართველები და მტკვარზე დაცურებით თბილისში მიჰქონდათ.

თუ გორისა და თბილისის მიმართულებით ხეების გადასაზიდად მდინარეებს იყენებდნენ, სამაგიეროდ ჩრდილო ოსეთში (სახელდობრ. ნარის ტაფობში) ხეების გადატანა ხდებოდა ხარებით. აღმართზე ხარებით ათრეულ ხეებს თავივე აცურებდნენ ზაყა-ნარისაკენ, სადაც ის იყიდებოდა ფულზე ან საღებოდა ნატურალური გაცვლის საშუალებით.

ხის მასალისა და ნაწარმის თუ სხვა სახის პროდუქციის გატანა-შემოტანაში აქაური მთიელებისათვის სასიცოცხლო მნიშვნელობა ჰქონდა მეზობელ კუთხეებთან დამაკავშირებელ გზებსა და გადასასვლელებს⁶⁰. დიდი ლიახვის ხეობის სათავეებიდან კავშირი დამყარებული იყო თრუსოს ხეობასთან, ხევთან, მთიულეთთან, პატარა ლიახვის ხეობასთან და ჩრდილო ოსეთთან. თრუსოს ხეობასა და ხევში მოსახვედრად იყენებდნენ ორ ძირითად გზა-ბილიკს. პირველი მარშრუტის მიხედვით, ლიახვის ზედა წელის ერთ-ერთი მაღალი დასახლებიდან სოფ. ედისიდან გზა მიდის სოფ. ხოძისაკენ ან სოფ. გელკათაზე გავლით. ორივე ეს სოფელი მდებარეობს მთა-ზეგან ყაღალასანზე. ყაღალასანიდან მგზავრი დაეშვება თრუსოს ხეობაში. სოფ. დესში, საიდანაც მდ. თერ-

⁶⁰ პირიქითი კავკასიონის პირაქეთთან დამაკავშირებელი გზებისა და ზეყარების და საქართველო-ოსეთის ურთიერთობაში მათი მნიშვნელობის შესახებ იხ. დ. გვრიტიშვილი, დვალთა ვინაობისა და ოსთა ჩამოსახლების საკითხისათვის, გვ. 116—118; შიხიძე, ფეოდალური საქართველოს სოციალური ურთიერთობის ისტორიიდან, გვ. 63—64, 159—160; გ. თოგოშვილი, დასახ. ნაშრომი, გვ. 33; ვ. ითონიშვილი, საცხოვრებელი ნაგებობანი თრუსოს ხეობაში, კვ. I, გვ. 111.

გის დინების მიმართულებით გაივლის თრუსოს ხეობას თავიდან ბოლომდე და გაეა სოფ. კობში, საიდანაც იწყება ხევის სათავეები. მეორე მარშრუტით ხევში მოხვედრა შესაძლებელია ჰბის მთაზე გადავლით, ყაღლასანზე გავლით და თრუსოს ხეობის ჩამოვლით. პირველი მარშრუტით (ედისა→ყაღლასანი→თრუსო→ხევი) სოფ. ედისიდან თრუსოს ხეობის ზედა დასახლებულ პუნქტამდე — სოფ. დესამდე ყოფილა სამი საათის სავალი ცხენით, ხოლო ცხენით დაახლოებით ამდენივე დრო სჭირდებოდა თრუსოს ხეობის გავლით ხევის სათავეებამდე (სოფ. კობამდე) მისვლას. მეორე მარშრუტს კი (როკა-სბის გადასასვლელი→ყაღლასანი→თრუსო→ხევი) როკიდან დესამდე ცხენი ფარავდა ოთხ საათში.

აღნიშნული გზებით ლიახველ ოსებს თრუსოს ხეობასა და ხევში ჰაპალნით მიჰქონდათ ხის ჭურჭელი, რომელსაც სცვლიდნენ მატყლზე და ერბოზე ან ყიდდნენ ფულზე. უმთავრეს შემთხვევაში ეს მატყლი და ერბო იქიდანვე მიჰქონდათ ვლადიკავკაზში გასაყიდად და სიმინდის შესაძენად. თავის მხრივ, თრუსოელი ოსები ლიახვის ხეობაში ყიდულობდნენ განთქმულ ოსურ ყველს და ჰაკუთარ ნაწარმთან ერთად ის მოგების მიზნით მიჰქონდათ ვლადიკავკაზის ბაზარზე, რაც საქართველოს სამხედრო გზასთან უშუალო კავშირის გამო მათთვის უფრო ხელმისაწვდომი იყო, ვიდრე ლიახველათვის.

დიდი ლიახვის სათავეებიდან მთიულეთში გადასასვლელად იყენებდნენ შემდეგ მარშრუტს: ს. ედისი→ს. ერზანი→ყელის ტბა→ქარჩოხის ხეობა→ლომისა→ს. მლეჯა. მლეჯიდან თავისუფლად შეეძლოთ გასვლა როგორც მთიულეთის ხეობებსა და სოფლებში, ასევე ხევში, თრუსო ხეობაში, გუდამაყარში და სხვა კუთხეებში. ს. ედისიდან მლეჯამდე ცხენი გზას ფარავდა 5—6 საათში.

დიდი ლიახვის ხეობა ასევე სამთო კომუნიკაციებით იყო დაკავშირებული ჩრდილო ოსეთთან. ს. ედისიდან როკის გადასასვლელით ჩადიოდნენ ჩრდილო ოსეთის სოფ. ზაყაში, რომლის დაფარვა ცხენით შესაძლებელი ყოფილა 3 საათში. ზაყაში მოხვედრა შესაძლებელია აგრეთვე სბის ხეობიდანაც, ხოლო ზაყადან კავშირი დამყარებულია ნართან, ზარამგთან და სხვა დასახლებულ პუნქტებთან. მთხრობლებმა დავეისახელეს კიდევ ორი მარშრუტი. ერთი მათგანი მიემართებოდა ჯომალიდან, გადიოდა ჭინათზე, აქედან ქამახზე და ქამახიდან ნარში. ჭინათიდან გზა უკავშირდებოდა ზრუჯსაც. მეორე მარშრუტი ასეთი იყო: ჯომალი→მად-კუთილის მთა→ზაყა→ნარი. ახლა ზაყადან ნარამდე საურამე გზაა.

როგორც ზემოთ აღვნიშნეთ, ჩრდილო ოსეთთან დამაკავშირებელი გადასასვლელები გამოიყენებოდა ხეების გადასაზიდად. აქვე ისიც უნდა ითქვას, რომ აღნიშნული გზები მნიშვნელოვან როლს ასრულებდნენ ჩრთილოეთიდან პურეულის შემოტანაში. დიდი ლიახვის სათავეებში მცხოვრები მთიელები პურეულის შესაძენად მიდიოდნენ ჩრდილო კავკასიაში სწორედ ზემოთ დასახელებული გადასასვლელებით ნარში ჩადიოდნენ თავიანთი ცხენებით. იქ ისინი ქირაობდნენ ურმებს, აბამდნენ თავიანთ ცხენებს და მიეშურებოდნენ ბარისაკენ, სადაც ყიდულობდნენ სიმინდს ან ხორბალს, ურემზე დებდნენ დაახლოებით 25 ფუტს და ამოჰქონდათ ნარში. აქ ურმებს პატრონებს უბრუნებდნენ, ხოლო ნარიდან პურეული საპალნით გადმოჰქონდათ.

ბოლოს ისიც უნდა აღინიშნოს, რომ დიდი ლიახვის სათავეების მცხოვრებნი სამთო კომუნიკაციების საშუალებით მჭიდრო ეკონომიურ კონტაქტს ამყარებდნენ პატარა ლიახვის ხეობის მოსახლეობასთანაც. სოფ. ედისიდან გზა მიემართება ბრიტათისაკენ, აქედან გუდისში. გუდისიდან წრუში, წრუდან ყურიათში, ხოლო ამ უკანასკნელიდან ვანათში. ედისიდან ვანათამდე ცხენით ერთი დღის სავალა ყოფილა.

საქონლის გატანა-შემოტანასთან ერთად ზემოაღნიშნულ გადასასვლელებს იყენებდნენ ჩრდილო კავკასიის საზამთრო საძოვრებთან დასაკავშირებლადაც. ამ მხრივ განსაკუთრებით მნიშვნელოვანი იყო ის მარშრუტი, რომელიც თრუსოს ხეობასა და ხევზე გადიოდა. ამ გზის როლი განსაკუთრებით ბოლო ხანებში გაიზარდა, როდესაც ლიახვის სათავეებში მეცხვარეობა ფართო მასშტაბით განვითარდა. მთხრობლების გადმოცემით, ეს ხდება XIX საუკუნის მიწურულს და განსაკუთრებით კი საბჭოთა ხელისუფლების დამყარების შემდეგ. უფრო ადრე ცხვარი აქ ცოტ-ცოტა ჰყოლიათ და მხოლოდ იმდენს იშენებდნენ, რამდენის შენახვასაც შესძლებდნენ ბაგური კვებით. 100 სულის პატრონი ოჯახი აქ იშვიათად ყოფილა, ხოლო 50—60 სულიც მოსახლეობის უმცირესობას ჰყოლია. ასეთი ოჯახები ცხვარს აზამთრებდნენ კვერნაქის მთების ძირში, ხოლო ომიანობის დროს კახეთშიაც გასულან. მხოლოდ იმის შემდეგ, რაც ყიზლარის საზამთრო საძოვრებისაკენ გაიკაფეს გზა, მეცხვარეობაც აქ მეურნეობის წამყვან დარგად იქცა. ყიზლართან დაკავშირების საუკეთესო საშუალებას კი წარმოადგენდა მალრანდვალეთ-თრუსო-ხევის მარშრუტი.

• • •

ზემოთ მოკლედ ითქვა, რომ ქართლის მთიანეთში მცხოვრები ოსების ეკონომიკაში ხის დამუშავება სათანადო როლს ასრულებდა. ითქვა ისიც, რომ რძის ნაწარმთან ერთად ბაზარზე გაჰქონდათ მატყლი

და ტყავი უნდა აღინიშნოს, რომ ასეთი ვითარება მარტო სამხრეთელი ოსების ყოფისათვის კი არ იყო დამახასიათებელი, არამედ შინამრეწველობა ასევე ოჯახის არსებობის ერთ-ერთ აუცილებელ პირობას წარმოადგენდა ჩრდილო ოსეთში.

შინამრეწველობის როლი ოსეთში განსაკუთრებით დიდი იყო კაპიტალისტური ურთიერთობის განვითარებამდე, რაც შენიშნულია არაერთი მკვლევარის მიერ. ჭერ კიდევ ვახუშტი მიუთითებდა, რომ „სიმდიდრე მათი არის თოფი კრმალი, ჭაჭვი, ჭაქმანი; სპილენძი და ოქრო და ვერცხლი მცირედ. არა უწყიან თეთრი, არამედ თეთრისა წილ ნაბადი, ჩოხა, ხამი, შალი, ცხვარი, ძროხა და ტყვე, და ვაჭრობენ ურთიერთსა შინა ამათ... უწყიან კელოვნებანი ტყავისა, ქსოვა შალისა, თელვა, კეთება ნაბდისა კარგისა. იციან მკედლობა, ზეინკლობა, ხეთა მუშაკობა, სახლთ შენება... ქალთა მათთა უწყიან კერვანი წმინდა და კეთილნი. არა არს ქვეყანათა მათთა შინა მარილი, სელი, კანაფი და ბანბა და აბრეშუმი, რათამცა ყონ სამოსი თვისნი. ამისთვის უმეტესნი ჰცხობებენ ცხოვართა ტყავითა, გარნა ამათაც ზიდვენ ქართლიდამ. რაჟიდამ და ჩერქეზიდამ“⁶¹.

როგორც ვახუშტის ამ მოკლე და მრავლისმეტყველი აღწერილობიდან ვხედავთ, ოსები განიცდიდნენ რა ზოგიერთი ნედლეულის ნაკლებობას (რაც გამოწვეული ჩანს მაშინდელ ოსეთში მეცხვარეობის შეზღუდული მასშტაბით), მშენებლობასთან, ხეთა მუშაკობასთან. ზეინკლობასა და მკედლობასთან ერთად მოსდევდნენ ტყავის დამუშავებას, ნაბდის თელვას, ქსოვას და კერვას. ეს საქმე მათ იმდენად გაწუთვითარებიათ, რომ შინ მოსახმარს გარდა ქსოვილი და ტანსაცმელი ბაზარზე გასატანიც უმზადებიათ. თეთრის უქონლობის პირობებში ოსები ვაჭრობაში ცხვარ-ძროხასა და ტყვესთან ერთად „თეთრისა წილ“ იყენებდნენ ნაბადს, ჩოხას, ხამსა და შალს, რაც შინამრეწველობის განვითარების საკმაოდ მაღალი საფეხურის მაჩვენებელია.

შინამრეწველობის არსებობა ოსეთში შეუმჩნეველი არ დარჩენიათ არც უცხოელ მოგზაურებს. თუ შავალითად, ი. რეინეგსი განსაკუთრებით მაღალ შეფასებას აძლევდა დიგორელთა ნაწარმ იარაღს⁶², ხოლო ი. კლაპროტის ყურადღება მიუქცევია ოსეთში იარაღის დამზადების საქმესა და მშენებლობის ხელოვნებას, ხის დამუშავებასა და ავეჯის ორნამენტს⁶³, ფრანგი მოგზაური გამბა მოუხიბლავს ხალიჩებისა და ლუდის კეთებას. როგორც ის წერდა, ოსები ამზადებდნენ საუკეთესო

⁶¹ ვ ა ხ უ შ ტ ი, აღწერა... გვ. 111—112.

⁶² J. Reinegs, დასახ. ნაშრომი, გვ. 232.

⁶³ J. Klapproth, დასახ. ნაშრომი, გვ. 334, 664, 675.

ხარისხისა და ფერების მქონე ხალიჩებს, ხოლო ოსური ლუდი იმდენად კარგი ყოფილა, რომ თბილისში მას პირდაპირ ღვინოზე ცვლიდნენ⁶⁴.

კავკასიელ ხალხთა შინამრეწველობის შესწავლით დაინტერესებულნი მკვლევარნი ოსეთში განსაკუთრებით დიდ მნიშვნელობას ანიჭებდნენ მატყლის დამუშავებას. ო. მარგგრაფის დაკვირვებით, მატყლის დამუშავების მასშტაბითა და ტექნიკით ჩრდილო კავკასიელ ხალხთა შორის ოსები იმყოფებოდნენ მეორე ადგილზე დალესტენელთა შემდეგ. მატყლის ნაწარმიდან განსაკუთრებით გამოირჩეოდა მაუდი, რომელიც ცნობილი იყო ოსური მაუდის სახელწოდებით და კავკასიაში მას ერთ-ერთი პირველი ადგილი ეჭირა ლეკურთან და ყაბარდოულთან ერთად. ო. მარგგრაფს ისიც აღნიშნული აქვს, რომ ნაბადს ოსები არ ამზადებდნენ და ბაზარზე ყიდულობდნენ, ხოლო ფეხსაცმლისა და დგამ-ჭურჭლის, ისევე როგორც საპნის დამზადებოა დონე განისაზღვრებოდა ადგილობრივი მოსახლეობის შინამოთხოვნილებით მასშტაბით⁶⁵.

ოსები რომ მაუდის ქსოვასა და ჩოხა-ახალუხის კერვაში იყვნენ დაოსტატებულნი და რომ ჩუქურთმიანი დგამ-ჭურჭლის კეთება ოსეთში ძველსა და განვითარებულ საქმიანობას წარმოადგენდა, ამის შესახებ წერდა ოსი ეთნოგრაფი ს. კოკიევი⁶⁶, ისევე, როგორც კუსტარული წესებით ქსოვილის, ქუდების, თუ სხვა რამის დამზადებაში ოსებს დახელოვნებულ ოსტატებად თვლიდნენ სხვა დამკვირვებელნიც⁶⁷.

როგორც თანამედროვე მკვლევართა შრომებიდან⁶⁸ და ჩვენ მიერ შეკრებილი მასალებიდან ჩანს, შინამრეწველობა თავის მნიშვნელობას განსაკუთრებით დიდხანს ინარჩუნებდა ოსებით დასახლებული ხეობების სათავეებში, რომლებიც მართალია დაკავშირებული იყვნენ მეზობელ კუთხეებთან სამთო კომუნიკაციებით და კარჩაკეტილ მდგომარეობაში არ იმყოფებოდნენ, მაგრამ მოსახლეობის კონტაქტი შორეულ ბაზ-

⁶⁴ G a m b a, Voyage s dans la Russie méridionale et particulièrement dans les provinces situées au-de la du Caucase fait s depuis 1820 jusqu'au 1824, Paris, 1826, t. I—II, p. 30.

⁶⁵ О. М а р г г р а ф, დასახ. ნაშრომი, გვ. 4, 21, 69, 172, 229, 260—262.

⁶⁶ С. К о х и е в, Записки о быте осетин, СМЭ, I, 1885, стр. 46, 82.

⁶⁷ Е. М а к с и м о в, Г. В е р т е п о в, დასახ. ნაშრომი, გვ. 60—61; А. Р о с с и к о в а, დასახ. ნაშრომი, გვ. 318; К. Г а н, По долинам Чороха, Уруха и Ардона, СМОМПК, XXV, стр. 32.

⁶⁸ В. Д. А б а е в, Экономическое развитие Юго-Осетии в феодально-крепостную эпоху, стр. 74—76; მ ი ს ი ვ ე, Экономическое, развитие Юго-Осетии в период капитализма, стр. 54; Б. Т о т р о в, დასახ. ნაშრომი, გვ. 90—95; Б. К а л о е в, Осетини, М., 1967, стр. 84—92.

რებთან მაინც რამდენადმე გაძნელებული იყო. ცუდი გზების მქონე და ხშირ შემთხვევაში ძნელად მისადგომ მაღალ მთიანეთში შინ ნაწარმი ქსოვილი, ტანსაცმელი, იარაღი თუ დგამ-პუტრქელი XIX საუკუნის ბოლომდე გამოიყენებოდა ნატურალური გაცვლის საშუალებად და მთიელ ოსთა ყოფაში კიდევ ინახებოდა ის ტრადიცია, რომლის არსებობაზედაც ვახუშტი მიუთითებდა. თავის მხრივ შინამრეწველობა ერთგვარად ხელს უშლიდა სავაჭრო კაპიტალიზმის განვითარებას, ვინაიდან ნატურალური გაცვლის გზით მთიელები ახერხებდნენ საოჯახო საჭიროების საგნებზე თავიანთი მინიმალური მოთხოვნილების დაკმაყოფილებას. მაგრამ იმის შემდეგ, რაც მეცხვარეობამ მთიელი ოსების მეურნეობაში გაბატონებული ადგილი დაიჭირა, მეცხვარეობის პროდუქციაზე (ყველი, მატყლი, ხორცი) მოთხოვნილება გაიზარდა, ხოლო მთაში ფეხმოკიდებულმა ვაჭრებმა პირველი მოთხოვნილების საგნების შეტანა მოახერხეს, მდგომარეობა არსებითად შეიცვალა როგორც ვ. ი. ლენინი წერდა, რეფორმის შემდგომ ხანაში კავკასიაში რუსეთიდან შემოტანილი ფაბრიკული ნაწარმის კონკურენციის გამო თანდათანობით იღვევებოდა ადგილობრივი „შინამრეწველური“ ნაწარმი⁶⁹. „რუსეთის კაპიტალიზმი კავკასიას ითრევდა საქონლის მსოფლიო ბრუნვაში, ანიველირებდა მის ადგილობრივ თავისებურებებს — ძველებური პატრიარქალური კარჩაეტილობის ნაშთს, — ჰქმნიდა ბაზარს თავისი ფაბრიკებისათვის“⁷⁰. მოვლენების განვითარებამ ამ გზით ღრმა კვალი დააჩნია ოსების ცხოვრებასაც. სხვა მთიელებთან ერთად/იმთაც თანდათანობით ზურგი შეაქციეს შინ ნაწარმ ქსოვილს, ტანსაცმელსა და საოჯახო ინვენტარს და დაეწაფნენ ფაბრიკულ ნაწარმს, რომლის შექმნაც ქალაქებში ან სოფლის დუქანში შეეძლოთ, ხოლო უფრო რენტაბელურ საქმედ მიიჩნიეს მესაქონლეობის პროდუქციის ბაზარზე გატანა ნედლეულის სახით. მეცხვარეობის პროდუქციაზე დიდი მოთხოვნილების გამო იზრდებოდა თვით მეცხვარეობის გაფართოების ინტერესი, ხოლო ამის ნიადაგზე ხდებოდა ქონებრივი დიფერენციაციის გაღრმავება. შეიძლება ითქვას, რომ ასეთი ვითარების პირშო იყო მდიდარი ოჯახი. მართალია, ასეთი ოჯახების რიცხვი მთაში მოსახლეობის უმნიშვნელო პროცენტს შეადგენდა, მაგრამ ჩვენთვის საყურადღებო ისაა, რომ ყველა ასეთი ოჯახის სიმდიდრის ძირითად წყაროს და ამდენად ამ ტიპის ოჯახის წარმოქმნის საფუძველს წარმოადგენდა დიდი მასშტაბის მეცხვარეობა. მდიდარმა მეცხვარეებმა ხელთ იგდეს სხვებზე მეტი მამულებიც, ხოლო ზოგი-

⁶⁹ ვ. ლ ე ნ ი ნ ი, თხზულებანი, ტ. III, თბილისი, 1948, გვ. 703.

⁷⁰ ი ქ ე ე, გვ. 704.

ერთი მათგანი ხარბად დაეწათა ვაჭრობასა და მევახშეობასაც. ჩვენ შესაძლებლობა გვქონდა მთხრობლების მეშვეობით გავცნობოდიო რამდენიმე ასეთ ოჯახს. ამათგან აღსანიშნავია ქურთათის ხეობიდან თებივეებისა და გურიელების ოჯახები (რომელთა ქონება ზემოთ იყო ნაჩვენები), ჭურთის ხეობიდან დრიაეების ოჯახი (რომელთა დოვლათსაც ასევე ზემოთ გავეცანიო), პატარა ლიხვის ხეობიდან ვალიეების 70-სულიანი ოჯახი (რომელსაც ჰყოლია 100 სული მსხვილფეხა საქონელი და 1000 სული ცხვარი), ხოლო დიდი ლიხვის სათავეებიდან ლიტერატურაში სამაგალითოდ არიან დასახელებული პლიეები. შავლობები და სხვა⁷¹.

ამგვარად, ოსებით დასახლებული ყველა ხეობის შესახებ არსებული მონაცემების მიხედვით აშკარაა, რომ ოჯახის არსებობა ემყარებოდა მთურ მიწათმოქმედებას, მესაქონლეობას და რიგ ისეთ დამხმარე საქმიანობას, როგორც იყო საშოვარზე გასვლა, ვაჭრობა თუ შინამრეწველობა. მთიელი ოსების ეკონომიკაში ყველაზე უფრო მტკივნეულ საკითხს წარმოადგენდა პურის ნაკლებობა, რომლის შექმნის მიზნით იყენებდნენ იჯარას, შრომის გაქირავებას, ფულს და ნატურალურ გაცვლასაც. პურეულით უზრუნველყოფის წყაროს პირველ რიგში, მაინც მესაქონლეობიდან მიღებული პროდუქცია წარმოადგენდა თავის მხრივ, არც მესაქონლეობა იყო მთიელი ოსების ფუფუნებისა საფუძველი და მისი განვითარების მასშტაბები განისაზღვრებოდა ადგილობრივი რესურსების არსებობით, მაგრამ მთის სამეურნეო პირობებში ის მაინც უფრო რენტაბელურ დარგს წარმოადგენდა მთურ მიწათმოქმედებასთან შედარებით და ამდენად წამყვან მნიშვნელობასაც ინარჩუნებდა.

მ ე ს ა ნ ი თ ა ვ ი

ოჯახის მმართველობის სისტემა და მასში არსებული შრომის ორგანიზაცია

ოჯახის მართვისა და საოჯახო საქმიანობის ორგანიზაციის სფეროში ოსები, ისევე როგორც მათი მეზობელი ხალხები, განმსაზღვრელ მნიშვნელობას ანიჭებდნენ ადამიანის სქესსა და ასაკს. ამის მიხედვით ოჯახში გამოიყოფოდა, ერთი მხრივ სამამაკაციო და სადედაკაციო, ხო-

⁷¹ З. В а н с е в, Из истории родового строя в Юго-Осетии. стр. 29; В. Д. А б а е в, Экономическое развитие Юго-Осетии в период капитализма, стр. 92—93.

ლო. მეორე მხრივ, საუფროსო და საუმცროსო საქმეები. აღნიშნული ვითარება განსაკუთრებით მკვეთრად ახასიათებდა საოჯახო თემს, რამდენადაც სამიდან-ხუთამდე თაობის გამაერთიანებელი მრავალსულიანი სოციალური ერთეულის მართვა ტრადიციით შემუშავებული ნორმების დაცვის გარეშე შეუძლებელი იყო. როდესაც ოჯახის მართვის ამგვარი პრინციპი დაირღვეოდა, ოჯახის მთლიანობასაც საფრთხე ემუქრებოდა, ისევე, როგორც შეუძლებელი ხდებოდა ერთობის შენარჩუნება ოჯახის ეკონომიური საფუძვლების მოშლისა და ოჯახის წევრებს შორის კერძომესაკუთრული ტენდენციის განვითარების შემთხვევაში.

როგორც საოჯახო თემში, ისე ინდივიდუალურ ოჯახში ყველაზე დიდი უფლებებით სარგებლობდა უხუცესი მამაკაცი, რომელსაც ჩაბარებული ჰქონდა ოჯახის საერთო ხელმძღვანელობა. უხუცესი მამაკაცის პრიორიტეტი და ასაკის მიხედვით ოჯახის წევრთა ურთიერთობის ნორმები მკვეთრად იყო დამახასიათებელი დიდი ოჯახისათვის, რაც გაპირობებული იყო რამდენიმე თაობის ერთად ცხოვრებით. ასაკის მიხედვით უფლებრივი დიფერენციაცია ნაკლებად შეიმჩნეოდა ინდივიდუალურ ოჯახში, რომელიც არსებითად ორ თაობას მოიცავდა მშობლებისა და შვილების სახით და ოჯახის უფროსობაც თავისთავად მამის უცილობელ უფლებას წარმოადგენდა.

ჩვენ მიერ ოსეთში შეკრებილი ეთნოგრაფიული მასალები აშკარად გვიჩვენებენ უხუცესი მამაკაცის პრიორიტეტს როგორც ოჯახის მართვის, ისე საზოგადოებრივი ურთიერთობის სფეროში, მაგრამ ვინაიდან ამ საკითხს სხვადასხვა უპოქის მრავალი მკვლევრის ყურადღება მიუქცევია და ყველა მათგანს მის შესახებ თავისი აზრი გამოუთქვამს, საჭიროდ მიგვაჩნია, პირველ რიგში გავეცნოთ ჩვენს წინამორბედთა მემკვიდრეობას.

ისევე როგორც ოსთა ყოფის მრავალი სხვა საკითხის, უხუცესობით პრიორიტეტის შესახებაც პირველი სიტყვა ვახუშტის ეკუთვნის. როგორც იგი წერს, XVIII საუკუნის პირველი ნახევარში ოსეთში „კვალად უწყვიან პატივი მოხუცებულთა თჳსთა ფრიადი, და უვისთ, ვითარცა პატრონნი თჳსნი. ამათ მოხუცებულთაგან ჰყოფენ ბრჭობასა, და ზავსა. და ყოველსავე სამჭირნოსა თჳსთა განაგებენ მათით“¹.

ოჯახის მართვის სფეროში უფროს-უმცროსობის წესს შეეხო XIX საუკუნის ზოგიერთი მკვლევარიც. ვ. პუფის დაკვირვებით, ოჯახის მართვა ემყარებოდა რა უფროს-უმცროსობის პრინციპს, მამის გარდაცვალების შემდეგ მისი შვილები გაუყრელად ცხოვრებას გა-

¹ ვ ა ხ უ შ ტ ი, აღწერა...კვ. III.

ნაგრძობდნენ მათ შორის ხნით უფროსი ძმის ხელმძღვანელობით. უფროსი ძმის გარდაცვალების შემდეგ კი ოჯახის მართვა ეკისრებოდა მომდევნო ძმას. ასეთივე წესი შემდეგ ძალაში რჩებოდა მომდევნო თაობათა ცხოვრებაშიც, რასაც ვ. პუტაფი გვაცნობს თავის ორ ნაშრომში².

ოჯახსა და საზოგადოებაში ხნით უფროსობით პრიორიტეტი კარვად იყო ცნობილი ამ ტრადიციებზე აღზრდილი ოსი ეთნოგრაფის ნ. კოკიევისათვის. როგორც ის წერდა, უფროს-უმცროსობა და უფროსისადმი მორჩილება ემყარებოდა ურთიერთპატივისცემის ჩვეულებას. ოჯახის უფროსის დაუქითხავად არაფერი არ კეთდებოდა, მაგრამ თუ მას სურდა ოჯახსა და საზოგადოებაში ავტორიტეტი ჰქონოდა, ვალდებული იყო ყველა მნიშვნელოვანი საკითხი გადაეწყვიტა ოჯახის წევრებთან შეთანხმების შემდეგ. საკმარისი იყო ოჯახის უფროსს ბოროტად გამოეყენებინა თავისი მდგომარეობა და დესპოტიური, ერთპიროვნული მმართველობისადმი მიდრეკილება გამოემჟღავნებინა, რომ ოჯახის მთლიანობას საშიშროება დამუქებოდა, ხოლო მისი ხელმძღვანელის ავტორიტეტი დაცემულიყო. ასეთი ვითარება განსაზღვრავდა ოჯახის უფროსის უფლებებს, გზას უღობავდა დესპოტიზმს და აპირობებდა გაუყრელად ცხოვრების შესაძლებლობას³.

საოჯახო ყოფის რიგ სხვა მნიშვნელოვან საკითხთან ერთად ოჯახის მმართველობის სტრუქტურას განსაკუთრებით ვრცლად შეეხო ნ. კოვალევსკი თავის რამდენიმე გამოკვლევაში და შემდეგ დასკვნამდე მივიდა: ოჯახის საერთო ხელმძღვანელობას ეწეოდა უხუცესი მამაკაცი (ხისთჳრ), ხოლო ქალთა შრომა-საქმიანობის გამგებელი იყო ასევე ხნიერი დედაკაცი (ჳვსინ), რომელსაც ჩაბარებული ჰქონდა პროდუქტების სათაესო (კჳბიკ). რომელიმე მათგანის გარდაცვალების შემთხვევაში მათი ფუნქცია გადადიოდა მომდევნო უფროსების ხელში. იმ შემთხვევაშიც, როდესაც ოჯახის უფროსი დაავადმყოფდებოდა ან დაუძლურდებოდა, მის ადგილს იკავებდა მის მიერვე დასახელებული პიროვნება ანდა ის, ვისაც ხნით უფროსობით ეკუთვნოდა აღნიშნული მოვალეობის შესრულება. ოჯახის უფროსი ითვლებოდა რა ოჯახის წარმომადგენლად, ყველა საკითხი მისი თაოსნობით წყდებოდა. მისგან დამოუკიდებლად არ შეიძლებოდა არც ყიდვა-გაყიდვა, არც ხელშეკრულების გაფორმება, არც სამუშაოს ორგანიზაცია, მაგრამ ყოველ-

² В. П ф а ф, Народное право осетин. ССК, I, стр. 189; შ ი ს ე ვ, Материалы для древней истории осетин, ССКГ. IV. Тифлис, 1870, стр. 10.

³ С. К о к и е в, Записки о быте осетин, СМЭ, I, Москва, 1885, стр. 75.

ვე ეს კეთდებოდა ოჯახის სწრულწლოვან მამაკაცებთან შეთანხმებით. ერთპიროვნული მმართველობის წესი ოსური საოჯახო თემისათვის არ იყო დამახასიათებელი⁴. ყოველივე ამასთან ერთად მ. კოვალევსკის ჩსიღ შენიშნული აქვს, რომ ოჯახის უფროსის ან დიასახლისის მოღვაწეობით უკმაყოფილების შემთხვევაში ოჯახს უფლება ჰქონდა ისინი წეუცვალა უკეთესი ხელმძღვანელებით⁵.

უღირსი უფროსებისადმი ამგვარი დამოკიდებულების შესახებ წერდა ე. მაქსიმოვიც. ჩვენ არ ვიცით ამ საკითხზე მსჯელობისას ის მ. კოვალევსკის ემყარებოდა თუ საკუთარ დაკვირვებას, მაგრამ მ. კოვალევსკის მსგავსად მასაც აღნიშნული აქვს, რომ ოჯახის, გვარის ან სოფლის უფროსობა დამოკიდებული იყო ასაკზე, ხოლო თუ ოჯახში უფროსების მიმართ უკმაყოფილება ჩამოვარდებოდა, ოჯახს უფლება ჰქონდა მათ ნაცვლად აერჩიათ უკეთესი მამასახლისი და დიასახლისი⁶.

ხნით უფროსობის მიხედვით ოჯახის მართვის პრინციპი XIX საუკუნის მიწურულში ჯერ კიდევ ბარში მცხოვრები ოსების ყოფისთვისაც დამახასიათებელ მთვლენას წარმოადგენდა, რაც სოფ. გიზელის მაგალითზე დამოწმებული აქვს ა. ცალაგოვს⁷.

XX საუკუნის მკვლევართაგან, რომლებიც უფროს-უმცროსობის მიხედვით დიდი ოჯახის მმართველობის სისტემას ეხებოდნენ და ოჯახის ხელმძღვანელთა ფუნქციებს გვაცნობენ, შეიძლება დავასახელოთ გ. ჩურსინი, მ. კოსვენი, ზ. ვანეევი, ბ. ტოტროვი, ა. მაგომეტოვი და ს. კალოევი.

როდესაც გ. ჩურსინი აღნიშნავდა, რომ ოსები მოხუცს უაღრესად დიდი პატივისცემით ეპყრობოდნენ და რომ დიდი ოჯახის მეთაურობა მინდობილი ჰქონდა უხუცეს მამაკაცს, ხოლო სადედაკაცო საქმიანობა და სენე-სამზარეულო ებარა ქალთა შორის ხნით უფროს დიასახლისს (პეისინს)⁸, ის ეყრდნობოდა უმთავრესად დიდი ლიახვის ხეობის სათავეებში შეკრებილ მასალებს.

⁴ М. Ковалевский, Поземельные и сословные отношения у горцев Северного Кавказа, РМ; кн. XII, 1883, стр. 140; მისივე, Современный быт и древний закон, I, стр. 99—102, 146, 153—154, 159, 162; მისივე, Родовой быт в настоящем, недавнем и отдаленном прошлом, I, СПб., 1905, стр. 13—14.

⁵ М. Ковалевский, Поземельные и сословные отношения..., стр. 140; მისივე, Родовой быт..., стр. 14.

⁶ Е. Максимов и Г. Вертепов, Туземцы Северного Кавказа, стр. 43.

⁷ А. Цаллагов, Селение Гизель, стр. 2—3, 8—9.

⁸ Г. Чурсин, Осетины, стр. 36—37.

ლიტერატურულ მონაცემებთან ერთად ასევე სამხრეთ ოსეთში მოპოვებული ეთნოგრაფიული მასალის ანალოზის საფუძველზე მ. კოსვენმა კავკასიაში ისტორიულად არსებული ორი ტიპის საოჯახო თემიდან— დემოკრატიულიდან და დესპოტიურიდან, ოსური საოჯახო თემი, ფშაურ და ქართლურ საოჯახო თემთან, ერთად, მიაყუთვნა საოჯახო თემის პირველ ტიპს. ამ დებულების ფორმულირებისას მას მხედველობაში ჰქონდა ის გარემოება, რომ ოსური საოჯახო თემისათვის დამახასიათებელი იყო კოლექტიური საყუთრება, კოლექტიური წარმოება-მომხარება და დემოკრატიული მმართველობა. ეს უკანასკნელი მომენტი გამოხატულებას პოულობდა იმაში, რომ ოჯახის ხელმძღვანელად არჩეული კაცი, სასულერთია ის ხნიერი იქნებოდა თუ ახალგაზრდა, არ სარგებლობდა განუსაზღვრელი უფლებებით და ყველა მნიშვნელოვან საკითხს წყვეტდა ოჯახის სრულწლოვან წევრებთან შეთანხმების საფუძველზე⁹.

სამხრეთ ოსეთის ეთნოგრაფიულ მასალებზე დაყრდნობით ოჯახის მმართველობის საკითხს ორ ნაშრომში შეეხო ზ. ვანევეცი. ერთ-ერთ გამოკვლევაში მას აღნიშნული აქვს, რომ ოჯახის მმართველი იყო პაპა ან უფროსი ძმა, ხოლო ქალთა შრომა-საქმიანობას ხელმძღვანელობდა ხნით უფროსი ქალი (ნესინ)¹⁰. ზ. ვანევეცი იქვე შენიშნავს, რომ ეთნოლოგიური უფროსი უმცროსების აზრსაც ანგარიშს უწევდა, მაგრამ ზოგჯერ მისი „ძალაუფლება“ ოჯახში დესპოტიურ ხასიათს ღებულობდა. მკვლევრის აზრით, ოჯახის უფროსს დესპოტიზმზე ხელი აადებინა საკოლმეურნეო ყოფამ, ვინაიდან მის მოვალეობას შეადგენს ოჯახის სხვა წევრებსაც მოეთათბიროს¹¹. მეორე ნაშრომში კი ზ. ვანევეცი დესპოტიზმს უარკყოფს და ოჯახის სხვა წევრებთან უფროსის საქმიან კონტაქტს ოსური საოჯახო თემის მმართველობისათვის დამახასიათებელ მოვლენად ხატავს. მისაევე მტკიცებით, სამხრეთელი ოსების საოჯახო თემისათვის უცხო იყო ოჯახის უღირსი უფროსის გადაყენებისა და მის ნაცვლად ახალი ხელმძღვანელის არჩევის წესი, რის შესახებაც წერდა მ. კოვალევსკი¹².

ქართლის მთიანეთში მცხოვრები ოსების საოჯახო ყოფის შესწავლისა და სპეციალურ ლიტერატურაში გამოთქმულ შეხედულებათა

⁹ М. Косвен, Этнография и история Кавказа, стр. 102—103.

¹⁰ З. Ванеэв, О некоторых процессах изменений в семье и семейном быту юго-осетинской колхозной деревни, ИЮНИИ АН ГССР, вып. VII, Цхинвали, 1955, стр. 189.

¹¹ З. Ванеэв, დასახ. ნაშრომი, გვ. 221—222.

¹² З. Ванеэв, Из истории родового быта в Юго-Осетии, стр. 61.

საფუძველზე ბ. ტოტროვმა მხარი დაუჭირა მ. კოვალევსკის დებულების ზ. ვანევისიულ შეფასებას¹³. ამასთან ერთად ბ. ტოტროვი ფაქტობრივ მონაცემებზე დაყრდნობით აღნიშნავს, რომ ოჯახის უფროსი დესპოტიც კი არ იყო, არამედ ის იყო პირველი თანასწორთა შორის, რომელსაც მინდობილი ჰქონდა ოჯახის ხელმძღვანელობა. მისი გარდაცვალების შემდეგ ოჯახის მეთაურობა უკისრებოდა მომდევნო ხნით უფროს კაცს. მაგრამ ზოგჯერ ოჯახს ზათავეში ექცეოდა ახალგაზრდა გამპრიახი პიროვნება¹⁴, ვინაიდან ოსური წესის მიხედვით ოჯახის მმართველობაში ასაკთან ერთად ყურადღება ექცეოდა უნარსაც, რაც ბ. ტოტროვი ასაბუთებს ყოფაში დამოწმებული მაგალითებით¹⁵. შემდეგ ავითარებს რა თავის შეხედულებას ამ საკითხზე, ბ. ტოტროვი ცდილობს დაამტკიცოს, რომ ოჯახის უფროსი იყო ოჯახის სრულუფლებიანი პატრონი, განუსაზღვრელი ძალაუფლების მქონე, რომელსაც ოჯახის ყველა წევრი უყოყმანოდ უნდა დამორჩილებოდა¹⁶. ბოლოს ბ. ტოტროვი ერთიმეორეს უპირისპირებს რა ძველსა და ახალ საოჯახო ყოფას. იქ კიდევ ერთხელ უსვამს ხაზს იმ გარემოებას, რომ თანამედროვე ოჯახის უფროსი უკვე აღარ წარმოადგენს საოჯახო ქონების ერთადერთ მფლობელსა და გამგებელს. ოჯახის უფროსისადმი უყოყმანო მორჩილების ადრინდელი წესი ახალ ყოფაში შეიცვალა ხნით უფროსი და ცხოვრებაში გამოცდილი კაცისადმი ღრმა პატივისცემით. იმავე გვერდის ზედა აბზაცში კი აღნიშნულია, რომ წარსულში ოჯახის უფროსის ძალაუფლება დესპოტიური ხასიათის არ იყო. ყველა მნიშვნელოვან საქმესთან დაკავშირებით ის ყოველთვის ეთათბირებოდა ოჯახის უფროს წევრებს. მაგრამ მის დაუკითხავად არავითარი საკითხი არ წყდებოდა და მის გადაწყვეტილებას ოჯახის ვერც ერთი უფროსი წევრი ვერ უგულებელყოფდა¹⁷.

ჩრდილო ოსეთის ეთნოგრაფიულ მასალებზე დაყრდნობით ა. მაგომეტოვსაც შენიშნული აქვს, რომ ოჯახს მეთაურობდა უხუცესი კაცი — ჩვეულებისამებრ პაპა. მისი გარდაცვალების ან დაუძლურების შემთხვევაში ეს მოვალეობა გადადიოდა უფროსი შვილის ხელში, სოლო ოჯახის ხელმძღვანელი შეიძლებოდა ყოფილიყო აგრეთვე მოხუცებული ქალი. ა. მაგომეტოვი ოჯახის უფროსს ანასიათებს როგორც ოჯახის გამგებელსა და საოჯახო ქონების სრულუფლებიან ბატონ-

¹³ Б. Т о т р о в, დასახ. ნაშრომი, გვ. 152.

¹⁴ ი ქ ვ ე, გვ. 166—167.

¹⁵ ი ქ ვ ე, გვ. 156.

¹⁶ ი ქ ვ ე, გვ. 187.

¹⁷ ი ქ ვ ე, გვ. 236.

პატრონს, როგორც წესი, ოჯახში ქონებაზე საკუთრების უფლება არც ერთ წევრს არ ჰქონდა. მაგრამ ეს იმას როდი ნიშნავდა, რომ ოჯახის უფროსს თვითნებურად გამოეყენებინა ეს ქონება და ოჯახის საერთო ინტერესები უგულვებელყო. ოჯახის მართვა ემყარებოდა უფროსსა და სხვა წევრების შეთანხმებულ ურთიერთობასა და სოლიდარობას ოჯახის უფროსს, როგორც უხუცესსა და გამობრძმედილ მეურნეს. პატივისცემით ემორჩილებოდნენ, ხოლო თავის მხრივ ხელმძღვანელის ალაუფლებაც განსაზღვრული იყო საოჯახო და საზოგადოებრივი ყოფის სათანადო ნორმებით¹⁸.

ლიტერატურული მონაცემებისა და ეთნოგრაფიული მასალების ანალიზის საფუძველზე ოჯახის მმართველობის სისტემის დახასიათება მოგვცა აგრეთვე ბ. კალოევმა, ჯერ კავკასიელ ხალხთა ეთნოგრაფიისადმი მიძღვნილი განმაზოგადებელი ნაშრომის ერთ-ერთ მონაკვეთში, ხოლო შემდეგ 1967 წელს გამოსულ წიგნში. პირველ მათგანში გაკვრით არის ნათქვამი, რომ ოჯახის უფროსი მნიშვნელოვან საკითხებზე გადაწყვეტილებას ღებულობდა ოჯახის სრულწლოვან წევრებთან მოთათბირების შემდეგ¹⁹. მეორე ნაშრომში ავტორმა შედარებით სრულად და გამოკვეთილად გვიჩვენა თავისი პოზიციები აღნიშნული საკითხის მიმართ. პირველ ყოვლისა მან მიუთითა იმის შესახებ, რომ ჩვეულებისამებრ ოჯახის უფროსად იყო პაპა. მაშა ან უფროსი ძმა, ხოლო რაგ შემთხვევაში უფროსი დედაკაციც (დედა). ბ. კალოევი იქვე აღნიშნავს, რომ ზოგჯერ მამის გარდაცვალების შემდეგ ოჯახს სათავეში უდგებოდა არა უფროსი, არამედ პირადი ღირსებებით (შრომისმოყვარეობითა და ორგანიზაციული უნარით) დაჯილდოებული უმცროსი ძმა. უფროსობის ამ პატრიარქალური პრინციპის დარღვევის მიზეზად მკვლევარს მიაჩნია ოსეთში XIX საუკუნის ბოლოსა და XX საუკუნის დასაწყისში მიწათმოქმედების ტესაქონლეობის, საშოვარზე გასვლისა და სხვ. განვითარება. რაც მოითხოვდა კარგი ორგანიზატორის ხელს. ოჯახის უფროსს ზოგჯერ თვით მამა ნიშნავდა სიკვდილის წინ, ხოლო უმეტესწილად ოჯახის მეთაურობა დამოკიდებული იყო უფროს-უმცროსობის ჩვეულებაზე. ბ. კალოევი აქვე უარყოფს მ. კოვალევსკის ღებულებას იმის შესახებ, რომ ოსეთში ოჯახის უფროსის არჩევა ხდებოდა და თავის მხრივ მიუთითებს, რომ ოსური საოჯახო თემის უფროსს, რომელიც უდიდესი ავტორიტეტით სარგებლობდა, კი არავენ ირჩევდა, არამედ მისი ეს მოვალეობა მემკვიდრეობით გადადიოდა პაპიდან მამის, მამი-

¹⁸ А. Магомедов, даსახ. ნაშრომი, გვ. 134—135.

¹⁹ Б. Калоев, Осетины, Народы Кавказа. I, стр. 329.

დან შეიღოს ხელში. მის ავტორიტეტზე ბევრად იყო დამოკიდებული ოჯახის კეთილდღეობა, მაგრამ მიუხედავად მისი დიდი ავტორიტეტისა, დესპოტიზმის არსებობა გამოირიცხული იყო, ვინაიდან ყველა მნიშვნელოვანი საკითხის განხილვა ხდებოდა საოჯახო საბჭოზე ოჯახის სრულწლოვანი წევრებისა და ზოგჯერ დიასახლისის მონაწილეობით.

როგორც ზემოთ განხილული ლიტერატურადან ჩანს, ოჯახის მმართველობის სტრუქტურასა და ოჯახის ხელმძღვანელის ფუნქციებს პრაქტიკული მკვლევარი შეეხო და ყველა მათგანი იმ დასკვნამდე მივიდა, რომ ამ საპატრიო საქმეში უმთავრესი ყურადღება ექცეოდა პიროვნების ასაკს, ღირსებას და გამოცდილებას. სხვადასხვა ეპოქის მკვლევართ ერთხმად აღიარეს ისიც, რომ ოსური საოჯახო თემის მმართველობა ემყარებოდა სოლიდარობას და მას არ ახასიათებდა დესპოტიზმი, მაგრამ ამ საკითხის ძიებასთან დგაკავშირებით ზოგიერთი მათგანი, ნებისთ თუ უნებლედ, ბოლომდე თანმიმდევრული ვერ აღმოჩნდა და წინააღმდეგობაში ჩაეარდა. ეს შეეხება საკუთრივ ზ. ვანევეს. ბ. ტოტროვის, ა. მაგომეტოვის და ბ. კალოვის.

როდესაც ზ. ვანევეი ამტკიცებს, რომ ოსური საოჯახო თემის მართვა ემყარებოდა ოჯახის უფროსისა და სრულწლოვანი წევრების სოლიდარულ კონტაქტს, მაგრამ როდესაც იქვე მიუთითებს, რომ უფროსის ძალაუფლება ზოგჯერ დესპოტურ ხასიათს ღებულობდა და რომ მას დესპოტიზმზე ხელი ააღებინა საკოლმეურნეო ყოფამ. ეს უკვე ეპის ქვეშ აყენებს ოჯახის სოლიდარული მმართველობის არსებობას და ამგვარი მსჯელობის საფუძველზე იქმნება შთაბეჭდილება, თითქოს დესპოტიზმი იმდენად ძლიერი ფორმით იყო მოცემული, რომ მისი მოსაპობა მხოლოდ ცხოვრების არსებითი გარდაქმნის შედეგად გახდა შესაძლებელი.

ძალაუნებურად ურთიერთსაწინააღმდეგო აზრს დანინახავს მკითხველი ბ. ტოტროვის მსჯელობაშიც, როდესაც ის ამტკიცებს, რომ ოჯახის უფროსის უფლებები არ იყო დესპოტური და ამასთან ერთად წერს, თითქოს ის იყო განუსაზღვრელი ძალაუფლების მქონე მმართველი, ხოლო თანამედროვე ოჯახის უფროსი აღარ წარმოადგენს საოჯახო ქონების ერთადერთ მფლობელსა და გამგებელს.

მსჯელობაში სიფრთხილეს არც ა. მაგომეტოვი იჩენს, როდესაც, ერთი მხრივ, ამტკიცებს, რომ ოჯახის უფროსს უფლება არ ჰქონდა თვითნებურად გამოეყენებინა საოჯახო ქონება და სრულწლოვან წევრებთან შეთანხმების გარეშე მიეღო რაიმე სერიოზული გა-

²⁰ Б. К а л о в, Осетины, М., 1967, стр. 179—180.

დაწყვეტილება, ხოლო, მეორე მხრივ, ოჯახის უფროსს ახასიათებს, როგორც ოჯახის გამგებელსა და საოჯახო ქონების სრულუფლებიან ბატონ-პატრონს.

წინააღმდეგობა შეინიშნება ბ. კალოევის მსჯელობაშიც, როდესაც გვაცნობს ოჯახის სოლიდარული მმართველობის ხასიათს და ამავე დროს დამახასიათებელ მომენტად თელის ოჯახის უფროსობაში შემკვიდრების წესს. განა იქ, სადაც უფროსობა პაპიდან მამის და მამიდან შეიღის ხელში გადადიოდა და სადაც გარდაცვლილი უფროსის შემცვლელად იმავე თაობის კაცის დაყენების შესაძლებლობა გამოირიცხული იყო, შეიძლება დავინახოთ მმართველობის დემოკრატიული ფორმა, რის დასაბუთებასაც ბ. კალოევი ცდილობს? ვფიქრობთ, რომ არა, მაგრამ რატომ დაჭირდა ბ. კალოევი ამ დებულების წამოყენება? — მხოლოდ იმისათვის, რომ დაემტკიცებინა. თითქოს მ. კოვალევსკი შეცდა, როდესაც უფროსის არჩევა ოსური საოჯახო თემის მმართველობისთვის დამახასიათებელ მომენტად მიიჩნია. მ. კოვალევსკის ეს დებულება არ გაიზიარეს არც ზ. ვანეევმა და ბ. ტოტროვმა, ხოლო მ. კოვალევსკის პოზიციებზე აღმოჩნდნენ ე. მაქსიმოვი და მ. კოსვენნი.

ჩვენი ღრმა რწმენით, სიმაართლე უსათუოდ მ. კოვალევსკისა და მის თანამგრძობელთა მხარეზეა. მ. კოვალევსკი როდესაც წერდა, რომ ოსური ოჯახისათვის დამახასიათებელი იყო უფროსის არჩევის წესი, ის ღია ან ფარული კენჭისყრით მოწყობილ არჩევნებსა და მისი შესაბამისი ცერემონიების მოწყობას კი არ გულისხმობდა, არამედ იმ პრინციპებს, რომელიც ნიშანდობლივი იყო სოლიდარული, ანუ დემოკრატიული ბუნების საოჯახო თემისათვის. მას მხედველობაში ჰქონდა ის გარემოება, რომ ოჯახის უფროსი უნდა ყოფილიყო ოჯახის საერთო ინტერესების გამომხატველი და არა დესპოტი. და რამდენადაც ოსური საოჯახო თემის მმართველი წარმოადგენდა ოჯახის წევრებთან ზვიდრო კონტაქტში მყოფ ხელმძღვანელს და რამდენადაც ის მმართველობის დემოკრატიული წესის დაცვით გამოხატავდა ოჯახის წევრთა ინტერესებს, ხოლო ამ წესების დაღატის შემთხვევაში ოჯახის უფროსად ყოფნის შესაძლებლობა გამოირიცხული იყო, ამდენად მ. კოვალევსკის შეხედულება რეალური ვითარების გამომხატველად მიგვაჩნია. და თუ არჩევის წესი არ არსებობდა, მაშინ გაუგებარი იქნებოდა რატომ შეიძლებოდა ოჯახის უფროსად დამჯდარიყო წლოვანებით სხვაზე უმცროსი კაცი. ასეთი გადაწყვეტილება ხომ იმითი იყო დასაბუთებული, რომ ოჯახის მართვის უნარით ის ხნიერს სჯობნიდა. ამ პრინციპით საკითხის გადაწყვეტა განა არჩევანისა და მამასადამე, პიროვნების არჩევის შესაძლებლობას გამოირიცხავს? — დაბეჯითებით შეიძლება

ითქვას რომ არა და ამიტომ მტკიცება იმისა, თითქოს ოსეთში ოჯახის უფროსად არჩევის წესი არ არსებობდა და თითქოს თაობიდან ლაობაზე ამ უფლების მემკვიდრეობით გადაცემის პრინციპი იყო გაბატონებული, არც ზემოხსენებულ ავტორთა მიერაა დასაბუთებული და ეს არც ჩვენ მიერ ოსეთში შეკრებილი მასალებით დასტურდება.

ოსეთში რამდენიმე ზაფხულის განმავლობაში ამ საკითხზე მუშაობის დროს არც ერთი მთხრობელისაგან არ გვსმენია იმის შესახებ, რომ ოჯახის მმართველობის სფეროში არსებულიყო მემკვიდრეობის ზემოაღნიშნული წესი. სამაგიეროდ მთხრობლები ერთხმად აღიარებდნენ იმ ჩვეულების საყოველთაოდ არსებობას, რომელიც ემყარებოდა უფროს-უმცროსობის პრინციპს და რომელიც საყოველთაოდ ცნობილია ოსეთის შესახებ გამოქვეყნებული ლიტერატურიდანაც. როგორც წესი, საოჯახო თემის ხელმძღვანელობა, მინდობილი ჰქონდა უხუცეს მამაკაცს, რომელსაც ემორჩილებოდა სხვადასხვა თაობის რამდენიმე ცოლშვილიანი მამაკაცი თუ ოჯახის სხვა დანარჩენი წევრები. ამ უდავო კეშმარტების დასაბუთება და იმის მტკიცება, რომ უხუცესის გარდაცვალების შემდეგ მიზანშეწონილად ითვლებოდა მომდევნო უხუცესის უფროსობა, ზედმეტად მიგვაჩნია და საჭიროდ აღარ ვთვლით მის შესახებ საილუსტრაციო ფაქტების გამოძეუებას. ოღონდ აქვე ისიც უნდა ითქვას, რომ ზოგიერთ შემთხვევაში ეს პრინციპი ირღვეოდა და ოჯახის ხელმძღვანელობა ეკისრებოდა ხნით უმცროს კაცსაც. ნათქვამის დასაბუთების მიზნით აქ შეიძლება მოვიშველიოთ რამდენიმე ფაქტი. პირველ ყოვლისა გვინდა გავიხსენოთ ჭაქაელების 47-სულიანი ოჯახი (დიდი ლიახვის სათავეები), რომელსაც თავდაპირველად სათავეში ედგა პირველი თაობის უფროსი წარმომადგენელი ანდი. როდესაც ანდის უფროსი შვილი გაბილა ეპქრობაში გაება და მან ოჯახის მართვის უნარი გამოამჟღავნა, ანდომ და მისმა ძმა ნიკომ ოჯახის სრულწლოვან წევრებთან შეთანხმებით საოჯახო მეთურნობის წარმოება გაბილას მიანდეს და ოჯახის ფაქტიურ ხელმძღვანელად ის გამოაცხადეს.

ანალოგიურ ვითარებას ჰქონდა ადგილი პლიეების ოჯახში, რომელსაც განაგებდა ოთხ ძმას შორის უფროსი ძმა ნიკა, მაშინ, როდესაც მისი მამა ცოცხალი იყო.

ორივე ზემოხსენებულ ოჯახში მამისა და ბიძის ნაცვლად ოჯახის ხელმძღვანელის მოვალეობა დაკისრებული ჰქონდა მეორე თაობის უფროს წევრს. ადგილი ჰქონია ისეთ შემთხვევასაც, როდესაც გაუყრელ ოჯახში პირველი თაობის წარმომადგენელთაგან ცოცხალი არავან იყო, ასეთ ვითარებაში ჩვეულებისამებრ ოჯახს სათავეში უნდა ჩასდგომოდა ძმებსა და ბიძაშვილებს შორის უხუცესი კაცი, მაგრამ

ეს მოვალეობა დაკისრებია უმცროს ძმას. მთხრობლებმა სამაგალი-
თოდ დაგვისახელეს ერთი ოჯახი, რომელსაც უცხოვრია გუჯარეთ-
ში (გვარი ვერ გაიხსენეს). გაუყრელად ყოფილა ოთხი ძმა თავიანთი
შთამომავლებით. ოჯახს ხელმძღვანელობდა მათ შორის ყველაზე უფ-
როსი ძმა, რომელსაც უთხოვია ამ მოვალეობისაგან განთავისუფლე-
ბა. ოჯახის წევრებს თათბირი მოუწვევიათ, დაუკმაყოფილებიათ მისი
თხოვნა და გადაუწყვეტიათ ხელმძღვანელად აერჩიათ ყველაზე უმ-
ცროსი მეოთხე ძმა. ის მაშინვე არ დათანხმებულა, ვინაიდან სრული
რწმენა არ ჰქონია იმისა, რომ ოჯახი მას დაემორჩილებოდა. მხოლოდ
იმის შემდეგ, რაც ძმები მისი განკარგულებით უყოყმანოდ გავიდნენ
სათიბლად და ის დარწმუნდა, რომ ოჯახის წევრები წინააღმდეგობას
არ გაუწევდნენ, მას ოჯახის ხელმძღვანელობაც ხელთ აუღია.

ოჯახის მმართველობაში ასაკობრივი პრინციპის უგულვებლყოფის
შემთხვევები დასტურდება პატარა ლიახვის ხეობაში მცხოვრებ
ისტა ძველ საოჯახო ყოფაშიც. მაგალითად, ბოლოთაეეების ერთ-ერთ
ოჯახს იბას გარდაცვალების შემდეგ სათავეში ჩაუდგა მისი უფროსი
შვილი ჭიბრაილი, რითაც დაცულ იქნა უფროს-უმცროსობის წესი,
მაგრამ სინამდვილეში ოჯახის ფაქტიური ხელმძღვანელი და მეურ-
ნეობის მწარმოებელი იყო მისი მომდევნო ძმა ტატე. რომელიც გა-
მოარჩეოდა თავისი უნარითა და გამჭირიანობით.

ბოლოთაეეების მეორე ოჯახის აღწერილობიდანაც ნათლად ჩანს,
რომ ოჯახის ხელმძღვანელად ხნით უმცროსის, მაგრამ საამისოდ მომ-
ზადებული კაცის გამოყოფა დასაშვებად ითვლებოდა ისეთ ვითარე-
ბაში, როდესაც ოჯახში იმყოფებოდა მასზე ბევრად ხანდაზმული მა-
მაკაცი. ბოლოთაეეების ოჯახში ეს ვითარება კარგად გამოისახა მა-
მისა და შვილის ურთიერთობაში. თავდაპირველად თუ ოჯახს ხელმ-
ძღვანელობდა ხუთი ვაჟისა და ოთხი ქალის მამა თედო, თედოს დაბე-
რება-დაუძღურების გამო მისი მოვალეობა დაკისრებია უფროს ვაჟს
გიგოს.

ოჯახის ხელმძღვანელად გამოყოფის ზემოაღნიშნული წესი ასევე
დამახასიათებელი იყო ჩრდილოელი ოსების საოჯახო ყოფისთვისაც.
ზაგალითად, სოფ. ხადიკუსში სიტოხოვების დიდი ოჯახის მეთაური
იყო ჯერ რვა ვაჟის მამა მურზაბეგი, მისი გარდაცვალების შემდეგ
ეს მოვალეობა წილად ხვდა მის უფროს შვილს ვაბიშას, ხოლო როდე-
საც ვაბიშა სიბერით მოტყდა, ოჯახის უფროსობა დაეკისრა არა მის
მომდევნო ძმა ასლანიკოს, არამედ ასლანიკოზე უმცროს ბისოს. რო-
გორც სოზრიკო სიტოხოვმა (დაბად. 1902 წ.) აღნიშნა, ასე იმიტომ
გადაწყდა, რომ ბისო იყო გამოცდილი მეურნე და გასულ-გამოსუ-

ლი კაცი, ურომლისოდაც განსაკუთრებით ჰირდა ცხერისთვის საზამ-
თრო ადგილის აღება ბარად.

სოფ. ქადათში 1967 წლის 4 ივლისს ჩაწერილი მასალიდანაც
(მთბრ. ხაზიმატ ჩერქოს ძე კულოვი, 120 წ.) ჩანს, რომ მათი ოჯახის
ხელმძღვანელის — თემირყანის გარდაცველების შემდეგ ოჯახის უფ-
როსი ვახდა არა მისი უფროსი შვილი ჩერქო, არამედ ჩერქოს მომ-
ღვენო ძმა ბაზუერი.

ოსთა საოჯახო ყოფისათვის საერთოდ დამახასიათებელი ვითა-
რების ამსახველი ზემოთ მოტანილი რამდენიმე მაგალითის მიხედვით
აშკარად ჩანს, რომ ოჯახის ხელმძღვანელად იქდა უხუცესი მამაკაცი,
მაგრამ არაიშვიათად ხდებოდა ისედაც, როდესაც თავის მოვალეობას
შოხუცი სიკვდილამდე ვერ გაუძღვებოდა, დაბერება-დაუძღურების
ჯამო ოჯახის უფროსობაზე ხელს იღებდა და თავის ადგილს მომღვე-
ნო ძმას ან უფროს შვილს უთმობდა. ასეთი ნაბიჯის გადადგმა მოტი-
ვირებული იყო ოჯახის პრაქტიკული ინტერესების დაცვის საჭირო-
ებით, რამდენადაც მისი კეთილდღეობა ბევრად იყო დამოკიდებული
ხელმძღვანელის უნარსა და შესაძლებლობაზე. უმეტეს შემთხვევაში
კი სიკვდილამდე ოჯახის სათავეში იმყოფებოდა უხუცესი მამაკაცი.
შრომითა და სიღარბისლით სახელმწიფეკილი მოხუცის გადაყენება
ოჯახის უფროსობიდან დაუშვებელი იყო. ის დავრდომილი ავადმყო-
ფიც რომ ყოფილიყო, ოჯახი მას პროტესტს ვერ შეჰკადრებდა.
როგორც ზემოთ აღვნიშნათ, დაუძღურებული მოხუცი თითონვე აწეს-
რიგებდა ამ საკითხს და მომავალ უფროსსაც გამოჰყოფდა, მაგრამ ისეთ
შემთხვევაში კი, როდესაც ოჯახის უფროსი თავის მოვალეობას ვერ
უძღვებოდა, არაწესიერად იქცეოდა, ფუქსაუბრობდა და ოჯახის
მომავალზე არ ფიქრობდა, ოჯახის სრულწლოვან წევრთა შორის
დგებოდა მიზი გადაყენების საკითხი. სწორედ ამგვარი სიტუაცია აპი-
რობებდა ხელმძღვანელის არჩევას არა მარტო ასაკის, არამედ უნარის
მიხედვითაც.

მის შემდეგ, რაც უხუცესი კაცი ოჯახის ხელმძღვანელობას გა-
დააბარებდა თავისზე უმცროსს, ის თვითონ რჩებოდა ოჯახის საპა-
ტიო უფროსად, ხოლო მისი შემცველი გვევლინებოდა საოჯახო
მეურნეობის ორგანიზატორის როლში. როდესაც ოჯახს მეთაურობ-
და უხუცესი კაცი, მის მოვალეობას შეადგენდა როგორც ოჯახის
პრაქტიკული ხელმძღვანელობა, ისე მტერ-მოყვარესთან ურთიერ-
ობის მოწესრიგება, საოჯახო რიტუალის შესრულება და ა. შ. რო-
გორც წესი, მისი მითითებით სრულდებოდა ოჯახში ყველა სახის სა-
მუშაო, გარდა საქალებო საქმეებისა, რომელსაც უშუალოდ დიასახ-
ლისი განაგებდა. უხუცესი ხელმძღვანელის უნებართვოდ არ შეიძ-

ლებოდა მომზადრიყო დამოყვრება-დანათესავება, სადავო საქმის მოწესრიგება, დღეობების ჩატარება და სხვა, მაგრამ მდგომარეობა არსებითად იცვლებოდა იმ შემთხვევაში, თუ ოჯახის უხუცესი ხელმძღვანელი ოჯახის უფროსად თავის ნაცულად სხვის დანიშვნას მოითხოვდა. ასეთი ღონისძიების შედეგად ოჯახის ყოფილ ხელმძღვანელსა და ახალ მეთაურს შორის ფუნქციები იყოფოდა. როგორც ზემოთ აღვიშნეთ, ახალ ხელმძღვანელს ეკისრებოდა ოჯახის წარმოება და შრომის ორგანიზაცია, ხოლო ყოფილი უფროსი ეწეოდა საოჯახო ტრადიციებისა და სულიერი კულტურის მოთავეობას. მისადმი, როგორც უხუცესისადმი მოკრძალება და პატივისცემა ოჯახის ყველა წევრის ვალდებულებას შეადგენდა, რაც პირველ რიგში გამოხატულებას პოულობდა საკუთრივ მასა და მისი შემცველის ურთიერთობაში. ოსური ჩვეულების მიხედვით, ოჯახის ახალი უფროსი ვალდებული იყო ყოველი ახალი საოჯახო გეგმა უხუცესისათვის გაეცნო და მისი რჩევა მოესმინა. ისეთ შემთხვევაშიც კი, როდესაც უხუცესი აღარ ერეოდა ოჯახის მართვაში და რჩევაზედაც თავს იკავებდა, მითუმეტეს მაშინ, როდესაც ის დარწმუნებული იყო თავისი შემცველის შესაძლებლობაში, ოჯახის ახალი უფროსი ვალდებული იყო პატივი ეცა მისი ასაკისა და ავტორიტეტისათვის და ფორმალურად მაინც შეესრულებინა მოხუცისადმი პატივისცემის ზემოაღნიშნული წესი.

ამგვარად, ოჯახის უფროსად ყოფნა დამოკიდებული იყო როგორც ასაკზე, ისე პიროვნების უნარსა და ავტორიტეტზე. ასაკის უფლებელყოფა აქ ხდებოდა პიროვნების დაუმსახურებლობის შემთხვევაში. ყოველივე ეს კი იმის მაჩვენებელია, რომ ოჯახის უფროსი არ წარმოადგენდა ერთპიროვნულსა და თვითნება დესპოტს. მისი ასეთი უფლებებისა და დესპოტური მმართველობის შესაძლებლობას გამორიცხავდა წესი, რომელიც ოჯახის სრულწლოვან წევრებს უფლებას აძლევდა დაესვათ მისი გადაყენებისა და ოჯახის ხელმძღვანელობის სხვისთვის გადაბარების საკითხი. ასაკობრივი პრინციპის დარღვევის შემთხვევაში ოჯახის უფროსის ადგილს პიროვნება რაკი ოჯახის სრულწლოვანი წევრების თანხმობის შემთხვევაში იკავებდა და ამ უფროსის მოღვაწეობა მათთან კონტაქტის გარეშე წარმოუდგენელი იყო, აქ არ შეიძლება არ დავინახოთ არჩევის წესი, რასაც ასე თავგამოდებით უარპყოფენ მ. კოვალევსკისთან მოკამათე ექტორები და რაც თავის მხრავ დამახასიათებელი იყო ისეთი ტიპის საოჯახო თემის მმართველობისათვის, რომელსაც საფუძვლად ედო სოლიდარობა.

მმართველობის ამგვარსავე სისტემასთან იყო შეფარდებული დიასახლისის გამოყოფის წესი და მისი უფლება-მოვალეობა. ოჯახის

უფროსის შემდეგ მას ყველაზე მეტი პასუხისმგებლობა ჰქონდა და-
კისრებული და ის საკმაოდ დიდი უფლებებითაც სარგებლობდა. ოს-
თა საოჯახო ყოფისათვის ამგვარი ვითარება დამახასიათებელია მო-
ყოლებული ნართების გმირული ეპოსის შექმნის დროიდან ვიდრე
საოჯახო თემის გადმონაშთების საბოლოოდ მოსპობამდე, ე. ი. XX
საუკუნის დასაწყისამდე. ნართების საზოგადოებაში, რომელიც მატ-
რიარქატული ყოფის ძლიერი გადმონაშთებით სამხედრო დემოკრა-
ტიის საფეხურზე იდგა და რომლისთვისაც ჯერ კიდევ დამახასიათე-
ბელი იყო წინაგვაროვნული ცხოვრების ნაკვალევი, მეურნეობის სფე-
როში ქალი დიდ როლს ასრულებდა. ის მონაწილეობდა მიწათმოქმე-
ლებაში, აკეთებდა სასმელ-საქმელს, ქსოვდა და კერავდა. ამავე დროს
მას განკარგულებაში იყო პროდუქტების მთელი მარაგი²¹. და სწორედ
მაშინ, როდესაც ნართებში მოუსავლიანობისა და შიმშილობის წელი
დადგა და როდესაც ნიხასში (სოფლის საზოგადოებრივ საკრებულო-
ში—ვ. ი.) წამოწოლილი ღონეგამოლეული მეომრები წარსული ბარა-
ქანი ცხოვრების მოგონების მეტს ველარაფერს აკეთებდნენ, ურიზ-
მაგმა სთხოვა სათანას გაეძლო ეს დავრდომილი ხალხი და მათში კვლავ
გაედვიძებინა მებრძოლი სული. ურიზმაგს სათანამ აჩვენა პროდუქტე-
ბის დიდი მარაგი, რომელიც მათ საკუჭნაოში ინახებოდა²².

ეპოსის ეს ადგილი იმის მაჩვენებელია, რომ ნართების საზოგა-
დოებაში პროდუქტები დიასახლისს ებარა და მისივე განრიგით
ინარჩებოდა. ამასთან ერთად დიასახლისი აქტიურად მონაწილეობდა
საზოგადოებრივ ცხოვრებაში. როგორც სამართლიანადაა აღნიშნული,
ასეთი უფლებებით მოსილი ქალის განსახიერებას წარმოადგენდა ეპო-
სის მთავარი გმირი სათანა, რომლის მონაწილეობის გარეშე არც ერ-
თი მნიშვნელოვანა საკითხის გადაწყვეტა არ ხდებოდა²³. დიასახლი-
სის ამ უფლებების საწყისები ოსეთში ისევე ძველი ჩანს, როგორც
თვით ოსურში არსებული მისი სახელწოდება. ვ. აბაევის გამოკვლე-
ვით, ოსურში დიასახლისის ამსახველი ტერმინის — აფსინის (afsin |
afsinæ) შესატყვისია შუაზიური ტერმინი afsin, რაც ოლქის
მმართველის მნიშვნელობითაა ხსენებული VIII-IX სს. არაბულ წყა-
როებში. თავისი წარმოშობით კი ის სკვითურია (მასაგეტური), საი-
დანაც ეს სოცილური ტერმინი სესხების გზით უნდა გავრცელებუ-

²¹ Б. С к и т с к и й, Очерки по истории осетинского народа, стр. 48—49.

²² Б. С к и т с к и й, Хрестоматия по истории Осетии, I, стр. 45—46.

²³ В. И. А б а е в, Нартовский эпос, ИСОНИИ, т. X, вып. I, Дзауджикау, 1945, стр. 36; Б. С к и т с к и й, Очерки по истории осетинского народа, стр. 49.

ლიყო შუა აზიაში. ვ. აბაევმა ისიც აღნიშნა, რომ შესაძლებელია ტერმინი *αἰσίν* თავდაპირველად აღმნიშვნელი ყოფილიყო მასაგეტი მმართველი ქალისა მასაგეტების მატრიაჩკატულ საზოგადოებაში, ხოლო შემდეგ შუა აზიაში ის გავრცელებულიყო მმართველ მამაკაცთა სახელწოდებად. მეკლევრის ყურადღება მიუქცევია იმ გარემოებასაც, რომ ზემოაღნიშნული ოსური ტერმინი ზოგჯერ იხმარებოდა ნართების სახელგანთქმული დიასახლისის — სათანას ან ზოგიერთი სხვა გმირი ქალის საკუთარი სახელის ნაცვლადაც²⁴.

ნართების ეპოსში ასახულ ვითარებას ეხმაურება XIX—XX საუკუნეებში შეკრებილი ეთნოგრაფიული მასალები დიასახლისის ფუნქციისა და სახელწოდების შესახებ, რაც იმ გარემოების მაჩვენებელია, რომ ნართების საზოგადოებისათვის დამახასიათებელი ყოფის ელემენტები საუკუნეებს უძლებენ და მრავალი ცვალებადობის მიუხედავად XIX საუკუნეში კიდევ ინარჩუნებენ არსებობას. ასეთი რიგის ელემენტები გვაქვს მხედველობაში, როდესაც ვლაპარაკობთ ამა თუ იმ მოვლენის გადმონაშთურ ხასიათზე. ერთ-ერთ ასეთ ელემენტად აქ შეიძლება დავასახელოთ თუნდაც დიასახლისის როგორც ოჯახის დოვლათის მცველისა და მხარჯველის უფლება, რომლითაც ისევე იყო აღქურვილი რომელიმე ოსი დიასახლისი XIX საუკუნეში, როგორც სათანა ნართების საზოგადოებაში. XIX საუკუნის ოს დიასახლისის ისეთივე უფლებით ჰქონდა ჩაბარებული ოსური კაბიცი (სენე), როგორითაც სათანას ის საკუქნაო, საიდანაც მან ურიზმაგის თხოვნით შვიერ მეომრებზე ხორაგი გასცა.

დიასახლისის ამგვარი უფლებების შესახებ ნათელ წარმოდგენას გვაძლევს როგორც ეთნოგრაფიულ ლიტერატურაში ასახული ცნობები, ისე ჩვენ მიერ ამ საკითხზე შეკრებილი მასალები. ვინც კი დიასახლისის ფუნქციებს შეეხო, ყველამ აღნიშნა, რომ ეს მოვალეობა ეკისრებოდა ოჯახში ხნით უფროს ქალს, უმეტეს შემთხვევაში ოჯახის უფროსის მეუღლეს. ითქვა იმის შესახებაც, რომ კაბიცი მას ჰქონდა ჩაბარებული, რომლის გასაღებები, ყოველთვის ქამარზე ჩანოკიდებული, წარმოადგენდა დიასახლისის ძალაუფლების სიმბოლოს. სხვადასხვა ეპოქის ავტორებს არც ის გამორჩენიათ მხედველობიდან, რომ დიასახლისის უმთავრესი მოვალეობა იყო ქალთა შრომა-საქმიანობის ხელმძღვანელობა, რის გამო ის აღარ მონაწილეობდა მინდვრის სამუშაოებში და საოჯახო საქმიანობაში, ხოლო ყველა სერიოზულ სა-

²⁴ В. Абаев, Историко-этимологический словарь осетинского языка, стр. 110—111; მ. ს. ე. ვ., Среднеазнатский политический термин афсин, ВДИ, 1959, № 2, стр. 112—116.

კითხზე თათბირის დროს კაცებთან ჯდომის უფლებით სარგებლობ-
ლა²⁵.

ჩვენ ხელთ არსებული მასალიდანაც, რომლის მეშვეობითაც ძი-
რითადად გავეცნობით ლიტერატურაში ნაკლებად ცნობილ მომენტებს,
დასტურდება, რომ ოსეთში მამასახლისობის მსგავსად დიასახლისობაც
პირველ ყოვლისა ხნით უფროსობით იყო გაპირობებული. აღწერილ
ოჯახებში დიასახლისებად ვხედავთ უმთავრესად ოჯახის უხუცეს მე-
თაურთა მეუღლეებს. ამავე მასალების მიხედვით მოწმდება ისეთი
შემთხვევებიც, როდესაც უხუცესი კაცის გარდაცვალების ან მისი გა-
დადგომისა და ოჯახის უფროსად მასზე უმცროსის არჩევის შემდეგაც
დიასახლისად იმყოფებოდა კვლავ უხუცესის ცოლი. მაგალითად, ჭი-
ქაეების ოჯახის დიასახლისი იყო ჭერ ოჯახის თავდაპირველი
უფროსისა და უხუცესის — ანდის ცოლი თითოეო. თითოეოს გარ-
დაცვალების შედეგ დიასახლისობა გადასულა ნიკოს (ანდის
ძმის) ცოლის — როდანას ხელში, ხოლო როდანას გარდაცვა-
ლების შემდეგ ეს მოვალეობა დაკისრებია გაბილას (ანდის უფ-
როსი შვილის) მეუღლეს — ვუალას. ასე შეიძველა ოჯახში რამდენ-
ნიმე დიასახლისი მაშინ, როდესაც ანდი ოჯახის მეთაურობიდან გადა-
მდგარი იყო, ის მხოლოდ საპატიო უფროსის მდგომარეობაში იმყო-
ფებოდა თავის ძმა ნიკოსთან ერთად, ხოლო ოჯახს ფაქტიურად გაბი-

²⁵ С. К о х п е в, Записки о быте осетин, СМЭ, I, стр. 80; М. К о в а л е в -
с к и й, Современный быт и древний закон, I, стр. 101—102; А. Ц а л -
л а г о в, Селение Гизель, стр. 2; Г. Ч у р с и н, Осетины, стр. 37, 42; М. К о -
с в е н, Этнография и история Кавказа стр. 8—9; Б. Т о т р о в, დასახ. ნაშ-
რობი, გვ. 126—127, 176, 339; А. М а г о м е т о в, დასახ. ნაშრობი, გვ. 135;
Б. К а л о е в, Осетины, М., 1967, стр. 180—181; З. В а н е е в, Из истории
родового быта в Юго-Осетии, стр. 11, 61, 62,

შ ე ნ ი შ ე ა: იმასთან ერთად, რომ საქალებო საქმეებს ხნიერი ქალი ხელმ-
ძღვანელობდა, ზ. ვანეევი ამ ნაშრომში აღნიშნავს იმასაც, რომ სამხრეთ ოსეთში ქალი
საზოგადოებრივ ურთიერთობაში აქტიურად მონაწილეობდა და კაცებისაგან ისე
იზოლირებული არ ყოფილა, როგორც ჩრდილო ოსეთში. ამაში ავტორი ხედავს ნარ-
თების საზოგადოებრივი ყოფის შორეულ გამოძახილს (გვ. 11).

ოსთა ტრადიციებში ნართების ყოფის გაღმონაშთების შემონახულობა გამოირიხ-
ული არაა, მაგრამ ძნელი წარმოსადგენია, რომ საქართველოს ტერიტორიაზე მესო-
ვრებ ოსთა წეს-ჩვეულებებში უკეთესად შემორჩენილიყო ნართთა ყოფის ელემენ-
ტები, ვიდრე ჩრდილო ოსეთში, სადაც, როგორც ოსთა დედასაშობლოში, ტრადიციის
უწყვეტი განვითარების მეტი შესაძლებლობა არსებობდა და ნართების ყოფ-ცხოვ-
რების შემკვიდრებაც იქ უფრო ადვილად დასიანახი უნდა იყოს. ჩვენ შიგვეჩნია, რომ
სამხრეთელი ოსების საზოგადოებაში ქალის მეტი თავისუფლება ჩრდილოელებთან
შედარებით აიხსნება ქართული წეს-ჩვეულებების ზეგავლენით და არა ნართთა უძვე-
ლესი ტრადიციების შემონახულობით.

ლა ანდის ძე მართავდა. საყურადღებოა აღინიშნოს, რომ ოჯახის ზეგავლენად გაბილას ყოფნის დროს დიასახლისობა წილად ხვდათ გაბილას დედასაც, ბიძის ცოლსაც და მეუღლესაც. ეს კი იმ გარემოებაზე მიგვიჩვენებს, რომ ჯიქაელების ოჯახში ერთი მხრივ, დაცული იყო ასაკობრივი პრინციპი, ხოლო მეორე მხრივ განმსაზღვრელ ფაქტორს წარმოადგენდა პიროვნების უნარი და შესაძლებლობა. თუ ასაკის მიხედვით ფუნქციების განაწილება მოხდა დიასახლისობის სფეროში და პირველ მათგანს სცვლიდა მომდევნო ასაკის წარმომადგენელი, სამაგიეროდ, როგორც ამის შესახებ ზემოთ უკვე ითქვა, ამას არ ჰქონია ადგილი მამაკაცთა მოღვაწეობის სფეროში. იგივე შეიძლება ითქვას პლიეების ოჯახის მიმართაც. მაშინ, როდესაც ოჯახს განაგებდა ოთხ ძმას შორის ყველაზე უფროსი ნიკა, ხოლო მისი მამა უხუცესი კაცის საპატიო მდგომარეობაში იმყოფებოდა, დიასახლისობას განაგრძობდა ნიკას დედა. ლიახველმა ოსებმა ანალოგიური წესი შემოინახეს ჩვენ დრომდისაც. ფარსიეების ოჯახის შესწავლამ გვიჩვენა, რომ სამი ძმიდან პირველ იმპერიალისტურ ომში დაღუპულან სულ უფროსი ციცკა და უმცროსი ამბროზი. საბოლოოდ ოჯახში ერთად ცხოვრობდნენ დიმიტრი და მისი ძმის ციცკას შვილი ნიკალა. ამ ოჯახს მეთაურობდა დიმიტრი, ხოლო დიასახლისად იღვა არა მისი მეუღლე, არამედ უფროსი რძალი ფეფე (ციცკას ქვრივი).

მრავალთაგან რამდენიმე მაგალითის მიხედვით ასეთივე ვითარება მოწმდება ჩრდილო ოსეთშიაც. ქურთათის ხეობის სოფ. გულში ქაბოლოეების დიდი ოჯახის დიასახლისი იყო შაშინკა, მაშინ, როდესაც ოჯახს ჯერ ხელმძღვანელობდა მისი მეუღლე ბეჩირი, ბეჩირის გარდაცვალების შემდეგ მისი უფროსი შვილი ხაზი, ხოლო ხაზის გარდაცვალების შემდეგ ბეჩირის მეორე შვილი სადულა. სოფ. ხიდიკუსში მცხოვრები გოჯიეების ოჯახშიც დიასახლისად მყოფმა შაუჩიყმა ეს მოვალეობა ოჯახის ორ უფროსთან შეასრულა: ჯერ ოჯახს ხელმძღვანელობდა მისი ქმარი დადა, ხოლო შემდეგ დადას შვილი გაკო. გაკოს ცოლი გოშქარ დიასახლისობას ეზიარა მხოლოდ გაკოს დედის გარდაცვალების შემდეგ. ასევე ოჯახის უფროსის გამოცვლის პირობებში მოუხდა დიასახლისობა სიტოხოვების დიდ ოჯახში გაბიშას ცოლს, როდესაც გაბიშამ ოჯახის მეთაურობა თავის უმცროს ძმას ბისოს დაუთმო.

როგორც ამ მაგალითებიდან დავინახეთ, დიასახლისად ყოფნა პირველ ყოვლისა დამოკიდებული იყო ქალის ასაკზე. ამიტომ ხშირად ხდებოდა ისე, რომ ოჯახის უფროსი და დიასახლისი ცოლ-ქმარნი არ იყვნენ, მაგრამ ასეთი ვითარება მაინც შედარებით ნაკლებად ყოფილა დამახასიათებელი, ვინაიდან ასაკის უკუღებელყოფას ადგილი

პქონდა გამონაკლის შემთხვევაში და თუ ხელისშემშლელი მიზეზი რომელიმე მათგანის უუნარობა არ იქნებოდა, ოქახის სათავეში ყოფნა უმთავრესად ცოლ-ქმარს უწევდათ. ეს იყო ოსეთში საყოველთაოდ გავრცელებული წესი, რომლის ირგვლივ ფაქტების დამოწმება ზედმეტად მიგვაჩნია, ისევე როგორც ფაქტებით მტკიცების გარეშე შეიძლება ისიც ითქვას, რომ ოქახის სათავეში მყოფი ერთი თაობის წარმომადგენელი ცოლ-ქმარის შეცვლა მეორე თაობის წარმომადგენელი წყვილით ხდებოდა არა მარტო პირველთა გარდაცვალების, არამედ მათი დაბერება-დაუძღურების შემთხვევაშიც.

ოსეთში დადასტურდა ისეთი ვითარებაც, როდესაც ერთ ოქახში ორი დიასახლისი ტრიალებდა. რაც ნაქარნახევი ყოფილა სპეციფიკური სამეურნეო პირობებით. ორი დიასახლისი ემსახურებოდა ისეთ გაუყრელ ოქახს, რომელსაც ორ სხვადასხვა ადგილას უხდებოდა ცხოვრება და შრომა. ასე პქონია დაყენებული საქმე, მაგალითად, იბა ბოლოთაევის ოქახს, რომლის ეკონომიურ ბაზას ერთდროულად წარმოადგენდა როგორც მთა (სოფ. შუაცხვირი), ისე ბარი (სოფ. ფრინევი). მაშინ როდესაც იბას გარდაცვალების შემდეგ ოქახის უფროსი გახდა იბას უფროსი შვილი ჭიბრაილი, მაგრამ ფაქტიურად ოქახს სათავეში ჩაუდგა უფრო ენერგული ტატე, დიასახლისი ყოფილა ჭიბრაილის ჯერ პირველი, ხოლო მისი გარდაცვალების შემდეგ მეორე ცოლი. მასთან ერთად მეორე დიასახლისად გაუპიროვნებით ტატეს ცოლი. ეს დიასახლისები თანაბარი უფლებებით სარგებლობდნენ და მოვალეობის ნებისულების მხრიავც ერთნაირ მდგომარეობაში იმყოფებოდნენ. ასეთ თანასწორუფლებიანობას აპრობებდა მათ შორის არსებული მორიგეობის წესი. როდესაც ერთი მათგანი მთაში სამი წლის ვადით დიასახლისობდა, მეორე ამ ხნის განმავლობაში ამავე მოვალეობას ასრულებდა ბარში. მათ შორის ადგილების გაცვლა ხდებოდა ყოველ სამ წელიწადში ერთხელ.

განხილული მასალის მიხედვით აშკარა უნდა იყოს; რომ ასაკს და უნარს ისევე ექვემდებარება დიასახლისობის სფეროში, როგორც ეს დაინახეთ ოქახის უფროსის ფუნქციების შესწავლისას. უგერგილო დიასახლისისათვის ოქახის მინდობა არც შეიძლებოდა, ეინაიდან ძირითადად მის გამპირიახობაზე იყო დამოკიდებული ქალთა შრომის სწორი ორგანიზაცია და პროდუქტების რაციონალური გამოყენება წლიური ციკლისა და ოქახის ეკონომიური პირობების შესაბამისად. როგორც ზემოთ აღვნიშნეთ, მის ხელთ იყო საკუქნაოს გასაღები, რომელსაც ის სხვაგან წასვლის შემთხვევაში უტოვებდა და პროდუქტების გახარჯვის განრიგს აძლევდა ყველაზე გამოცდილ რძალს — მომავალ დიასახლისს.

მიუხედავად იმისა, რომ შრომის ორგანიზაციის სფეროში დიასახლისის უმთავრეს მოვალეობას წარმოადგენდა ქალების დასაქმება. გულხელდაკრეფილი ქალბატონი თვითონაც არ ყოფილა. უმთავრეს შემთხვევაში მის კისერზე გადადიოდა პურის ცხობა და საკმელების კეთება. ზოგჯერ ყველ-ერბოს დამზადებაც მას უწევდა, ვინაიდან ეს გამოცდილი ქალის ხელს საკვირობედა. ამ საქმეებში დიასახლისს ეხმარებოდნენ უფროსი თაობის რძლები. ისეთ ოჯახში კი, სადაც რამდენიმე დახელოვნებული რძალი ტრიალებდა, დიასახლისი მხოლოდ პურს აცხობდა, რაც მრავალსულიანი საოჯახო თემის ფარგლებში დიდ დროსა და ენერჯიას მოითხოვდა. სიბერით დაუძღურების ეპოს კი დიასახლისი ამ მოვალეობისაგანაც თავისუფლდებოდა და ის მხოლოდ ორგანიზატორის როლში გვევლინებოდა.

დიასახლისის მიერ რძლებს შორის ფუნქციების განაწილების განმსაზღვრელ ფაქტორსაც ასაკი წარმოადგენდა. თუ უფროსი თაობის რძლები დიასახლისს პურის ცხობასა და კერძის მომზადებაში ეხმარებოდნენ, ხოლო პერსონალურად მათ მოვალეობას შეადგენდა უმთავრესად წველა-დღვება და ტყავ-მატყლის დამუშავება (ოჯახის წევრთათვის სამოსელისა და ლოჯინის დამზადება). საშუალო თაობის რძლები საქონლის მოვლა-პატრონობასთან ერთად სამუშაოდ გადიოდნენ მინდვრადაც. ისინი მკიდნენ ყანას, ფოცხავდნენ თივას, კაცებს ეხმარებოდნენ სახნავ ნაკეთებზე ნაკელის გატანაში, თივის ზვინების დაღვებაში, თივისა და ძნის შემოტანა-დალაგებაში, ლეწვასა და ჭირხახულის დაბინავებაში. ყოველივე ამასთან ერთად მათ კისერზე იყო სასმელების გამოხდა, მგზავრისა და მწყემსის მომზადება-გასტუმრება. ქმარ-შვილის მოვლა, ხელსაქმე და სხვა წერილმანი საქმიანობა. რაც შეეხება უმცროსი თაობის რძლებს, მათ მოვალეობას შეადგენდა როგორც მინდვრად მუშაობა, ისე სახლში საუმცროსო საქმიანობის გაძღოლა. ასეთ საქმიანობად კი ითვლებოდა სისუფთავის დაცვა (რეცხვა, სახლის, ბოსლის და ეზოს დაგვა) და უფროსებისა და სტუმრების მომსახურება. უმცროსი რძლების პასუხისმგებლობა განსაკუთრებით იზრდებოდა სტუმრიაანობის დროს, ვინაიდან ოსეთში, ისევე როგორც კავკასიაში საერთოდ, სტუმართმოყვარეობა ყოფის ერთ-ერთ უმნიშვნელოვანეს მომენტს წარმოადგენდა²⁵. ამის მატერიალურ საბუთად

²⁵ ე ა ხ უ შ ტ ი, აღწერა... გვ. 111; J. Klaprotin, დასახ. ნაშრომი, გვ. 274—284; K. Kocin, დასახ. ნაშრომი, გვ. 256; В. Фасек, Осетинны, Очерки России, кн. I, СПб., 1838, стр. 166; Н. Берзенов, Из записок об Осетии, газ. «Кавказа», 1852, № 67; Ф. Леонтович, II, стр. 29; Н. Дубровин, т. I, кн. I, стр. 362—366; Н. Кавуков, В осетинском ауле. ССКГ, VIII, 1875, стр. 2—3; მ ის ი ე ვ, Горцы-переселенцы, ССКГ, IX, 1876; E. M a p -

გვესახება სტუმრის მისაღებად განკუთვნილი ოთახი საცხოვრებლის კომპლექსში ან ეზოში ცალკე მდგარი ნაგებობის სახით, რომელსაც ოსურად ეწოდება უ ა ზ ა გ დ ო ნ — სასტუმრო (უ ა ზ ა გ — სტუმარი), ხოლო ლიტერატურაში ის ცნობილია საყონალოს სახელწოდებით²⁷.

საუმცროსო საქმიანობათა სფეროდან ცალკე იყო გამოყოფილი პატარძლის ვალდებულება. დაახლოებით ორ თვემდე მას ევალებოდა მხოლოდ სახლ-კარის დაგვა და ლოგინების გაშლა-ალაგება, ხოლო როდესაც მას წყლის მოსატანად წყაროზე წაიყვანდნენ და სათანადო რიტუალს შეასრულებდნენ, იგი სხვა ახალ რძლებთან ერთად სრული დატვირთვით ემმებოდა საუმცროსო საქმიანობაში. ამასთან ერთად, მას როგორც ყველაზე უმცროს რძალს, საუმცროსო სამუშაოებიდან სხვებისაგან განსხვავებით პერსონალურად ევალებოდა ვახშობის დროს ფეხზე დგომა და ხელში კვართით მამაკაცთა სუფრის გაშუქება. ისევე როგორც მისსავე მოვალეობას შეადგენდა უფროსი კაცებისა და სტუმრებისათვის ხელებზე წყლის დასხმა და ფეხების დაბანა. პატარძლის ეს პერსონალური მოვალეობა ოჯახში გრძელდებოდა ახალი პატარძლის მოყვანამდე, ე. ი. მანამდე, სანამ ის რძლებს შორის ყველაზე უმცროს რძლად ითვლებოდა.

როგორც ვხედავთ, ქალთა შორის ფუნქციები განაწილებული იყო ასაკის მიხედვით. ეს პრინციპი მოქმედებდა მამაკაცთა შრომის სფეროშიც. ამ შემთხვევაშიც სხვებისათვის მაგალითი უნდა ეჩვენებინა ოჯახის უფროსს, რომელიც ფიზიკურ მუშაობაზე ხელს იღებდა მხოლოდ სიბერით ან ავადმყოფობით დაუძლურების შემდეგ. არსებითი მნიშვნელობა არ ჰქონდა იმას თუ რა საქმიანობაში იყო გაწაფული ოჯახის უფროსი. ერთი ოჯახის უფროსი შეიძლებოდა ყოფილიყო კარგი მიწათმოქმედი, მეორისა სახელგანთქმული მწყემსი, მესამისა ხელოსანი, მეოთხისა ვაჭარი და ა. შ. ოჯახისთვის მთავარი მნიშვნელობა ჰქონდა მისი უფროსის ორგანიზატორულ უნარს, რამდენადაც მასზე

К о в, Очерки Кавказа, стр. 197—198; С. К о к и е в, Записки о быте осетин, стр. 79; Дж. Ш а н а е в, Сказание «бог», ССКГ, III, 1870, стр. 9; В. М и л л е р, В горах Осетии, РМ, IX, 1881, стр. 60, 61; Н. М а м с у р о в, Гостеприимство у осетин, газ. «Новое обозрение», 1889, № 2049; К у р т а т и н е ц, Гость (из осетинских нравов), «Кавказская жизнь», кн. 1, 1896; Ф. К р а с и л ь н и к о в, Кавказ и его обитатели, стр. 32—33; Е. П ч е л и н а, Обряд гостеприимства в Осетии, СЭ, 1932, № 5—6; Г. Ч у р с и н, Осетины, стр. 34—36; Б. К а л о е в, Осетины, 1967, стр. 168—171.

²⁷ С. К о к и е в, Записки о быте осетин, стр. 79. М. К о с в е н, Этнография и история Кавказа, стр. 126.

იყო დამოკიდებული მშრომელთა შესაძლებლობის რაციონალური გამოყენება თითოეული მათგანისათვის შესაფერისი სამუშაოს მიჩენის გზით. ამის შესაბამისად ოჯახის წევრთაგან ერთი კაცი ძირითადად გუთნისდებდა და საუკეთესო მთიბელად ითვლებოდა, მეორე საქონლის მოვლა-პატრონობისადმი იჩენდა მიდრეკილებას, მესამე მეცხვარეობით სულდგმულობდა და ა. შ., მაგრამ თუ ჩვენ მიერ ადგილზე ჩაწერილ მასალებს გადავხედავთ, დავინახავთ, რომ მამაკაცთა საქმიანობაში ასეთი მკვეთრი დიფერენციაცია ყოველთვის არ იყო დამახასიათებელი. მეურნეობის პროფესიონალური ცოდნა ძირითადად შეიმჩნეოდა ისეთ ოჯახებში, რომლებიც ინტენსიურ მეცხვარეობაში იყვნენ ჩაბმულნი. ასეთი ოჯახებიდან რამდენიმე კაცი ცხვარში დადიოდა და ძალაუწებურად გამოცდილი მწყემსი ღებებოდა, რომელიც ნაკლებად მონაწილეობდა მინდვრის სამუშაოებში. ამის გამო ხვნა-თესვასა და თიბვა-მკაში მას ჯობნიდა შინამეურნეობაში ჩაბმული კაცი, ხოლო ასეთი ვითარება მათ შორის ფუნქციების განაწილებასაც აპირობებდა. ისეთ ოჯახში კი, რომელიც მეურნეობის ყველა დარგს თანაბარი მასშტაბით ავითარებდა, იქ მუშახელიც ერთნაირად მონაწილეობდა ყველა არსებულ საქმიანობაში. შრომისუნარიანი მამაკაცები ასეთ შემთხვევაში ერთდროულად ჯერ თუ ხვნა-თესვას მორჩებოდნენ, შემდეგ თიბვას შეუღებოდნენ, ასევე ერთობლივად მკა-ლუწვაში ებმებოდნენ და ა. შ.

ამრიგად, ერთ შემთხვევაში ოჯახის წევრები გაპიროვნებული იყვნენ სხვადასხვა სამეურნეო საქმიანობათა მიხედვით და მწყემსი რშვიათად ხნავდა ან თიბავდა, ისევე როგორც გუთნისდებდა და მთიბელი იშვიათად კიდებდა ხელს მეცხვარის კომბალს. მეორე შემთხვევაში კი ოჯახის წევრთა პერსონალური საქმიანობა ასე მკვეთრად გამოიჩნეული არ იყო და სეზონურ სამუშაოებში ყველა ერთდროულად მონაწილეობდა, ისევე როგორც ყველას მოვალეობას შეადგენდა საქონლის მოვლა-პატრონობა თუ სხვა სახის საქმიანობა. მაგრამ ოჯახში შრომის განაწილების რომელი სახეობაც არ უნდა ყოფილიყო გაბატონებული, თითოეული კაცის მოვალეობა მაინც ასაჯზე იყო დამოკიდებული. თუ მოხუცებულ კაცს არ გაიყვანდნენ სათიბლად და და მწყემსად, ასევე მიუღებელი იყო გამოუცდელი კაცისათვის მიენდოთ გუთნისდებობა, თივის ზვინების აგება ან სარქლობა. მიწათმოქმედების მცოდნე კაცი რომ გუთანს კიდებდა ხელს, ხარებს წინ უძღვებოდა შრომაში ახლად ჩაბმული ახალგაზრდა, ისევე როგორც მომთაბარე მეცხვარეობაში ჩაბმული იყვნენ გამოცდილი მწყემსები, ხოლო ბოროლებსა და კოჭლებს მწყემსავდნენ ბავშვები. ერთი სიტყვით, ოჯახის წევრთა შორის ფუნქციები განაწილებული იყო სქესის,

ასაკისა და მეურნეობის ცოდნის მიხედვით, რაც წარმოადგენდა დიდი ოჯახის არსებობის ერთ-ერთ უაღრესად მნიშვნელოვან წინაპირობას. სამწუხაროდ, ეს მომენტი უმთავრეს შემთხვევაში გათვალისწინებული არ ჰქონიათ ოსეთში მყოფ დამკვირვებლებს, რომლებიც ოსი ქალის მძიმე შრომასა და კაცის უქნარობაზე ბევრს წერდნენ. არც ჩვენ შეგვიძლია იმის უარყოფა, რომ ქალები ოსეთში მეტისმეტად დიდ ჯაფაში იყვნენ, მაგრამ როგორც სამართლიანად მიუთითა გ. ჩურსინმა, ქალის შრომითი პირობების დახასიათებისას მხედველობაში უნდა იქნეს მიღებული ის წესი, რომლის მიხედვით მკვეთრად იყო გამოჩენული სამამაკაყო და სადედაკაცო ფუნქციები²⁸. ასეთ ვითარებაში კაცი ქალის და ქალი კაცის პერსონალურ მოვალეობათა სფეროში ჩარევის შესაძლებლობას მოკლებული იყო. ამიტომ თუ რომელიმე მოგზაურს თვალში ეცა ის გარემოება, რომ კაცს უკან მიჰყებოდა წისქვილში მიმავალი ქალი ზურგზე აკიდებული ტომრით. ან თუ რომელიმე დამკვირვებელი გააოცა იმ გარემოებამ, რომ ოჯახში ქალების ფუსფუსის დროს კაცები ნიხასში საუბრით იქცეოდნენ თავს, ეს კაცების სიზარმაცით კი არ აიხსნება, არამედ სქესის მიხედვით შრომის დანაწილების ზემოთ აღწერილი ჩვეულებით. ოსი კაცის სიზარმაცის შემთხვევაში ყოვლად წარმოუდგენელი იქნებოდა იმ ინტენსიური მეურნეობის გაძლოლა, რომელიც მთაში ესოდენ დიდ გარჯას მოითხოვდა. ამ მხრივ კაცები განსაკუთრებით დაძაბულ შრომას ეწეოდნენ ზაფხულის სეზონში, ხოლო ქირნახულით მომარაგების დღიდან მათ ხანგრძლივი შესვენების შესაძლებლობაც ეძლეოდათ. ამ დროს ოსეთში მყოფ დამკვირვებელს, რომელიც ხედავდა, რომ ქალები დღე-ღამეს ასწორებდნენ, ხოლო კაცები ნიხასში ისხდნენ, მართლაც შეეძლო შრომაში წამყვანი როლი ქალებისათვის მიეკუთვნებინა, მაგრამ კაცების სიზარმაცე აქ მაინც არაფერ შუაშია, ვინაიდან მათი ფუნქციები განსაზღვრული იყო მამაკაპური ჩვეულებით, რომელიც მამაკაცს უფლებას არ აძლევდა გადაეღაზა სამამაკაყო და სადედაკაცო საქმიანობათა გამმიჩნავი ზღუდე.

სქესსა და ასაკს მთავარი როლი ეკუთვნოდა არა მარტო ოჯახის მართვისა და შრომა-საქმიანობის, არამედ ოჯახის წევრთა ურთიერთდამოკიდებულების სფეროშიც. პირველ რიგში ეს გამოხატულებას პოულობდა კერასთან ჯდომის წესში. კერის ერთ მხარეზე მდგარ გრძელ სკამზე სხდებოდნენ მამაკაცები, ხოლო მის მოპირდაპირე მხარეზე განლაგებულ დაბალ სამფეხა სკამებზე, ბალიშებსა და ძირს გაფენილ ყოსინაზე ჯდებოდნენ ქალები და ბავშვები. ავტორთა უმრავლესობისა და

²⁸ Г. Ч у р с и н, Осетины, стр. 39.

ოთხრობლების ცნობების თანახმად, ხაძარის ფართობი კერიდან მარჯვნივ იწოდებოდა სამამაკაცოდ, ხოლო ამ ფართობის ნახევარი კერიდან მარცხნივ წარმოადგენდა სადედაკაცო მხარეს. ზოგიერთი ავტორი კი შებრუნებულ სურათს გვიხატავს, რაც გამოწვეული ჩანს ორი საორიენტაციო წერტილის არსებობით. როდესაც გ. ჩურსინი წერს, რომ სამამაკაცოდ მიჩნეული იყო კერის მარჯვენა მხარე და იქვე განმარტავს, რომ ეს მხარე მარჯვენად ითვლებოდა ხაძარის უკანა კედელთან მდგომი კაცისთვის²⁹, ეს საფუძვლით გასაგებია. ასევე ნათელ სურათს გვიხატავს ე. პჩელინა, რომლის განმარტებით, შესასვლელი კარებიდან ხაძარის მარცხენა მხარე საპატიოდ ითვლებოდა და სამამაკაცოდ იყო განკუთვნილი, ხოლო ხაძარის მარჯვენა ნახევარი სადედაკაცო მხარეს წარმოადგენდა³⁰. როდესაც ამგვარ განმარტებათა გარეშე აღნიშნული, რომ საკაცო იყო კერის მარცხენა მხარე³¹, ამ შემთხვევაში უნდა ვიფიქროთ, რომ ეს იყო მარცხენა მხარე არა უკანა კედელთან მდგომი კაცისთვის, არამედ ხაძარის კარებში შესულისთვის. სამამაკაცო და სადედაკაცო მხარეთა განსაზღვრის ამ ორი საშუალებიდან სწორი ჩანს ორიენტაციის პირველი ხერხი, რამდენადაც კერის თავში იჯდა უხუცესი კაცი, რომელიც, ხაძარის უკანა კედლისაქვე ზურგშექცეული, პირდაპირ გაჰყურებდა კარებს — აღმოსავლეთ მხარეს და ამდენად მის მარჯვნივ ხედებოდა სამამაკაცო ადგილიც. ამის მიხედვით შეიძლება ითქვას, რომ სამამაკაცო იყო კერის მარჯვენა მხარე, ხოლო მისი მოპირდაპირე მარცხენა მხარე წარმოადგენდა სადედაკაცო ნაწილს. მამაკაცებსა და დედაკაცებს შორის ადგილების შეცვლა დაუშვებელი იყო ისევე, როგორც მიუღებელი იყო უხუცესისათვის განკუთვნილ ზურგიან სავარძელზე სხვისი დაჯდომა. ამ მხრივ მდგომარეობა არ იცვლებოდა არც ოჯახის უფროსობიდან მისი გადადგომის შემდეგ. ოჯახის ახალ ხელმძღვანელს საუფროსო სავარძელზე ჯდომის უფლება ეძლეოდა ყოფილი უფროსის გარდაცვალების შემდეგ. მაგრამ ისიც მხოლოდ იმ შემთხვევაში, თუ წლოვანებით მასზე უფროსი ოჯახში სხვა არავინ იქნებოდა.

უხუცესისადმი ასეთი დამოკიდებულება ისეთ შემთხვევაშიც კი. როდესაც ოჯახს მეთაურობდა მასზე უმცროსი კაცი, აიხსნება იმ გარემოებით, რომ იგი წარმოადგენდა საოჯახო კულტის მსახურს. ამი-

²⁹ Г. Ч у р с и н, Осетинь. стр. 18.

³⁰ Е. П ч е л и н а, Дом и усадьба нагорной полосы Юго-Осетии, стр. 25.

³¹ К. Х е т а г у р о в, Быт горных осетин, стр. 10—11; М. К о с в е н, Этнография и история Кавказа, стр. 83; З. В а н е е в, О некоторых процессах изменений в семье и семейном быту Юго-Осетинской колхозной деревни. стр. 212.

ტომ ჰქონდა მას მიჩენილი ყველაზე საპატიო ადგილიც — კერის სა-
თავე, რამდენადაც კერა (კონა)³² თავისი საკიდელი ჭაქვით (რჭხის)
ითვლებოდა ოჯახისა და სახლის მფარველ ძალთა განსახიერებად³³. ამ
„წმინდა“ ობიექტისადმი დამოკიდებულება უშუალოდ უკავშირდება

³² ვ. ა ბ ა ე ვ ი, ტერმინ k'ona-ს უდარებს სპარსულ-ქურთულ ლაილექტში
ხმარებულ kuape, kuonak-ს და იქვე დასძენს: «Не связаны ли эти слова с тюрк.-
qopaq, «дом», «ночлег», и пр.? Или с иран. Қапа [согд. kapaq (к, п, к)] «жили-
ще», «дом»? (В. А б а е в, Историко-этимологический словарь..., стр. 636).

³³ Д. Ш а н а е в, Свадьба у северных осетин, ССКГ, IV, 1870, стр. 24—
25; Н. Д у б р о в н и, т. I, кн. I, стр. 361; В. П ф а ф, Этимологические ис-
следования об осетинах, ССК, II, 1872, стр. 138; И. К а н у к о в, В осетин-
ском ауле, ССКГ, VIII, 1875, стр. 24; В. М и л л е р, В горах Осетии, РМ,
1881, кн. IX, стр. 63, 292—293; მ ი ს ი ვ ე, Осетинские этюды, II, Москва, 1882,
стр. 253—255, 292—294; С. К о к и е в, Записки о быте осетин, СМЭ, I, стр.
80—81, 85; М. К о в а л е в с к и й, Современный обычай и древний закон,
I, стр. 77—79; მ ი ს ი ვ ე, Совр. обычай..., II, стр. 32—34, 142—143; К. Х е-
т а г у р о в, Быт горных осетин, стр. 11; Е. М а р к о в, Очерки Кавказа, стр.
187; А. Ц а л л а г о в, Селение Гизель, СМОИПК, вып. XVI, отд. I, стр. 2—
3; К. Г а н. По долинам Чороха, Уруха и Ардона, СМСМПК, XXV, стр. 29—
30; Ф. К р а с и л ь н и к о в, Кавказ и его обитатели, стр. 29; Г. Ч у р с и н,
Очерки по этнологии Кавказа, стр. 113, 129, 134—135; მ ი ს ი ვ ე, Осетины,
стр. 17, 67, 68, 87—90; Н. Т а к о е в а, К вопросу о браке и свадебных обрядах
у северных осетин в XIX—начале XX в. КСИЭ, XXII, Москва, 1959, стр.
28—29; Е. П ч е л н и а, Дом и усадьба нагорной полосы Юго-Осетии,
УЗИЭНКНВ, II, стр. 31—34; Л. Ч и б и р о в, Из истории («...») еро-
ваяний осетин, ИЮОНИИ АН ГССР, XIII, 1964; Б. Т о т р о в, დასახ. ნაშრ., გვ.
112; А. М а г о м е т о в, დასახ. ნაშრ., გვ. 102; Б. К а л о е в, Осетины, На-
роды Кавказа, I, стр. 317; მ ი ს ი ვ ე, Осетины, М., 1967, стр. 133.

შ ე ნ ი შ ე ვ ა : ნახებისადმი მიძღვნილი ნაშრომის მეოთხე თავში აღნიშნული
გვაქვს, რომ ბ. კალოემა ყოველგვარი დასაბუთების გარეშე უარყო კერის კულტის
არსებობა ჩაჩნეთში. ბ. კალოევი ამ საკითხს ერთხელ კიდევ შეეხო ოსეთის მასალებ-
ზე დაყრდნობით, აღნიშნა, რომ ოსებმა ხანგრძლივად შემოინახეს კერისადმი თავყ-
ნისცემის ჩვეულება და დაასკვნა: «Такого почитания очага мы не находим ни у
одного из других народов Кавказа. Возможно, что это объясняется особыми
этническими традициями, уходящими в глубь веков». იქვე სქოლიოში შენიშნუ-
ლია: «Исключение составляют некоторые горские племена Грузии, в част-
ности сваны, у которых бытует такое же почитание очага, как и у осетин,
что объясняется, по-видимому, давними историческими связями этих наро-
дов» (Б. К а л о е в, Осетины, 1967, стр. 133).

იმის მტკიცება, თითქოს კერისადმი თავყანისცემის ჩვეულებით კავკასიაში ოსე-
თი შეუდარებელი იყო და ამ მხრივ მხოლოდ ზოგიერთი ქართველი ტომი წარმოად-
გენდა გამონაკლისს, მცდარია. კერის კულტი ისევე დამახასიათებელი იყო სხვა კავ-
კასიელი ხალხებისათვის, როგორც ოსებისათვის. ამიტომ, გამონაკლისების ძებნა
ყოველად გაუმართლებელია. კიდევ უფრო დაუსაბუთებელია ბ. კალოევის შეხედუ-

წინაპრის კულტს, რომლისადმი პატივისცემის მიზნით ოჯახის უფრო-
ნის მეთაურობით კერასთან სრულდებოდა ყველა მნიშვნელოვანი რი-
ტუალი, ისევე როგორც ზოგიერთი წესის შესრულება ევალებოდა
დიასახლისსაც. თრუსოს ხეობის ეთნოგრაფიული მასალებისა და არსე-
ბული ლიტერატურის მიხედვით ამ რიტუალთა არსებით მხარეებს და
ოჯახის მფარველ ღვთაებებს ეხებოდა ჩვენს ერთ-ერთ ნაშრომში³⁴ და
ამიტომ აქ სიტყვას აღარ გავაგრძელებთ. აღნიშნავთ მხოლოდ იმას,
რომ რელიგიური წესების შესრულების მომენტშიც მამაკაცებსა და
დედაკაცებს შორის არსებობდა გარკვეული ზღვარი, რომელიც რი-
ტუალსაც ისევე ყოფდა სამამაკაცო და სადედაკაცო სფეროებად,
როგორც სქესის მიხედვით იყო გამოიყნული შრომა, უფლებები, სა-
ცხოვრებელი ფართი და ა. შ.

ოსეთში საყოველთაოდ მიღებული წესის შესაბამისად, რაც იქ
მყოფი ყველა მოგზაურის მიერაა შენიშნული და რაც დღესაც კი არაა
საესებით დავიწყებული ჩვეულება, სქესისა და ასაკის მიხედვით მკვეთ-
რად იყო გამოიყნული ოჯახის წევრთა უფლებები ქამის დროსაც. ჩვეუ-
ლებრივ მრგვალი სამფეხა მაგიდის (ქინგ) ირგვლივ ჯდომა, პირველ
რიგში, უწევდათ მოხუცებს, რომელთაც ვახშმობის დროს კვართ
თავს ადგა პატარძალი. შემდეგ ამ მაგიდას შემოუსხდებოდნენ ასაკით
მომდევნო კაცები, ხოლო ქალებსა და ბავშვებს ან სხვა ოთახში უნდა
ექამათ ანდა კაცების შემდეგ. ასეთსავე დაყოფას ადგილი ჰქონდა ხალ-
ხის შეყრილობის მომენტშიც (ქორწილი, დღეობა, ქეღები...). თვით
ერთად მჯდომი მამაკაცების ურთიერთობაც წარმოუდგენელი იყო
უფროს-უმცროსობის წესის დაცვის გარეშე როგორც ოჯახში, ისე
საზოგადოებაში. სუფრის თავში მჯდომი უფროსებისადმი ყურადღება
და პატივისცემა უმცროსების მოვალეობად ითვლებოდა.

ოჯახის წევრთა ურთიერთობის სფეროში განსაკუთრებული სი-
ფრთხილე მართებდათ ქალებს. საკმარისი იყო მამაკაცს კარი შემოე-

ლება საუკუნეებიდან მომდინარე განსაკუთრებული ეთნიკური ტრადიციების შე-
სახება, რომელიც მას მხოლოდ ოსური ყოფისათვის დამახასიათებელ მომენტად წარ-
მოუდგენია. ასევე მიუღებელი იმის მტკიცება, თითქოს სვანებში კერის კულტის
არსებობა განაპირობა ოსებთან მათმა ისტორიულმა კავშირმა. ბ. კალაიის მსჯელო-
ბიდან ისეთი შთაბეჭდილება იქმნება, თითქოს ოსების გარდა კავკასიაში სხვას არც
ეთნიკური ტრადიციები ჰქონდათ და კერის კულტის განვითარებაც ოსებთან კავ-
შირით იყო გაპირობებული. საკითხის ამ მეთოდით კვლევა ნიშნავს ზოგადკავკასიური
კულტურისა და ყოფის ელემენტების უკუღლებულობას, ერთი ეთნიკური წრი-
ლადი მათ ცალმხრივ მიკუთვნებას.

³⁴ ვ. ო თ ო ნ ი შ ე ო ლ ი, საცხოვრებელი ნაგებობანი თრუსოს ხეობაში, კეკ,
ქ. გვ. 125—130.

ლო, რომ ქალები დაუყოვნებლივ ფეხზე წამოდგარიყვნენ. თვით ახალგაზრდა კაცსაც კი ხანშიშესული დედაკაცი ფეხზე უდგებოდა და მამაკაცისადმი პატივისცემას ამით გამოხატავდა. ახალგაზრდა კაცები კი ფეხზე უდგებოდნენ მხოლოდ დიასახლისს ან მისი თაობის მოხუც ქალს. რაც შეეხება პატარაძალსა და სხვა უმცროს რძლებს, მათ ხომ მამაკაცები სკამებზე მსხდომთ ვერც კი დაინახავდნენ.

მამაკაცებისადმი ქალების მოკრძალების წესი გამოიხატებოდა ჩვეულებაში, რომლის მიხედვით მიუღებელი იყო მამამთილთან და უფროს მამულებთან რძლის ლაპარაკი. ამ ჩვეულებას ერქვა უმძრახობა (უ ა ღ ს ა დ ი ნ), რაც მამამთილის გარდაცვალებამდე გრძელდებოდა. როგორც მთხრობლები აღნიშნავენ, ძველად არ მომხდარა ისეთი შემთხვევა, რომ რძალ-მამამთილს შორის არსებული უმძრახობა შერყეულიყო. ეს წესი დაცული ყოფილა რძალ-მამულს შორისაც, მაგრამ თუ მათ შორის დიდ ახაკობრივ სხვაობას არ ჰქონდა ადგილი, უმძრახობა ირღვეოდა მამულის ინიციატივით, რომელიც რძლისთვის საჩუქარს ყიდულობდა და სთხოვდა უშუალოდ დალაპარაკებოდა. შემდეგში ამ წესს თანდათანობით შერყევია საფუძველი რძალ-მამამთილის ურთიერთობაშიც და მამამთილებსაც მიუმართავთ იმგვარი ხერხისათვის, რომელსაც იყენებდნენ მამულები, მაგრამ, როგორც მთხრობლები აღნიშნავენ, ძველი თაობის წარმომადგენლებს ზოგჯერ სინანული გამოუთქვამთ, როდესაც მამამთილთან ლაპარაკით უფლებამოსილ ზოგიერთ თავხედ რძალს თავისი უკმეხი საქციელით მისი თავმოყვარეობა შეუღალანია.

ოჯახის წევრთა ურთიერთდამოკიდებულება ხასიათდებოდა აგრეთვე მიმართვის ფორმების თავისებურებით, რომელშიც ასევე კარგად ჩანდა სქესობრივ-ასაკობრივი დიფერენციაცია. როგორც წესი, მიუღებელი იყო უფროსი თაობის წარმომადგენელთა სახელის ხსენება რძლების მიერ არა მარტო მათთან უშუალო ურთიერთობაში, არამედ სხვებთან მათ შესახებ საუბრის შემთხვევაშიც კი. ასეთივე წესის დაცვა ევალებოდა ქალს ქმრის მიმართაც, ისევე როგორც ქმრისთვის სირცხვილად ითვლებოდა ეხსენებინა თავისი ცოლისა და შვილების სახელები. ამიტომ გამოსავალს წარმოადგენდა მამამთილის, დედამთილის, მამულის, ბავშვის აღმნიშვნელი და ყველასათვის მისაღები სახელწოდებების გამოყენება მათი საკუთარი სახელების ნაცვლად. ასევე საკუთარი სახელების ნაცვლად დასაშვები იყო გამოყენებინათ ნაცვალსახელი, სქესის აღმნიშვნელი ცნებები ან ქალის გვარის სახელიც. ურთიერთშორის მიმართვის ამ ფორმებმა სათანადო გამოხატუ-

ლება პოვა ოსურ ლექსიკაში³⁵, ხოლო მათი შინაარსის გახსნა ეთნო-გრაფიული მონაცემების დახმარებით ოსური ნათესაობის სისტემის საინტერესო სურათს წარმოაჩენს, რომლის განხორციელება კავკასიის ეთნოგრაფიის განყოფილების ერთ-ერთ უახლოეს ამოცანას შეადგენს.

ბოლოს ისიც უნდა აღინიშნოს, რომ უფროსი თაობის დედაკაცებთან უშუალო მიმართვის უფლებას მოკლებული იყვნენ უმცროსი თაობის რძლები. თუ დიასახლისს შეეძლო მათი დაძახება და საქმეზე გაგზავნა, უმცროსებს მასთან კონტაქტი შეეძლოთ მხოლოდ ხანდაზმული რძლების ან მულების მეშვეობით, ანდა, უკიდურეს შემთხვევაში, შეეძლოთ გამოეყენებინათ პერიფრაზებით მიმართვის ხერხი.

ამგვარად, ოსური დიდი ოჯახის მმართველობასა და შრომის ორგანიზაციაში განმსაზღვრელი მნიშვნელობის მქონე ფაქტორებად გვესახება ადამიანის სქესი, ასაკი და უნარი. ამ ნიშნების მიხედვით ხდებოდა როგორც ოჯახის ხელმძღვანელთა გამოყოფა, ისე ოჯახის დანარჩენ წევრებს შორის ფუნქციების განაწილება. ოსური საოჯახო თემის ერთ-ერთ დამახასიათებელ კომპონენტს წარმოადგენდა აგრეთვე ბჰიდრო კონტაქტი ოჯახის უფროსებსა და სრულწლოვან წევრებს შორის და ყველა მნიშვნელოვანი საკითხის ერთობლივი შეთანხმებით გადაწყვეტის პრინციპი. ყოველივე ამის მიხედვით ოსთა ყოფაში გადმონაშთური ფორმით ხანგრძლივად შემონახული საოჯახო თემი ხასიათდებოდა ჭოლიდარული მმართველობის სისტემით, რაც ასევე დამახასიათებელ კომპონენტს წარმოადგენდა ქართველებისა და ნახების ტრადიციული საოჯახო ყოფისათვის.

მ ა ო თ ხ ე თ ა ვ ი

ოჯახის ბაჟრის წესი და კონფლის განაწილების პრინციპი

საოჯახო თემის, როგორც უახლოეს ნათესავთა გაერთიანების შესახებ არსებული ფაქტობრივი მონაცემების განხილვამ გვიჩვენა, რომ ცალკეულ ოჯახებად მისი სეგმენტაცია მიზანშეწონილად ითვლებოდა მხოლოდ პირველი თაობის წარმომადგენლების, ე. ი. ოჯახის უზუტყის წევრების გარდაცვალების შემდეგ. ოსეთში მყოფ თითქმის ყველა

³⁵ Н. Г а б а р а е в, Об отражении в осетинской лексике условий жизни осетинского народа, ИЮОНИИ АН ГССР, VIII, Цхинвали, 1957, стр. 273—274.

მკვლევარს, რომელიც კი ოსთა საოჯახო ყოფით იყო დაინტერესებული, შენიშნული აქვს და ეს ჩვენ მიერ შეკრებილი მასალებითაც დასტურდება, რომ ზემოაღნიშნული წესის დარღვევა ოსებს უდიდეს დანაშაულად მიაჩნდათ. დღეს რომელ მთხრობელსაც არ უნდა ჰქონოთ, ამის შესახებ ყველა უყოყმანოდ ვიპასუხებთ, რომ სამ-ოთხ თაობაზე ადრე და უხუცესთა გარდაცვალებამდე ოჯახის გაყრა ოსეთში მიუღებელი იყო, მაგრამ იმავე მთხრობლების ჩვენებიდან და სათანადო ლიტერატურიდან ისიც ადვილად დასანახია, რომ სხვადასხვა მიზეზების გამო ოჯახის მთლიანობა ზოგჯერ ნაადრევად ირღვეოდა.

სათანადო ცნობების უქონლობის გამო ძნელია იმის თქმა, თუ ამ მხრივ რა ვითარებას ჰქონდა ადგილი XIX საუკუნის წინარე ეპოქაში, მაგრამ XIX—XX საუკუნეების მასალები კი აშკარად მიგვითითებენ იმ ხარემობებაზე, რომ ინდივიდუალიზაციისაკენ მიდრეკილება დროთა განმავლობაში იზრდებოდა. XIX საუკუნის პირველ ნახევართან შედარებით, მეორე ნახევარში გაყრილობის პროცესი საგრძნობლად იყო გაღრმავებული, ხოლო XX საუკუნის 20-იან წლებში ეს პროცესი უკვე თავისი განვითარების ზენიტში იმყოფებოდა. თუ ა იანოვსკი მიუთითებდა, რომ ოსებში მშობლების გარდაცვალებამდე რომელიმე შვილის ცალკე გამოყოფა უდიდეს სირცხვილად ითვლებოდა¹, შედარებით სხვა ვითარებას გვაცნობს მ. კოვალევსკი. მისი დაკვირვებით, გაყრისაკენ მიდრეკილება გაზრდილა². მისივე ცნობით, ძველად მამის ან პაპის გარდაცვალებას შედეგად სხვა არაფერი არ მოჰყვებოდა. გარდა იმისა, რომ ოჯახს სათავეში უდგებოდა ახალი მეთაური, მაშინ. როდესაც ახალ ვითარებაში (იგულისხმება მ. კოვალევსკის ეპოქა) ოჯახის უფროსის სიკვდილი ხშირად არსებულა ერთობის დაშლის მომასწავებელი ყოფილა³.

ასეთივე მდგომარეობა გვესახება XIX საუკუნის 30-იან წლებში ა. იანოვსკის, ხოლო XIX საუკუნის 80-იან წლებში მ. კოვალევსკის დაკვირვებით. ორივე მკვლევარის ცნობა შეეხება ჩრდილოელ ოსთა საოჯახო ყოფას, მაგრამ იმავე ეპოქაში ამ მხრივ როგორი სურათი გვქონდა სამხრეთელ ოსთა ცხოვრებაში, ამის შესახებ XIX საუკუნის ლიტერატურა არაფერს გვეუბნება. ამიტომ გ. ჩურსინი, რომელიც გაკვრით შეეხო დიდი ოჯახის დაშლის პროცესს სამხრეთ ოსეთში, იძუ-

¹ А. Я н о в с к и й, Осетия, «Обозрение российских владений за Кавказом», ч. II, СПб., 1836, стр. 198.

² М. К о в а л е в с к и й, Современный обычай и древний закон..., I, стр. 103—104.

³ იქვე, გვ. 319.

ლებული იყო, ძველი ვითარების დასახასიათებლად და გასულ საუკუნე-
ნესთან შედარებით XX საუკუნეში მომხდარი ცვლილებების ჩვენების
მიზნით, გამოეყენებინა შემოხსენებულ ავტორთა მონაცემები. სხვა-
დასხვა ეპოქაში არსებული ვითარების ამ ხერხით შეპირისპირებისა და
თავის მიერ მოპოვებული მცირეოდენი, მაგრამ სანდო მასალის ანა-
ლიზის საფუძველზე მკვლევარს შესაძლებლობა მიეცა აღენიშნა, რომ
მისი იქ ყოფნის დროს, ე. ი. XX საუკუნის 20-იან წლებში დიდი
ოჯახების დაყოფა ინდივიდუალურ ოჯახებად ჩვეულებრივ მოვლენას
წარმოადგენდა და ეს პროცესი სამარცხვინოდ აღარ ითვლებოდა⁴.

შემოაღნიშნულ ვითარებას მხარს უჭერს ჩვენ ხელთ არსებული
საველე მასალაც, მაგრამ რამდენადაც აღნიშნულ ეპოქაში დიდ ოჯახე-
ბად ცხოვრების წესი ჯერ კიდევ ოსთა ყოფისათვის დამახასიათებელ
მოვლენას წარმოადგენდა, ხოლო მუდმივად გაუყრელი ერთეული არც
დიდი ოჯახი ყოფილა, საჭიროდ მიგვაჩნია აქვე გავეცნოთ მისი გა-
ყრის წესსა და ქონების განაწილების პრინციპს.

დიდი ოჯახების დანაწილების მიზეზების შესახებ მთხრობლები
სხვადასხვაგვარ განმარტებას იძლევიან. ერთნი აღნიშნავენ, რომ დიდი
ოჯახის გაყრის საკითხი დგებოდა მისი მეტისმეტად გაზრდის გამო.
მეორენი გაყრის მიზეზად თვლიან ოჯახის წევრთა უთანხმოებას,
განსაკუთრებით სხვადასხვა თაობის რძლების დაპირისპირებასა და
რძლებსა და შულებს შორის ურთიერთობის გამწვავებას. მესამენი კი
აღნიშნავენ, რომ ოჯახი იყრებოდა მხოლოდ მაშინ, როდესაც პირველი
თაობის წარმომადგენლების გარდაცვალების შემდეგ მათი შვილების
ანუ მეორე თაობის წარმომადგენელთა მეთაურობით შეიძლებოდა გა-
მოყოფილიყვნენ ახალი დამოუკიდებელი ოჯახები. ამ შეხედულების
პქონე მთხრობლებს მიაჩნიათ, რომ დიდი ოჯახი უნდა მოიცავდეს უან-
ლოესი ნათესაობის წრეს მშობლების, შვილების, შვილიშვილებისა და
შვილთაშვილის შვილების სახით. როდესაც გამრავლება აღნიშნულ
საზღვრებს გასცდებოდა და მეხუთე თაობიდან სისხლით ნათესავთა
გაერთიანების ახალი კონტურები გაჩნდებოდა, სოციალური ერთეუ-
ლის ის ჩარჩოები, რომელშიაც დიდი ოჯახი იყო ჩასმული, ირღვეოდა
და ნათესავთა ეს წრე უკვე პატრონიმიული⁵ გაერთიანების ჩარჩოში
ექცეოდა.

⁴ Г. Ч у р с и н, Осетины, стр. 38.

⁵ ოსური პატრონიმის შესახებ, იხ. М. К о с е в я, Этнографил и история
Кавказа, стр. 5—18; შ ი ს ი ვ ე, Семейная община и патронимия, Москва, 1963,
стр. 186 და შემდ.; З. В а н е в, Из истории родового быта в Юго-Осетии, стр.
46—47; Б. Т о т р о в, დასახ. ნაშრომი, გვ. 168—169; З. Г а г л о е в а, Осетин-
ский «Рвадалта». Доклад на VII международном конгрессе антропологиче-
18. ვ. ითონიშვილი

სიმართლე უსათუოდ იმ მთხრობელთა მხარეზეა, რომელთაც უფრო რეალურად აქვთ წარმოდგენილი, რომ დიდი ოჯახი იყო სამი-ოთხი და ზოგიერთ შემთხვევაში ხუთი თაობის მომცველი ეკონომიური უჯრედი, ხოლო მისი დაშლის საფეხურზე ყალიბდებოდა პატრონიზია; როგორც ერთი დიდი ოჯახიდან გამოსული რამდენიმე ახალი ოჯახის ერთობლიობა. ამ შეხედულებასთან ორგანულ კავშირშია იმ მთხრობელთა განმარტებაც, რომლის მიხედვით, ოჯახის გაყრის მიზეზი იყო მისი მეტისმეტად გამრავლება, მაგრამ რაკი აქ საზგასმული არ არის თაობათა მნიშვნელობა, ამიტომ მართოდენ გამრავლების მოტივით ოჯახის გაყრის მიზეზის ჩვენება მყარ საბუთად არ მიგვაჩნია. რაც შეეხება მთხრობელთა ერთი ნაწილის ცნობას იმის შესახებ, რომ ოჯახის გაყრა ხდებოდა მის შიგნით გაჩენილი კონფლიქტის ნიადაგზე, ეს არ შეიძლება ჩაითვალოს სარწმუნო მტკიცებად, რამდენადაც საოჯახო თემის მმართველობის სტრუქტურა და შინასაოჯახო წესრიგი გამორიცხავდა ოჯახის წევრთა უკმაყოფილების კონფლიქტში გადაზრდის შესაძლებლობას. მხოლოდ იშვიათი შემთხვევები დასტურდება, როდესაც ოჯახის გაყრას მიზეზად ედებოდა ოჯახის უფროსის უფლებების უგულვებლყოფა ან ქალების კინკლაობა და ისიც მხოლოდ მოგვიანო პერიოდში, როდესაც დიდი ოჯახი თავის არსებობას სამუდამოდ ემშვიდობებოდა.

როდესაც დიდი ოჯახი თავისი სიმწიფის პერიოდს დაასრულებდა და მისი დანაწილება უკვე მიზანშეწონილი იყო, ქონების გაყოფაც უმეტეს შემთხვევაში უკონფლიქტოდ ხდებოდა. ოჯახის უფროსი თაობის წარმომადგენლები თავის შინაურ საქმეს დამოუკიდებლად აწესრიგებდნენ და ვარეშე ხალხის ჩარევას არ საჭიროებდნენ. ასეთ ვითარებაში ოჯახი ზოგჯერ ისე იყრებოდა, რომ მეზობლები ამ მნიშვნელოვან ამბავს რამდენიმე ხნის შემდეგ იგებდნენ. მხოლოდ ისეთ შემთხვევაში, როდესაც გაყრის პრეტენდენტები ვერ შეთანხმდებოდნენ, მათი მორიგება, ისევე, როგორც ბევრი სხვა საჭირობოროტო საკითხის გადაწყვეტა, ნიხასში ბჭეებს ევალებოდათ⁶.

ოჯახის გაყრა თემის კაცების ჩარევით მოეწყობოდა თუ მათგან დამოუკიდებლად, ქონების გაყოფა უნდა მომხდარიყო იმდენ თანაბარ ნაწილად, რამდენი კაციც ოჯახის გაყრის მომენტში წილის (ხ ა ზ) მიღების უფლებით იყო აღჭურვილი. ასეთი უფლების მქონე პირს ერ-

ских и этнографических наук, Москва, 1964; Б. К а л о е в, Осетины, 1967, стр. 164-168.

⁶ С. К а р г и н о в, Из народных преданий и обычаев Осетии, ИКОИРГО. т. XXIV, № 2, Тифлис, 1916, стр. 231-234; X. Г а г л о е в, Из истории судопроизводства у осетин, ИЮОНИИ АН ГССР, XIII, 1964.

ქვა მოწილე (ხ ა ჯ ი ნ), რომელიც გვევლინებოდა დიდი ოჯახის და-
ყოფის შედეგად ჩამოყალიბებული ახალი ოჯახის მეთაურად.

ვინაიდან დიდი ოჯახის გაყრა მიზანშეწონილად ითვლებოდა უხუ-
ცესების, ე. ი. პირველი თაობის წევრთა გარდაცვალების შემდეგ და
მომავალ ახალ ოჯახებს სათავეში ექცეოდნენ მეორე თაობის წარმო-
მადგენლები, მოწილეებადაც ისინი ითვლებოდნენ.

ნათესაური ურთიერთობის ხაზით მოწილეები იყვნენ ერთიმეო-
რის ძმები ან ბიძაშვილები. მოწილეებად მხოლოდ ძმები შეიძლება ყო-
ფილიყვნენ ისეთ ვითარებაში, როდესაც პირველი თაობის წარმომად-
გენლები იყვნენ ერთი კაცი და ერთი ქალი, ე. ი. ერთი საქორწინო
წყვილი. ისეთ შემთხვევაში კი, როდესაც პირველი თაობა რამდენიმე
საქორწინო წყვილს მოიცავდა, ბუნებრივია მათი შთამომავლობა, რომ-
ლებიც მოწილეებად გამოდიოდნენ, ერთიმეორისა იყვნენ, ერთი მხრივ
ძმები, ხოლო მეორე მხრივ ძმათაშვილები ანუ ბიძაშვილები.

მეორე თაობის ყველა წარმომადგენელს (მოწილეს) ქონებაზე მე-
მკვიდრეობის ერთნაირი უფლებები ჰქონდათ ნათესაური ურთიერთო-
ბის როგორც პირველ, ისე მეორე შემთხვევაში. მოწილეები ერთიმეო-
რისა ძმები იყვნენ თუ ბიძაშვილები, ზულერთია, ისინი თანაბარი უფ-
ლებებით სარგებლობდნენ. აქვე უნდა აღინიშნოს, რომ ქონების განა-
წილების მომენტში წესით არავითარი უურადლება არ უნდა მიქცეოდა
მოწილის არც ასაკს, არც დამსახურებას და არც ოჯახურ მდგომარეო-
ბას. ერთი მოწილე რომ ხანდაზმული, დიდი ამაგის მქონე და მრავალი
შვილის მამა ყოფილიყო, მეორე უცოლოდ დაბერებული, ხოლო მე-
სამე ჯერ კიდევ ყმაწვილი, ოსური საოჯახო სამართლის ძალით მათ
შორის ქონების უთანაბრო განაწილება დაუშვებელი იყო.

მოწილეებზე ქონების გაყოფის ზემოაღნიშნული პრინციპი ერთ-
ნაირად იყო დაცული როგორც ცოცხალი, ისე გარდაცვლილი მოწი-
ლეების მიმართ. გარდაცვლილთა წილს აკუთვნებდნენ მათ ვაჟიშვი-
ლებს. ყოველივე ეს თვალნათლივ ჩანს ჩვენ მიერ ადგილზე შესწავლი-
ლი ოჯახების მიხედვით. ჰაილუსტრაციოდ აქ შეიძლება გავიხსენოთ
თომაევეების ოჯახი, რომლის პირველ თაობას შეადგენდნენ მახამედ თო-
მაევის შვილები: ქებო და ტურა, ხოლო მეორე თაობის წარმომადგენ-
ლები იყვნენ გრიგოლ ქებოს ძე და ტურას ოთხი ვაჟი (ნიკოლოზი, ივა-
ნე, მიშკა, ილას).

ოჯახის გაყრის მომენტში (1911 წ.) ქებო და ტურა აღარ იყვნენ
ცოცხლები. ამ დროისათვის გარდაცვლილი იყო აგრეთვე ნიკოლოზ
ტურას ძე, რომელსაც დარჩენოდა სამი ვაჟი და ერთი ქალი. ვინაიდან
მოწილეებად ითვლებოდნენ მეორე თაობის წარმომადგენლები, ხო-
ლო ასეთთა რიცხვს ეკუთვნოდნენ გრიგოლი და მისი ბიძაშვილები,

ქონება გაყვეს ხუთ ნაწილად. ამათგან ერთი წილი ერგო გრიგოლს, ერთი ივანეს, ერთი მიშკას, ერთი ილასს და ერთიც გარდაცვლილი ნიკოლოზის ვაჟებს. გრიგოლი თბილისში დასახლებულა და მამულზე პრეტენზია აღარ განუცხადებია. ამიტომ მამული ოთხად გაუყვიათ გრიგოლის სამ ბიძაშვილსა და ბიძაშვილის (გარდაცვლილი ნიკოლოზის) შვილებს.

ოჯახის გაყრის მომენტში რომ ქონების მიღების უფლება ჰქონათ მხოლოდ ცოცხალ მოწილეებს ან გარდაცვლილი მოწილეების ვაჟებს, ამ გარემოებას ვხედავთ ბოლოთაეეების ოჯახის გაყრის 'შედეგებიდანაც. როგორც ამ ნაშრომის პირველი თავიდან ვიცით, იბას ხელნაწიდან ნაწილით ერთად მცხოვრებ ოჯახში ირიცხებოდა ოთხი მოწილე იბას ოთხი შვილის (ჯიბრაილ, ტატე, როსებ, გასი) სახით. ოჯახის გაყრის დროს ამათგან ცოცხალი იყვნენ ჯიბრაილი და ტატე. ოჯახი ორად გაყრილა და ქონება გაუყვიათ ოთხ თანაბარ ნაწილად. ოთხი წილიდან ერთი რგებია ჯიბრაილს, ერთი ტატეს, ერთი როსებას შვილებს (ნიკას, გიორგის) და ერთიც გასის შვილს სიკოს. ქონების ამგვარად გაყოფის შემდეგ ტატეს და მის ძმისწულებს (როსებასა და გასის შვილებს) გადაუწყვეტიათ კვლავ გაუყრელად ეცხოვრათ, რის გამო ქონების სამი წილი მათ ერთად გამოუტანიათ.

ზოგჯერ ადგილი ჰქონია ისეთ შემთხვევასაც, როდესაც დიდი ოჯახის დანაწილებისთანავე რომელიმე მოწილის შვილები (უმთავრესად გარდაცვლილი მოწილისა) ცალ-ცალკე დასახლებას გადაწყვეტდნენ, მაგრამ ეს ქონებაზე მემკვიდრეობის ხასიათს არ ცვლიდა და ისინი მაინც მხოლოდ მამისეულ წილზე გადიოდნენ. ასეთ ვითარებაში თუ მოწილეს ერთი შვილი ჰყავდა, წილიც სრულად ამ შვილს რჩებოდა, მაგრამ თუ მეორე მოწილეს რამდენიმე შვილი ჰყავდა, ისინიც მხოლოდ მამისეულ წილს ჯერდებოდნენ და ცალ-ცალკე ოჯახებად დამკვიდრების შემდეგ მას თანაბრად ინაწილებდნენ.

ზემოაღნიშნულ ვითარებაზე ნათელ წარმოდგენას გვაძლევს ჩოჩიეების ერთ-ერთი ოჯახი, რომელსაც მეთაურობდა გერო. ოთხ თაობამდე გაუყრელად მცხოვრები ამ ოჯახის გაყრა მოხდა მოწილეების, ე. ი. მეორე თაობის წარმომადგენლების (გუგუ, ბებაი, დათო) გარდაცვალების შემდეგ. გარდაცვლილი მოწილეების რაოდენობის მიხედვით ნათმა შვილებმა ქონება გაიყვეს სამ თანაბარ ნაწილად. გუგუს წილზე გავიდნენ მისი შვილები (მუკა და დიმიტრი), ბებაის წილი ერგოთ მის შვილებს (გიგოს და ბუტას), ხოლო დათოს წილი შეხვდა მის ერთადერთ შვილს გაბოს. შემდეგში, როდესაც გუგუსა და ბებაის შვილები გაყრილან, მათ მამისეული წილიც თანაბრად გაუყვიათ.

სხვა უამრავი მაგალითების საფუძველზედაც შეიძლება ითქვას, რომ ყველა მოწილე უნდა დასჯერებოდა მხოლოდ წილით ნარგებ ქონებას, მაგრამ ქონების განაწილების შემდეგ დასაშვები ყოფილა მოწილეთა შორის მოლაპარაკება და ურთიერთშორის ქონების გაყვლა. ამგვარ შემთხვევას ჰქონია ადგილი, სახელდობრ, ბოლოთაელების ზემო-სენებელი ოჯახის განაყრებს შორის. წილების ყრის შედეგად გამოირკვა, რომ ჯიბრაილს ერგო ის სახლი, რომელიც გაუყრელ ოჯახს ჰქონდა ბარის სოფელ ფრინევეში, ხოლო სოფ. შუაცხვირში არსებული სახლი წილად ხედათ ტატეს და მასთან გაუყრელად დარჩენილ ძმისწულებს. ამის შემდეგ ტატე დაინტერესებულა ფრინევეში მდგარი სახლის სელში ჩადებით, რომლის საფასურში ჯიბრაილისთვის მას მიუცია ცხენი და ძროხა, ამ ხის სახლიდან ტატეს ოთახი გადაუხერხია და ცალკე დაუდგამს, ხოლო ჯიბრაილს იქ დარჩენია მარანი და ღერეფანი.

ზემოთ განხილულ ეთნოგრაფიულ მასალასთან ერთად თაობების მიხედვით ქონების თანაბრად განაწილების ასეთსავე წესს ვეცნობით: სპეციალური ლიტერატურით. ოსთა ადათების სათანადო მუხლებში მითითებულია, რომ მამის გარდაცვალების შემდეგ მის ქონებაზე მემკვიდრეობის უფლებით სარგებლობდნენ ვაჟიშვილები, რომლებიც თანაბრად იყოფდნენ როგორც მამისაგან მემკვიდრეობით მიღებულ, ისე თავისი შრომით შექმნილ დოვლათს⁷. როგორც ქვემოთ დავინახავთ, ძმებს შორის ქონების განაწილების დროს მხედველობაში მიიღებოდა მათი ასაკიც, მაგრამ ძირითად პრინციპს მაინც მათ შორის თანასწორობის დაცვა წარმოადგენდა. ადათობრივი ნორმების ანალიზის საფუძველზე ასეთსავე დასკვნამდე მივიდა მ. კოვალევსკი⁸, ხოლო ნარელთა ცხოვრებაში ანალოგიური ვითარება დაადასტურა კ. ხეთაჯუროვმა, რომლის ცნობითაც მოწილეები იყვნენ მხოლოდ ძმები. მოწილეთა შვილები ზედმეტს არაფერს არ ლებულობდნენ არც მამების სიცოცხლეში და არც მათი გარდაცვალების შემდეგ. მამის გარდაცვალების შემდეგ თუ მათი შვილები ცხოვრებას მოისურვებდნენ ბიძისაგან და მოუკიდებლად, მხოლოდ ერთ წილს (მამისეულს) უნდა დასჯერებოდნენ, გინდაც რომ ისინი ხუთნი ყოფილიყვნენ⁹. საბჭოთა ეთნოგრაფიულ ლიტერატურაშიც ის აზრია გატარებული, რომ ოჯახის გაყრის დროს ოსები იცავდნენ თაობების მიხედვით ქონების განაწილების პრინციპს,

⁷ Ф. Леонтович, II, стр. 24, 26, 34—35.

⁸ М. Ковалевский, Современный обычай и древний закон..., I, стр. 336.

⁹ К. Хетагуров, Быт горных осетин, стр. 29.

ხოლო ქონების მიღების პრეტენდენტებად გვევლინებოდნენ უფროსი თაობის წარმომადგენლები, ე. ი. ისინი, რომლებიც იკავებდნენ ოჯახის გარდაცვლილი წევრების ან წარმავალი პირების ადგილს¹⁰.

აჩსებულ ლიტერატურულ მონაცემებსა და ჩვენ ხელთ არსებულ ეთნოგრაფიულ მასალებს, რომლითაც ვეცნობით მოწილეებს შორის ქონების განაწილების წესს XIX—XX საუკუნეებში, შეიძლება მხარში ამოუყენოთ XVIII საუკუნის წერილობითი დოკუმენტი, რომელიც შეეხება ზურაბ თუმანიშვილის ყმა გლეხების — გოგია, იასე, ივანე და ბერი მარგიშვილების გაყრისა და მათ შორის ქონების განაწილების საკითხს. ერეკლე მეორის სახელზე ივანე და ბერი მარგიშვილების მიერ 1786 წლის 6 აგვისტოს შეტანილი საჩივრიდან ჩანს, რომ როდესაც უფროსი ძმა გოგია ძმებს გაჰყრია, ტყვეობიდან 20 წლის წინათ დაბრუნებული იასეც ცალკე გასულა, მაგრამ წილი არ გაუტანია. გოგიას გამოცალკევებიდან ერთი თვის შემდეგ იასე ისევ ერთად მცხოვრებ ივანესა და ბერთან დაბრუნებულა ამ უკანასკნელთა თანხმობით. ორი წელი ერთად ცხოვრების შემდეგ იასეს ისევ მოუნდომებია ცალკე გასვლა და წილის გატანაც. ძმები იაეს იმაზე უჩივიან, რომ იასე წილს ითხოვს იმ ქონებიდანაც, რომელიც ბერმა და ივანემ მისგან დამოუკიდებლად შეიძინეს, ხოლო თვითონ იასე წინააღმდეგია თავის მიერ მიტანილი ქონება ძმებს უწილად. ივანე და ბერი განცხადებაში აღნიშნავენ, რომ იასეს ჩვენი ქონებიდან მანამდე არაფერს მივცემთ, სადაც ის თავის ქონებასაც არ გვიწილადებსო, ე. ი. ძმები მოითხოვენ როგორც მამისეული ქონების, ისე შექმნილი დოვლათის თანაბრად გაყოფას. აღნიშნული ვითარება გაითვალისწინა ერეკლემ და ზურაბ თუმანიშვილის სახელზე მიწერილ რეზოლუციაში მიუთითა: ვინაიდან ისინი არიან ძმები, ქონება გაყონ თანასწორად¹¹.

ამგვარად, მოწილეების ურთიერთშეთანხმების ან ნიხასის თუ უმაღლესი ხელისუფლების გადაწყვეტილების საფუძველზე საერთო ქონების განაწილება ხდებოდა მოწილეების თანასწორუფლებიანობის პრინციპით. ასევე ურთიერთშეთანხმების საფუძველზე წყდებოდა უფროსი მოწილისთვის ზედმეტი ქონების მიკუთვნების საკითხი. მოწილეების საერთო თანხმობის გარეშე მისთვის წილით კუთვნილზე მეტი ქონების—საუფროსო წილის (ხ ი ს თ ა რ ი ხ ა ლ, ანუ ხ ი ს თ ა გ

¹⁰ М. К о с в е н, Этнография и история Кавказа, стр. 13; Б. Т о т р о в, Семья и семейный быт крестьян Юго-Осетии в конце XIX—начале XX вв., Автореферат диссертации на соискание ученой степени кандидата исторических наук, Тбилиси, 1965, стр. 14 (შდრ. ამ დისერტაციის გვ. 181—182).

¹¹ История Осетии в документах ..., I, стр. 160—161.

ბ ა ლ) გამოყოფა არ ხდებოდა. მით უფრო გამორიცხული იყო უფროსი მოწილის მიერ საუფროსოს თვითნებურად მითვისებას ანდა სხვა რაიმე საშუალებით (ჩივილით ან თემის კაცების გადაბირებით) მისი დასაკუთრების შესაძლებლობა.

XIX საუკუნის მეორე ნახევრის ადათების კრებულის შესაბამის მუხლებში საგანგებოდაა მითითებული იმის შესახებ, რომ უფროს მოწილეს აძლევდნენ მიწის პატარა ნაკვეთს ან რამდენიმე სულ პირუტყვს, ასევე როგორც მიღებული ყოფილა უმცროსისთვისაც წილთან ერთად გამოეყოთ საურვადე დოვლათი¹². ამ ხასიათის ფაქტობრივი მასალის აღწერისას აღნიშნულ კრებულში არაფერია ნათქვამი იმაზე თუ რა მოტივით ეძლეოდა უფროს მოწილეს ზედმეტი ქონება და იყო თუ არა მისი მიცემა სავალდებულო. სამაგიეროდ, მ. კოვალევსკის გამოკვლევებში, სადაც ეს საკითხი განხილულია ფ. ლეონტოვიჩის მიერ გამოცემულ ადათებზე დაყრდნობით, უფროსი მოწილის ამ უპირატესობის საფუძვლად მიჩნეულია მისი, როგორც ოჯახის წევრთა შრომა-საქმიანობის ორგანიზატორის, საოჯახო დოვლათის მცველისა და კულტის მსახურის პრიორიტეტი¹³.

ოჯახის უფროსის, როგორც ორგანიზატორისა და დამსახურებული პიროვნების პრიორიტეტის ეჭვის ქვეშ დაყენების საფუძველი არ არსებობს, მაგრამ საუფროსო წილის ამ მოტივით მიკუთვნების დამადასტურებელი ფაქტები მთხრობლებთან ჩვენი მუშაობის დროს არ გამოვლინდა. საუფროსოს მიკუთვნების რეალურ საფუძვლად ჩვენთან მოსაუბრე მთხრობლებმა აღიარეს მხოლოდ უფროსი მოწილის მიერ გაწეული დიდი შრომა ოჯახის კეთილდღეობისათვის. საკითხის ამგვარი კვალიფიკაციის საფუძველზე კი შესაძლებლად მიგვაჩნია ვიფიქროთ, რომ საუფროსოს გამოყოფის წესი განეწილიყო საოჯახო თემის არსებობის გვიანდელ საფეხურზე, სახელდობრ, მაშინ, როდესაც მასში ისახებოდა შრომითი კოოპერაციის ნორმები. უფროსი მოწილისთვის ზედმეტი ქონების მიკუთვნების წესის შემოღებით საფუძველი უნდა ჩაპყროდა ოჯახის შიგნით შრომითი კოოპერაციის ტენდენციის საწყობებს, რაც, როგორც ამას ქვემოთ დავინახავთ, კიდევ უფრო გაღრმავდა კაპიტალისტური ურთიერთობის განვითარების პირობებში.

საუფროსოს გამოყოფის საფუძველი რომ მართლაც პიროვნების ამაგი უნდა ყოფილიყო, ამის დამადასტურებელია უფროსისთვის მისი მიკუთვნების ნებაყოფლობითი პრინციპი. საუფროსოს გამოყოფა და-

¹² Ф. Леонтович. II, стр. 72—77.

¹³ М. Ковалевский, Современный обычай и древний закон..., I, стр. 325—326.

მოკიდებული იყო მხოლოდ მოწილეების საერთო შეთანხმებაზე. ის რომ საყოველთაოდ სავალდებულო წესი ყოფილიყო, მაშინ მოწილეების შეთანხმებაზე ლაპარაკიც უადგილო იქნებოდა და უფროსი მოწილისთვის მის მიკუთვნებას ყველა ოჯახის გაყრის შემთხვევაში უნდა ჰქონოდა ადგილი. ეს კი ყოველთვის არ ხდებოდა და თუ ხდებოდა მხოლოდ მოწილეების მოლაპარაკების შედეგად, როდესაც ისინი საკმარისად მიიჩნევდნენ საუფროსოს მიცემით ელიარებიანთ თავიანთი უფროსის დამსახურება. ამგვარ დამოკიდებულებას ვხედავთ, მაგალითად, ცორმონთა ოჯახში, როდესაც ძმები ვანო და ვასკე გაყრილან, ქონება გაუყვიათ ორ ნაწილად. ოღონდ ვასკეს თანხმობით საუფროსო რგებია უფროს ძმას ვანოს. ანალოგიური პირობებით აღინიშნა ჯიქაეების გაყრაც, როდესაც საუფროსოს სახით ორი სახლიდან ერთი მათგანი თავისი დახურული კალოთი დაემო უფროს ძმას ანდის. არაიშვიათად ასეთსავე გადაწყვეტილებას ღებულობდნენ მოწილეები ან მათი დასტურის საფუძველზე ბჭეები გარდაცვლილი უფროსი მოწილი, ობლებისადმი დახმარების მიზნითაც. სამაგალითოდ აქ შეიძლება დავასახელოთ თომაეების ოჯახი, რომლის გაყრისას გარდაცვლილი უფროსი მოწილის ნიკოლოზის შვილებისათვის საუფროსოს სახით მიუკუთვნებიათ ხუთი წევრის სახნავი ნაკვეთი.

ზემოაღნიშნული ვითარების პარალელურად მოწმდება ისეთი შემთხვევებიც, როდესაც უფროსი მოწილის პრიორიტეტს უგულვებელყოფდნენ და მისთვის საუფროსოს მიცემაზე არ ზრუნავდნენ. მრავალთაგან აქ შეიძლება დავასახელოთ ბოლოთაეების ერთ-ერთი ოჯახი, რომლის გაყრისას უფროსი მოწილისათვის — ჯიბრაილისთვის საუფროსოს გამყოფის საკითხი არც დასმულა და ისიც ძხვების თანაბარ წილს დასჯერებია.

საკმარისად მიგვაჩნია აქვე აღინიშნოს, რომ ზოგიერთი ოჯახის გაყრის მომენტში უკეთესი წილის მიკუთვნების საკითხი წყდებოდა თვით უფროსი მოწილის ინიციატივით. ქონებში განაწილების დროს თუ კი საუფროსოს გამყოფის საკითხი დადგებოდა, უფროს მოწილეს, პირველ რიგში უთმობდნენ მამაპაპურ სახლს, ვინაიდან ერთობის კერაზე დარჩენა და ამ კერიდან განაყარი ოჯახების შემდგომი კავშირის შენარჩუნება, რაც ძირითადად გამოსახულებას პოულობდა სულიერი კულტურის სფეროში, მის კომპეტენციაში შედიოდა. დიგორელთა 1866 წლის ადათებშიც ამიტომ ჩანს აღნიშნული, რომ სახლი, ქვაბ-საკიდელი და ნეხვის დასაყრელი ადგილი უფროსი ძმის უცილობელ საკუთრებას შეადგენდა¹⁴, მაგრამ ზოგჯერ პირიქითაც მომხდარა, როდესაც

¹⁴ Ф. Леонтович, II, стр. 73.

ში ქალი მზითევს უტოვებდა თავის ქალიშვილებს. ამგვარი წესის არსებობის გამო საერთო ქონების გაყოფის მომენტში ყოველი ჩაალი თავის მზითევს ეპატრონებოდა. ცოლ-ქმარიც რომ გაყრილიყვნენ და კონფლიქტის მიზეზი ქალი ყოფილიყო, მზითევს მაინც ქალს უბრუნებდნენ. თუ ქალი ვერ შეეგუებოდა ქმრის ოჯახს, და ცოლ-ქმრის გაყრა ამ ნიადაგზე მოხდებოდა, ქმრის ოჯახი ქალს უბრუნებდა მზითევს და დამატებით ატანდა მცირეოდენ სარჩოს. ისეთ შემთხვევაში კი, როდესაც დამნაშავედ ითვლებოდა ქმარი, ეს უკანასკნელი ვალდებული იყო ცოლისთვის მზითევთან ერთად გამოეტანებინა სხვა ქონებაც საქონლის, ნივთების ან, მარცვლეულის სახით²⁵.

როგორც მასალები გვიჩვენებენ, მზითვად გატანებული ნივთების შედგენილობა-ლირებულების მხრივ ჩრდილო და სამხრეთ ოსეთში განსხვავებას არ ჰქონია ადგილი, მაგრამ ყურადღების ღირსია ის გარემოება, რომ ქართლის მთიანეთში მცხოვრებ ოსებში მზითევის ზემოაღნიშნულ სახეობასთან ერთად დადასტურდა ქალისთვის ერთი ძროხის ან რამდენიმე თხის თუ ცხვრის მიცემის წესი, რაც უცნობი იყო ჩრდილოელი ოსებისათვის. ეს წესი ოსებს შეუთვისებიათ ქართველებისაგან, რის მანიშნებელია, პირველ რიგში, მისი ქართული სახელწოდება სათავო (სათავნო-დან).

სათავნოდ კუთვნილ საქონელს ქალი ქმრის საერთო-საოჯახო ქონებასთან აერთიანებდა, რომლის უკან დაბრუნება მას ნებისმიერ შემთხვევაში შეეძლო. ოჯახის გაყრამდე სათავნოდან მიღებული შემოსავალი ნამატისა და პროდუქციის სახით ოჯახის საერთო საჭიროებას ხმარდებოდა. ოჯახის გაყრისა და ქონების განაწილების მომენტში კი თავნი უკვდავად უბრუნდებოდა ქალს, როგორც მისი ხელშეუხებელი საკუთრება, ხოლო ნამატი ითვლებოდა რა ოჯახის საერთო საკუთრებად. ის თანაბრად იყოფოდა მოწილეებს შორის. ქალისა და მისი ქმარ-შვი-

²⁵ ნორდენსტრენგის მიერ 1944 წ. შედგენილი ადათების კრებულის 102-ე მუხლში აღნიშნულია, რომ ქმარს უფლება აქვს გააადოს ცოლი, როდესაც მას ეს მოესურვება და უკან დაიბრუნოს მასში გადახდილი ყალიძის ნახევარი. იმავე კრებულის 104-ე მუხლში ეკითხულობთ: ქმრის ოჯახიდან ცოლის გაქცევის შემთხვევაში ქალის მამა ვალდებულია სიძეს გადაუხადოს 45 ძროხა, ხოლო თუ ეს ქალი სხვაზე გათხოვდება, მეორე ქმარი პირველს უხდის კიდევ 45 ძროხას (Ф. Л е о н т о в и ч, II, стр. 27). ნ. დუბროვინის ცნობით, უშიგლობის მიზეზით ან უმიზეზოდ ცოლის დაწუნების შემთხვევაში ქმარი ზოგჯერ აძლევდა მას რაიმე საზრდოს, ხოლო ზოგჯერ კი არა (Н. Д у б р о в и н, т. I, кн. I, стр. 339). ნარელთა ყოფის შესწავლის საფუძველზე კი ე. ხეთაგური შენიშნავს: ცოლის დანაშაულით გაყრის შემთხვევაში ქალის მამა მთელ ირადს უკან უბრუნებდა სიძეს, მაგრამ თუ გაიყრებოდნენ ქმრის დანაშაულის გამო, მას უბრუნებდნენ მხოლოდ ირადის ნაწილს (К. Х е т а г у р о в, Быт горных осетин, стр. 28).

ნაიდან უფროსის პრიორიტეტი ასეთ ვითარებაშიც კი სხვებთან შედარებით მინიმალური უპირატესობით აღინიშნებოდა. მით უფრო შეუძლებელია მაიორატის ინსტიტუტის დანახვა ოსეძში, რომლებიც თუ ერთ უფროს მოწილეს საუფროსოს სახით რაიმეს აძლევდნენ, მეორეს უამისოდ ტოვებდნენ, რამდენადაც ამ საკითხის გადაწყვეტას აპირებდა მოწილეების თანხმობა და არა შემკვიდრეობის სავალდებულო ნორმების გამოყენების გარდუვალობა.

საუფროსოსთან ერთად მნიშვნელოვან კომპონენტად გვესახება აგრეთვე უმცროსი მოწილისთვის კუთვნილ წილზე მეტი ქონების გამოყოფის წესი, რამაც, როგორც ამის შესახებ ზემოთ გვქონდა შენიშნული, სათანადო ასახვა პოვა ოსურ ადათებში. ჩვენ მიერ შეკრებილი ერთგრაფიული მასალებიდანაც ნათლად ჩანს, რომ მოწილეებს შორის ქონების განაწილებისას უმცროს ძმას წილს გარდა ეძლეოდა მიწის ნაკვეთი ან რამდენიმე სული ცხვარ-ძროხა.

უმცროსი ძმისთვის ზედმეტი ქონების მიკუთვნების მიზეზად დიგორელი, ალაგირელი და ნარელ-მამისონელი ოსებმა 1866 წლის ადათებში დასახელებულია უცოლობა და საყალიმო ხარჯების გაღების საჭიროება¹⁷. ყალიმის გადასახდელი ქონების ცალკე გამოყოფის საკითხი არ წამოიჭრებოდა მხოლოდ იმ შემთხვევაში, როდესაც ყველა ძმა უცოლო იყო¹⁸. როგორც ჩვენ ხელთ არსებული მასალებიდან ჩანს, ეს საკითხი ასევე არ შეიძლებოდა დასმულიყო ისეთ ვითარებაშიც, როდესაც ყველა მოწილე ცოლიანი იყო.

არსებული მდგომარეობის ამ თვალსაზრისით შეფასება საფსებით ბუნებრივად გვეჩვენება, ვინაიდან საქორწილო ხარჯების გამოღების საქმეშიც ყველა მოწილე თანასწორუფლებიანი იყო. ამიტომ გაყრის მომენტში მყოფ უცოლო მოწილეს იმავე უფლებით შეეძლო საყალიმოდ კუთვნილი ქონების მიღება, რა უფლებითაც ამგვარი ხარჯები გაიღეს ოჯახის გაყრამდე დაქორწინებულმა მოწილეებმა.

უცოლო მოწილის სახელზე გამოყოფილ ამ დანიშნულების მქონე დოვლათს ეწოდებოდა ს ა ქ ო რ წ ი ლ ო წ ი ლ ი (უ ს გ უ რ ი ხ ა ჯ). რომლის პარალელურად იხმარებოდა აგრეთვე შინაარსობლივად მისი თანაბარმნიშვნელოვანი საუუმცროსო წილი (ქ ა ს თ ა რ ი ხ ა ჯ) ანუ საუუმცროსო (ქ ა ს თ ა ი რ ა გ). ამორი ტერმინის შინაარსობლივი იდენტურობის მიზეზად უნდა მივიჩნიოთ ის ფარემოება, რომ უცოლო, რომელსაც საქორწილო ეძლეოდა, ჩვეულებისამებრ სხვებზე უმცროსიც იყო. გამონაკლის შემთხვევაში ისედაც შეიძლებოდა მომხდარიყო, რომ

¹⁷ Ф. Леотхович, II, стр. 74, 75, 76.

¹⁸ ი ქ ე ე, გვ. 76.

ოჯახის გაყრის მომენტში უცოლო ყოფილიყო არა ყველაზე უმცროსი, არამედ მასზე უფროსი სხვა რომელიმე მოწილე, მაგრამ ვინაიდან ოჯახის წევრთა დაქორწინება უფროს-უმცროსობის რიგის დაცვით ხდებოდა და დაქორწინება ყველაზე გვიან ხნით უმცროსს უწევდა. ზემოხსენებულ ტერმინებს შორის იგივეობის ნიშნის დასმაც, როგორც ჩანს, ამ მოვლენამ განაპირობა.

საუმცროსოს აღმნიშვნელი ტერმინი რომ საქორწილოს შესატყვე-სი ცნების შინაარს არ გამოხატავდეს და საქორწილო წილისაგან და-წოუკიდებლად საუმცროსოც არსებულებიყო თუნდაც როგორც საუფ-როსოს საპირისპირო მოვლენა, მაშინ ოსთა საოჯახო ყოფაში ადგილი უნდა ჰქონოდა ყველა უმცროსი მოწილისთვის საუმცროსოს მიცემის შემთხვევებს, განურჩევლად იმისა ის უცოლო იქნებოდა თუ ცოლიანი. მაგრამ რაკი ოსური საოჯახო ურთიერთობის ნორმები მხოლოდ ასა-კის მიხედვით უმცროსის ქონებრივ უპირატესობას არ ითვალისწინებ-და, ცოლშვილიანი უმცროსი მოწილისთვის საუმცროსოს (საქორწი-ლოს) გამოყოფა არავითარ შემთხვევაში არ ხდებოდა და ამ უფლე-ზით სარგებლობდა მარტოოდენ უცოლო მოწილე, შესაძლებლად მი-გვანჩნია ვიფიქროთ, რომ ცნება საუმცროსო ასახავდა უმცროსი უცოლო მოწილისთვის განკუთვნილი საქორწილო წილის შინაარსს.

ყოველივე ამის შემდეგ კიდევ უფრო წარმოუდგენელია ოსთა საოჯახო საკუთრების სფეროში დაინახოთ არა თუ მინორატი¹⁰, არა-შედ თუნდ მისი მკრთალი ანარეკლიც კი, რამდენადაც მინორატი წარ-მოადგენდა მაიორატის საპირისპირო მოვლენას, რომლის მიხედვით ქონება მთლიანად რჩებოდა უმცროსს, ხოლო ქონების განაწილების ოსური წესი ითვალისწინებდა მხოლოდ საქორწილოს გაღებას, რათა ოჯახის უმცროსი უცოლო მოწილე ეკონომიური უფლებებით სხვა მო-წილეებს გათანაბრებოდა. მოწილეებს შორის ქონების თანაბრად გა-ყოფის ოსური წესი სავსებით გამორიცხავდა როგორც მაიორატის. ისე მინორატის გამოვლინების შესაძლებლობას.



ოჯახის გაყრის მომენტში გასათხოვარი ქალებისა და რძლების შე-სახებ მსჯელობას არ ჰქონია ადგილი, ვინაიდან ისინი ქონებაზე მემ-კვიდრეობის უფლებით არ სარგებლობდნენ. ქალის ასეთ მდგომარეო-ბას გვაცნობენ როგორც მკვლევრები, ისე აღნიშნული ვითარების

¹⁰ Б. Т о т р о в, დასახ. აკტორეჟერატი, გვ. 14; შტრ. მ ი ს ი ე ე, დისერტა-ციის გვ. 182.

მომხსრე მთხრობლები. ფ. ლეონტოვიჩის მიერ გამოცემული ადათუბას კრებულში შესული 1836, 1844, 1859 და 1866 წწ. ცნობებიდან აშკარად ჩანს, რომ მამისეული ქონებიდან ქალებს არავითარი წილი არ ეძლეოდათ. უძეოდ გარდაცვლილი კაცის ქონება რჩებოდათ მის ნათესავ ვაჟებს, ვინაიდან მამას უფლება არ ჰქონდა თავისი ქონება ანდერძით ქალებისთვის დაეტოვებინა²⁰. ამ ვითარებისთვის ყურადღება მიუქცევია რუსეთის ხელისუფლებას და 1859 წელს მიუღია დადგენილება ანდერძის ხელშეუხებლობის შესახებ²¹, მაგრამ, როგორც ჩანს, ამ დადგენილებამ ოსთა ყოფაში გზა ვერ გაიკაფა. ადათობრივი ნორმების ნაცვლად რომ ეს დადგენილება დანერგულიყო და ქალის მდგომარეობა შეცვლილიყო, ეს უსათუოდ აისახებოდა 1859 წლის შემდეგ გამოქვეყნებულ ლიტერატურაშიც და ჩვენ მიერ შეკრებილ მასალებშიც. ლიტერატურული მონაცემებისა და ეთნოგრაფიული მასალების მიხედვით კი მთელი XIX საუკუნისა და XX საუკუნის დასაწყისში ოსი ქალი ისეთსავე მდგომარეობაში რჩებოდა, როგორშიც იმყოფებოდა ის 1859 წლამდე.

ქალი ეკონომიურად არასახარბიელო მდგომარეობაში იმყოფებოდა გათხოვების მომენტშიც. ა. იანოვსკის მიერ 1836 წელს შედგენილი ადათების კრებულში, რომელიც თავის ორტომეულში შეიტანა ფ. ლეონტოვიჩმა, აღნიშნულია, რომ ქალისთვის მზითევის მიცემა სავალდებულოდ არ ითვლებოდა; მას ქმრის ოჯახში მიჰქონდა მხოლოდ ლოგინი და საოჯახო საჭიროების ნივთები²². მ. კოვალევსკის დაკვირვებითაც. მამის ოჯახიდან ქალს მზითვის სახით ეძლეოდა ტანსაცმელი და საოჯახო ნივთები (სკივრი, ლოგინი, სპილენძის ტაშტი, ხელსაბანი, მაკრატელი, სავარცხელი...) ²³. წარის ტაფობის მცხოვრებთა მაგალითზე დაახლოებით ასეთსავე ვითარებას გვაცნობს კ. ხეთაგუროვი²⁴. ჩვენ მიერ შეკრებილი მასალებიც გვიჩვენებენ, რომ მზითევი წარმოადგენდა უმნიშვნელო ღირებულების ქონებას. თვით XX საუკუნის დასაწყისშიც კი როგორც შეძლებული, ისე ღარიბი ოჯახიდან გათხოვილი ქალის მზითევში შედიოდა ორი ხელი ლოგინი, ტანსაცმელი და პირადი საჭიროების რამდენიმე ნივთი. ეს მცირედი ქონება ითვლებოდა ქალის პირად საკუთრებად და სხვაზე მისი გაპიროვნება შეიძლებოდა მომხდარიყო მხოლოდ მისი სურვილით. უმეტეს შემთხვევა-

²⁰ Ф. Леонтович; II; стр. 6, 24, 34—35, 52, 74;

²¹ იქვე, გვ. 52..

²² იქვე, გვ. 7.

²³ М. Ковалевский, Современный обычай и древний закон..... I, стр. 294—295..

²⁴ К. Хетагуров, Быт горных осетин. стр. 25, 28..

ში ქალი მზითევს უტოვებდა თავის ქალიშვილებს. ამგვარი წესის არსებობის გამო საერთო ქონების გაყოფის მომენტში ყოველი რძალი თავის მზითევს ეპატრონებოდა. ცოლ-ქმარიც რომ გაყრილიყვნენ და კონფლიქტის მიზეზი ქალი ყოფილიყო, მზითევს მაინც ქალს უბრუნებდნენ. თუ ქალი ვერ შეეგუებოდა ქმრის ოჯახს, და ცოლ-ქმრის გაყრა ამ ნიადაგზე მოხდებოდა, ქმრის ოჯახი ქალს უბრუნებდა მზითევს და დამატებით ატანდა მცირეოდენ სარჩოს. ისეთ შემთხვევაში კი, როდესაც დამნაშავედ ითვლებოდა ქმარი, ეს უკანასკნელი ვალდებული იყო ცოლისთვის მზითევთან ერთად გამოეტანებინა სხვა ქონებაც საქონლის, ნივთების ან მარცვლეულის სახით²⁵.

როგორც მასალები გვიჩვენებენ, მზითვად გატანებული ნივთების შედგენილობა-ლიჩებულებების მხრივ ჩრდილო და სამხრეთ ოსეთში განსხვავებას არ ჰქონია ადგილი, მაგრამ ყურადღების ღირსია ის გარემოება, რომ ქართლის მთიანეთში მცხოვრებ ოსებში მზითევის ზემოაღნიშნულ სახეობასთან ერთად დადასტურდა ქალისთვის ერთი ძროხის ან რამდენიმე თხის თუ ცხვრის მიცემის წესი, რაც უცნობი იყო ჩრდილოელი ოსებისათვის. ეს წესი ოსებს შეუთვისებიათ ქართველებისაგან, რის მანიშნებელია, პირველ რიგში, მისი ქართული სახელწოდება *სათავო* (სათავნო-დან).

სათავნოდ კუთვნილ საქონელს ქალი ქმრის საერთო-საოჯახო ქონებასთან აერთიანებდა, რომლის უკან დაბრუნება მას ნებისმიერ შემთხვევაში შეეძლო. ოჯახის გაყრამდე სათავნოდან მიღებული შემოსავალი ნამატისა და პროდუქციის სახით ოჯახის საერთო საჭიროებას ხმარდებოდა. ოჯახის გაყრისა და ქონების განაწილების მომენტში კი თავნი უკვდავად უბრუნდებოდა ქალს, როგორც მისი ხელშეუხებელი საკუთრება, ხოლო ნამატი ითვლებოდა რა ოჯახის საერთო საკუთრებად. ის თანაბრად იყოფოდა მოწილეებს შორის. ქალისა და მისი ქმარ-შვი-

²⁵ნორდენსტრენგის მიერ 1344 წ. შედგენილი ადათების კრებულის 102-ე მუხლში აღნიშნულია, რომ ქმარს უფლება აქვს გააგდოს ცოლი, როდესაც მას ეს მოესურვება და უკან დაიბრუნოს მასში გადახდილი ყალიძის ნახევარი. იმავე კრებულის 104-ე მუხლში ვკითხულობთ: ქმრის ოჯახიდან ცოლის გაქცევის შემთხვევაში ქალის შამა ვალდებულია სიძეს გადაუხადოს 45 ძროხა, ხოლო თუ ეს ქალი სხვაზე გათხოვდება, მეორე ქმარი პირველს უხდის კიდევ 45 ძროხას (Ф. Л. Е. О. Н. Т. О. В. И. X, II, стр. 27). ნ. დუმბროვიჩის ცნობით, უშვილობის მიზეზით ან უმიზეზოდ ცოლის დაწუნების შემთხვევაში ქმარი ზოგჯერ აძლევდა მას რაიმე საზრდოს, ხოლო ზოგჯერ კი არა (Н. Д. У. р. о. в. И. X, т. I, кн. I, стр. 339). ნარკელთა ყოფის შესწავლის საფუძველზე კი კ. ხეთაგური შენიშნავს: ცოლის დანაშაულით გაყრის შემთხვევაში ქალის შამა მთელ ირადს უკან უბრუნებდა სიძეს, მაგრამ თუ გაიყრებოდნენ ქმრის დანაშაულის გამო, მას უბრუნებდნენ მხოლოდ ირადის ნაწილს (К. Х. е. т. а. г. у. р. о. в. Бит горных осетин, стр. 28).

ლის მხრიდან ნამატზე პრეტენზია მიუღებელი იყო. მთხრობლების მტკიცებით, ასეთი შემთხვევები შეიძლებოდა მომხდარიყო მხოლოდ იშვიათი გამოწვევის სახით და ისიც უკვე მოგვიანო პერიოდში, როდესაც დიდი ოჯახების დაშლის ინტენსიურ პროცესთან ერთად ხდებოდა. საერთოდ ძველი ხალხური წეს-ჩვეულებების გადაგვარება-მივიწყება. ახალ ეპოქაში სათავეს აჩვენებდა მითვისების კონკრეტული შემთხვევა მთხრობლებმა გაგვაცნეს ბოლოთავეების ოჯახი მაგალითზე, როდესაც ერთ-ერთ მოწილეს (ტატეს) თავის კუთვნილ წილთან ერთად დაუსაკუთრებია კიდევ ერთი კამეჩი და რამდენიმე სული ცხვარ-ძროხა, როგორც თავისი ცოლის სათავეს ნამატი. ამგვარ გადაწყვეტილებაში მთხრობლები ხედავენ მამაპაპური ჩვეულების საწინააღმდეგო აქტს, რამდენადაც ქალს ან მისი გარდაცვალების შემდეგ მის ქმარ-შვილს, შეეძლოთ მიეღოთ მხოლოდ თავნი და არა ყველასთვის თანაბრად კუთვნილი ნამატიც. ნამატზე ხელი მიუწვდებოდა მხოლოდ ქმართან გაყრილ ქალს ან ქვრივს, რომელსაც არსებული წესის თანახმად, ეკუთვნოდა თავნი უკვდავად და მისი ნამატის ნახევარი. ნამატის ნახევარი იანგარიშებოდა თავნის მოყვანიდან განვლილი წლების მიხედვით, მხედველობაში იღებდნენ ზარალსაც და დგინდებოდა საშუალო რიცხვი.

ყოველივე ეს იმის მაჩვენებელია, რომ ქალის გასტუმრება მისი მამის ოჯახისთვის ეკონომიური თვალსაზრისით იოლ საქმეს წარმოადგენდა, ხოლო ქმრის ოჯახში ქალი ფრიად უმნიშვნელო ქონების პატრონად ითვლებოდა. სამაგიეროდ უღირსად რთული ამოცანის წინაშე იდგა ვაჟის ოჯახი, რომელსაც ქალის მოყვანისას ურვადის (ირადი-ს)²⁶ გადახდა ეკისრებოდა. ამ მიზნით იყენებდნენ საქონელს, იარაღს, სპილენძის ჭურჭელს და შედარებით იშვიათად ფულსაც.

ურვადის მოცულობას განსაზღვრავდა ერთის მხრივ ქალისა და მისი გვარ-ჩამომავლობის ღირსება, ხოლო, მეორე მხრივ, მხარეთა შორის შეთანხმება. ურვადის გადახდა განსაკუთრებით მძიმე მდგომარეობაში აყენებდა ღარიბ ოჯახს, რომელსაც ამ ამოცანის გადაჭრა ზოგჯერ სრული გაკოტრების ფასად უჯდებოდა. ამიტომ გამოუცხადა ბრძოლა ოსეთის მოწინავე საზოგადოებამ ამ მანერ ჩვეულებას, რამაც სათანადო ასახვა პოვა პრესაშიც²⁷.

²⁶ ირადის ეტიმოლოგიის შესახებ იხ. ვ. აბაევის ნაშრომი «Историко-этно-логический словарь осетинского языка», стр. 546—547, რომელსაც ამ სიტყვის განმარტების მიზნით ვიყენებთ ქისტების საოჯახო ყოფაზე მსჯელობისას (იხ. ამ წიგნის გვ. 180).

²⁷ ოსეთში «ირადის»; «ხარნავის» და სხვ. გაუქმებაზე დადგენილება იხ. ვახ. «დროება», 1866, № 15; გ ი რ გ ი ლ ი ა ხ ვ ე ლ ი (ჩოჩიშვილი), განხილება ოსეთში

როგორც მთხრობლების ჩვენებიდან ჩანს, ურვადის დადგენილი ნორმა არ არსებობდა ოსეთის არც ერთ სოციალურ წრეში. ის არც შეიძლებოდა ყოფილიყო მტკიცედ ნორმირებული გადასახადი, ვინაიდან მისი ღირებულების განსაზღვრა ხდებოდა მხარეთა მოლაპარაკების ნიადაგზე. ერთი რომელიმე ალღარი თუ 100 ხარს მოითხოვდა, მეორეს შეიძლება აეღო ამაზე მეტი ან ნაკლები, ისევე, როგორც ურთიერთშეთანხმების საფუძველზე ხდებოდა ურვადის მოცულობის დადგენა უფლებრივად დაბლა მდგომი საზოგადოების საქორწინო ურთიერთობაშიც.

ოსების ცხოვრებაში ურვადი რომ მძიმე გადასახადს წარმოადგენდა და მისი ღირებულება ურთიერთშეთანხმების საფუძველზე განისაზღვრებოდა, ამის მანიშნებელია ვახუშტის ცნობა ქალის სახლეულისთვის ვაჟის მიერ ი, კ, ლ და მ (ე. ი. 10, 20, 30 და 40) ძროხის გადახდის სავალდებულო წესის შესახებ²⁸. XVIII საუკუნეში ოსებს ურვადის დადგენილი ნორმა რომ ჰქონოდათ, ვახუშტი რამდენიმე სავარაუდო ციფრის ნაცვლად მხოლოდ ერთის აღნიშვნას დასჯერდებოდა — ურვადის მოცულობაში განსხვავება კიდევ უფრო ნათლად ჩანს სოციალური ნიშნით. ა. იანოვსკის ცნობით, ოსებში არსებობდა რა სყიდვითი ქორწინება, ხოლო ურვადის ღირებულების საზომი იყო ქალის გვარ-ჩამომავლობა, ამის შესაბამისად უმცირესი გადასახადი შეადგენდა 12 ძროხას, ხოლო უმაღლესი შეიღ ცხენსა და 140 ძროხას²⁹.

მევენე ჩეულებათა შესახებ, ვახ. «ღროება», 1884, № 32; ვახ. «ღროება», 1884, № 147; ურვათი ოსებში, ვახ. «ღროება», 1895, № 120; კ. ც ხ ე ღ ა ძ ე, სოფ. ვანათი, ვახ. «ივერია», 1886, № 241; ქართველი ოსებში (ბ ა კ უ რ ა ძ ე ნ ე ს ტ ო რ), ვლადიკავკაი, ვახ. «ივერია», 1887, № 67; Газ. ТВ, 1879, № 52; С. К о к и е в, Калым у осетин, Газ. ТВ, 1887, № 4; Калым, умышканне, Газ. «Казбек», 1898, № 347; Х. У р н и я м а г о в, Еще о калыме в Осетии, Газ. «Казбек», 1900, № 712; Калым в Осетии, газ. «Кавказ», 1900, № 66; Х а б о с, Еще о калыме в Осетии, газ. ТВ, 1900, № 13, К. А. Е. О калыме в Осетии, газ. ТВ, 1903, № 287; Д ж и о р, Калым у осетин, газ. ТВ, 1904, № 160; Ц. Х е т а г у р о в, Борьба с калымом, газ. ТВ, 1910, № 22; Д ъ я - к о в, Против калыма, газ. ТВ, 1913, № 61; А. Д ж а м у р а з е в, Калым, как причина воровства и грабежей, Журн. «Революция и Горещ», 1918, № 4, Т. А. Калым еще существует, Журн. «Аригон Больше-вник». 1930, № 15.

²⁸ ვ ა ხ უ შ ტ ი, აღწერა..., გვ. 110.

²⁹ А. Я н о в с к и й, Осетия, «Обозрение российских владений за Кавказом, II, СПб., 1836, стр. 199; შღრ. Ф. Л е о н т о в и ч, II, стр. 6.

სოციალური მდგომარეობის მიხედვით საურვადე თანხის ასეთსავე მკვეთრ სხვადასხვაობას ეხედავთ 1844 და 1866 წწ. ქურთათში, თაგაურში, ალაგირსა და დიგორში შეკრებილი ადათობრივი ნორმების მიხედვით²⁰, ისევე, როგორც სხვადასხვა თემებისა და სოციალური წრეების მიხედვით ანალოგიურ ვითარებას გვაცნობენ სხვა ლიტერატურული წყაროებიც²¹.

აქვე უნდა აღინიშნოს, რომ ურვადის გადახდის წესს სამხრეთელ ოსებთან შედარებით მეტი სიმკაცრით ეკიდებოდნენ ჩრდილოელი ოსები. ჩვენ დავადგინეთ ისეთი შემთხვევაც კი, როდესაც ურვადში მისაბედი 123 ცხერის ნაცვლად 122 სულის მიცემას კონფლიქტი გამოუწვევია და მდგომარეობის დაშოშმინების მიზნით ოჯახს, რომელსაც მხოლოდ სამი თბა დარჩენია, კიდევ ერთი თბა გაუგზავნია ქალის ოჯახისთვის. სამხრეთელი ოსების ყოფაში კი საპირისპირო ვითარება დამოწმდა. ურვადის გადახდით დამძიმებული მდგომარეობის შემსუბუქების მიზნით სამხრეთელ ოსებს შეუშუშავებიათ ერთი ისეთი წესი, რომელიც საქორწინო ცერემონიაში რიტუალის სახით დანერგილა. თანახმად ამ ჩვეულებისა, მეჯვარეს უფლება ჰქონია ქალის ოჯახის უფროსისათვის ეთხოვა: ერთი ხარი ღიძეს აპატიეთო, ერთი მის მშობლებს დაუბრუნეთო, ერთიც მე მაჩუქეთო და ა. შ. ასეთ მიმართვას ჯაქტიურად ფორმალური ხასიათი ჰქონია, ვინაიდან სიძის ოჯახისთვის ეკონომიური შეღავათის მიცემა თავიდანვე იყო მოფიქრებული, მაგრამ ურვადის გადახდის ძველი ჩვეულების აშკარა უგულებელყოფის მიჩქმალვის მიზნით მიმართავდნენ აღნიშნული ცერემონიით შენიღბულ ხერხს და თითქოსდა სხვადასხვა პირის პატივისცემის მოტივით საქონლის გარკვეული ნაწილი სასიძოს ოჯახს რჩებოდა. ასეთ დათმობას ყოველთვის არ ჰქონია ადგილი, მაგრამ ცხოვრებაში ამ ჩვეულების დანერგვა, რომლის არსებობა არ დასტურდება ჩრდილო ოსეთში, იმის სასარგებლოდ ლაპარაკობს, რომ სამხრეთელ ოსთა ყოფაში ფეხს იკიდებდა ურვადისადმი უარყოფითი დამოკიდებულება. აღნიშნული ვითარება უნდა აიხსნებოდეს მათ მეზობლად მცხოვრებ ქართველთა ზეგავლენით, რომლებიც ეთნოგრაფიული მასალებით ხელმისაწვდომი

²⁰ Ф. Л е о н т о в и ч, II, стр. 33, 40—44, 67—68.

²¹ История Юго-Осетии в документах..., II, стр. 202—203; Н. Д у б р о в н и й, т. I, кн. I, стр. 333; Д. Ш а н а е в, Свадьба у северных осетин, ССКГ, IV, стр. 11, 13—15; М. К о в а л е в с к и й, Современный обычай и древний закон..., I, стр. 241—243; Е. М а р к о в, Очерки Кавказа, стр. 195; К. Х е т а г у р о в, Быт горных осетин, стр. 22; Г. Ч у р с и н, Осетины-стр. 86.

დროისათვის ურვადია გადახდის წესს არ მისდევდნენ. საერთოდ კი გამორიცხული არ არის შესაძლებლობა, რომ შორეულ ისტორიულ წარსულში ქსნისა და ლიახვის ხეობებში მცხოვრებ ქართველებშიც ყოფილიყო სყიდვითი ქორწინების ჩვეულება. საქართველოში ამ ჩვეულების საყოველთაოდ არსებობაზე საკითხის დაძმის შესაძლებლობას გვაძლევს თუნდაც ის გარემოება, რომ ჩვენი სამშობლოს ზოგიერთ კუთხეში (სვანეთი, ხევი) სყიდვითი ქორწინება XIX საუკუნეში ვერ კიდევ მოქმედ წესს წარმოადგენდა³². როგორც ჩანს, ქსნისა და ლიახვის ხეობებში მცხოვრებმა ქართველებმა, საქართველოს ბევრი სხვა კუთხის წარმომადგენლებთან ერთად, სვანებსა და მოხვევებზე ადრე უარყვეს აღნიშნული ჩვეულება. შესაძლებელია ეს მომხდარიყო ოსთა მასობრივ ჩამოსახლებამდე ანდა ამ დროისათვის ურვადის გადახდის წესი მომაკვდავ სტადიაში ყოფილიყო. ასეთ ვითარებაში ოსებსაც თანდათანობით უნდა განეცადა მკვიდრი მოსახლეობის ზეგავლენა და ამის ნიადაგზე უნდა გაჩენილიყო ის კომპრომისი, რომელიც გამოხატულებას პოულობდა ურვადის ერთი ნაწილის ჰიძისთვის უკან დაბრუნების შესაძლებლობაში.

რამდენადაც ურვადის გაღება უშუალოდ იყო დაკავშირებული ოჯახის ეკონომიურ ინტერესებთან და საკუთრების ხასიათთან, გვერდს ვერ ავუვლით ოსეთში არსებული მრავალცოლიანობის ჩვეულებას. რომლის აუცილებელ წინაპირობას ასევე ურვადის გადახდა წარმოადგენდა.

ჩვენ მიერ ჩაწერილი მასალებიდან ჩანს, რომ ორცოლიანობის შემთხვევებს ადგილი ჰქონია XX საუკუნის დასაწყისშიც, ხოლო კაცი ურვადს აუცილებლად იხდიდა იმდენჯერ, რამდენჯერაც ის იქორწინებდა. მაგალითად, სოფ. ქვემო როკაში ორი ცოლი შეურთავს ნიკა პლიევს და ორჯერვე გადაუხდია ურვადი. პირველი ცოლის მამისთვის მას ჩაუბარებია 12 სული მსხვილფეხა საქონელი და 40 სული ცხვარი, ხოლო მეორედ ქორწინებისას, რაც პირველი ცოლის აი-ცოცხლეშივე მოხდა, მან ურვადში გაიღო ორი ძროხა და ერთი შეკაზმული ცხენი.

როდესაც ნიკა პლიევმა მეორედ იქორწინა, ის კვლავ თავის ძმებთან გაუყრელად ცხოვრობდა. გაუყრელად მყოფ ოჯახში რაკი ქონებაც გაუყოფელი იყო და ურვადის გადახდაც საერთო დოვლათიდან

³² რ. ხ ა რ ა ძ ე, დიდი ოჯახის გადმონაშთები სვანეთში, გვ. 87—98; ვ. ი თ ო ნ ი შ ვ ი ლ ი, ქართველ მთიელთა საოჯახო ურთიერთობის ისტორიიდან, გვ. 202—232.

ხდებოდა, ნიკამაც ურვადი ორჯერვე საერთო ქონებიდან გაიღო მაგ-
რამ, როგორც მთხრობლები აღნიშნავენ, ამ აქტით მოხდა ძველი ჩვე-
ულების უგულუბელყოფა, რომლის მიხედვით საერთო საოჯახო ქო-
ნებიდან ურვადის გადახდა ოჯახის წევრისთვის მიზანშეწონილად ით-
ვლებოდა მხოლოდ ერთხელ. გაუყრელი ოჯახის ქონებიდან საურვადე
დოვლათის მეორედ გამოყოფა დასაშვები იყო მარტოოდენ ცოლთან
გაყრის ან დაქვრივების შემთხვევაში. ერთდროულად რამდენიმე ქალის
ცოლად შერთვა და საამისო ხარჯების გაწევა კი ეწინააღმდეგებოდა
დიდი ოჯახის ეკონომიურ ანტიერესებს. ამის გამო მრავალცოლიანობა
არ შეიძლებოდა ყოფილიყო დიდ ოჯახებად ცხოვრების წესისათვის და-
მახასიათებელი მოვლენა. ამ ჩვეულების დანერგვის შესაძლებლობა
უნდა გაჩენილიყო ინდივიდუალურ ოჯახებად ცხოვრების პირობებში.
როდესაც ქონების უშუალო მფლობელი იყო ერთი კაცი და ის სხვები-
აან დამოუკიდებლად თავის შეხედულებისამებრ აწესრიგებდა სი-
მეს.

როგორც მთხრობლების ჩვენებიდან ჩანს, პირველი ცოლის და-
წუნებას და მეორის მოყვანას ან პირველ ცოლთან შეთანხმებით მეორედ
ქორწინებას, ორი ცოლის ერთად ყოფნის პირობით, გამართლება ჰქონდა
პირველი ცოლის უშვილობის შემთხვევაში. უშვილობის მოტივით მეო-
რედ ქორწინება დასაშვები ყოფილა ოჯახის გაუყრელად ცხოვრების პი-
რობებშიც. ეს იმდენად მნიშვნელოვან მიზეზს წარმოადგენდა, რომ შვი-
ლების შეძენის მიზნით უშვილო ქალის სხვა მამაკაცთან კავშირიც კი და-
საშვებად ითვლებოდა. გენერალ გოლიცინის მიერ 1844 წელს შედგენი-
ლი ადათების კრებულში ამის შესახებ საგანგებოდაა აღნიშნული, რომ
დიგორელთა ჩვეულების თანახმად, უშვილო ცოლის პატრონი კაცი ყა-
ლიმის გადახდით ირთავდა მეორე ცოლს, ხოლო პირველ ცოლს აძლევდა
სხვა უცოლო კაცს, რომელსაც ყალიმს არ ართმევდა. თუ ამ კაცთან ქალს
შვილები გაუჩნდებოდა, ეს შვილები ეკუთვნოდა პირველ ქმარს, რადგა-
ნაც მას ამ ქალში ყალიმი ჰქონდა გადახდილი.

ვინაიდან მეორედ ქორწინება უმთავრესად გამართლებული იყო
უშვილობის მოტივით და ცოლის შერთვა უსათუოდ დაკავშირებულ
იყო ურვადის გადახდის მძიმე ვალდებულებასთან, ეს უკვე თავისთავად
იმის მანიშნებელია, რომ ერთზე მეტი ცოლის შერთვა ისევე იშვიათ-
მოვლენა უნდა ყოფილიყო, როგორც საერთოდ იშვიათ მოვლენას წარ-
მოადგენდა ქალის უნაყოფობა.

მრავალცოლიანობის ერთ-ერთი ხელშემწყობი ფაქტორი თათქოს მაქმადიანობაც უნდა ყოფილიყო, რამაც ისთა გარკვეულ ნაწილში პოვა გავრცელება, მაგრამ რამდენადაც ქორწინების აუცილებელ წინაპირობას წარმოადგენდა ურვადის გაღება, ხოლო თავის მხრივ ამას ხელს უშლიდა დიდ ოჯახში არსებული კოლექტიური საკუთრების პრინციპები ან ინდივიდუალური ოჯახის პატრონი კაცის სიღარიბე, ამდენად მრავალცოლიანობა არ შეიძლებოდა ყოფილიყო მასობრივად გავრცელებული. ეს ჩვეულება ძირითადად ახასიათებდა შეძლებული ფენების საოჯახო ყოფას, ვინაიდან ურვადის რამდენჯერმე გადახდა შეეძლო მხოლოდ ეკონომიურად ძლიერ ოჯახს. ვახუშტის ცნობა იმის შესახებ, რომ „შეირთვენ მდიდარნი ორსა და სამს ცოლსა და დაბალნი — ერთსა“³⁴, ისევე როგორც მისივე დაკვირვება: „თუ განდიდნეს ანუ განმდიდრდეს ოვსი ანუ დვალი, ანუ შეირთავს ორ-სამს ცოლსა, ანუ აღაგებს კოშკსა, ანუ მოჰკლავს კაცსა“³⁵, ნათელსა და დამაჯერებელ პასუხს გვაძლევს ზემოთ დასმულ საკითხზე. ვახუშტის დაკვირვებით, მრავალცოლიანობა იყო პიროვნების აღზვევების გამომხატველი მოვლენა, ისევე როგორც მისი ძლიერების ნიშანს წარმოადგენდა კოშკის აშენებისა და კაცის მოკვლის შესაძლებლობა.

ის გარემოება, რომ მრავალცოლიანობას მისდევდნენ პრივილეგიური ფენის წარმომადგენლები, რომელთა დაინტერესება, პირველ რიგში გამოწვეული იყო სახლში ზედმეტი მუშახელის მოყვანით, კარგად ჩანს XIX საუკუნის ლიტერატურიდანაც. როგორც წესი, თავის კანონიერ ცოლთან ერთად, რომლის შვილებიც საოჯახო დოვლათის მემკვიდრეებად ითვლებოდნენ, უფლებრივად დაბალი ფენების წრიდან კაცს მოჰყავდა რამდენიმე ქალი, რომელთა შვილები მოკლებული იყვნენ მემკვიდრეობის უფლებას. ეს მეორეხარისხოვანი ანუ არაკანონიერი ცოლი, რომელსაც ნო მი ლ უ ს (სახელობითი//სახელდებითი ანუ პირობითი ცოლი) ეწოდებოდა, თავისი მდგომარეობით იყო ნამდვილი შინამოსამსახურე, რომელიც ცხოვრობდა რა ბოსელში, მისი შვილი იწოდებოდა ქ ა ვ დ ა ს ა რ დ ა დ, რაც ნიშნავს ბავაში დაბადებულს³⁶. ეს უკანასკნელი, როგორც არაკანონიერი დედის შვილი და ამდენად როგორც ე. წ. „შავი“ ანუ უუფლებო ადამიანი, მხოლოდ იმ შემთხვევაში შეიძლებოდა გამხდარიყო მამისეული ქონების მემკვიდრე, როდესაც მის მამას კანონიერი ცოლისაგან ვაჟიშვილი არ

³⁴ ვ ა ხ უ შ ტ ი, აღწერა..., გვ. 110.

³⁵ ი ქ ვ ე, გვ. 111.

³⁶ Kævdæs—ბავა, Kævdæsard—ბავაში დაბადებული (B. A. Гаев, Историко-этимологический словарь осетинского языка, I, стр. 591).

ჰყავდა. რაც შეეხება თვით მის დედას, ის ქმრის ოჯახში ცხოვრების უფლებას მოკლებული არ იყო არა მარტო ქმრის სიცოცხლეში, არა-
ნედ მისი გარდაცვალების შემდეგაც. ის ამ მხრივ ბევრად უკეთეს
მდგომარეობაში იმყოფებოდა, იმ ქალთან შედარებით, რომელიც კაცს
შეეძლო მოეყვანა მოტაცებული ტყვის სახით და ოჯახში მონის
უფლებებით ჰყოლოდა. ამ უკანასკნელის შვილებიც არაკანონ-
იერად ითვლებოდნენ და ყოველგვარ უფლებებს მოკლებული
იყვნენ³⁷.

განხილული ეთნოგრაფიული მასალისა და სათანადო ლიტერატურ-
ის გაცნობის შემდეგ შეიძლება დაბეჯითებით ითქვას, რომ საოჯახო
და საზოგადოებრივი ურთიერთობის სფეროში ქალის უფლებრივი
მდგომარეობა განისაზღვრებოდა მისი სოციალური წარმოშობით. მაგ-
რამ ის რომელი ფენის წარმომადგენელიც არ უნდა ყოფილიყო, ქო-
ნებაზე მემკვიდრეობის უფლებით მაინც არ სარგებლობდა. ამიტომ
საოჯახო დოვლათის განაწილების დროს არც შეიძლებოდა დასმული-
ყო საკითხი გასათხოვარი ქალებისა და რძლებისთვის წილის გამოყო-
ვის შესახებ.



როგორც ზემოთ დავინახეთ, ოჯახის გაყრის მომენტში ზოგიერთი
ბოწილე გარდაცვლილი იყო, რომლისთვისაც განკუთვნილი წილის მიღე-
ბის უფლება ენიჭებოდათ მის მემკვიდრეებს ვაჟიშვილების სახით. ამ
შემთხვევაში მნიშვნელობა არ ჰქონდა შვილების ასაკს. ობლების დე-
დას წილი სრული სახით ბარდებოდა და ეს ქონება მისი ვაჟების ხელ-
შეუხებელ საკუთრებას წარმოადგენდა, რომლის თანაბრად განაწილე-
ბა მათ შეეძლოთ ცალ-ცეკვე დაბინაეების დროს. მთხრობლებმა ისიც
აღნიშნეს, რომ მოწილეები ან მოწილეებთან ამ საკითხზე შეთანხმე-
ბული შუაგაციები (შუაგაცი — შ ხ ს ა ნ ი ლ ა გ) ქვრივს ყველაზე დიდ
წილსაც კი აკუთვნებდნენ, ვინაიდან მას კისერზე აწვებოდა ობლების
აღზრდის მძიმე მოვალეობა.

სულ სხვანაირად დგებოდა საკითხი მაშინ, როდესაც მოწილის
ქვრივს მხოლოდ ქალიშვილები ჰყავდა. 1836 წელს თავმოყრილი ადა-
თობრივი ნორმების მიხედვით, უშვილო ან მხოლოდ ქალიშვილების
პატრონ ქვრივს ქმრისთვის წლისთავის გადახდამდე შეეძლო თავის

³⁷ Ф. Л е о н т о в и ч, II, стр. 14—18, 25, 31, 37, 68, 69; Н. Д у б р о -
в и и, т. I, кн. I, стр. 333; М. К о в а л е в с к и й, Современный обычай и
древний закон..., I, стр. 232—240, 295—300; მ ი ს ი ე, Современный
обычай..., II, стр. 147.

განკარგულებაში ჰქონოდა ქმრის კუთვნილი ქონება. ერთი წლის შემდეგ ეს ქონება გადადიოდა გარდაცვლილის ბიძაშვილების ხელში. რომლებთანაც ქვრივი საცხოვრებლად დარჩებოდა. თუ ქვრივი მათთან ცხოვრებას არ მოისურვებდა, მის გასათხოვარ ქალებს ბიძაშვილები თავისთან ამყოფებდნენ, ხოლო ცალკე ცხოვრების მსურველ ქვრივს სარჩოდ გამოუყოფდნენ უმნიშვნელო ქონებას³⁸. 1844 წელს შეკრებილი ასეთივე ხასიათის მასალებშიც აღნიშნულია, რომ ქვრივსა და მის ქალიშვილებს ეძლეოდათ მხოლოდ საარსებო სარჩო³⁹, ისევე როგორც 1866 წლის ადათების კრებულის მიხედვითაც საოჯახო ქონებაზე მემკვიდრეობის უფლებით ქვრივი არ სარგებლობდა⁴⁰.

ოჯახიდან ქვრივის ცალკე გამოყოფის საკითხი მისივე ინიციატივით შეიძლებოდა დასმულიყო ოჯახის გაყრამდეც. ასეთ ვითარებაშიც მას ეძლეოდა სარჩო საქონლისა და ფულის სახით, ხოლო შედარებით იშვიათად მიწის ნაკვეთიც. მ. კოვალევსკის ცნობით, ქვრივის გარდაცვალების შემდეგ მის სახელზე არსებული ქონება კვლავ მოწილე მამაკაცების ხელში გადადიოდა⁴¹. ამავე ავტორის ცნობით, გაუყრელ ოჯახში დარჩენის შემთხვევაში ქვრივი ისეთსავე მდგომარეობას ინარჩუნებდა, როგორც ჰქონდა მას ქმრის გარდაცვალებამდე. მაგალითად, დაქვრივებამდე რომ ის დიასახლისი ყოფილიყო, დაქვრივების შემდეგაც მის საპატიო მოვალეობად რჩებოდა ისევე დიასახლისობა⁴².

საყურადღებოა აღინიშნოს ისიც, რომ ოსური ადათი უძეო ქვრივს უფლებას აძლევდა ეფიქრა თავის მომავალზე. გარდაცვლილი ქმრის ნათესაებთან წინასწარი შეთანხმების შემდეგ თუ ის სხვა კაცთან იყოლიებდა ვაჟს და მას ქმრის გვარს მიაკუთვნებდა, ქვრივი მოწილის უფლებას იძენდა, ისევე როგორც მემკვიდრედ შეიძლებოდა ჩაეთვალათ ქვრივის ქალიშვილის ის ვაჟი, რომელიც დაიბადებოდა ქვრივის ოჯახში, ოღონდ იმ პირობით, თუ ქვრივის ქალიშვილისთვის ქმრის მოყვანის უფლება საზოგადოებასთან შეთანხმებული იქნებოდა⁴³. მაგრამ როგორც მ. კოვალევსკიმ თავის დროზე შენიშნა მემკვიდრეობის ამ წესის გამოყენება იშვიათად ხდებოდა⁴⁴. ეს საეხსიანო ბუნებრივად გვეჩვენება, ვინაიდან ძესიძეობა (მიღვამოა — შინაგანი ქმარი), რო-

³⁸ Ф. Леонтовлч, II, стр. 6.

³⁹ ი ქ ვ ე, გვ. 24.

⁴⁰ ი ქ ვ ე, გვ. 74.

⁴¹ М. Ковалевский, Современный обычай и древний закон.... I. стр. 259, 320.

⁴² ი ქ ვ ე, გვ. 257—258.

⁴³ Ф. Леонтовлч, II, стр. 74—75.

⁴⁴ М. Ковалевский, დასახ. ნაშრომი, გვ. 320.

მელიც განსახლდრავდა ქალიშვილის ვაჟის მემკვიდრეობის უფლებას, ოსეთში საყოველთაოდ მიღებულ ჩვეულებას არ წარმოადგენდა. ბ. კოსვენის გამოკვლევით, სიმამრთან ესახლებოდა ღარიბი ახალგაზრდა, რომელსაც არ გააჩნდა რა ურვადის გადახდის შეაძლებლობა, 10—15 წელს გატარებული შრომით ახერხებდა ის ქალის გამოსყიდვას⁴⁵. ასევე ეკონომიური ფაქტორი აქვს მხედველობაში ბ. ტოტროვსაც, როდესაც ფაქტობრივ მასალაზე დაყრდნობით ამტკიცებს, რომ ძესიძეობა სამხრეთ ოსეთში იშვიათად ხდებოდა და ასაბუთებს, რომ ჯველა აღწერილი შემთხვევა ეხება პატარა ოჯახს, რომელიც ქალის ჰშობლების მოხუცებულობის გამო საჭიროებდა შრომისუნარიან კაცს⁴⁶. ამდენად, მემკვიდრეობის ზემოაღნიშნული წესიც უმთავრესად დამატებითი ჩანს ინდივიდუალური ოჯახის ცხოვრების პირობებისათვის და ის ისეთივე იშვიათი შემთხვევა უნდა ყოფილიყო, როგორც იშვიათ მოვლენას წარმოადგენდა სიმამრის ოჯახში სიძის დროებითი ცხოვრება თუ სამუდამოდ დამკვიდრება.

ჩვენ მიერ შეკრებილი მასალებიც იმის სასარგებლოდ მეტყველებენ, რომ დიდ ოჯახში ძესიძედ მოსვლა არ ხდებოდა და ამ ძალზე იშვიათ შემთხვევას ადგილი ჰქონდა მხოლოდ უკაცო პატარა ოჯახში. დიდი ოჯახის დანაწილებისა და თავისი ქალიშვილებით ქვრივის ცალკე გამოყოფის შემთხვევაშიც კი სახლში სიძის მიყვანა თითქმის შეუძლებელი იყო. თუ ინდივიდუალური ოჯახის, როგორც დამოუკიდებელი ეკონომიური ერთეულის პატრონს შეეძლო სიძე სახლში მიეყვანა და მისთვის თავისი მამული და სახლ-კარი ეანდერძა, ეს არ შეეძლო დიდი ოჯახიდან გამოყოფილ ქვრივს, ვინაიდან დიდი ოჯახი — ეს ეკონომიური ერთეული — იყოფოდა იმდენ ახალ ეკონომიურ ერთეულად (ახალ ოჯახებად), რამდენი მოწილეც ოჯახში იყო. რაკი ქალიშვილების პატრონი ქვრივი ასეთ მოწილეს არ წარმოადგენდა და მისი ცალკე გამოყოფით ახალი ეკონომიური ერთეული არ იქმნებოდა ინდივიდუალური ოჯახის სახით, ამიტომ მასთან ძესიძედ დასახლების შესაძლებლობაც არ არსებობდა.

ქვრივისა და მისი ქალიშვილების ცალკე დასახლებით ეკონომიური ერთეული არ შეიძლებოდა შექმნილიყო თუნდაც იმის გამო, რომ მამულზე საკუთრების უფლება მათზე არ ვრცელდებოდა. მამულს მათ აძლევდნენ მხოლოდ დროებით სარგებლობაში. ქვრივის გარდაცვალებისა და მისი ქალიშვილების გათხოვების შემდეგ კი ამ მამულს კვლავ

⁴⁵ М. Косвен, Этнография и история Кавказа, стр. 48.

⁴⁶ Б. Тотров, Дахаб. Наиром, გვ. 208—210.

ეპატრონებოდნენ ქვრივის მაზლები და მაზლების შვილები. სამაგოროდ მათ ხელშეუხებელი საკუთრების უფლება ენიჭებოდათ ოჯახის გაყრის დროს მიცემულ სახლის ნაწილზე, საოჯახო ინვენტარსა და პირუტყვზე. ქალების გათხოვების შემდეგ ქვრივს ამ ქონებაზე ვერავინ ვერ შეედავებოდა, ხოლო ქვრივის გარდაცვალების შემდეგ მის გათხოვილ ქალიშვილებს შეეძლოთ დედისეულ ქონებას დაეპატრონებოდნენ. მათ სრული უფლება ჰქონდათ როგორც ბინის, ისე საქონლის გაყიდვისა, ოღონდ იმ პირობით, რომ პირველ რიგში ეს ეცნობებინათ თავისი ბიძა-ბიძაშვილებსათვის. სახლის, ინვენტარისა და საქონლის სხვაზე გაყიდვა მათ შეეძლოთ მხოლოდ მას შემდეგ, როდესაც შინაური მყიდველი არ გამოჩნდებოდა. თუ ბინის მყიდველი ბიძაშვილი არ აღმოჩნდებოდა და ეს ბინა განაყრების საცხოვრებელი კომპლექსის შემადგენელ ნაწილს წარმოადგენდა, გარეშე კაცი ქვრივის მაზლების ხათრით თუ შიშით მის ყიდვას ვერ ბედავდა და ქვრივის წილი ძალაუვნებურად მის მაზლებს ან მაზლების შვილებს რჩებოდათ. შემთხვევითი არ არის ის გარემოება, რომ პატრონიმიული უბანი დასახლებული იყო ერთი გვარის წარმომადგენლებით. ქვრივის ბინის სხვაზე გაყიდვის შემთხვევებს რომ ჰქონოდა ადგილი, ეს გამოიწვევდა პატრონიმიული უბნის პოლიგენურობას. ოსეთის მთიანეთში კი ძველი უბნები უმთავრესად მონოგენური იყო.

როგორც ვხედავთ, მოწილის ქვრივი, რომელსაც ვაჟები ჰყავდა, სრულუფლებიან მოწილედ ითვლებოდა, ხოლო ქალების პატრონი ქვრივი არსებითად სარჩოს უნდა დასჭერებოდა. თითქმის ამ უკანასკნელის მდგომარეობაში იმყოფებოდა სულ მთლად უშვილო ქვრივიც. ის თუ მამის სახლში დაბრუნებაზე ან გათხოვებაზე აღარ იფიქრებდა და ქმრის ოჯახიდან გამოყოფის შემდეგ მაზლების მეზობლად დარჩებოდა საცხოვრებლად, მაზლები მას აძლევდნენ ერთი სულისთვის კუთვნილ სახნავ ნაკვეთს, ბინას და საქონელს. გარდა ამისა, ყველა ქვრივის (შვილიანის თუ უშვილოს) პირად საკუთრებად ითვლებოდა მზითვევი, ხოლო სამხრეთ ოსეთში, ამასთან ერთად, სათაფროდან თავნი და მისი ნამატის ნახევარი. უშვილო ქვრივის გარდაცვალების შემდეგ მის სახელზე საერთო საოჯახო ქონებიდან გამოყოფილი ბინა, მამული, საოჯახო ინვენტარი და პირუტყვი რჩებოდათ მის მაზლებსა და მზლიშვილებს, ხოლო მზითვესა და სათაფროს უბრუნებდნენ ქვრივის მამის სახლს.

ასეთ პირობებში იმყოფებოდა გარდაცვლილი ქმრის გაუყოფელ ოჯახში საცხოვრებლად დარჩენილი ან ცალკე დაბინავებული ქვრივი, მაგრამ თუ ის ამგვარ ცხოვრებას არ ისურვებდა, შეეძლო ერთწლიანი გლოვის შემდეგ საცხოვრებლად მამის სახლში დაბრუნებულიყო ან იქიდან მეორედაც გათხოვილიყო.

როდესაც ქვრივი მამის სახლში წასვლას და შეილები იქ აღზრდას გადაწყვეტდა, მის ვაჟებს მამისეული წილი სრული სახით ეძლეოდათ. ქვრივს უფლება ჰქონდა ყოველწლიურად დაემუშაებინა ქმრის წილი მამული, ხოლო საქონელი თან გაერეკა. დავაჟაცებულ ვაჟები შემდეგ ისევ მამის სახლში ბრუნდებოდნენ და მამულსაც ისინი ამუშაებდნენ. თუ ამ დროს მათი დედა ცოცხალი იყო, შეილებთან ერთად ისიც ქმრის კერას უბრუნდებოდა. შეილები კიდევ რომ აღარ დაბრუნებულყვნენ მამის სახლში, მამისეულ მამულში მათ ვერავენ ვერ შერაილებოდა, ისევე, როგორც ვერავენ ვერ აუკრძალავდა წილითა კუთვნილი სახლის, ინვენტარის თუ საქონლის გაყიდვა-გასაჩუქრებას, ოღონდ კვლავ იმ პირობის დაცვით, რომ პირველ რიგში გათვალისწინებული ყოფილიყო ბიძებისა და ბიძაშვილების სურვილი.

ვაჟების მემკვიდრეობის უფლება მტკიცედ იყო დაცული მათი დედის გათხოვების შემთხვევაშიც. თუ ქვრივი შეილებთან ქვრივზე გათხოვდებოდა, მას შეილების თან წაყვანის უფლება არ ჰქონდა. ბავშვების აღზრდა ხდებოდა ბიძების მზრუნველობით, რომლებიც ძმიშვილების დავაჟაცებამდე სარგებლობდნენ მათი კუთვნილი მამისეული მამულითა და საქონლით, ხოლო როდესაც ისინი ცხოვრებას საჩბიელზე გამოსვლას შესძლებდნენ, მამისეული ქონებაც უკლებლივ მათ ხელში გადადიოდა.

ქვრივს შეილებს ატანდნენ მხოლოდ უშვილო კაცზე გათხოვების შემთხვევაში. შეილები ღებულობდნენ რა მამისეულ წილს, მათ დედას და მამინაცვალს სრული უფლება ჰქონდათ ამ მამულით დროებით სარგებლობისა და საქონლის თან გარეკვისა, ხოლო როდესაც დავაჟაცებული შეილები მამის სახლს უბრუნდებოდნენ, მამისეულ წილსაც კვლავ ისინი ეპატრონებოდნენ. დედა რჩებოდა მათ მამინაცვალთან, რომელთან შექმნილი ვაჟიც ითვლებოდა ამ კაცის უშუალო მემკვიდრედ. მამინაცვლის ქონებაზე გერებს ხელი მიუწვდებოდათ მხოლოდ მისი უძეოდ დაბერების შემთხვევაში. ასეთ ვითარებაში ქვრივის ვაჟებს რჩებოდათ როგორც მამის, ისე მამინაცვლის წილი.

ქმრის ოჯახიდან მამის სახლში გადასვლა და იქიდან გათხოვება გაცილებით იოლ საქმეს წარმოადგენდა უშვილო ქვრივისთვის. მდგომარეობას ამარტივებდა უშვილობა, რის გამო ქვრივის წასვლასთან დაკავშირებით წილის გამოყოფის საკითხი კი აღარ დგებოდა, არამედ მას უბრუნდნენ მარტოოდენ მზითევსა და სათავენოს მისი ნამატის ნახევრით.

ყოველივე ამასთან ერთად ისიც უნდა აღინიშნოს, რომ ოსის ოჯახიდან ქვრივის წასვლა და სხვაზე გათხოვება ყოველთვის უმტკივნეულოდ არ ხდებოდა. ეს იმიტომ, რომ ოსეთში თვით XIX საუკუნეშიც

კი შემონახული იყო ქვრივზე მახლის დაქორწინების ჩვეულება ანუ ლევირათი. ეს იმდენად მტკიცედ მოქმედ წესს წარმოადგენდა, რომ 1859 წელს რუსეთის ხელისუფლებას საგანგებო დადგენილება მიუღია, რათა შეცვლილიყო ქვრივზე მახლის იძულებითი ქორწინების წესი და ანგარიში გასწეოდა ქვრივი რძლის სურვილს დადგენილება ითვისის-წინებდა ქვრივისთვის სხვაზე გათხოვების უფლების მინიჭებას, ხოლო ქრისტიანთა შორის ლევირათის აკრძალვას⁴⁷, მაგრამ როგორც შემდეგი დროის ლიტერატურულიდანაც⁴⁸ და ჩვენ მიერ შეკრებილი მასალებიდანაც ნათლად ჩანს, ეს დადგენილება არ განხორციელებულა. XIX საუკუნის მეორე ნახევრისა და XX საუკუნის დასაწყისში რძალ-მახლის შეუღლება არც თუ ისე იშვიათად ხდებოდა, რისთვისაც მნიშვნელობა არ ჰქონია შეილიანობა-უშვილობას. ქვრივს რომ შვილი ან რამდენიმე შვილიც ჰყოლოდა, უცოლო მახლი მის შერთვაზე ამის გამო უარს არ ამბობდა, თუ კი ქვრივი რძალი მისი და ოჯახის წევრების მოწონებას დაიმსახურებდა. ქორწინების ხელშეშლელ მიზეზს არც ის წარმოადგენდა, რომ მახლიც შვილების პატრონი ქვრივი ყოფილიყო, ანდა მახლს შვილები ჰყოლოდა, ხოლო საცოლედ მოწონებულ რძალს კი არა. დაბოლოს, ქვრივ რძალს მახლი ცოლად ირთავდა ისეთ ვითარებაშიც, როდესაც ორივე მათგანი უშვილო იყო.

როგორც მასლებიდან ჩანს, რძალ-მახლის შეუღლებას აპირობებდა რამდენიმე ძირითადი ფაქტორი. ერთ-ერთ მნიშვნელოვან მომენტად მთხრობლები თვლიან შვილებისთვის ნორმალური პირობების შექმნის საჭიროებას. ოსებს მიაჩნდათ, რომ შეუღლებული რძალ-მახლის შვილები მათ ხელში ბევრად უკეთესად იქნებოდნენ, რამდენადაც ქალის შვილებს მამინაცვლობას გაუწევდა ბიძა, ხოლო კაცის შვილების დედინაცვლად დგებოდა ბიცოლა. მნიშვნელოვან გარემოებად თვლიან ოსები იმასაც, რომ ბავშვები ერთიმეორისა იყვნენ ბიძაშვილები, რაც მათი კარგი ურთიერთობის საწინდარს წარმოადგენდა არა მარტო დიდ ოჯახში, არამედ ამ ოჯახის გაყრისა და მათი მშობლების გამოცალკევების შემდეგაც.

⁴⁷ Ф. Леонтович, II, стр. 50.

⁴⁸ М. Ковалевский, Современный обычай и древний закон..., I, стр. 260—264, 270—271; მ ი ს ი ე, Современный обычай..., II, стр. 35, 148; მ ი ს ი ე, Некоторые архаические черты семейного и наследственного права осетин. ЮВ, 1885. № 6-7, стр. 322—323; Н. Дубровни, т. I, кн. I, стр. 340; К. Хетагуров, Быт горных осетин, стр. 28—29; З. Ваниев, Из истории родового быта в Юго-Осетии, стр. 13, 73; Н. Тахоев, К вопросу о браке и свадебных обрядов у северных осетин в XIX-начале XX века, КСИЭ, ХХХII, 1959, стр. 24; Б. Тотов, დასახ. ნაშრ., გვ. 205—206; Б. Калоев, Осетины, 1967, стр. 185.

რძალ-მაზლის შეუღლების ერთ-ერთ განმსაზღვრელ მომენტად მთხრობლები ასახელებენ აგრეთვე რძლის გარეგნობასა და დამსახურებას და ბოლოს ქვრივის შერთვით დაინტერესებას საფუძვლად ედო ეკონომიური ფაქტორი — ურვადის თავიდან აცილება⁴⁹. არსებული წესის თანახმად, რძალ-მაზლის შეუღლების შემთხვევაში ქალის მამას ურვადი აღარ ეძლეოდა, ვინაიდან ამ ქალის პირველი ქორწინების დროს მისი მამის ოჯახის სასარგებლოდ ურვადი უკვე გადახდილი იყო. ასე წყდებოდა საკითხი მაშინ, როდესაც რძალზე ქორწინებას მაზლი მოასწრებდა მამის სახლში ქვრივის გადასახლებაამდე. იმ შემთხვევაში კი, როდესაც ერთწლიანი გლოვის შემდეგ ქვრივი მამის სახლში წავიდოდა და მაზლი მხოლოდ ამის შემდეგ გადაწყვეტდა მის შერთვას, ურვადის გადახდა სავალდებულოდ ითვლებოდა. ქვრივში კუთვნილი სასყიდელის აღება მის მამას ისევე შეეძლო ამ ქვრივის მაზლისაგან, როგორც სხვა ნებისმიერი სასიძოსაგან, ვინაიდან თავისი ქმრეულების წინაშე ქვრივი ვალმოხდილად ითვლებოდა, მის მიმართ ქმრის ოჯახის უფლებები აღარ ვრცელდებოდა, მშობლებთან დაბრუნების დღიდან ის კვლავ მამის ოჯახის წევრს წარმოადგენდა და მისი მომავალიც ამიერიდან მამის ოჯახში მიღებულ გადაწყვეტილებაზე იყო დამოკიდებული.

როდესაც რძალ-მაზლი შეუღლდებოდნენ დიდი ოჯახის გაყრამდე, რასაკვირველია, ქვრივისთვის კუთვნილი ქონების შესახებაც საკითხის დასმა გამორიცხული იყო, ვინაიდან გაუყოფელი ოჯახის ქონებაც გაუყოფელი იყო. ისეთ ვითარებაში კი, როდესაც რძალ-მაზლის შეუღლებას მალე დიდი ოჯახის გაყრაც მოყვებოდა, ისინი ქონებას ღებულობდნენ უფლებრივი ნორმების შესაბამისად. თუ ამ ქალის პირველი ქმარი მოწილედ ითვლებოდა და მისგან ვაჟიც ჰყავდა, ამ ვაჟის სახელზე დედას ეძლეოდა ერთი სრული წილი. ასევე სრული წილს მიიღებდა მეორე ქმარიც, თუ ის მოწილე იყო. ასეთ შემთხვევაში შეუღლებული რძალ-მაზლი ქონების ორ წილს ღებულობდნენ, მაგრამ თუ ამ ქალის არც პირველი და არც მეორე ქმარი მოწილეებად არ ითვლებოდნენ და ისინი იყვნენ მოწილეთა შვილები ან შვილიშვილები, ე. ი. შესაძლო ან მეოთხე თაობის წარმომადგენლები, მათ სხვა გზა არ ჰქონდათ თუ არა ის, რომ მამისეულ წილზე სხვა ძმებთან ერთად გასულიყვნენ და

⁴⁹ იმის შესახებ თუ ურვადის გადახდის წესი ოსეთში რამდენად უწყობდა ხელს ლევიტატის არსებობას, ჯერ კიდევ ვახუშტის ჰქონდა შენიშნული: «არამედ თუ მოკუდეს მშა ერთი, შეირთავს მეორე მშა თვის ძმის ცოლსა, ვინაღან მისცემენ სახლის პატივად ქალის სახლელს ი, კ, ლ და მ (ე. ი. 10, 20, 30, და 40-ე. ი.) ძროხასა, კისთჳს არღარა განუტეუებენ სხვის შერთვად, არამედ ირთვენ თეთვე» (ე ა ხ შ = ტ ო, აღწერა..., გვ. 110).

მხოლოდ იმას დასჯერებოდნენ, რაც ერგებოდათ ერთი წილის ნახევრის, მესამედის თუ მეოთხედის სახით. ეს დამოკიდებული იყო ერთ წილზე გასული ძმების რაოდენობაზე; მამის წილზე რამდენი ძმაც იჯდა, შემდეგში ეს ქონება იმდენ თანაბარ ნაწილად იყოფოდა.



როდესაც ვეხებოდით მოწილეებს შორის ქონების განაწილების პრინციპს, ეთნოგრაფიულ მასალებზე დაყრდნობით შესაძლებლად მივიჩინეთ გვეთქვა, რომ დიდი ამაგის მქონე მოწილისთვის საუფროსოს მიკუთვნების წესი უნდა გაჩენილიყო საოჯახო თემის არსებობის იმ საფეხურზე, როდესაც მის შიგნით გზას იკაფავდა შრომითი კოოპერაციის ნორმები. დიდი ოჯახის არსებობის გვიანდელ საფეხურზე შრომითი კოოპერაციის ელემენტების დანერგვა-განვითარების კიდევ უფრო ნათელ გამოსახულებას ვხედავთ ისეთ შემთხვევაში, როდესაც ზედმეტი ქონება ეძლეოდა არა მარტო დიდი ამაგის მქონე ხანდაზმულ მოწილეს, არამედ როდესაც საოჯახო დოვლათი ნაწილდებოდა მის შემქმნელთა წვლილის შესაბამისად. საკითხისადმი ასეთი მიდგომის შედეგად მეტი უნდა მიეღო იმ მოწილეს, რომელსაც გაყრის დროისათვის სხვა მოწილეზე რიცხობრივად მეტი და თანაც ამაგიანი შეილები ჰყავდა. ამგვარი პრინციპი დასდებია საფუძვლად, მაგალითად, ტიგეევების გაყრას სოფ. ჭაშაში (ქსნის ხეობა). თავდაპირველად ამ ოჯახში იყო რა ორი მოწილე (ქუცა და ხიხი), მათი გარდაცვალების შემდეგ, მოწილეებზე ქონების თანასწორად გაყოფის პრინციპის შესაბამისად. ქუცას შეიღს დათიკოს იმდენივე ქონება მიუღია, რამდენიც ხიხის ორ შვილს — კონსტანტინესა და შაქროს. სამაგიეროდ მოწილეებზე ქონების გაყოფის პრინციპი დარღვეულა კონსტანტინესა და შაქროს შვილების გაყრისას. კონსტანტინეს ხუთ შვილსა და შაქროს ერთ შვილს ძამების გარდაცვალების შემდეგ ქონება ექვს თანაბარ ნაწილად გაუყუკიათ, მაშინ, როდესაც ძველი წესის მიხედვით შაქროს ერთ შვილს იმდენი უნდა შეხვედროდა, რამდენიც კონსტანტინეს ხუთივე შვილს ერთად, ვინაიდან მოწილეები იყვნენ კონსტანტინე და შაქრო.

შრომითი დამსახურების მოტივი დაედო საფუძვლად ჩიქაევებს შორის ქონების განაწილებასაც, როდესაც უფროს მოწილეს ანდის ორი სახლიდან ერთი სახლი თავისი დახურული კალთურთ საუფროსოს სახით მიაკუთვნეს, ხოლო ოჯახის უძრავ-მოძრავი ქონება სამ წილად, ჩაუგდიათ, რომელთაგან ორი წილი მიუკიათ ანდისა და მისი ექვსი. შეილისთვის და მხოლოდ ერთ წილზე გაუყვანიათ ნიკო მისი ხუთი ვაჟით.

როგორც თვით ანდის შვილმა ცაბილამ გვითხრა, მათ მიერ ორმაგ-წილის გამოტანის საფუძველი იყო ცაბილასა და მისი ძმების დიდი ამაგი თავიანთ უმცროს ბიძაშვილებთან შედარებით, მაგრამ იმავე მთხრობლის განმარტებით, ქონების ამ პრინციპით გაყოფა ძველად არ ხდებოდა, რამდენადაც, მამაპაპური ტრადიციის მიხედვით, გათვალისწინებული იყო მხოლოდ მოწილე, როგორც იურიდიული პირი და არა მისი დამსახურება, ასაკი, შვილების რაოდენობა თუ შვილების წლოვანება და ამაგი.

ტიგიეებისა და ჭიქაეების ოჯახების მიერ ქონების განაწილების ფაქტები გვაცნობენ გვიანდელ ვითარებას, როდესაც დიდი ოჯახს-თვის ნიშანდობლივი რიგი ელემენტების მოშლასთან ერთად ცვლილებებს განიცდიდა ქონების გაყოფის ადრინდელი წესიც. აქვე უნდა აღინიშნოს, რომ ტრადიციული ნორმებიდან ასეთი მკვეთრი გადახვევა დიდი ოჯახის არსებობის ბოლო პერიოდშიც კი იშვიათად ხდებოდა. ძველი თაობის წარმომადგენლები მამაპაპურ ჩვეულებებს ისე იოლად არ ელეოდნენ და თუ ამაგიანი მოწილისთვის საუფროსოს გამოყოფის ან შრომით დამსახურებული სხვა წევრებისთვის (არა მოწილეებისთვის) დოვლათის მიკუთვნების საკითხი დადგებოდა, საამისოდ გათვალისწინებული ყოფილა მხოლოდ პირუტყვი ან რაიმე ნივთი. რაც შეეხება მამულს, ის უნდა გაეყოთ მხოლოდ მოწილეებზე. ტიგიეებმა და ჭიქაეებმა კი მამულის გაყოფის ეს წესიც უგულებელყვეს, რაც მთხრობლების განმარტებით, ითვლებოდა ტრადიციული ნორმების უხეშ დარღვევად ისეთ ვითარებაშიც კი, როდესაც ამაგიანი მშრონელისთვის (თვით არამოწილისთვისაც კი) საქონლის მიკუთვნებით შრომის დაფასების წესი საოჯახო ყოფაში უკვე ახალი ელემენტის სახით იწერებოდა⁵⁰. ამგვარი ტენდენცია განსაკუთრებით მკვეთრად შეიმჩნეოდა ჭიქაეების ტიპის ოჯახში, რომლისთვისაც შემოსავლის ძირითად წყაროს აღებ-მიცემობა წარმოადგენდა და ქონებასაც ის მიიღებდა მეტს, რომელიც ამ საქმეში სხვებზე მეტად იყო გავაფთული. მაშასადამე, საოჯახო ქონების დანაწილების სფეროში ასეთი

⁵⁰ ქონების განაწილების მომენტში რომ ოჯახის წევრის ამაგს ყურადღება ეპყროდა, ეს ჯერ კიდევ მ. კოვალევსკის ჰქონდა შენიშნული. მისი ცნობით, ყოფილა შემთხვევა, როდესაც ძმისწული იმდენსავე ღებულობდა, რამდენსაც მისი ბიძა. ამის მიზეზად მკვლევარს მიანდა მაჰმადიან ოსთა ყოთაზი შარიათის გავლენა, ხოლო ქრისტიან ოსებში რუსული კანონმდებლობის ზემოქმედება (М. К о в а л е в с к и й, Современный обычай и древний закон..., I, стр. 321).

მ. კოვალევსკის ამ განმარტებიდანაც აშკარად ჩანს, რომ შრომითი წვლილის მიხედვით საოჯახო ქონების განაწილების წესი ოსეთში ისევე ახალი მოვლენაა, როგორც შარიათის მოძღვრების გავრცელება თუ რუსული წესრიგის შემოტანა.

მკვეთრი ცვლილებები უკავშირდება კაპიტალისტური ურთიერთობის განვითარებას, რომლის ლოგიკური შედეგი იყო იმ პირთა პრიორიტეტის გაზრდა, რომლებიც სხვებზე მეტს შოულობდნენ და ქონების განაწილების მომენტშიც ხმას ამ შოტივით იმალებდნენ. საზოგადოებრივი ურთიერთობის განვითარების ამგვარმა ტენდენციამ საოჯახო თემს თანდათანობით გამოაცალა ტრადიციული საფუძვლები. მასში დანერგა შრომითი კოოპერაციის აშკარად გამოხატული ნორმები და ამით დააჩქარა მისი მოსპობაც. როგორც კავკასიის სხვა ხალხების, ოსების ყოფაშიც XIX საუკუნის ბოლომდე გადმონაშთური ფორმით შემონახული საოჯახო თემი⁵¹ მესაფლავის როლში კაპიტალიზმში მოგვევლინა.

სასაქონლო ფულადი ურთიერთობის განვითარებასთან ერთად, როგორც ამის შესახებ სამართლიანად მიუთითებენ ოსეთის ეთნოგრაფიის საბჭოთა მკვლევრები, საოჯახო თემის შიგნით პირადი საკუთრებისადმი ინტერესს ზრდიდა და ინდივიდუალურ ოჯახებად დასაბლებას ხელს უწყობდა აგრეთვე საშოვარზე გასვლა (სამუშაოდ სხვაგან წასვლა), რაც განსაკუთრებით ფართოვდება XIX საუკუნის მეორე ნახევარში და რაც, პირველ რიგში, დამახასიათებელ მოვლენას წარმოადგენდა სამრეწველო პუნქტებთან ახლო მცხოვრები მთიელებისა და ბარელების ყოფისათვის⁵¹.

სამხრეთ ოსეთის მასალებზე დაყრდნობით გ. ჩურსინს უფრო ადრე ჰქონდა შენიშნული, რომ საშოვარზე გასვლა მეტ-ნაკლებ შემოსავალზე მყოფ ოჯახის წევრებს შორის წინააღმდეგობას ბადებდა და ეს უწყობდა ხელს განკერძოებისაკენ სწრაფვას. ყოველივე ამის საფუძვლად გ. ჩურსინს მიაჩნდა მიწების ნაკლებობა, რომელიც მთიელს აიძულებდა შემოსავლის სხვა წყარო მოეძებნა⁵².

რასაკვირველია, საშოვარზე გასვლამ და პირადი საკუთრების შექმნით დაინტერესებამ ხელი შეუწყო ინდივიდუალიზაციის პროცესს, მაგრამ დასაბუთებულად არ გვეჩვენება იმის მტკიცება, თითქოს ყოველივე ამის მიზეზი იყო მიწების ნაკლებობა. უადგილმამულობა თავისთავად აიძულებდა კაცს, რომ მას დამატებითი საარსებო წყაროების გამოძიებაზე ეფიქრა, მაგრამ უმამულობა ოჯახის დანაწევრების წინაპირობას როდი წარმოადგენდა. ჩვენ ხელთ არსებული მასალების მიხედვით, ამ მხრივ საწინააღმდეგო სურათი იხატება.

⁵¹ З. В а н е е в, О некоторых процессах изменений в семье и семейном быту Юго-Осетинской колхозной деревни, ИЮОНИИ АН ГССР, VII, стр. 189; Б. Т о т р о в, დასახ. ავტორეფრატი, გვ. 14; Б. К а л о е в, Осетины. 1967, стр. 183.

⁵² Г. Ч у р с и н, Осетины; стр. 37—38.

როგორც მთხრობლებმა გადმოგვცეს, მცირემიწიანობა იყო ოჯახის გაუყრელობის ერთ-ერთი მიზეზი, რამდენადაც გაყრის შედეგად ისედაც მცირე ნაკვეთების დაქუცმაცების შემთხვევაში იბადებოდა განაყრების უმიწოდ დარჩენის საშიშროება. და თუ მიწების ნაკლებობა ოჯახის გაყრას იწვევდა, ეს პროცესი რატომ არ იყო ასეთივე მასშტაბით წარმოდგენილი იმავე მცირემიწიანობის პირობებში თუნდაც ა ინოვაციისა და მ. კოვალევსკის მიერ აღწერილ პერიოდში, ე. ი. XIX საუკუნის 30-იან ან 80-იან წლებში? ან კიდევ რატომ არა გვაქვს ანალოგიური ვითარება ქართველ მთიელთა ყოფაში, რომლებიც ამ მხრივ არანაკლებ გაქირვებაში იმყოფებოდნენ?

ამაზე პირდაპირ შეიძლება ითქვას, რომ დიდი ოჯახის მოსპობის მიზეზი მცირემიწიანობა კი არ ყოფილა, არამედ კაპიტალისტური ურთიერთობის განვითარება, რამაც თავის ორომტრიალში ჩაითრია როგორც უადგილმამულო, ისე და ზოგჯერ კიდევ უფრო მეტად შეძლებული ოჯახებიც. მცირემიწიანობა რომ ამ მხრივ გადამწყვეტი მნიშვნელობის მქონე ფაქტორი ყოფილიყო, მისი ასეთი როლი კაპიტალისტური ურთიერთობის განვითარებამდეც უნდა გამოჩენილიყო.

როგორც ცნობილია, ქართული საოჯახო თემი შესწავლილია სხვადასხვა სამეურნეო პირობების მქონე კუთხეების მიხედვით¹⁵. მათ შორის ისეთი კუთხეების მაგალითზე, რომლებიც განიცდიდნენ მიწების ნაკლებობას, მაგრამ საოჯახო თემის ძირითადი ნიშნები ასეთ რაიონებში უფრო რელიეფურად იყო გამოკვეთილი, ვიდრე სახანაესათესი ადგილებით მდიდარ ზოლში. მთიელთა საოჯახო მეურნეობაში თუ ამ მხრივ მძიმე პირობები იყო, სამაგიეროდ მესაქონლეობის სახით არსებობდა მეურნეობის მეორე დარგი, რომელსაც საოჯახო ეკონომიკაში მთავარი როლი ეკუთვნოდა და გაუყრელი ოჯახის არსებობის მყარ საფუძველს წარმოადგენდა. ამიტომ საოჯახო თემის დაშლის მთავარ წინაპირობად მცირემიწიანობის აღიარება ოსეთისთვისაც უადგილოდ გვეჩვენება.

ამავე პერიოდისათვის საოჯახო ურთიერთობაში ღრმავდება ძალმომრეობის ტენდენცია. რასაკვირველია, მისი გამოვლინება ხდებოდა ყოველ ეპოქაში, მაგრამ როდესაც ოჯახის წევრთა სადავო საქმეს თემის კაცები აწესრიგებდნენ და ტრადიციას ჯერ კიდევ ძალა ჰქონდა, უსამართლობასაც რამდენადმე ფრთები ეკვეცებოდა. იმის შემდეგ კი, როდესაც კაპიტალისტური ურთიერთობის განვითარებამ ტრადიციის როლი შეასუსტა და დიდ ოჯახს სასიკვდილო განაჩენი გამოუტანა, მოწილეებს შორის თანასწორუფლებიანობის დაცვა

¹⁵ P. X a p a d z e, Грузинская "семейная" община, т. I, 1960, т. II, 1961.

მხოლოდ მათ პირად ურთიერთობაზედა იყო დამოკიდებული. XIX საუკუნის მიწურულსა და XX საუკუნის დასაწყისში სოფლის ბჭეების იმედზე ყოფნა საქმეს ყოველთვის ვერ შევლიდა. ამ პერიოდში ზოგჯერ ადგილი ჰქონია საოჯახო ნორმების მოშლას, რაც პირველ ყოვლისა გამოხატულებას პოულობდა ქონების უთანასწოროდ განაწილებაში. სანიმუშოდ დავასახელებთ ხანიკიელების ოჯახს, რომლის გაყრის მომენტშიც (1920 წ.) მოწილედ ითვლებოდა ხუთი ძმა: ალიკ, გის, ხადო, ვაბიე და ბიმბოლ.

ხადო დაკავშირებია მეკობრე ქისტებს და მთავარ საქმიანობად გაუხდია ხარების პარვა. ძმებს ის ვერ შეჰგუებია, მათთან ერთად შრომის ფერხულში არ ჩაბმულა და გადაუწყვეტია ცალკე გამოყოფა. მას თითქმის მთლიანად მიუთვისებია ხარები და დაუქვრია მამულის საუკეთესო 1/5 ნაწილი. ძმებმა შიშით ვერ გაუბედეს წინააღმდეგობა. ამის შემდეგ მათ ერთხანს კვლავ ერთად ყოფნა განაგრძეს და როდესაც გაყრა მოისურვეს, ამ დროისათვის ხადო უკვე გაციმბირებული იყო. ისინი გაყრილან ორ ოჯახად: ალიკი ცალკე გამოსულა, ხოლო დანარჩენები ერთ ჰერქვეშ დარჩენილან. ძველი ადათის მიხედვით, ოთხი წილიდან ერთი უნდა შეხვედროდა ალიკს, ხოლო სამი წილი ერთად მყოფ სამ ძმას, მაგრამ ამ შემთხვევაშიც დაურღვევიათ თანასწორუფლებიანობის პრინციპი. ერთადერთი ის. რით სარგებლობაც ალიკს სხვების თანაბარი უფლებით შეეძლო. ყოფილა წისქვილი, რომელიც საზიაროდ დაუტოვებიათ. სხვა ყველაფერი თავისი უფროსი ძმისთვის გაცილებით ნაკლები მიუციათ: სახლი და კალო სამ ძმას დაუქვრიათ და ალიკისთვის იქ წილი არ გამოუყვიათ. 18 დღიური მამულიდან ალიკისთვის გაუმეტებიათ მხოლოდ სამი დღიური. პირუტყვიდან კი ალიკისთვის მიუციათ ერთი ხარი და ერთი ძროხა, მაშინ როდესაც მის ძმებს დაუსაკუთრებიათ 10 ხარი, 15 ძროხა და 30 ცხვარი. ბოლოს, როდესაც სამი ძმაც გაიყარა, მათ გაუყვიათ გაციმბირებული ძმის წილი მამულიც, საიდანაც ერთი დღიური ალიკისთვისაც ურგენიათ.

ასე აშკარად გამოხატულ ძალმომრეობასთან ერთად ზოგიერთი მოწილე ცდილობდა ზედმეტის მითვისებას თანამოწილეების მოტყუების გზით, როგორც ეს ზემოთ დავინახეთ ბოლოთაეეების ოჯახში, როდესაც სხვებზე უფრო მოხერხებულმა ტატემ რამდენიმე სული პირუტყვი მიიტაცა იმ მოტივით, თითქოს მას ხელი მიუწვდებოდა ცოლის სათავენოს ნამატზე. თვითნებობის ასეთსავე გზას დასდგომია მალხაზ ძებისოღი სოფ. ჩიჯოიანში (ქსნის ხეობა), რომელსაც თავის ორ უმცროს ძმასთან გაყრისას მიუთვისებია რვა ხარიდან ოთხი ხარი, ხოლო შვიდი ძროხიდან სამი ძროხა. ასეთი უსამართლო

'ბის გამართლებას ის ცდილა ჯერ ერთი იმ საბუთით, თითქოს ძმებს შორის ხნით უფროსობის გამო მას საუფროსოზე ხელი მიუწვდებოდა, ხოლო მეორე ძირითად არგუმენტად წამოუყენებია ცოლის სათავენოზე საკუთრების უფლება. სინამდვილეში ასეთი პრეტენზიები უსაფუძვლო იყო, ვინაიდან სათავენო საოჯახო ქონების განაწილებამდევე გადადიოდა მისი მესაკუთრე რძლის ხელში და წილების გაყოფისას მასზე საკითხი აღარ უნდა დასმულიყო, ხოლო საუფროსოს მიღებაც უნდა მომხდარიყო მოწილეების თანხმობით და არა ძალმომრეობით.

ყოველივე ზემოთქმულის საფუძველზე შეიძლება დავასკვნათ, რომ საოჯახო თემის არსებობის გვიანდელ საფეხურზე ჩნდება და ვითარდება რიგი ისეთი მოვლენები, რომლებიც არ იყო დამახასიათებელი ამგვარი ტიპის ოჯახის განვითარების ადრინდელი ეტაპებისათვის. თუ უფროსი მოწილის სახელზე საუფროსოს გამოყოფის, ანდა შრომით მოპოვებული დამსახურების მიხედვით ქონების განაწილების ზემოთ აღწერილი წესი უცხო იყო საოჯახო თემის ტრადიციებისათვის და ჩნდება მისი რღვევის საფეხურზე, მით უფრო ეს შეიძლება ითქვას ჩვეულებაზე, რომლის მიხედვით დასაშვებად ითვლებოდა ოჯახის გაყრა მშობლების სიცოცხლეში.

როგორც ზემოთ უკვე ითქვა, დიდი ოჯახის გაყრა მიზანშეწონილი იყო მხოლოდ პირველი თაობის წარმომადგენელთა გარდაცვალების შემდეგ. იღებენ რა ამ გარემოებას მხედველობაში, მთხრობლები აღნიშნავენ, რომ მშობლების 'სიცოცხლეში ოჯახის გაყრა', წესი გვიანდელი მოვლენაა, რაშიაც ექვის შეტანა არ შეიძლება. რაკი ეს წესი საოჯახო თემის არსებობის გვიანდელ საფეხურზე ჩნდება და საოჯახო ურთიერთობის სფეროში ამის შედეგად სათანადო ცვლილებები ხდება, საჭიროდ მიგვაჩნია ქვემოთ მოკლედ გავეცნოთ როგორც მშობლების გარდაცვალებამდე ოჯახის გაყრის წესს, ისე შესაბამისი ეკონომიური ურთიერთობის ნორმებს.

მშობლების გარდაცვალებამდე ოჯახის გაყრის შემთხვევაში მოწილეების როლში გვევლინებოდნენ კვლავ მათი შვილები, ე. ი. მეორე თაობის წარმომადგენლები. მშობლივს წილი არ ეძლეოდათ, რამდენადაც მოწილეობის უფლებით ისინი არ სარგებლობდნენ. ოსთა საოჯახო ყოფაში კვლავ გრძელდებოდა ადრინდელი ტრადიცია, რომლის მიხედვით მშობლებისთვის წილის მიცემის საკითხი არ დგებოდა, რამდენადაც ოსური ადათით მშობლების სიცოცხლეში ოჯახის გაყრა არ ხდებოდა. მაგრამ გამონაკლის შემთხვევაში რაკი ძველადაც ჰქონია ადგილი ადათობრივი ნორმების დარღვევას და ამგვარმა შემთხვევებმა მით უფრო იმატა საოჯახო თემის არსებობის

გვიანდელ საფეხურზე, ხალხსაც ძალაუვნებურად უნდა ეფიქრა სა-
თანადო წესების შექმნაზე. ოსთა საოჯახო ყოფაში ერთ-ერთ ასეთ
წესად მიგვაჩნია მშობლებისთვის რამდენიმე სული ცხვარ-ძროხის
პიკუთენება.

ოჯახის გაყრის შემდეგ მშობლებს შეეძლოთ როგორც დამოუ-
კიდებლად დასახლება, ისე რომელიმე შვილთან დარჩენა. ეს დამოუ-
კიდებელი ყოფილა მათ არჩევანზე, მაგრამ კონკრეტული მონაცემე-
ბიდან ნათლად ჩანს, რომ მშობლები საცხოვრებლად რჩებოდნენ
უმთავრესად უმცროს შვილთან, რამაც სათანადო ასახვა პოვა ოსურ
ადათებშიც. 1844 წ. ვლადიკავკაზის ოკრუგში ნორდენსტრენგის მიერ
შედგენილი კრებულის ერთ-ერთ მუხლში აღნიშნულია, რომ დედა
თავისი გასათხოვარი ქალებით რჩებოდა სულ უმცროს შვილთან⁵⁴.
1866 წ. დიგორის ადათობრივი ნორმებიდანაც ჩანს, რომ დედის შე-
ნახვა ევალებოდა უმცროს შვილს⁵⁵, ხოლო იმავე წლის თაგაურ-ჭურ-
თათის ადათებში ვკითხულობთ: დედა რჩებოდა უმცროს შვილთან,
მაგრამ თუ მასთან არ ისურვებდა, შეეძლო სხვა რომელიმე შვილთან
ყოფილიყო. ქალები დედასთან ერთად იმყოფებოდნენ, ხოლო მე-
დიატორების გადაწყვეტილებით დედას ეძლეოდა ქონების გარკვეულ
ნაწილი⁵⁶. 1866 წ. ადათებში ასევე აღნიშნულია: დიგორში რომ
ოჯახის გაყრა მამის სიცოცხლეში მომხდარიყო, მამა იღებდა სამარხო
წილს⁵⁷; მთიელი კუსაგონების წესის მიხედვით მამას ეძლეოდა მიწის
ნაკვეთი, ხარი, ძროხა, ხუთი-ექვსი ცხვარი, თითო ტომარა ქერი და
ხორბალი და ის საცხოვრებლად რჩებოდა უმცროს შვილთან⁵⁸;
ნარ-მამისონის ადათების მიხედვითაც, მამა ლებულობდა მიწის ნაკ-
ვეთს, ხარსა და ძროხას⁵⁹.

ნარელთა ყოფის შესწავლის შედეგად კ. ხეთაგუროვიც იმ გა-
რემოებაზე მიუთითებდა, რომ დედას დასამარხი ქონება ეძლეოდა
და ის იმ შვილთან მიჰქონდა, რომელთანაც ცხოვრებას არჩევდა⁶⁰,
ხოლო სამხრეთ ოსეთის სათანადო მონაცემების საფუძველზე მ.
კოსვენმა აღნიშნა: მშობლები საცხოვრებლად რჩებოდნენ ერთ-ერთ
შვილთან ან ერთად მცხოვრებ რამდენიმე შვილთან. ძველ დროს
რჩებოდნენ უმცროს ვაჟთან. მეორე ცნობის მიხედვით კი, მამა

⁵⁴ Ф. Леонтович, II, стр. 24.

⁵⁵ ი ქ ვ ე, გვ. 74.

⁵⁶ ი ქ ვ ე, გვ. 77.

⁵⁷ ი ქ ვ ე, გვ. 73.

⁵⁸ ი ქ ვ ე, გვ. 76.

⁵⁹ ი ქ ვ ე, გვ. 77.

⁶⁰ К. Хетагуров, Быт горных осетин, стр. 29.

ჩივბოდა უფროს შვილთან, ხოლო დედა უმცროსთან. მამას მიწის ნაკვეთისა და დედას საქონლის სახით ეძლეოდა სამარხად საკურო ქონება⁶¹.

მშობლების სახელზე საერთო ქონებიდან გამოყოფილი დოვლათი, რომელსაც ოსურად ეწოდება ხისტარია: ხაა (საუფროსო წილი ანუ სამარხო), განკუთვნილი იყო მშობლების სარჩოდ, ხოლო გარდაცვალების დროს საქელეხოდ⁶². აღნიშნულ დოვლათს სამარხო ეწოდებოდა ერთი მხრივ ისეთ ვითარებაში, როდესაც ოჯახის გაყრა მოხდებოდა მშობლების ღრმა მოხუცებულობის ეამს, ხოლო მეორე მხრივ, ისეთ შემთხვევაში, როდესაც ოჯახის გაყრის მომენტში მშობლებს ჯერ კიდევ სიბერე არ აწუჭებდათ. როდესაც ოჯახის გაყრა ხდებოდა მშობლების გადაბერების დროს, მათთვის გამოყოფილი დოვლათისადმი სამარხოს წოდება გამართლებული ჩანს, რამდენადაც მათი აღსასრულის დღე მოახლოებული იყო და ეს დოვლათიც უფრო მათსავე ქელეხში შეიძლებოდა ყოფილიყო გამოყენებული, ვიდრე მათ სარჩოდ. რაც შეეხება მეორე მომენტს, როდესაც ოჯახი იყრებოდა მშობლების დაბერებამდე, მათთვის კუთვნილი დოვლათისადმი სამარხოს წოდება შეუსაბამოდ გვეჩვენება, ვინაიდან ამ დოვლათის ისინი სიკვდილამდე ბევრად ადრე სარჩოდ იყენებდნენ.

როგორც ვხედავთ, მშობლების სახელზე გამოყოფილი დოვლათი სხვადასხვა ვითარებაში სხვადასხვა დანიშნულებისა იყო, მაგრამ ორივე შემთხვევაში ერთი სახელწოდებით აღინიშნებოდა.

ტერმინ სამარხოს ამ ორმხრივი მნიშვნელობით ხმარების მიზეზი რომ გავარკვეოთ, უნდა გავითვალისწინოთ საოჯახო ურთიერთობის განვითარების საფეხურები. მხედველობაში გვაქვს საოჯახო თემის არსებობის გვიანდელი ეტაპი, როდესაც ოჯახის დაყოფა მამის სიკოცხლეში ოსებმაც წესად შემოიღეს. ამ წესში თავის მხრივ, შეინიშნება ორი საფეხური. თავდაპირველად ოჯახის გაყრა დასაშვები უნდა ყოფილიყო მხოლოდ მშობლების ღრმა მოხუცებულობის ეამს.

⁶¹ М. К о с в е и, Этнография и история Кавказа, стр. 14.

⁶² ქართული ს ა მ ა რ ხ ო -ს პირდაპირი თარგმანია ოსური махонаг (იხ. პ. ს ა ნ ა კ ო ვ ე ვ ი, ქართულ-ოსური ლექსიკონი, სტალინირი, 1955, გვ. 321), მაგრამ ვინაიდან ოსურად უფროსს (უხუცესს) ეწოდება хачахар (იგივე ლექსიკონი, გვ. 367), ხოლო აღნიშნული ქონების გამოყოფა გათვალისწინებული იყო უფროსებისთვის (მშობლებისათვის), ამიტომ ქართული ს ა მ ა რ ხ ო ს შესატყვისად ოსურში იხმარება საუფროსოს აღმნიშვნელი ხისტარია ხაა (საუფროსო წილი). აქვე უნდა აღნიშნოს ისიც, რომ ქელეხს ოსურად ეწოდება хист (იგივე ლექსიკონი, გვ. 381). ამიტომ ჩვენ შეგვიძლია ოსური ხისტარია ხაა-ს მნიშვნელობით ვიხმაროთ ქართული ს ა მ ა რ ხ ო (ანუ ს ა ქ ე ლ ე ხ ო).

მოგვიანებით კი, როდესაც კიდევ უფრო გაღრმავდა დიდი ოჯახების დაშლის პროცესი, აღარც მშობლების ასაკს ექცეოდა ყურადღება და თუ მათი შვილები ცალ-ცალკე ცხოვრებას გადაწყვეტდნენ, მშობლების დაბერებამდე ოჯახის გაყრას წინ აღარაფერი უდგებოდა.

მშობლებისთვის განკუთვნილი ქონების სახელწოდებად სამარხო შემოღებული უნდა იყოს საოჯახო ურთიერთობის იმ საფეხურზე, როდესაც ოჯახის სეგმენტაცია შესაძლებელი იყო მხოლოდ მშობლების ღრმა სიბერეში ყოფნის დროს, ვინაიდან ცნება სამარხო ასეთ ვითარებაში, მართლაც, ამ სახელწოდების ქვეშ ნაგულისხმევი ქონების დანიშნულების გამომხატველი იყო. ამ სახელწოდების სესხებასა და მექანიკურ გადმოტანასთან უნდა გვექონდეს საქმე მოგვიანო პერიოდშიც, როდესაც ოჯახი ზოგჯერ იყრებოდა მშობლების დაბერებამდე და მათთვის გამოყოფილ ქონებასაც, რომელიც არსებითად მათ სარჩოს წარმოადგენდა, კვლავ სამარხო ეწოდებოდა. როგორც ვხედავთ, ოჯახის განვითარების შედარებით ადრინდელ საფეხურზე გაჩენილი და მომავლადვი მშობლებისთვის საქელებხოდ განკუთვნილი ქონების აღმნიშვნელი ცნება შემდგომში შეუსაბამოდ ჩანს გამოყენებული შედარებით ახალგაზრდა მშობლებისთვის გამოყოფილი სარჩოს აღსანიშნავად.

ძირითადად ასეთი სურათი გვხვატება იმ მასალის მიხედვით, რომელიც შეეხება ოჯახის გაყრის წესსა და ქონების განაწილების პრინციპს საოჯახო ურთიერთობის განვითარების სხვადასხვა საფეხურზე.

ყოველივე ამასთან დაკავშირებით ისიც უნდა აღინიშნოს, რომ ოჯახის გაყრის დროს სულების რაოდენობის შესაბამისად ხდებოდა მხოლოდ იმ წლის სარჩოს (პურეულისა და პროდუქტების) განაწილება. ზოგიერთი სახეობის ქონების (წისქვილის, კალოს, ღუმლის, საარაყე ან სალუდე ქვაბის და სხვ.) გაყოფა კი ზოგჯერ ვერ ხერხდებოდა და განაყრებს შორის საზიაროდ მოიხმარებოდა⁶³. ისტორიულ წარსულში ამ მხრივ განსაკუთრებული მნიშვნელობის მქონე ყოფილა კოშკი, რომელიც თითქმის ყველა შემთხვევაში ეკუთვნოდა პატრონიმას, ე. ი. ერთი კერიდან განაყარი ოჯახებით დასახლებულ უბანს. ასეთ უბანში იღვა როგორც კოშკი, ისე მამაპაპური სახლი და განაყართა მიერ ამ სახლის ირგვლივ მიშენებული საცხოვრებელი და სამეურნეო კომპლექსები. დიდი ოჯახების სეგმენტაციის საფუძველზე

⁶³ დიგორელთა 1866 წლის ადათობრივი ნორმების მიხედვით, ოჯახის გაყრის შემდეგ კალო და წისქვილი რჩებოდა განაყრების საერთო სარგებლობაში, ხოლო სალუდე ქვაბები მშობლების შორის თანაბრად იყოფოდა (Ф. П е о н т о в и ч, II, стр. 73).

წარმოშობილი ამგვარი უბნები უმთავრესად გვხვდება ნანგრევების სახით, რომელთა შესწავლას ეწევა საქართველოს სსრ მეცნიერებათა აკადემიის ივ. ჯავახიშვილის სახ. ისტორიის, არქეოლოგიისა და ეთნოგრაფიის ინსტიტუტის კავკასიის ეთნოგრაფიის განყოფილება.

დასასრულ, ისიც უნდა აღინიშნოს, რომ ერთი დიდი ოჯახიდან გამოყოფილი და პატრონიმიულ უბანში დასახლებული ინდივიდუალური ოჯახები ზოგიერთ შემთხვევაში ხელახლა ერთიანდებოდნენ და კვლავ საერთო სამეურნეო ფერხულში ებმებოდნენ. ოჯახების შეყრილობა გამოწვეული ყოფილა ორი ძირითადი მიზეზით. თანახმად მთხრობლების ჩვენებისა, განაყრებოა ხელახლა გაერთიანება შეიძლებოდა მომხდარიყო მაშინ, როდესაც დიდი ოჯახის ნაადრევ გაყრას (ე. ი. გაყრას მშობლების გარდაცვალებამდე) ხალხი დაემობდა. როგორც ჩანს, ამგვარი ვითარება ძირითადად დამახასიათებელი იყო საოჯახო თემის არსებობის ბოლო პერიოდისათვის, როდესაც ტრადიციის დამცველი ძველი თაობის წარმომადგენლები ამგვარი ოჯახების დაშლის პროცესის შეჩერებას ცდილობდნენ ასეთ ღონისძიებათა წინააღმდეგ პროტესტით. მათ პროტესტს, რასაკვირველია, აღარ შეეძლო ამ პროცესის შეჩერება, მაგრამ ზოგჯერ ასეთ ღონისძიებასაც თავისი შედეგი გამოუღია და გაყრილი ოჯახები კვლავ გაერთიანებულან.

უმთავრეს შემთხვევაში ოჯახების შეყრას საფუძვლად ედებოდა მხარეთა ეკონომიური ინტერესები. როდესაც განაყრებს გაუქირდებოდათ დამოუკიდებლად ცხოვრება და სუსტი ეკონომიური ბაზის თუ მუშახელის ნაკლებობის გამო ველარ ახერხებდნენ რომელიმე შრომატევადი მეურნეობის გაძღოლას, ისინი კვლავ ერთიანდებოდნენ, ერთობლივი შრომით ქმნიდნენ დოვლათს და გაყრის მომენტში ყველაფერს თანაბრად ინაწილებდნენ, მიუხედავად იმისა თუ შეყრის დროს ვინ რამდენი ქონება გააერთიანა.

როგორც შეყრილობის პირობებიდან ჩანს, ამ ღონისძიებაში გამოყენებული იყო საოჯახო თემის კომპონენტები (კოლექტიური შრომა, კოლექტიური მოხმარება და საერთო ძალებით შექმნილი დოვლათის თანაბრად განაწილება), მაგრამ, ამის მიუხედავად, ხელახლა შეყრილ ოჯახთა გაერთიანებაში ყოველად შეუძლებელია დავინახოთ საოჯახო თემი ან ამ ინსტიტუტის აღდგენის ცდა. შეყრილობა გვესახება დროებით ღონისძიებად, რაც ემყარებოდა მხარეთა ნებაყოფლობით შეთანხმებას. შეყრილობას არ შეეძლო შეეჩერებინა დიდი ოჯახების სეგმენტაციის პროცესი, რომლის ლოგიკური შედეგი იყო მისი საბოლოო მოსპობა და ინდივიდუალურ ოჯახებად ცხოვრების წესის გაბატონება.

СЕМЕЙНЫЙ БЫТ ГОРЦЕВ ЦЕНТРАЛЬНОГО КАВКАЗА

(семейный быт нахов и осетин)

Резюме

Научное изучение семейных взаимоотношений, вместе с другими основными вопросами общественного быта, начинается со второй половины XIX в., когда этнография оформилась в качестве самостоятельной научной дисциплины. С этого же времени внимание исследователей привлекает и семейный быт кавказских народов. Большой интерес исследователей к изучению форм семьи был обусловлен длительно сохранившимся тут богатым фактическим материалом, который лег в основу многочисленных описаний и исследований. Этот материал превратился в достояние общей этнографии.

Вопреки т. н. «патриархальной теории», согласно которой человечество на протяжении своего существования знало, якобы, лишь моногамную семью и патриархальный строй, Ф. Энгельс в своем труде «Происхождение семьи, частной собственности и государства» обосновал, что до моногамной семьи существовала семейная община. Заслуживает внимания то обстоятельство, что при этом Ф. Энгельс обратил внимание на Кавказ и использовал в качестве одного из своих источников труды М. Ковалевского, написанные последним именно на материале, касающегося семейного быта народов Кавказа. Данный факт свидетельствует о том, что кавказский этнографический материал сыграл важнейшую роль в исследовании проблемы форм семьи в свете общей этнографии.

Семейные взаимоотношения кавказских народов изучены с большой или меньшей полнотой. Если, например, проблеме семейного быта грузинского народа посвящены капитальные монографии, о соседней Ингушетии по данному вопросу не существует даже труда последовательно описательного характера. Однако, несмотря на наличие столь резкой неравномерности в разработке упомянутого вопроса, специалисты придерживаются одного, определенного мнения. Почти все исследователи, изучавшие вопросы семейных взаимоотношений на конкретном кавказском этнографическом материале, без колеба-

ний признают существование семейной общины в древнейшем прошлом кавказских народов. Это положение вошло как в пособие по общей этнографии, так и в обобщающие работы по истории отдельных народов Кавказа. Вместе с тем, среди компетентных советских этнографов не вызывает споров и то обстоятельство, что у народов Кавказа с развитием классового общества господствующей формой семьи стала индивидуальная семья, но рядом с ней спорадически продолжала существовать и сохранившаяся в виде пережитка семейная община.

Вместе с тем, кавказоведческая литература выявляет богатое разнообразие пережиточных форм семейных взаимоотношений, обусловленное локальными особенностями и различным уровнем общественно-экономического развития народов Кавказа. В этих условиях введение нового материала в научный обиход дает возможность наметить некоторые общие закономерности и отдельные этапы в процессе развития форм семьи. Для осуществления этой задачи требовалось, в первую очередь, выявление неизвестного до сегодняшнего дня этнографического материала. Собранные нами полевые материалы в нагорной части Восточной Грузии, в Чечено-Ингушетии и в Осетии, а также письменные источники и литературные данные, легли в основу данной монографии. В этой части труда изучены формы семьи ингушей, чеченцев, панкисских кистин и осетин; вторая книга, подготовленная к изданию, касается семейного быта грузин-горцев.

Итоги исследования показали, что в быту грузин-горцев, вместе с индивидуальной семьей, занимавшей в равнинной Грузии господствующее положение, спорадически сосуществовала и пережиточная форма семейной общины, отдельные образцы которой бытовали преимущественно в горных районах.

Подобные формы семьи существовали и у горцев Северного Кавказа, в частности у осетин, чеченцев, и ингушей.

Одной из характерных черт семейной общины нахов и осетин было проживание нескольких семейных пар и нескольких поколений вместе. Указанное положение описано на основе непосредственных наблюдений не одним исследователем XVIII—XIX вв. То же самое подтверждается традициями, дошедшими до наших дней. Генеалогии, составленные на основе сведений сказителей, показывают, что представителями перво-

го поколения в семье иногда была одна брачная пара, а иногда — несколько братьев и двоюродных братьев со своими женами. В такой обстановке родственная линия в последующих поколениях постепенно расширялась, в результате чего на протяжении четырех-пяти поколений создавалось многоколенное родство, в состав которого входили деды и бабушки, отцы и матери, дяди и тети, невестки и золовки, братья и двоюродные братья и сестры, дети, внуки, правнуки и т. д.

Особенно обильные и выразительные материалы о семьях с таким составом засвидетельствованы в Осетии. Из Чечено-Ингушетии особенно интересной в этом отношении, оказалась Горная Ингушетия. Традиция жизни неразделенной семьи так же, как и пережитки общинного строя вообще, здесь продержались дольше, чем среди чеченцев, у которых более раннее появление шарията потрясло основу местных традиций. Существование больших семейств среди кистин Панкисского ущелья, которые начали здесь поселяться с 30-х годов XIX в., не подтвердилось. Поселение здесь кистин происходило тогда, когда семейные общины, сохранившиеся в пережиточной форме, разлагались как в Чечено-Ингушетии, откуда шли кистины, так и у подножья гор Восточной Грузии, где они оседали на постоянное местожительство. В Панкисском ущелье мы описали не одну многочисленную семью, но ни одно из них не объединяло много поколений. Таким образом, там существовали, в одном случае малочисленные индивидуальные семьи, а в другом — многочисленные индивидуальные семьи, которые не имели вышеуказанных черт, характерных для семейной общины.

Порядок проживания под одной кровлей многочисленного круга близких родственников—представителей многих поколений был одним из основных признаков, характерных вообще для семейной общины, как родственной единицы, сохранившейся в пережиточной форме в быту нахов и осетин.

Вторым значительным моментом при изучении семейного быта является экономическая основа семьи. В монографии это вопрос освещен на основании конкретных данных. В одном случае объектом наших исследований была отдельно взятая семья, в другом — село и ущелье, а в третьем — исследуемый край в целом. Изучение вопроса, с этой точки зрения, показало, что различные друг от друга экономические условия имелись как у

народов Центрального Кавказа, так и у населения отдельных ущелий и селений. Эти различия были обусловлены как хозяйственно-географической средой, так и социальной организацией жителей. Вместе с тем, каждый народ, население каждого ущелья характеризовалось различным сочетанием основных отраслей хозяйства и различным уровнем развития каждой из них. Однако, общим признаком почти во всех горных районах Центрального Кавказа является то обстоятельство, что основными отраслями хозяйства были горное земледелие и скотоводство. Общим для всех ущелий этого района Кавказа было и то, что земледелие являлось древнейшей и высококультурной отраслью, но по удельному весу оно уступало скотоводству, для развития которого в горной полосе Центрального Кавказа были более благоприятные хозяйственные условия, чем для земледелия. В этом отношении в нагорьях Чечено-Ингушетии и Осетии отмечено положение, аналогичное с горной Грузией.

Наряду с земледелием и скотоводством в экономике горцев Центрального Кавказа большое место отводится кустарной промышленности и торговле, но все эти занятия носят вспомогательный характер.

По масштабам развития они столь же непостоянны, как и экономическое положение семьи. Отсталость той или иной отрасли и развитие другой меняло экономическое положение семьи, но пережиточная форма семейной общины горцев Центрального Кавказа бытовала как в условиях крупно-рогатого скотоводства и земледелия, так и в условиях развитого овцеводства. Экономической основой существования этой формы семьи в одной и той же эпохе могла быть любая из вышеназванных отраслей хозяйства. В частности, в Осетии и Чечено-Ингушетии существование (семейных общин также не было обусловлено какой-либо отраслью хозяйства.

Третьим основным моментом в сфере семейных взаимоотношений нахов и осетин является система управления семьей и существующая в ней организация труда. Общим для нахов и осетин явлением в сфере управления семьей был половозрастной принцип, носивший так же, как и в быту других народов Кавказа, традиционный характер. По возрасту и полу в семье выделялись дела, отдельно выполняемые, с одной стороны мужчинами и женщинами, а с другой — старшими и младшими.

Указанное обстоятельство было особенно характерным для пережиточной формы семейной общины, поскольку управление многочисленной социальной единицей, объединяющей три-пять поколений, было невозможным вне веками выработанных традиционных норм. Нарушение этого принципа управления семьей, так же, как и нарушение ее экономических основ и развитие частнособственнических тенденций внутри семьи, подрывало ее единство.

Как в семейной общине, так и в индивидуальной семье, самыми большими правами пользовался старейший мужчина, которому было вверено общее управление семьей. Характерным для большой семьи было существование в ней приоритета старейшего мужчины и норм взаимоотношений между членами семьи, соответствующих возрасту, что было обусловлено проживанием вместе нескольких поколений. Правовая дифференциация по возрасту была менее заметна в индивидуальной семье, включающей, по существу два поколения в лице родителей и детей. В такой семье главенство было неприкосновенным правом отца. Этот последний момент был ясно выявлен в Панкисском ущелье, в результате изучения системы управления индивидуальной многочисленной семьей. Распределение функций между его членами не было и не могло быть таким, каким оно было внутри большой семьи. Но в том же ущелье, населенном кистинами, существовали и многочисленные индивидуальные семьи, в которых нормы обязанностей членов семьи были более резко размсжеваны по поло-возрастному признаку, чем в малочисленных индивидуальных семьях. Поскольку поло-возрастная дифференциация была характерной для семейной общины, можно полагать, что эта традиция в индивидуальной семье кистин была завещана семейной общиной.

В управлении семьей большое значение имел возраст, а также способности и авторитет старшего. Игнорирование возрастом происходило в том случае, если глава семьи не заслуживал уважения. Вместе с тем, мы замечаем характерный для семейного быта осетин и нахов порядок, который предусматривал согласованность действия старшего с мнением совершеннолетних членов семьи. В противном случае могло последовать отстранение главы семьи. Все это свидетельствует о том, что глава семьи не был единоличным и самовольным деспотом, как

это было в деспотичных семействах у восточных народов. В семьях нахов и осетин управление семьей опиралось на принципы солидарности. Лишь в позднее время в семьях нахов появились элементы деспотизма в результате господства здесь ислама. Поэтому мы не считаем верным утверждение некоторых исследователей о том, будто даже для осетинской семейной общины деспотизм был характерным явлением. В семьях, в которых действия старшего соответствовали желаниям всего коллектива и окончательное решение выносилось с согласия всех членов семьи, можно было заметить солидарную систему управления. С этой стороны нахская и осетинская семейная общины, по своей природе, близко стояли к грузинской семейной общине, которая на протяжении своего существования сохраняла основы солидарного управления.

Более убедительным признаком существования у горцев Центрального Кавказа семейной общины в пережиточной форме является характер собственности, о чем ясное представление дает принцип наследования имущества членами разделившейся семьи.

В быту нахов и осетин общесемейное имущество делилось между дольщиками поровну. Дольщиками большей частью являлись только мужчины, представители второго поколения, которые оказывались во главе филиаций, образованных в результате сегментации больших семейств. Разделение имущества между дольщиками происходило поровну, независимо от их положения: многодетный дольщик получал столько же имущества, сколько и бездетный дольщик. По душам делили годовую запас хлеба и продуктов, наличный в момент разделения семьи. Имущество умершего дольщика передавали его жене и детям в том случае, если дольщик имел сыновей. В противном случае, в собственность вдовы и дочерей передавали лишь часть дома, минимальное содержание в виде скота для пропитания и землю во временное пользование. После смерти вдовы и замужества дочерей земля опять переходила в руки дольщиков — мужчин.

Личной собственностью женщин нахов и осетин считалось лишь приданное незначительной стоимости в виде постели и личных вещей, полученных в отцовском доме. Вместе с тем, кое-где подтвердился порядок передачи невесте скота в качестве

приданного. В Ингушетии женщинам давали корову, однако, она оставалась собственностью женщины или нет после ее перехода в семью мужа, выяснить не удалось. В быту панкисских кистин, в соответствии с существующим порядком, корова или пять овец считались неприкосновенностью женщин, а их приплод входил в обще-семейное имущество. И в Южной Осетии женщине при замужестве отдавали с отцовского дома корову или несколько овец; этот обычай был неизвестен в Северной Осетии.

Женщина это приданное присоединяла к общему имуществу семьи мужа. Приплод и продукты здесь были в общем употреблении. При разделе семьи приплод делился поровну между дольщиками, а тавни (скот, который жена привела в семью) возвращался женщине. Этот порядок представляется общекавказским явлением, напоминающим грузинское сатавно. Под этим же названием он известен в Южной Осетии, что объясняется грузинским влиянием. Это общекавказское явление у различных народов Кавказа представлено в различной форме, что является, в свою очередь, признаком разной степени развития семьи. Там, где сатавно (тавни и приплод) составляли только личную собственность женщины, в семьях была углублена частнособственническая тенденция (Картли, Кахети). Там, где сатавно со дня замужества женщины переходило в общесемейную собственность и теряло характер личной собственности, семья сравнительно прочно сохраняла традицию общей собственности на имущество (Хеви). Там, где тавни оставался в личной собственности женщины, а приплод переходил в общесемейное потребление, видимо отражалась борьба между интересами личной и общей собственности. Отражение этой борьбы мы видим в Южной Осетии на ступени разложения пережитков семейной общины, а в Панкисском ущелье — внутри многочисленной индивидуальной семьи, где эта борьба подходила к концу и склонялась в пользу частной собственности.

Важным моментом при разделе общего имущества является также вопрос о саупросо (надбавка к братской доле за старшинство) и саумцросо (надбавка к братской доле за младшинство), о чем в специальной литературе высказаны различные соображения. Большей частью вопрос касается то-

то, можно ли увидеть в правилах выделения саупросо майорат, а в саумцросо — минорат. Конкретный материал приводит нас к отрицательному ответу. Ни среди нахов, ни среди осетин выделение старшему дольщику излишнего имущества не представляется обязательным порядком. Выделение сравнительно большого имущества в собственность старшего дольщика зависело от общего решения дольщиков. Поэтому, часто случалось так, что старший получал равную с остальными дольщиками часть, особенно тогда, когда он не заслуживал получения излишков. Что же касается саумцросо, то он давался только холостым дольщикам для покрытия брачных расходов, подобных тем, которые несли на своей свадьбе женатые дольщики до раздела семьи с общего имущества. Не существовало право требования ни саупросо, ни саумцросо. Поэтому, отождествление майората и минората с саупросо и саумцросо невозможно.

Эти, основные и характерные для семейных взаимоотношений, черты в быту горцев Центрального Кавказа складывались в течение веков. Характерным для развития общественных отношений нахов и осетин, также как и грузин-горцев, было разложение общинного строя и развитие феодальных отношений. В нагорье Центрального Кавказа феодализм не принял высокоразвитую форму. Поэтому, в отличие от развитого феодализма он называется горским. Эта ступень общественных отношений характеризуется наличием пережитков общинного быта. К пережиткам такого характера относится и семейная община. Развитие общественных отношений накладывало и на семью свое клеймо. В условиях феодального общества семейная община постепенно теряла свое первоначальное лицо, что выразилось, в первую очередь, в характере собственности. С развитием капиталистических отношений в пережиточно сохранившихся больших семьях углублялись частнособственнические тенденции, которые выполняли роль мотылька семейной общины.

В результате разложения большой семьи создавались с одной стороны индивидуальные семьи, с другой — патронимия, которая объединяла несколько семейств, происходивших в результате сегментации большой семьи и обоснования ее в одном квартале.

შემოკლებათა განმარტება

- თ ს უ შ — თბილისის სახელმწიფო უნივერსიტეტის შრომები
კ ე კ — კავკასიის ეთნოგრაფიული კრებული
შ ს ე — მასალები საქართველოს ეთნოგრაფიისათვის
შ ს კ ე — მასალები საქართველოსა და კავკასიის ისტორიისათვის
АН — Архитектурное наследство
АКАК — Акты собранные кавказской археографической комиссией
ВЕ — Вестник Европы
ВДИ — Вестник древней истории
ЗКОИРГО — Записки кавказского отдела императорского русского географического общества
ИКОИРГО — Известия кавказского отдела императорского русского географического общества
ИНИИИК — Известия ингушского научно-исследовательского института краеведения
ИЧИНИИ — Известия чечено-ингушского научно-исследовательского института
ИЧИРКМ — Известия чечено-ингушского республиканского краеведческого музея
ИСОНИИ — Известия северо-осетинского научно-исследовательского института
ИЮОНИИ — Известия юго-осетинского научно-исследовательского института
ИЮОНИИК — Известия юго-осетинского научно-исследовательского института краеведения
ИЮНИИИ АН ГССР — Известия юго-осетинского научно-исследовательского института Академии наук Грузинской ССР
КСИЭ — Краткие сообщения Института этнографии
КЭС — Кавказский этнографический сборник (Тбилиси)
МАК — Материалы по археологии Кавказа
МИЭБГКЭК — Материалы для изучения экономического быта государственных крестьян Закавказского края
РС — Русская старина
РМ — Русская мысль
РИ — Русский инвалид
СЭ — Советская этнография

СМЭ — Сборник материалов по этнографии, изд. при Дашковском этнографическом музее

СМОМПК — Сборник материалов для описания местностей и племен Кавказа

СИИТА — Сообщения Института истории и теории архитектуры

ССК — Сборник сведений о Кавказе

ССКГ — Сборник сведений о кавказских горцах

ССТО — Сборник сведений о Терской области

ТС — Терский сборник

ТВ—Терские ведомости

УЗИЭНКНВ — Ученые записки Института этнических и национальных культур народов Востока

ЭО — Этнографическое обозрение

ЮВ — Юридический вестник

შ ი ნ ა ა რ ს ი

	გვ. 3
შ ე ს ა ვ ა ლ ი ნ ა წ ი ლ ი პ ი რ ვ ე ლ ი	
საოჯახო ყოფა ჩაჩნეთ-ინგუშეთში	13
პ ი რ ვ ე ლ ი თ ა ვ ი. ოჯახის შემადგენლობა	13
მ ე ო რ ე თ ა ვ ი. ოჯახის ეკონომიური საფუძვლები	36
მ ე ს ა მ ე თ ა ვ ი. ოჯახის მმართველობის სისტემა და მასში არსებული შრომის ორგანიზაცია	61
მ ე ო თ ხ ე თ ა ვ ი. ოჯახის წევრთა ქცევისა და ურთიერთდამოკიდებულების ნორმები	78
მ ე ხ უ თ ე თ ა ვ ი. ოჯახის გაყრის წესი და ქონების განაწილების პრინციპი	100
სკჟემები	136
ნ ა წ ი ლ ი მ ე ო რ ე	
პანკისელი ქისტების საოჯახო ყოფა	137
ნ ა წ ი ლ ი მ ე ს ა მ ე	
ოსების საოჯახო ყოფა	195
პ ი რ ვ ე ლ ი თ ა ვ ი. ოჯახის შემადგენლობა	195
მ ე ო რ ე თ ა ვ ი. ოჯახის ეკონომიური საფუძვლები	212
მ ე ს ა მ ე თ ა ვ ი. ოჯახის მმართველობის სისტემა და მასში არსებული შრომის ორგანიზაცია	245
მ ე ო თ ხ ე თ ა ვ ი. ოჯახის გაყრის წესი და ქონების განაწილების პრინციპი	271
Резюме	309
შემოკლებათა გაწმარტება	317

Валериан Джамбулович Итонишвили

СЕМЕЙНЫЙ БЫТ ГОРЦЕВ
ЦЕНТРАЛЬНОГО КAVKAZA

I

СЕМЕЙНЫЙ БЫТ НАХОВ И ОСЕТИН

დაიბეჭდა საქართველოს სსრ მეცნიერებათა აკადემიის
სარედაქციო-საგამომცემლო საბჭოს დადგენილებით

*

1

რედაქტორი ალ. რობაქიძე
გამომცემლობის რედაქტორი ელ. ქაჭაია
მხატვარი ე. ხმალაძე
ტექნორედაქტორი ლ. ჭევეზენაძე
კორექტორი ლ. შაისურაძე

გადაეცა წარმოებას 28.2.1969; ხელმოწერილია დასაბეჭდად 26.12.1969;
ჭალალდის ზომა 60X90¹/₁₆; ნაბეჭდი თაბახი 20.12; სააღრიცხვო-საგამომცემლო
თაბახი 19.09; უე 01409; ტირაჟი 1500; შეკვეთა 749; ფასი 1 მან. 72 კაპ.

გამომცემლობა „მეცნიერება“, თბილისი, 60, კუტუზოვის ქ., 15
Издательство «Мецниереба», Тбилиси, 60, ул. Кутузова, 15

საქართველოს სსრ მეცნიერებათა აკადემიის სტამბა, თბილისი 60, კუტუზოვის ქ. 15
Типография Академии наук ГССР, Тбилиси, 60, ул. Кутузова, 15